

71P 15.59 15
4/5 3 vol 1

15.1.3.

Thomas F. Torrance

Thomas F. Torrance

SCS #1278

M. David Rolloci
IN SELECTOS

ALIQUOT PSALMOS VIZ: 18

lib. 1 DAVIDIS, *David Rolloci*

ROBERTI ROLLOCI

Scoti, Ecclesiae Edimburgensis

Ministri,

COMMENTARIUS,

Editio Secunda.



GENEVÆ

Apud Iacobum Stœr,

M. DCX.

SCS #1278



THEOLOGIAE STV.
DIOSIS, TYPOGRA-
PHVS S.



QVVM ex Scotia missus ad nos fuisset excudendus D. Roberti Rolloci, Edimburgensis Ecclesiae vigilantissimi Pastoris, in selectos quindecim Davidis regis & Rrophetae Psalmos Commentarius, doctrina multiplici, methodo accurata, breuiq; perspicuitate conscriptus: in eoque prater ea passim occurrerent pietatis ignes, qui in cordibus legentium, resipiscentiae, fidei, charitatis, spei scintillas accendere possint: nolimus praeclarum opus nobis commissum diutius detinere, sed curauimus ut quamprimum in publicum prodiret. Auctor verò, quum sine praefatione manuscriptum exemplar curasset nobis adferri, de vobis eum cogitasse in exarando suo commentario mini-

mè dubitauimus. Nunc igitur, librum vobis consecratum offerimus, cuius doctrinam & methodum si vobis familiarem redditis, speramus labores vestros fore utiles in Domino, quem precamur ut vestris sanctis meditationibus ac studiis magis ac magis benedicat. Ne autem pagellæ sequentes vacarent, ex iudicio quorundam piorum virorum, nonnulla subiecimus quæ vobis cupimus esse grata. Valete in Christo. Ex Typographæia nostra Geneuæ, Calendis Martiis, Anno M. D. C. X.

THEO-





THEOLOGORVM VE-
TERVM SENTENTIÆ
DE PSALMIS
DAVIDIS.

ATHANASIUS *De Interpretatio-
ne Psalmorum, ad Mar-
cellinum.*

ARBITROR in Psalmis omnem vitā
humanam, tum animę affectiones,
tum mentis conceptiones, suo mo-
do ac magnitudine definitas contineri, nihil-
que vltra hæc in rebus humanis reperiri pos-
se. Si enim pœnitentiæ, aut confessionis, vsus
requiratur: aut tentatio, aut tribulatio appre-
henderit te, aut per persecutione insidiisq; in-
festatus, aut in mœstitiā perturbationemve
coniectus sis, aut aliquid huiusmodi patiare,
quemadmodum superius dictum est: Aut si
te in virtutibus proficere, aduersarium verò
debilitari sentias: aut si laudare, gratias agere,
aut benedicere Domino volueris, omnium i-
starum rerum institutionē in Psalmis habes.
Licebit enim eos, vt cuiusq; argumentū lo-
quitur, ad rem præsentem desumere, ac ita
legere tanquam de tuo negotio affectioni-

busque essent conscripti, eosque tuo consensu,
similique affectu prosequens, Domino offerre.

BASILIVS Magnus, *In primum
Psalmum.*

Liber Psalmorum quod ex omnibus vtilissimum est complectitur, predicat futura, historias commemorat, vitæ leges prescribit, admonet quid faciendum sit: & ut summatim dicam, commune prompturarium est bonorum documentorum, unde quod cuique utile est ad curationem promitur. Nam & vetera vulnera animarum sanat, & recenter vulneratis medicamentum adhibet, & quod morbidum est instaurat, & quod est sincerum conseruat. Et affectus, qui variis modis animas hominum perturbant in hac vita, quantum fieri potest in hac vita coercet, idque cum quadam animi oblectatione concinna, & voluptate, quæ castam quandam cogitationem in mente generat.

GREG. NAZIANZENS,
De Psalmis.

Quam suavis & iocundus vitæ comes Propheta David est in omnibus itineribus vitæ sese offerens, & omnibus ætatibus spiritualibus sese commodè adiungens! Omnem ordinem progredientium subleuat, cum iis qui iuxta Deum infantes sunt, colludit, cum iis vna certat, iuuentutem moderatur, senectutem subleuat, atque sustentat, omnibus omnia fit, militum telum, athle-

athletarū institutor, exercentiū sese palæstra,
vincentiū corona, immensa delectatio, in lu-
ctu & funere cōsolatio. Nihil est in vita no-
stra, quod huius officij expers sit. Quæ virtus
orationis, inuocationis, quam David nō adiu-
uet? quæ diei festi lætitia, propheta eum non
exhilarante, atque iocundum reddente?

AUGUSTINVS, *De ysdem.*

Quid est quod non discatur in Psalmis?
Non omnis magnitudo virtutis? non
norma iustitiæ? non pudicitiae decor? nō pru-
dentiae consummatio? non patientiae regula?
Non omne quod potest dici bonum, & quod
ad vtilitatē animæ pertinet, procedat ex ipsis?
Dei scientia, perfecta prænuntiatio Christi in
carnem venturi, & communis resurrectionis
spes, suppliciorum metus, gloriæ pollicitatio,
mysteriorū reuelatio. Omnia prorsus in his,
velut in magno quodam & communi the-
sauro recondita, atque confecta sunt bona.

AMBROSIVS, *Præfat. in Psalmos.*

IN libro Psalmorum profectus est omniū,
& medicina quædam salutis humanæ. Qui-
cunque legerit habet, quo propriæ vulnera
passionis speciali possit curare remedio. Qui-
cunq; certare voluerit, tanquam in commu-
ni animarū gymnasio, & quodā stadio virtutū
diuersa genera certaminum reperies præpa-
rata, id sibi eligat, cui se intelligit aptiorē, quo

facilius perueniat ad coronam. Si quis gesta recensere maiorum studeat, atque imitari velit, intra vnum Psalmum totam paternæ historiæ seriem accepit comprehensam, vt thesaurum memoriæ compendio lectionis acquirat. Faciliora quoq; videntur quæ breuius explicantur. Illud etiam quantæ altitudinis, quod breui interuallo offensionum aduersa distinxit, & reconciliationis secunda subtexuit? vt simul cognosceret, quid incredulitas obesset offensa, quid fides prompta conferret. Si quis vim legis explorat, quæ tota in vinculo charitatis est (qui enim diligit proximum legem impleuit) in Psalmis legat quâto dilectionis affectu pro totius plebis opprobrio repellendo periculis se grauibus solus obiecerit: in quo nō imparem charitatis gloriam triumpho virtutis agnoscit. Si quis correptionum sæua formidat, audiat dicentem: Domine ne in ira tua me arguas, neq; in furore tuo corripias me: & discat quemadmodum debeat irati iudicis temperare censuram. Si quis patientiæ agnoscere gestit exemplum, legat in Psalmis: Si reddidi retribuētibus mihi mala, & aduertat quia præceptum Euāgelicū spiritu præuidit, virtute præuenit.

CHRYSOSTOMVS in Præmio Psalmorum, Tomo primo.

OMnis scriptura à Deo inspirata, vt ait beatus Apostolus est utilis ad docendū, ad ar-

ad arguendum, ad corrigendum, ad discipli-
nam, quæ est in iustitia. Docet enim quæ sunt
utilia: arguit autem peccata, & quæ defunt
corrigit, & hominem ita perfectum reddit. Sub-
iungit enim, ut sit integer homo Dei, ad omne
opus bonum perfectus. Nec errauerit quis-
piam, si uniuersam hanc Diuinæ scripturæ lau-
dem in hoc libro Psalmorum simul esse dixe-
rit. Iustitiam enim leniter proponit: docet &
comiter eos qui discere voluerint: insolentio-
res autem diligenter & non asperè increpat.
Rursus autem corrigit delicta, quæ fortè nostra
sponte à nobis admissa sunt. Sed hæc quidē nō
perinde intelligimus quādo canimus, ut quā-
do in ipsis seorsim versamur negotiis, & Psal-
mis nobis opus fuerit. Beati itaq; sunt existi-
mādi ij qui ijs solis Psalmis indigent, quibus a-
guntur gratiæ propter vitæ prosperitatē. Sed
quoniam fieri nō potest, ut qui sunt homines
difficultates non sentiant, & atterantur affli-
ctionibus, & in necessitates tam externas,
quàm quæ in nobis cooriuntur incidant, uti-
lissimum medicamentum agnoscunt animæ
eorum qui sunt cum Deo loquenturi, aduersus
vanitates promptissimam in Psalmis denun-
tiationem ipsius sancti Spiritus, qui res qui-
dem omnes humanas præelegit, per beatissi-
mum autem Prophetam Dauid exposuit vo-
ces malis conuenientes, per quas curari pos-
sint, qui in ea inciderunt.

GREGORIUS *cogn. Magnus, Prologo in
septem Psalmos Pœnitentiales.*

Sille Rex & Propheta conuenienter Dauid, id est, manu fortis, vocatus est: quia vrsū interfecit, leonem suffocauit, Goliath fortissimum lapidis vnus ictu prostrauit, & gētes innumeras imperij sui ditioni subegit: non incongruè eodem nomine sanctam animam accipimus, quæ illum qui quasi leo rugiens circuit, quærens quem deuoret, in se ipsa interficit: & si quando eam sicut fortis armatus aperto certamine aggreditur, lapidis, quem reprobauerunt ædificantes, illum ictu prosternit, corporis nihilo minus passiones subigit, atque ad virtutū officia cōuertit. Psalterium quoq; eandē animam spiritualibus exercitijs assuetam non incōuenienter nominamus. Sicut enim musicum illud instrumentum triangulum decem chordarum inferius quidem percutitur, superius verò sonare videtur: ita anima, sanctæ trinitatis fide formata, decem legis præceptis instructa, inferius percutitur, & superius auditur: quia cū carnem aliquis perfectè afflixerit, tunc suauissimum Deo in dulcedine melos reddit.

BERNARDVS, *De modo bene
viviendi, Sermon. 52.*

QVicumq; fideliter & intenta mente Psalmos decantat, quodāmodo angelis Dei socia-

sociatur. Quomodo? quia homo illum pro modulo suo laudat in terris, quem angeli sine intermissione adorant & glorificant in cœlis. Psalmorum decantatio aliquando cōmouet nos ad lachrymas, aliquando inuitat nos ad orationem. Psalmi faciunt nobis gratas esse vigilias noctis, dicentes: Exultate iusti in Domino, rectos decet collaudatio. Psalmi pronunciant nobis horam diei primam cum exultatione lucis, dicendo: Deus in nomine tuo saluum me fac, & in virtute tua iudica me. Psalmi consecrant nobis horam diei tertiam, quum dicunt: Et veniat super nos misericordia tua, Domine, salutare tuum secundū eloquium tuum. Psalmi nos lætificant hora diei sexta, in panis confectione. Psalmi ad horam diei nonam ieiunia resoluunt, & nos satiant dulcedine ac suauitate spirituali. Psalmi nos Deo commendant hora diei vespertina, dicendo: Dirigatur Domine oratio mea sicut incensum in cōspectu tuo, eleuatio manuum mearum sacrificium vespertinū. Psalmi nos admonent vt benedicamus Dominū ad completorium, dicentes: Ecce nunc benedicite Dominum omnes serui Domini.

Quòd delectatur Deus in laudibus fideiū, testatur sponsus scilicet Christus, qui in Canticis Canticorum sponsæ, scilicet sanctæ animæ, loquitur dicens: Qui habitat in hortis. In hortis habitat Ecclesia vel quælibet sancta a-

nima, quæ iam viriditate & spe bonorum operû est repleta. Quæ ergo in hortis habitat, oportet vt sponsum suum vocem suam audire faciat, id est, cantum bonæ prædicationis, vel sanctæ iubilationis, vel vocē diuinæ laudis emittat, in qua ille delectetur quam desiderat, quam amici auscultât, videlicet omnes electi qui verba vitæ, scilicet lectiones, Psalmos, hymnos, & canticos spirituales audire desiderant, vt ad cœlestem patriam reuiuiscant.

PSALMORVM , QVI HOC
Commentario explicantur ,

I N D E X .

	<i>Tertius</i>	<i>pag.1.</i>
	<i>Sextus</i>	22
	<i>Decimus sextus</i>	49
	<i>Vigesimus tertius</i>	71
	<i>Trigesimus secundus</i>	82
	<i>Trigesimus nonus</i>	125
	<i>Quadragesimus secundus</i>	141
PSALMVS	<i>Quadragesimus nonus</i>	162
	<i>Quinquagesimus primus</i>	176
	<i>Sexagesimus secundus</i>	240
	<i>Sexagesimus quintus</i>	255
	<i>Octuagesimus quartus</i>	263
	<i>Centesimus decimus sextus</i>	278
	<i>Centesimus trigesimus</i>	312
	<i>Centesimus trigesimus septimus</i>	339.



COMMENTARIUS
IN SELECTOS ALI-
QUOT PSALMOS.

IN PSALMVM III.

Argumentum.

Psalmus est *ὑμνός*. Ex inscriptione autem patet & quis sit eius author, & quæ sit eius scribendi occasio. *Psalmus Davidis* (inquit) *cum fugeretur metu Abschalomi filij sui*. Occasionem fusè explicatam vide. 2. Samuel. 15. vsque ad cap. 20.

Nunc ut ad ré veniamus, constat Psalmus tribus partibus. *Primum*, est grauis querimonia, à versu 2. ad versu 4. *Desinde*, est gloriatio fidei ex sensu quoddam misericordiæ & liberationis diuinæ, quam inter querendū videtur percepisse ac degustasse, ad vers. 8. *Tersio*, est petitio duplex, prior, pro se: posterior, pro toto populo: ad finem Psalmi.

PSALMVS III.

1 *Psalmus Davidis, cum fugeretur metu Abschalomi filij sui.*

2 *Iehoua, quàm multi sunt hostes mei: multi insurgentes contra me!*

3 *Multi dicentes de anima mea, non est vlla salus isti in Deo! Sela.*

IEHOUA, quàm multi. Prima *prima* pars Psalmi, querimonia, quæ *pars psal.* existit, vt faciliè videtur, ex corde, par tim oppresso grauitate afflictionū.

*Afflictio-
nis gravi-
tas.*

*Ecclesia
Dei com-
munis.*

Causa.

Remediū.

partim attonito multitudine hostium: nū-
quam enim satis admirari potest tantam
multitudinem ab Abschalomo filio sedu-
ctam tam citò. Ideoq; admirans simul &
attonitus ter illud repetit, *Quàm multi
sunt!* Grauitas autem afflictionis satis ap-
paret ex gradibus querimonię: neq; enim
queritur de multis tantum hostibus, sed
de multis hostibus insurgentibus contra
ipsum: neque id tantum, sed de multis ho-
stibus in Deum blasphemis pariter & in
ipsum contumeliosis: de quo tanquam de
reprobo aliquo loquuntur. Ex hoc tertio
& summo gradu, illud in exēplo Davidis
conspicitur, solere Deum nōnunquam ita
suos etiam, sibi que dilectos exercere, vt
videantur mundo in numero reproborū
esse, & à Deo desertorum. Neque fit illud
immeritò: multę enim sunt defectiones e-
tiam optimi cuiusque, & peccatum sæpe
numero videtur electis suaue. Itaque finit
Deus eos vicissim gustare quàm acerbus
sit peccati fructus. Interea tamen ita mi-
tigat hunc sensum fructus peccati, vt non
patiat eum sentire simul ac semel vni-
uersam illā eius acerbitatē: partem autem
eam illius sensus & amaritudinis, quam
gustandam iis præbet, ita immutat, vt ex
amaritudine dulcedinem efficiat: ex eo,
quod est suapte natura peccati fructus &
pœna,

poenā, efficiat quasi viam ad emendationem vitæ, adeoque ad cœlos ipsos. Præposterā alicui videri potest via ista, qua quis per inferos ad cœlos euadat. Id tamen efficit Deus, qui ex tenebris lucem educit. Nota deinde in hac querimonia & exemplo isto Davidis, pios quosque in afflictionibus solere tandem sese ad Deum conuertere. Atque illud vel solum argumentum est, poenam istam, quæ alioqui peccato infligitur, mutare naturam suam. Nunquam enim poenam, quæ poena est peccati, sequitur conuersio ad Deum, quicquid garriant Papistæ de temporalibus poenis, ut loquuntur, & satisfactionibus. Verum quo tandem modo conuertit se David ad Deum? Multis enim modis afflictus aliquis pius se ad Deum suum conuertere solet, vel enim confitendo peccata sua, vel petendo liberationem à præsentī afflictione, vel denique querendo & expostulando cum Deo, sese ad eum conuertit. David autem in hoc Psalmo conuertit se ad Deum querendo & lamentando: non quidem quod non agnoscat simul peccatum ac meritum suum, se nimirum merito suo ita afflictum. Nusquam enim legimus sic questum esse dauidem, immeritò se aliquid à Deo suo perpeßum esse. Queritur fateor alicubi se immeritò ab hominibus & ini-

*Fructus**Conuer-
sionis ad
Deum
ra-
tio.*

miciis suis multa perpeti: sed à Deo se perpeti aliquid immeritò non queritur vspiã.

*Davidis
querela,
qualis.*

Qua de re autẽ queratur hoc loco, satis manifestum est ex verbis ipsius: queritur enim non modò de multitudine hostium, sed etiam de nimia afflictionis grauitate: vt si puer aliquis castigatus à parente, queratur se durius tractari. Quanquam interea illud verum est, nunquam Deum tentare

1. Cor. 10.

suos supra id quod possunt sustinere. *Non sinet vos tentari supra id quod potestis: sed præstabit cum tentatione etiam euasione, vt possitis sufferre.* Reprobos, fateor onerat supra id quod sufferre possunt. Ideoque conquestus est Cain, quòd maior pœna ipsius esset, quàm vt sustinere posset. Verum suos

Gene. 4.

13.

Deus non ita tentat, quanquam ita ipsis videtur nonnunquam propter naturæ nostræ infirmitatem. Quidquæso sibi vult illud, quòd quis etiam in mediis tentationibus (de pijs loquor) dum ad Deum se recipit, sentiat se aliquando ex parte subleuari: quòdque cū suspiriis inenarrabilibus sentiat gaudium ineffabile? quid aliud quæso ea re significatur, quàm dum confugiunt pij ad Deum, mitigari tentationem, & elabi eos quodam modo ac euadere ex media

*Tentatio
piorum.*

tentatione, vt loquar cum Apostolo. Impij dum puniuntur à Deo, non sentiunt quidem illud, neque patèt iis ad Deum adiutus.

Impiorum.

tentatione, vt loquar cum Apostolo. Impij dum puniuntur à Deo, non sentiunt quidem illud, neque patèt iis ad Deum adiutus.

tus. Ideò grauius est onus iræ, quã vt ferre possint: de quo etiam conquestus est Cain: qui præter quàm quòd exilio damnatus e-
rat, & ex Ecclesia eiectus, abiectus quoque
fuerat à facie Dei. Gene. 4.
14.

Sed adhuc paulò diligentius examinanda nobis est Dauidis ista querimonia, videndumque ex quo tandem animo processerit. Origo querimoniæ huius, ex hac familiari cū Deo agendi ratione, quæ in querimonia Dauidis facilè conspicitur, satis se ostendit. Tã familiaris enim cū Deo agendi ratio arguit, nõ perfectã querimoniã hanc ex spiritu humano. Spiritus enim humanus nunquã adhuc ausus est coram Deo comparere eiúsque tribunali: vtcunque enim aliàs ferox esse videatur, tamẽ ad aspectum Dei horret atque intremiscit. Quãobrem necesse est querelã hanc tã familiarẽ ex Spiritu ipsius Dei perfectã esse. Hũc Spiritũ vocat adoptionis spiritũ, quĩ, vt Paulus loquitur, effundẽs in cordibus nostris paternam
illam Dei charitatem, testatur nos eadem opera filios Dei esse. Ideoque aperit os nostrum, vt clamemus Abba, Pater, & in afflictionibus conqueramur apud Deum. Hoc enim est quod dicit Apostolus, *Ipse Spiritus, inquit, interpellat pro nobis suspiriis inenarrabilibus.* Ab hoc itaque spiritu
perfecta est tam familiaris afflicti Dauidis Rom. 5. 5.
Rom. 8.
26.

querimonia. Nisi enim adsit spiritus iste, & sensus quidam paternæ dilectionis Dei, ut illud concedam fieri quidem posse, ut in afflictionibus quis vociferetur, ululet, & rugiat more Leonum ac beluarum, ut

Psal. 32.3. David de se ipso pronunciat, quo tempore in afflictionibus non est affectus sensu hoc paternæ dilectionis Dei. Verum, ut

*Querela
priorum ad
Deum.*

quis familiariter se ad Deum conuertat queraturque apud eum tanquam patrem de gravitate afflictionis, fieri nullo modo potest, nisi adsit Spiritus iste, & sensus sit quidam paternæ dilectionis. Servus qui solummetuit Dominum suum propter iram, & non etiam diligit eum, neque vicissim sentit se à Domino suo diligi dum

*Servilis
& filialis
timor.*

cæditur ab irato domino, non conuertit se ad eum, non exostulat eum eo familiariter: verum ut Dominus eum inhumaniter tractat, ita ille non tam more hominum queritur, quàm beluarum more rugit atque ululat, citra omnem sensum dilectionis Domini sui. At verò filius qui afficitur dilectionis paternæ sensu aliquo, in media castigatione ad parentem se conuertit, cum eoque familiariter exostulat. Ita etiam filius Dei affligitur cum Deo patre suo exostulat: à quo sentit se multò magis diligi etiam interea dum manu Dei affligitur, quàm quiuis filius naturalis, à patre

patre suo diligi potest : sentit etiam Deum Patrem simul cum ipso perpeti, & commoueri ipsis illis afflictionibus, quas aliqui ipse immittit; quemadmodum pater dum filium castigat sympathia quadam interea temporis afficitur: necessitate tamen aliqua adigitur ad filium castigandum: ne, scilicet, is deterior euadat licentia ac impunitate. Atque hactenus fuit querimonia Dauidis, quam nos in miseriis nostris debemus imitari: in quibus quidem laborandum est, ut semper adsit sensus dilectionis Dei in Christo Iesu.

Quod ad personam inimicorum Dauidis, habes in iis non modò exemplum blasphemiae in Deum, sed extremæ malitiae in homines, quæ ne animæ quidem ac alteri vitæ parcit, dum spem diuini auxilij conatur semel totam præcidere. Qua in re vides quoque mirificam eorū cecitatē, qui putāt pios, interea dū affliguntur, planè derelictos esse à Deo, seq; etiam excitatos à Deo & armatos ad eos prorsus perdēdos ac delēdos, sicuti gloriatus est aduersus populū Dei blasphem⁹ ille nebulo Rablchake. 2. Reg. 18.

*Inimici
Dauidis
typus ho-
stium Ec-
clesie.*

*An absque Iehoua ascendi contra locum hūc 25.
ad perdendum eum? Iehoua edixit mihi, A-
scende contra regionem hanc, & perde eam. Et
hæc quidem de priore Psalmi parte.*

4 *At tu Iehoua scutum es circa me: glo-*

ria mea, & extollens caput meum.

5 *Voce mea ad Iehouam clamanti, respondit mihi è monte sanctitatis sua. Sela*

6 *Ego cubui & dormiui, ex perreclus sum: quia Iehoua sustentabat me.*

7 *Non timebo à myriadibus populi, quæ circumstantes posuerint castra contra me.*

At tu Iehoua. Secūda pars Psalmi, in qua ex sensu aliquo præsentiæ ac præsidiij diuini, etsi nondū re ipsa liberatus, gloriatur tamen ac si iam liberatus esset: vix enim questus est apud Deū, cūm cœpit persentiscere eius præsentiā aliquā ac protectionē. Non enim quis ad Deū in Christo Iesu cōfugiet prius quàm eius præsidium aliquo certè modo percipiat *Venite, inquit, ad me omnes qui fatigati estis & onerati, & ego faciā vt requiescatis.* Sed quædam sunt ea, vt ad speciem descendamus, adiumenta quæ sensit Dauid à Deo proficisci, quo tempore ad eum confugeret. Dauid inermis aufugit à filio suo Abschalomo: sensit autem Deum, tāquam scutum, se totum integere ac munire. In ignominia fuit. sensit Deum sibi gloriā esse. Prostratus iacuit: sensit Deum erigere sibi caput. Vt vno verbo dicam, sensit Deum supplere in se omnem defectum. Ita se res habet; profectò nulla re planè deficeris, quam non suppeditabit vnicus ille Deus, si ad eum confugeris, sentiēque

Math. II.
18.

Miseria
& gloria
Dauidis.

tiésque vel eum solum esse tibi omnia. De-
sideras sapientiam? ille tibi erit sapientia.
desideras gloriam? ille tibi erit gloria. desi-
deras diuitias? ille tibi erit diuitiæ. denique
erit tibi omnia quæ desideras. David au-
tem dum hæc sentit, non continet ea apud
se, verum quæ sentit eloquitur, ac primùm
profitetur coram ipso Deo. Sensus iste diui- *Diuina*
næ misericordiæ planè suppressi non potest *miserico-*
& cohiberi, quin erumpat in apertam con- *dia sen-*
fessionē. Ita enim & glorificatur ipse Deus *sus.*
& qui eum sensum habet maiorem capit
consolationē, aucto nimirū per confessio-
nē misericordiæ diuinæ sensu. Quātò enim
magis prædicamus illū diuinæ in cordibus
nostris misericordiæ sensum, tantò magis
ille accrescit atque augetur. Qui verò nul-
lum vnquam verbum vel cum Deo, vel cū
hominibus facit de misericordia Dei in
Christo Iesu, is satis arguit silētio suo, non-
dum esse se eo sensu diuinæ misericordiæ
affectum, quo affici eum oportuit.

Voce mea. Pergit in gloriatione sua, ac vt
prius professus est coram Deo ipso eū mi-
sericordiæ ipsius sensum, ita nūc ad homi-
nes conuersus, apud eos eundem illū præ- *Miserico-*
dicat, exorsus primū à modo ac ratione *dia impe-*
illa qua misericordiam Dei consecutus sit; *trata agn-*
deinde singulas misericordiæ partes perse- *tio.*
quens. Ita enim fit, vt & magis glorificetur

Deus, & homines exemplo illo misericordiae Dei erga ipsum ædificentur. Neque enim insignis aliqua Dei misericordia confertur in aliquem sua solius causa, sed etiã aliorum, vt & alij ipsius exemplo conuertantur ad Deum, & misericordiam consequantur. Ideò, inquit Paulus, *misertus est mei*

1. Tim. I. 16. *Vt in me primùm ostenderet Christus omnem clementiam, vt essem exemplum credituris ipsi in vitam aeternam.* Orditur igitur Propheta à ratione ea qua misericordiam consecutus est. Cernitur autem in conuersione ad Deum & precatione: ne quis sit qui putet Deum impertiri gratiam suam non petenti, aut aperire coelos suos non pulsanti: nedum contemnenti & recusanti oblatam gratiam: vult enim Deus ita exerceri fidẽ nostram: quamuis alioqui non propter preces nostras tanquam causam aliquam meritariam nobis vel tantillum elargiatur.

*Dei fauor
erga suos
in pericul.
constitu.
eos.*

Respondit. Nempè è sanctuario suo celesti, atque etiam terrestri, cui tum alligata fuerat visibilis Dei præsentia. Hoc subiectum est, vt sciant omnes non citiùs se aliquid à Deo secundùm ipsius voluntatem petituros, quàm ipse iis sit aliquo certè modo responsurus: atque ita animentur ad preces concipiendas ab ipso precum successu. Videbimus autẽ nõ aliter fieri posse, quin Deus statim respondeat petitioni nostræ,

stræ, si consideremus vndenam ea existat. Existit autem ex Dei ipsius Spiritu sancto: fieri autem non potest quin Deus audiat Spiritum suum. Vnde Paulus, postquam dixit Spiritum pro nobis intercedere suspiriis inenarrabilibus, statim subiecit Deum nosse qui sit sensus spiritus sui: quasi diceret, oportere Deum audire intercessionem spiritus sui ac respondere ipsius desiderio. Vnde enim quæso est, quòd cum illis suspiriis inenarrabilibus, de quibus loquitur Apost. sentiamus vnà gaudium ineffabile, & ita à Deo discedamus, ac si nobis esset satisfactum, etiam tum cum nondum impetratum est illud ipsum, quod ab eo petitum est? nempe nō aliunde, nisi ex eo quòd Deus petitioni nostræ respōderit. Ita enim solet Deus excitata in cordibus nostris lætitia quadam ineffabili petentibus nobis respondere. Estque hic sensus plus quàm omnia hæc terrestria, plus quàm vita ista præsens: quare plus à Deo obtinuit qui sentit hanc lætitiā, quàm qui vitam istā præsentem, quæque ad eam spectant omnia, à Deo expetita adeptus est. At verò quid tum Dauidi responsum sit à Deo, id habemus in fine versus sequentis, cum dicit. *le-bona sustentabat me*. Respōdit itaque Deus non tam verbo quàm facto, tum cum sustentaret Dauidem. Quod dixit suprā plu-

Rom. 8. 27.
28.

Eff. Aus
Divina
miseri-
cor-
die.

ribus verbis. Tu scutum es circa me, gloria mea, & extollens caput meum, id vno verbo postea comprehendit, *Sustentabat me*, inquit, quo significat sensum illum protectionis diuinæ in media persecutione.

Ego cubui. Nunc prædicat effectū, quod insecutum est tam benignam illam Dei responsionem de qua proximè. Est autem illud, securitas quædam animi, quam ex effectis suis intelligendam relinquit. Sunt autē ea, quod *cubuerit*, quod *dormierit*, quod *experrectus sit* ex somno. Vt enim cum turbatus est animus alicuius præsentē aliquo periculo, vel non ita cubitum, vel si eat cubitum, non dormit securè: neque mollior expergiscitur, si fortè dormiat. Ita cum securus est animus, tum quidem vadit aliquis cubitum, dormit securè, suauiter expergiscitur. Quæ mobrem ex his effectis indicatur alta quædam animi securitas, atque ea quidem spiritualis. Quod igitur reddit securū animum in periculis, id vides esse Dei præsentiam ac sensum auxiliij ipsius. Itaque Apostol. hæc verba habet, *Si Deus nobiscum, quis contra nos?* Sensit enim ex Dei præsentia eam animi securitatem, quæ effecit deinde, vt prouocaret quoscunque hostes salutis ipsius. Illud autem consideratione dignum est, quo sensu Apost. eo loco intelligat præsentem sibi Deum. Posteaquam plenè re-

Rem. 8.

Confirma
tiōe Pauli
in testimo-
nio.

nè re-

nè recensuit Dei omnia beneficia, progressu facto à primo ad ultimum, his verbis: *Quos præsciuit, eosdē prædestinavit, quos prædestinavit, eos vocavit, quos vocavit, eos iustificavit, quos iustificavit, eos glorificavit*: tum subiicit, *Quid dicemus ad hæc?* Cui interrogationi deinde respondet: *Si Deus nobiscum quis contra nos?* Quibus quidem verbis summam fecit omnium superiorum beneficiorum, quæ huc faciliè reducuntur omnia, quòd *Deus sit nobiscum*. Ergo præsentia Dei percipitur ex ipsius efficacia in nobis vocandis, iustificandis, glorificandis: adeò ut si quis velit cognoscere an Deū sibi habeat præsentem, videndum illi sit an vocatus, an iustificatus sit, & per hæc tanquam media ascendendum ad prædestinationē & præscientiam Dei, quæ sunt ab æterno. Tum ne quis fortè dubitaret de his beneficiis per quæ præsentem significavit nobis Dominum, deducit nos ad illud donum Iesu Christi filij sui omnium donorum maximum: atque argumento à maiori ad minus sic concludit: *Is quidem qui proprio filio non pepercit, sed pro nobis omnibus tradidit eum, qui non etiam cum eo omnia nobis gratificabitur?* Vides igitur à Christo dato argumentari Apostolum ad omnia cætera dona, ut scilicet ex eo discamus, quoties velimus scire an Deus per beneficia sua nobis sit

*Quomodo
Deus nobiscum.*

*Præsentia
Dei gra-
tiosa effe-
ctus.* præsens, toties ad Christum recurrendum nobis esse, videndūque an Christi, an mortis & resurrectionis eius participes fiamus, sine quo profectò nulla Dei est nobis præsentia, nulla Dei in nobis efficacia.

Sed, ut redeamus eò vnde cœpimus: Constat quidem illud, præsentiam Dei, ac solam quidem eam, hominem reddere securum: quod usque adeò verum est, ut si tollas eius præsentiam: non sit homini nisi pavor & horror, præsertim præsentem aliquò graui periculo, vel, si adsit tranquillitas animi aliqua, non sit illa nisi securitas carnalis: quod indicium est futuri exitij repentini. Paulus *Cum dicet, inquit, pax & tuta omnia, tunc repentinum iis imminet exitium, sicuti dolor partus mulieri uterum ferenti, nec effugient.* Quamobrem, ut sit profundus somnus, ut sit mollis ex somno expergefactio, hoc est, ut sit vera animi securitas, videndum semper cuique est, ut Deum sibi præsentem sentiat: præsentem, inquam, dū it cubitum, dum noctu vigilat: neque enim prius noctu debet interrumpi somnus noster, quàm ad Deum nobis sit recurrendū, quamuis homines vulgò noctu maximè distrahi soleant curis huius mundi, aut rebus etiam leuioribus ac vanioribus. Nihil autem plus habet virium, vel ad sedandum animum nocturno tempore, vel ad reuocandum

candum somnium, reficiendumque corpus quiete, quàm suavis illa de Deo cogitatio. Denique dum manè expergiscitur, videntum est cuique vt inueniat Deum præsentem: dum egreditur domo, dum ingreditur rursus, dum edit, dum bibit, dum quiduis facit, perpetuò requirenda est Dei illa præsentia. Præsentem autem Deum habemus omni tempore, si quod Dauid fecit, voce ad Iehouam clamauerimus, vel si etiam, cū voci non est locus, corde eum inuocauerimus, id profectò quod sine impedimento negotiorum etiam grauissimorum fieri potest, vt ne dicam hac potissimum ratione etiam promoueri omnes honestas occupationes huius vitæ, & cum voluptate quadam ineffabili administrari. Fundamētum autem huius præsentia est Christus, sine cuius cruce ac sacrificio, ante oculos posito, nullus patet ad Deum aditus.

Non timebo malum. Hoc versu securitatem illam, quam sensit ex Dei præsentia, amplificat, dum dicit non futurum vt in posterū sibi metuat, ne à myriadibus quidem hostiū. Ergo amplificatio est, partim à futuro tēpore, partim à multitudine inimicorum: quasi dicat, Non modò securus fui, sed in posterum etiā adeò securus ero, vt si myriades populi posituræ sint circa me castra, non tamen metu concutiar.

*Alius De
uina præ
sentia ef
fectum.*

*Davidis
fiducia
nos ad in-
mā con-
stantiam
hortatur.
Rom. 8.
36.37.*

Ex quo discēs , eam esse vim securitatis animi in Deo , vt nihil prorsus sit quod ipsa non exsuperet. Hinc Paulus postea- quam enumerasset multa quæ nobis in hac vita aduersantur , cuiusmodi sunt , angustia , oppressio , & cætera , subiicit tandem , *Imò in his omnibus plus quā victores sumus per eum qui dilexit nos.* Entibi fundamentum securitatis istius ac victoriæ , Dei nimirum in Christo dilectionem. Cum enim est sensus ille dilectionis Dei in Christo , ac proinde vitæ futuræ gustus aliquis (posterius enim hoc ex illo priori sequitur continuò :) tum quidem ita subuehitur aliquis supra ista omnia inferiora , vt ex alto ea quasi dispiciat atque contemnat.

*Causa ex
Apostolo
petita.*

Causam autē cur per charitatem Dei plus quā victores simus , ibidem affert Paulus , *Nam persuasum mihi est , inquit , neque mortem neque vitam . & cæt. posse nos separare à charitate Dei.* Quòd si enim possent ea , quæ in illo capite enumerata sunt , nos ab illa Dei charitate separare , tum profectò facilè iis succumberemus : quum verò non possint efficere , quin Deus in Christo nos diligat , & nos quoq ; tēi mus illam in Christo dilectionem , atque ex dilectione vitam , profectò nunquam futurū est vt nos illa prorsus opprimant : verū contrā sit vt nos illa omnia exsuperemus.

David

Dauid igitur, vt ad eū reuertamur, sensu *Fiduciā*
 diuinæ præsentia ac charitatis in media *Davidis*
 persecutione ita abreptus est, vt securè *impiorum*
 contempserit omnem vim aduersariam, *omniura*
 vt qui persuasum habuerit, non potuisse *scopuli,*
 illā separare ipsum ab illa Dei in Christo
 charitate, cuius tum quidem sensum ali-
 quem habuit. Neque enim putandum est
 vocem hanc Davidis & gloriatiōē exti-
 tisse ex securitate illa potissimū, quam
 tum habuit fortassè ex certitudine vitæ
 huius præsentis conseruandæ, verū mul-
 tō magis ex securitate illa quā habuit ex
 certitudine vitæ illius futuræ, idque ex
 sensu dilectionis quæ est in Christo Iesu.
 Illud enim discrimen est piorum & alio- *Piorum*
 rum, qui spem suam non porrigunt ultra *eg. impio-*
 vitam hanc: hi nunquam securi sunt, ne- *rum circa*
 que gloriari possunt, nisi prius de hac vita *hunc sco-*
 certi: illi verò etiam incerti de hac vita, *pum discer-*
 certi autē de futura illa ex sensu dilectio- *men.*
 nis Dei in Christo, securè agūt ac glorian-
 tur, Sadrach, Mesach, & Abednego, Nabū Dan. 3. 16.
 chadnezeni comminanti extrema omnia,
 ita responderunt: *Non sumus*, inquit,
soliciti de hoc negotio. Atque hætenus fuit
 secunda pars Psalmi, gloriatio & prædi-
 catio beneficiorum Dei: quorum pri- *Summa*
 mum fuit sensus auxiliij diuini, secundum *partis 2.*
 securitatis & præteritæ, & futuræ: ex sensu

illo diuini auxilij profectæ. Sequitur Psalmi pars tertia.

8 Surge, Iehoua, serua me, Deus mi, qui percussisti omnes inimicos meos ad maxillā, dentes improborum confregisti.

9 Iehoua est ipsa salus: super populum tuum sit benedictio tua. Sela.

*Tertia
pars Psalmi.*

*Fidei lucta & i-
fatio.* Surge Iehoua. Postrema pars est Psalmi, vt diximus, in qua Dauid, rursus cōuersus ad Deum, primū precatur pro se, vt eripiat̃ur è præsenti periculo: deinde pro populo. Precatur autem pro se his verbis, Surge, inquit, Iehoua, serua me. Nam tantisper dum non sentimus plenam liberationem, cogitamus de Deo, ac si nostri esset immemor, & otiosus in cœlis federet, abiecta omni suorum in terris cura. Serua me, inquit, Deus mi. Deum quasi complexus corde, petit vt se seruet: nam cū dicit, Deus mi, Deum amplexatur & per fidem ad se applicat: hoc autem & dicitur Gen. 17. 1. & facit iure fœderis in quo promissus Deus se fore in Deum Abrahamo & semini eius. Quodd si hîc quæras, cū iam antea gloriatus sit in Deo, eiûsque præsentia quam etiam in mediis malis animo percepit, gloriatus, inquam, sit aduersus omnes inimicos suos, aduersus vitam, aduersus mortem, quî sit vt nunc tam sollicitus sit de hac vita, petâtque à Deo tam anxie

Cur Dauid, certus de vita æterna, de præsenti anxius appareat.

gloriatus sit in Deo, eiûsque præsentia quam etiam in mediis malis animo percepit, gloriatus, inquam, sit aduersus omnes inimicos suos, aduersus vitam, aduersus mortem, quî sit vt nunc tam sollicitus sit de hac vita, petâtque à Deo tam anxie

ipsum eripiat è præsentis periculo? Re-
 spondeo, non pugnare inter se, securitatem
 illam summam piorum, ac contemptum
 vite præsentis: & petitiones huius gene-
 ris, quibus etiam vite istius conseruationem
 implorant, ea tamen conditione, si ita
 visum sit Deo eam ipsis gratificari ad glo-
 riam suam: neque enim pij, dum præsen-
 unt vitam illam alteram, eaque freti glo-
 rantur aduersus omnia, abiiciunt interea
 omnem planè curam vite huius præsentis,
 amque temerè profundunt. Vita enim
 præsens, inter cætera, Dei donum est non
 vulgare.

Qui percussisti. Mouet Deum ad con- *Pathetica*
 seruationem sui in posterum, à præterita *Davidis*
 experientia in perdendo inimicos ac im- *oratio.*
 probos, eademque operâ afficiendo illos
 in omnia: ignominiosum enim putatur
 se, percuti ad maxillam, & dentium con-
 tractionem perpeti, id est enim in faciem
 in os recipere verbera. Nota hoc lo-
 quens duos quasi annulos illius catenæ planè
 præteritæ, quam nescit Paulus: nempe, expe- *Rom. 5.3.*
 rientiam & spem, *Experientia*, inquit, *spem*
scit. Petitio ista Davidis ab experientia
 præterita, nititur spe præsentis ac tempo- *Spes certa*
 rariæ liberationis obtinendæ. Et si qui- *piorum.*
 bus illud fatear quòd non sit spes certa,
 nimirum, quæ non pudefacit, nisi pro-

missæ illius liberationis æternæ. Ea enim propriè est, quæ sequitur experientiam liberationis diuinæ, præsertim si cum experientia liberationis, sensus sit charitatis Dei in Christo Iesu. Ideoque subiecit Apostolus eo in loco: *Charitas enim Dei effusa est in cordibus nostris per Spiritum Sanctum*: quasi dicat, Oportet spem istam non pudefacere, certamque esse, cum experientia illa, ex qua est spes, præsertim sit dilectionis Dei in Christo Iesu.

*Cur de
populo Da-
uid sit sol-
licitus.*

Iehoua est ipsa salus. Precatur deinde pro populo, etiam pro ea parte populi quæ secuta est Abschalomum & ab eo est seducta. Mixetur quis Dauidem in tanto discrimine vitæ suæ, in precibus suis tam memorem esse populi & salutis aliorum, hoc enim videri potest hominis extra omnem periculum & discrimen positi, non se modò, aut suam vitam, sed etiam alios aliorumque salutem respicere. Verùm sciendum est illud esse ingenium vniuscuiusque membri communis illius corporis Christi, vt non modò afficiatur sensu miseriæ suæ, verùm etiam sympathia miseriæ reorum quorum membrorum eiusdem corporis commoueat: quantòque magis sensus ipsius miseriæ afficitur, tantò magis perpetiatur vnà cum aliis, quos videt misereros. Qui enim nihil ipse miseriæ vi-

qua

quam sensit, is profectò ineptus est ad
commiserádum aliorum quos miseria op-
pressos intuetur. Ratio autem petitionis *Petitionis*
huius est à natura ipsius Dei. *Iehoua*, in- *postrema*
quit, *est ipsa salus*: quasi dicat, natura est *ratio.*
Iehoua vt seruet ac misericors sit: Deo ita-
que exponit suam ipsius naturam. Non
enim est argumentum aliud ad Deum com-
mouendum efficacius, quàm si proferas
ipsi suam ipsius naturam, præsertim eam
qua misericors est: Deus enim misericor-
dia maximè delectatur, & natura sua in *Dan. 4.*
primis misericors est. Deus est charitas.
Id autem à nobis fieri non potest, vt Deo
naturam illam suam, præsertim misericor-
diam, proferamus, nisi demus operam vt eã
ipsi oculis mentis videamus priùs, atq; etiã
 corde sentiamus aliquo certè modo infini-
tam illam Dei essentiam, sapientiam, iusti-
tiam, potentiam, misericordiã, &c. nisi ma-
gemus de re ignota garrere, & cum Deo lu-
dere, ponentes ob oculos ipsius, quod nos
ipsi neque vidimus vnquam, neque sensi-
mus. Quamobrè ad serias preces imprimis
opus est notitia naturæ diuinæ, neq; noti-
tia modò, sed etiam sensu eiusdem: labo-
rādúmque nobis est in rota vita, vt, quantum
 fieri potest, infinitã illam maiestatem ani-
mo isto finito & angusto cõcipiamus. Huic
igitur sit omnis honor & gloria. Amen.



PSALMI VI.

Argumentum.

Psalmus est iuxta: à Dauid autem scriptum esse constat ex epigraphe.

Eius partes sunt duæ. *Prima*, est petitio, qua Dauid ægrotus iram Dei flagellumque deprecatur misericordiam implorat, & salutem petit à versu 2. ad versum vsq. 9. *Deinde*, certa fide percipiens quod petiuit, aduersus inimicos de attentione & beneficia Dei insperata gloriatur à versu 9. ad finem Psalmi.

PSALMVS VI.

1 *Magistro symphonie fidium, ad grauen symphoniam: Psalmus Davidis.*

2 *Iehoua, ne in ira tua reprehendas me, neque in astu tuo castiges me.*

3 *Gratiam fac mihi, Iehoua, quia languidus sum: cura me, Iehoua, quia conturbata sunt ossa mea.*

4 *Et anima mea conturbata est valde: tu ergo, Iehoua, quousque?*

5 *Reuertere, Iehoua, eripe animam meam: serua me, propter benignitatem tuam.*

6 *Nam non est in ipsa morte recordatio tui, in sepulchro quis celebraret te?*

7 *Defatigor in gemitu meo, facio ut nate totam noctem lectus meus: lachrymis meis spondam meam liquefacio.*

8 *Cōtabescit præ indignatione oculus meus: consenesce propter omnes hostes meos.*

Ieho

IEHOVA. Primapars Psalmi, ut *Prima*
diximus, Petitio. primùm depre- *pars con-*
catur malū, deinde precatur bo- *tinet peti-*
num, ut liberationē & salutem. Petitioni- *tionem,*
bus autē suas admiscet causas. Primùm ita- *cuius cau-*
q; deprecatur iram Dei. *Iehoua*, inquit, *ne*
in ira tua, &c. David, ut apparet ex ipsius
verbis, graui morbo detentus, Deum sibi
inensum animo concepit, ex quo factum
est, ut iam ægrotus magis affectus sit ani-
mo, sensu iræ diuinæ, quàm corpore sensu
morbi. Nam, ut de ira Dei dicamus nonni- *De ira*
hil, ea intolerabilis est: neque enim nisi æ- *Dei, Le-*
terno supplicio eius hominis, qui est extra *cm.*
Christum, ipsi potest satisfieri. Non est v-
nius anni morbus, non duorum, non pluriū,
non mille annorū, qui satisfacit irato Deo,
si extra Christum comperiaris: verū in
æternum tibi luendum est. Ut autem ira
Dei in se intolerabilis est, ita etiam sensus
carnis & corruptæ huius naturæ concipit
eam implacabilem, neque vllā misericor-
diā temperatam: id de quo conquestus est
Cain, *Maiores est*, inquit, *pœna mea, quàm* *ut* *Gene. 4.*
sustinere possim. Atqui mentitus est profa- *13.*
nus Cain aduersus Deum, ipsiūque naturā.
Nam vbi peccatum abundat, gratia super-
abundat, si modò induci possit animus ad
eam implorandam. Tum enim iram Dei
in Christo placabilem sentiet, quam caro

& corrupta natura sentit implacabilem.

*Davidis
sensus
quàm spi-
ritualis
fuerit.*

David igitur, vt ad eum reuertamur, conce-
pta semel hac Dei ira, magis perturbatus
est sensu iræ, quàm sensu grauißimi mor-
bi: petit itaque, vt à se remoueatur, non tã
morbus, quàm iræ sensus: petitionémque
illam ingeminat, vt qui seriò attactus fue-
rit illius iræ sensu, *Domine, inquit, ne in ira
tua reprehendas me, neque in æstu tuo casti-
ges me.* Apprehendit enim non iram mo-
dò, sed æstuantem iram.

*Doctrina
afflictio-
nis piorum
quid.*

In persona igitur & exemplo Davidis
hoc nobis discendum est: Afflictiones pio-
rum non sunt illæ quidem totidem satisfa-

*Papisti-
cus error
de satis-
factione.*

ctiones pro peccatis ipsorum, neque Deus
imponit eas suis eo fine, vt satisfiat iræ &
iustitiæ suæ. Nam pro peccatis omnium cre-
dentium Christus semel, & id quidem per-
fectè, satisfecit iræ patris sui. Mentiuntur
enim Papistæ, dum dicunt afflictiones pio-
rum esse totidem temporarias pœnas pro-
pter peccata ipsorum inflictas, quas quidẽ
illos oportet luere, vel in hoc seculo, vel in
altero, hoc est, in purgatorio. Nam Christum
morte sua aiunt duntaxat abstulisse pœnã
illam æternam. Quo mendacio quis non
videt, quãtum derogetur vnico illi & per-
fecto Christi sacrificio. Affirmo igitur non
esse istas satisfactiones pro peccatis, aut
pœnas peccatorum, verum paternas casti-
gatio-

gationes, quibus Deus ex misericordia sua exercet suos in hac vita, ne prorsus carnali ista securitate consopiantur, & pereāt vnā cū reliquo mundo. Quod quidē: etsi verū sit, tamen afflictiones ita sæpenumero obscurant nobis misericordiā illā & charitatē Dei in Christo, vt pij etiā metuant sibi dū affliguntur, ne simul ac semel vniuersa Dei ira in ipsos effundatur. Existit autē hic metus, non tam ex parte animi regenerita, q̃ ex carne & parte animi nō regenerita: Nam ^{1. Ioan. 4.} charitas foras eiicit metū. Ex carne igitur ^{18.} fuit quòd David tantoperè sibi metuerit ab ira Dei & preces ipsius aliquid carnis & corruptæ naturæ admixtū habuerunt. Pre- ^{preces} ces enim vel sanctissimorū hominū aliqua ^{sanctorum} ex parte labem aliquā attrahunt ex reliqua ^{quales.} hac naturæ impuritate. Interea tamē se cōuertit ad Deum, iramq; ipsius deprecatur: quod rursus argumēto est apprehēdisse eū etiā tū aliquā partem gratiæ illius Dei in ^{piorum} Christo Iesu. Secus enim profectò ad Deū ^{curum} accedere nō fuisset ausus, aut eū tā familiariter ^{refugiū.} compellare, nisi allectus aliquo sensu illius in Christo misericordiæ. Pij igitur in media illa afflictionum nube, certē aliquē, etsi sæpè subobscurū illum, misericordiæ & gratiæ diuinę aspectū habent, quo quidē allecti, Deū adeunt, eiúsq; misericordiam implorant. Neq; enim possunt, qui non tā-

guntur aliquo saltē sensu misericordiæ ipsius, misericordiā eā implorare. Sed rē similitudine hac declarabimus. Cū inter aspectum nostrum & solem nubes iniicitur media, illa quidem nihil imminuit re ipsa illius splendoris, qui naturā est in Sole: etsi propter interiectam nubem Sol in fulgore suo non conspiciatur à nobis: Ita inter aspectum nostrum & Solem illū faciei ac misericordiæ Dei, interiecta afflictionis nubes, nihil quidē detrahit re ipsa (quicquid demū videtur nobis) dilectioni Dei, qua Deus nos in Christo prosequitur, quæ, ut Deus ipse immutabilis est, ita in æternū manet eadem, sibi que semper similis, atque etiā tum manet, cū nos maximè affligit. Nam etiam tum diligit nos in illo suo dilecto, quanquam non ita videtur nobis, propter afflictionem inter nos eiúsque faciem interiectam. Rursus autem, ut iniecta nubes, non ita obfuscat nobis Solem, ut prorsus nihil solaris luminis conspiciatur, & putemus diem statim in noctem esse conuersum, verū, per mediam illam nubis opacitatem, aliquid certè lucis nobis affulget: ita neque interiecta illa afflictionis nubes, ita obscurat Solem illū amoris Dei in Christo, quin aliquot eius radij mētes & corda nostra irradiant. Hæc à me ideò dicta sunt paulò prolixius, ut in afflictionum tenebris

*Similitudo
dñis ex-
posuit &
applica-
tio.*

*Ufus simi-
litudinis.*

bris non sinamus nos ita opprimi, vt omnis planè diuini in Christo fauoris radius ex oculis nostris auferatur: verùm perpetuò tātum luminis illius, quod est in facie ipsius, à nobis conspiciatur, quantum nobis possit monstrare viam ad misericordiā & liberationem implorandam.

Gratiam fac mihi. Hactenus semel atq; *ira depre-*
 iterū deprecatus est irā, nunc gratiā & mi- *cata, gra-*
 sericordiā Dei implorat. *Gratiam,* inquit, *tia im-*
fac mihi Iehoua. Vidit irā Dei, vidit quoq; *ploranda,*
 gratiā: aufugit ab ira, apprehēdit gratiam, *exemplo*
 atq; ea apprehensa, clamauit, *Dauidis.*
Gratiam fac
mihi Iehoua, erumpens enim in hæc verba
 absque dubio suauiter cum sensu apprehen-
 dit gratiā. Neq; enim leui aliquo affectu &
 perfunctoriè moueri debemus ad inelamā-
 dā Dei gratiā, verùm, simul cum voce, quæ
 in ore est, oportet esse profundum eius in
 corde sensum. Nā pij ferè nō citiùs gratiā
 implorant quàm eam impetrant, perfusis
 cordibus ipsorum sensu eius quàm suauis-
 simo. *Quia languidus sum.* Argumentū im- *Causa im-*
 ploratæ gratiæ subnectit à lāguore & mor- *plorata*
 bo suo, quasi dicat, Vides, Deus, quàm gra- *gratia,*
 uiter morbo crucier, ergo gratiā fac mihi.
Cura me Iehoua. Rursus implorat miseri-
 cordiā. Frequēs ista precatio subinducat eū
 vehementer luctatū cum sensu iræ diuinæ:
 neque enim, si afficeremur serio diuinæ i- *Reperitis*
patheti-
ca.

iræ sensu, sic, vt solet fieri, perfunctoriè & ieiunè gratiam ac misericordiam Dei imploraremus, sed intensa atque iterata voce inclamantes Deum, conaremur elabi ex illo sensu: fieri enim non potest vt quis, oppressus Dei ira, effugiat, nisi solus Deus, porrecta quasi è cœlis manu, illo iræ suæ onere ipsum leuet.

Partes *Quia conturbata sunt ossa mea.* Repetit
argumēti argumētum à languore & morbo suo, sed
à languo- explicatum suis partibus. Sunt autem eæ,
re petiti. primùm conturbatio corporis, & firmissi-
 marum ac solidissimarum partium eius, nē
 pe ossium: deinde conturbatio animę pro-
 pter iram Dei incumbentem: quasi dicat,
 & corpus meum conturbatum est totum,
 & anima mea conturbata est, nihil deniq;
 in me sani est. Benè quidem habet, cūm la-
 borante corpore afficitur animus & vrge-
 tur peccati conscientia. Nam idēd humili-
 liatur à Deo corpus exterius, vt interiūs a-
 nimus quoq; humilietur: nisi enim animo
 assurgeremus aduersus cœlos ac Deū ip-
 sum, quorsum opus esset corporis deiectione?
 Ergo humiliabatur Davidis corpus, vt
 animus humiliaretur. Pessimè enim ista
 inter se conueniunt, superbiens animus, &
 corpus humiliatum. Gravissimum autem
Gravissi- censetur illud Dei iudicium, cūm humilia-
um Dei
iudicium. to corpore, non simul flectit Deus ac mo-

uet spiritu suo animum ad resipiscentiam.
 & morbus ipse desperatissimus est, cum in
 sensu corporis grauissimo cor cuiusquam
 manet *αἰσθησις* absque sensu iræ, absque
 sensu peccati, absque sensu gratiæ. Quod
 si sit in aliquo sensus iræ Dei, ea est ad cō-
 uersionem ac sanitatem recuperandam re-
 cta via: verum cum non est sensus iræ, nec
 est conscientia peccati, tum quidem rugit
 homo afflictus instar Leonis, vt de se te-
 statur David. Non autem magis se potest Pal. 32.
 ad Deum conuertere, quàm bellua ad per- 3.
 cussorem. Consolationes quæ vulgò ægro-
 tis administrantur, eò ferè tendunt omnes,
 vt in morbis securi sint Dei, securi sint
 peccati, securi sint cœlorum & inferorum.
 Esto, inquiunt, animo forti, ac ne cogita de
 morte, sed cogita de corporis sanitate re-
 cuperanda. Commendant igitur patien- *Stupor
impio-
rum.*
 tiam ac fortitudinē animi: sed an eam quæ
 est ex fiducia in Iesu Christo? Minime: ve-
 rum patientia illis, est animus ferox, super-
 biens, ac colluctans cum manu illa Dei,
 quæ ægrotis incumbit. Si autem interea
 mentionē aliquam quis fecerit Dei, ipsiúsq;
 misericordiæ in Christo, peccati, vitæ, &
 mortis future, statim excipiunt sermonem
 hunc tristem nimis, & vt loquuntur, me-
 lancholicum, quique ad morbum augen-
 dum magis, quàm imminuendum, perti-

net. At multò melius ageretur cum egrotò aliquo si ipsi commendaretur animus deiectus, contritus ac humilis. Nam deiecto semel animo, resipiscentiæ ac implorationi diuinæ gratiæ locus aliquis est. Obserua
 rursus: Dauid hoc loco, vt Deum ad misericordiam flectat, proponit ipsi quasi oculis videndam, & amplificat miseriam suâ, ita vt tota quodammodò à Deo semel cōspici possit. Misericordia præsupponit miseriam: vt autem Deus sit misericors, oportet nos prius simus miseri. Quamobrem, si quis velit implorare Dei misericordiam, necesse est profiteatur coram Deo se miserum esse. Nam quod illud quis de se verè potest dicere, nempe miserum esse naturâ suâ: atque ea confessio imprimis Deo grata est, in cuius conspectum non est prodeundum cum ostentatione liberi nescio cuius arbitrij: quasi verò in natura nostra positū sit vel semel cogitare de aliquo, quod Deo gratum acceptūque sit. Id enim esset detrahere gratiæ Dei in Christo Iesu, à qua sola habemus quicquid in nobis facultatis est ad bene cogitandum, bene volendum, bene operandum. Neque rursus in Dei conspectum prodeundum est, cum opinione meritorum ac satisfactionum nostrarum. Nam qui in his quærunt iustitiam, eam non inueniunt. Hæc venditabat

Misericordia Dei obiectum, miseria nostra.

Religionum impietas.

Phari-

Pharisæus ille, sed domum reuersus est nō
iustificatus. Prodeundum est in conspectū
Dei potius cum misero illo publicano, qui
exposita Deo miseria sua, misericordiam
inuenit. Nunquam tamen Papistæ miseriā
naturæ nostræ videre vel possunt vel vo-
lunt, ad hoc vt misericordiam Dei conse-
quantur. Ergo, ex his quæ dicta sunt, appa-
ret proponendam esse Deo miseriam no-
stram.

*Exemplū
in Phari-
sæo.
Luc. 18.
10.*

Sed quī fieri potest, vt proponat quis
Deo miseriam suam, nisi ipse prior cogno-
scat se miserum? Cognoscere autem se mi-
serum, ac agnoscere miseriam suam, non
est perfunctoriè profiteri se mortalem es-
se, peccatorem esse, multis malis obnoxiiū
esse, cū interea nihil horum apud animū
suum seriò sentiat, cuiusmodi sunt vulgò
hominum de seipsis confessiones: verū
agnoscere miseriam, est penitus corde sen-
tire quā miser sis, est consciū esse pec-
cati tui, cum serio animi dolore. Bis miseri
sunt qui non vident se miseros. Miserum
est per se peccatorem esse, vt homicidam,
vt adulterum, &c. at non videre quantum
mali sit in peccato, nulla conscientia mo-
ueri vel homicidij, vel adulterij, illud est
iterum miserum esse. Ea enim est carnalis
illa securitas, qua tanquam lethargo con-
fopiantur homines, adeò vt nihil vel vi-

*Piorū in
obtinenda
Dei mise-
ricordia
officium;*

*Duplex
hypocrita-
rum mise-
ria.*

dere vel sentire possint, donec tandem repentino aliquo iudicio ita excitentur, ut nunquam iis imposterum sit conquiescendum. Hactenus amplificatum est argumentum à miseria sua.

Deprecationis ira conclusio.

Tu ergo, Iehoua, quo usque, &c. Nunc concludit deprecationem iræ. verum, conclusio conuersa est in querimoniam: conqueritur enim, Iehouam diutius à se auersum manere, ut facile apparet ex sequenti petitione, qua dicit, *Reuertere Iehoua*. Ergo per effectum doloris vehementis præcisa est integra sententia, & apostopelisis quædam est. Sed expendenda est querimonia. David, ut videtur, à breui tempore duntaxat destitutus Dei sui præsentia, ita tamen queritur ac si à multo tempore & iamdiu priuatus fuisset iucundo illo Dei sui aspectu: *Quo usque enim*, inquit. Quibus consuevit esse præsens Deus, eius absentiam vel ad momentum ferre vix possunt: ipsis hora annus est. Ita quidem illis videtur, præsertim si intereà iratum sibi Deum sentiant. Nam de securis istis nihil dico, qui libenter Deum nunquam intuentur, aut eius recordationem colunt. Quàm multi enim sunt ubique, qui, si detur iis frui hac vita, satis magna cum copia rerum earum quæ ad hanc vitam tolerandam pertinent, nunquam profectò cuperent,

Vivus piorum sensus.

cuperent, neque vitam alteram, neque
cœlos, neque Deum videre. Adeo fallax
est carnalis ista securitas! Persuadet enim
nobis esse fœlicitatem aliquam ac veram
tranquillitatem ac pacem sine Deo, sine
Christo, in hac vita. Hactenus conclusit
deprecationem iræ.

Reuertere, Iehoua. Nunc rursus implo-
rat gratiam. *Reuertere, inquit, Iehoua, eripe* *Gratia ite*
animam meam. Nempe ex præsentī morte *rata im-*
serua me, non quidem propter meritum *ploratio.*
meum, sed propter benignitatem ac me-
ram gratiam tuam. Agnoscit igitur præ-
sentiam Dei, & fauorem ipsius, esse non
quidem ex aliquo suo merito, sed ex me-
ra Dei gratia. Vnde & illud apparet, in
querimonia illa, in qua expostulauit cum
Deo de absentia sua diuturna, non tum
questum eum de iniuria aliqua, quasi ve-
rò Deus iniuste cum eo egerit, secus quàm
ipse de Deo sit meritis. Nam si Dei præ-
sentia sit ex gratia, profectò absentia Dei
non ex aliqua in Deo iniustitia. Estque
illud discriminē inter querelas fidelium ac *Querela*
infidelium. Fideles non queruntur iniu- *fidelium*
riam sibi à Deo fieri, contra quàm mereā- *quales.*
ur de ipso: verum, inter querendū, agno-
cunt perpetuò iuste in se fieri, quicquid
est Dei voluntate, idque se iuste comme-
ritos esse: queruntur autem & expostu-

*Infidelium
querela.*

Institutio.

lant cum Deo, ex filiali quodam amor
Dei & desiderio præsentiæ ipsius ineffabi
li. At infideles in querendo, erumpunt in
acculationes, & blasphemias, accusan
Deum iniustitiæ, suam interea innocen
tiam afferunt: querimonia autem eorum
est ex Dei odio & detestatione præsentiæ
ipsius, ad quam intremiscunt, & à qua to
ti abhorrent quàm maximè. Videndum
itaque nobis est diligenter, vt inter que
rendum, modum imponamus affectionibu
nostris, ne sua intemperie eò nos proue
hant vt vel vlla labecula aspergamus san
ctam illam ac inuiolabilem maiestatem
quod vel eò diligentius nobis faciendum
est, quòd omnes nos per naturam eò pro
pendeamus, & imprimis difficile sit, ebul
lientes affectus & impuras cogitationes in
ordinem cogere atq; reprimere. Quamobr
laborandum est perpetuò, vt de Deo nostro
non nisi summa cum reuerentia & sancti
tate & sentiamus & loquamur.

*Alterum
arg. petitio
nis à gloria
Dni.*

Nam non est in morte recordatio tui. Alt
rum est argumentum petitionis, à gloria
ipsius Dei: vt enim prius illud fuit
miseria sua vers. 3. 4. ita hoc posterius e
à gloria Dei, quæ per præsentem har
Davidis conditionem videri potest in di
crimen vocari. Domine, inquit, in morte
non est recordatio tui: ergo me serua in

nis. Ideò in terris viuentium voluit nos *Cur in ter-*
 Deus ad tempus agere, & quasi peregrè *ris ad tem-*
 videre absentes à Domino, vt ipsum in fi- *prio pñ a-*
 lio suo Christo, fide priùs coleremus in *gunt, priùs*
 hac vita, quàm eius aspectu frueremur in *quàm mi-*
 altera. Illud pij quicunque agnoscentes *Dominum*
 cupiunt etiam in hac vita ad tempus con-
 seruari, in eum nimis finem, quem ipse
 præstitit, &, vt Apostolus de creaturis Rom. 8.
 loquitur, non tam voluntate sua, quàm e- 20.
 ius voluntate, qui voluit eos ad tempus
 peregrè agere, absentes à Domino suo.
 Dum igitur videmus sanctos etiam hanc
 vitam, eiusque conseruationem obnixè à
 Deo petere, non est putandum illud ab iis *Sancti*
 fieri, ideò quòd tantò opere vel vita ista de- *cur in vita*
 ectentur, vel mortem hanc corporalem *præsent i*
 exhorrescant, verùm quòd Deum suum, *manere*
 inter viuentes velint glorificare, regnùm-
 que eius & Ecclesiam in terris militan-
 tem promouere, neque priùs hinc migra-
 re quàm aliquot Christo lucrificiant,
 &, porrecta iis quasi manu, secum vnà in
 celos subuehant. Nam vita ista præsens
 Deò in primis & negotiis Dei est conse-
 cranda. Atque hæc causa fuit, cur Eze- *Exemplū*
 chias denunciatam sibi mortem tam gra- *in Eze-*
 uiter tulerit, Isai. 38. Hæc etiam causa *chia, Pau-*
 fuit cur Paulus, cùm alioqui probaret mi- *lo, & Da-*
 rare è corpore, elegerit tamen manere *uide-*

in corpore : nempe , vt Ecclesiam Christi propagaret : & homines ad fidem adduceret. Philip. 1.23. 24. Hæc denique causa fuit, cur David in tot Psalmis suis vitæ prolongationem implorauerit. Psalm. 30. & 88. & 118. Verùm, David hoc Psalmo non tam oppressus fuisse videtur morbo corporis, quàm animi, & iræ diuinæ sensu. Ideoque non tam metuit sibi à morte ista corporali, quàm ab abiectiōe illa spiritali, idque ex sensu carnis & partis non regnitæ. Quamobrem de morte illa æterna eum locutum possumus intelligere & de sepulchro inferorum, in quibus nemo celebraturus est Deum. Vides itaque etiam pios ab inferis abhorreere & sibi metuere : vides rursus eos vitam & salutem desiderare, non tam suam, quàm gloriæ diuinæ causa. Neque enim David hoc loco, tam suam vitam & salutem respexit, quàm Dei laudem : idque imprimis eum malè habuit, quòd abiectus semel à facie Dei, non futurus esset vnquam præco laudum diuinarum. Estque hoc argumentum certissimum salutis piorum, si sentiant in se desiderium ac studium glorificandi Deum suum. Ab inferno enim non potest detineri anima illa, quæ ad Deum eiusque gloriam aspirat.

Defatigor in gemitu meo. Hactenus fue

runt implorationis misericordiae duo ar- *Tertium*
 gumenta. Primum versu 3. 4. Secundum *arg. peti-*
 versu 6. Sequitur tunc tertium vers. 7. 8. *tionis, à*
 à dolore & sensu miseriae grauissimo. Do- *sensu mi-*
 lorem hunc pluribus modis effert : pri- *seria gra-*
 mum enim *defatigor*, inquit, *in gemitu*
meo : deinde, *facio*, inquit. *ut natet lectus*
meus tota nocte : tertio, *lachrymis meis*,
 inquit, *spondam meam liquefacio*. Verba
 hæc fateor hyperbolica sunt : neque enim
 re ipsa vel fecit David ut nataret lectus *Dolor sum-*
 ipsius, vel liquefecit lachrymis spondam *mus Da-*
 suam : non minor tamen fuit internus ani- *midis*
 mi dolor, quàm sunt externa ista quæ hîc
 prædicantur. Nam proculdubio si fieri po-
 tuisset, ut tot lachrymas caperent Davidis
 oculi, quot satis fuisset, vel ad lectum na-
 tare faciendum, vel ad spondam liquefa-
 ciendam : certè tantus fuit dolor in corde
 Davidis, quantus suffecisset ad eas resol-
 uendas & effundendas : & quidem reuerâ
 dolore illo propè consumptum & quasi
 liquefactum fuit corpus Davidis. Nam, ut *Eiusdem*
 de dolore hoc Davidis semel dicam, pri- *considera-*
 mum illud constat, non tam fuisse conce- *tio.*
 ptum eum ob morbum corporis, quo ta-
 men grauissimè premebatur, quàm ob sen-
 sum iræ diuinæ & horrores illos infero-
 rum, quo quidem dolore non est alius ma-
 ior. Deinde, Davidis fuit, qui iam antè sæ-

*Vnde tã-
tus paupor
in Sanctis,
alioquin
singulari
quadam
animi ma-
gnitudine
præditi.*

pè gustasset quàm benignus esset Domi-
nus, vt loquitur Petrus : neque etiã in hoc
ipso tempore planè expers fuit omnis sen-
sus misericordiæ ipsius. Ideoque factum
est, vt tam grauitè tulerit iram offensæ
Dei. Nam certum est, quò maior est ex-
perientia misericordiæ diuinæ, eò magis
ægrè fert aliquis iram Dei, magis que mo-
uetur offensione patris tam benigni. At-
que his de causis veteres illi viri sancti,
aliàs præditi insigni magnitudine animi
ac fortitudine, cùm ventum est ad Deum;
tenerrimam aliquam animi molliem &
deiectionem prodiderunt. Dauide nemo
fuit maiori animi magnitudine, hoc ta-
men tempore totus est quasi effusus in la-
chrymas. Neque enim exerenda est inex-
pugnabilis alioqui animi magnitudo,
quando cum Deo eiusque ira nobis res
est, hoc enim quid aliud esset quàm ob-
firmare cor nostrum aduersus manum Dei
nos humiliantem? Quòd autem non ex-
periamur nos in nobis ipsi eum dolorem,
quem David in se fuisse, hoc Psalmo no-
bis prodidit, in causa est stupor iste cor-
dis nostri & securitas ista carnalis, qua a-
deò consopiti sumus omnes, vt nihil sen-
tiamus. Quòd si vel leuiter afficeremur
terroribus illis mortis æternæ, tum qui-
dem serio doleremus, neque mirum nobis
vide-

videretur, tam deiecto animo fuissetam magnanimum alioqui virum hoc tempore. Quare in id incumbendum est perpetuò, vt hunc veternum, qui dies noctesque obrepit nobis, excutiamus, illud persuasum habentes fore tandem, vt, nisi nos ipsi diiudicemus, puniamur à Domino, & immisso aliquo iudicio, ex tam alto quasi sopore expergefiamus.

Contabescit præ. Adhuc persistit in amplificando illo suo dolore. *Contabescit,* ^{*Doloris amplificatio.*} inquit, *præ indignatione oculus meus,* hoc est, vt ego puto, præ ira qua commotus est in hostes suos, quemadmodum verba sequentia videntur innuere. *Consensescit,* inquit, *oculus meus, propter omnes hostes,* nempe, omnes qui hostili animo me observant, mihi prostrato insultant & de me quasi triumphant. Solent enim ^{*Impiorum ingenio.*} impij lætari calamitatibus piorum, & prostratis insultare, eo nimirum fine, vt si fieri posset, adigant eos ad desperationem, dum vident spem suam ludibrio haberi. Est enim hoc grauissimum persecutionis genus, cum obicitur ipsis frustra se sperasse in Deo, & illusos quasi ipsos à Deo, cui tamen tantoperè sunt confisi. Dauid proculdubio eiusmodi tentationem perpeffus est hoc tempore. Grauis fuit Dauidi morbus corporis, grauior

fuit ei sensus iræ dei: auxit autem supra modum dolorem illum qui ex utroque fuit hostilis illa in miseriis irrisio. Lætan-

*Nulla im-
piis lætitia
materia,
præsertim
in afflictio-
nibus pio-
rum.* tur igitur impij calamitatibus piorum, cum interea non sit quod glorientur. Est quidem quod pij gloriantur aduersus im- probos deiectos. Nam vnà cum deiectione impiorum, est piorum liberatio. Verum, cum afflictionibus piorum nulla est vera ac solida impiorum liberatio. Viden- tur quidē sibi impij, deiectis pijs, ad tem- pus liberiùs viuere, & felices esse: verum finalis, vt ita dicam, liberatio non futura est. Quamobrem, si verè loquamur, nulla est impijs ex afflictione piorum lætitia materia, neque proderunt Papistis quicquam tot victoriæ reportatæ de Euange- lij professoribus, quot sermonibus homi- num perferuntur ad nos quotidie ex illis gentibus, quas religionis causa exercet dominus hodierno die. Manebit enim deo Ecclesia in terris, vsque ad secundum illum Christi aduentum, etiamsi conspi- rent aduersus eam omnes reges terræ. Potentia enim dei est, qua mirabiliter conseruatur tam pusillus grex, in medio tot circumstantium vndique luporum. Sed finge Ecclesiam dei, id quod maxi- mè velint impij, totam simul ac semel è terris sublatam, an propterea feliciores erunt

*Impiorum
summa
miseria.*

erunt impij ? An mundus hic consistit propter improbos ? An hæc dierum & noctium vicissitudo est propter impios ? An terra profert fructus suos propter impios ? Minimè. Hæc enim omnia, propter pios & Ecclesiam Dei ? Quòd si electorum semel esset consummatio, impiorum omnium ne locus quidem inueniretur in terra.

Quæ igitur illis lætitiæ ac gloriationis materia in afflictionibus piorum ? Palestina, *Exemplum,*

quæ semper inimica fuit populo Iudæico, lætata est aliquando calamitatibus Iudæorum. Sed quid ad eos Deus ? *Ne latare*

inquit, *Palestina tota, quia virga percutientis te confecta est :* hoc est, quia imminuta *Isai. 14. 29.*

est ac debilitata potentia regni Iudæici. quasi dicat Dominus, Non est quod de ea re glorieris, ô Palestina. Quæ cum ita sint, profectò dum nos quotidie videmus, qui lætantur malo Ecclesiarum Gallicarum, & gaudent aduentu Hispanorum in hanc insulam, ad evertendum Euangelij hanc quam profitemur puritatem, quique in sinu suo quasi ad hæc rident dum, inquam, bonos istos viros videmus, non est quòd tam inuideamus bono vel ipsorum, vel eorum quorum sunt fautores, quàm misereamur istorum miseriæ, & gratulemur futuræ Ecclesiæ felicitati. Christus ait.

Amen, amen, dico vobis, vos lugebitis, & læ-

Matt. 5.4. *mentabimini, mundus verò gaudebit: vos tri-*
 Luc. 6.25. *stes eritis, verum tristitia vestra euadet in gau-*
dium. Item beati, qui lugent, nam ipsi conso-
lationem accipient. Rursus, Va vobis, inquit,
qui ridetis: nam lugebitis & flebitis. Quibus
ex verbis, obseruamus necessariam hanc
vicissitudinem, quòd, qui nunc lugent cum
Ecclesia Dei, post hanc vitam ridebunt
cum ea in æternum: qui verò nunc rident
in miseriis Ecclesiæ, post hanc vitam fle-
bunt ac lugebunt in æternum.

9 *Recedite à me, omnes operarij iniquitatis.*
nam audit lehoua vocem fletus mei.

10 *Audit lehoua deprecationem meam: le-*
houa orationem meam suscipit.

11 *Erubescant, & conturbentur valde, o-*
mnes inimici mei: reuertatur, erubescences mo-
mento.

Altera pars Psalmi in petitionibus posita, sequitur
altera, in qua Dauid derepente, percepta
Dei beneuolentia & gratia illa, quam pe-
nituit per apostrophem quandam, gloriatur
aduersus inimicos suos. Consideratione
dignum est illud, quàm citò mutatio facta
fit ex sensu iræ in sentum ineffabilis mise-
ricordiæ: modò luctatus est cum ira Dei,
nunc verò erigitur misericordiæ fiducia.
Pius aliquis oppressus ira, & ad inferos
propemodum depressus, dicto citius eri-
gitur

gitur ad cœlos vsque ? hoc Deo tribuendū
est ipsiusque potentia, qui vel vno intuitu Psal.30.6.
potest suos mirabiliter liberare. David
alibi subitanam hanc mutationem sic ex-
pressit, *Cum momento fuit in ira sua, vita
adeft beneuolentia eius: repperè facit vt di-
uerfetur fletus, manè verò adeft cantus.* Tum
operæpretium est videre, quonam modo
sua ipfius experientia subitam istam mu-
tationem declaret postea eodem illo Psal-
mo: nam conuersus ad Iehouam dicit, *Ie-
houa, beneuolentiâ tuâ constitucas in monte
meo robur: ideò ego dicebam in tranquilli-
tate mea, non dimouebor in seculum: sed te
abscondente faciem tuam fui conturbatus.*
Tum subiungit, *Ad te, Iehoua, clamaui &
Iehouam comprecatus sum.* Et paulò post
addit, *Conuertisti planctum meum in cho-
ream mihi, soluisti cilicium meum, & accin-
xisti me lætitiâ.* Nemo est piorum om-
nium, qui non, si Dei misericordiam in
miseria sua seriò imploret, sit perceptu-
rus subitò & præter expectâtionem suam
consolationem certè aliquam. Nam Deus
ad se cum fiducia accedentes ac mœsti-
tia, dimittit à se cum lætitiâ: quam qui vel
semel gustarunt, eam anteponunt omni-
bus mundi huius regnis. Quamobrem
quisquis queritur destitui se vera conso-
latione, culpam sibi ipsi, non Deo impu-
tet, vt qui ad Deum per fidem non acce-

dat: ac misericordiam petat, quam si peteret, profectò subitam ac insperatam persentiiceret.

Effectus

Vera fiducia, sancta gloria.

Sed ut reuertar ad Dauidem, is præter expectationem confirmatus, conuertit se ad inimicos suos, & aduersus eos sic gloriatur: *Recedite, inquit, à me omnes operarii iniquitatis.* Operarios iniquitatis vocat, ut apparet, hypocritas, qui cum animo planè hostili essent, simularunt tamen ore amicitiam, quos satis copiosè describit Dauid Psalm. 41. 6. & deinceps. Ergo per operarios iniquitatis, intelligit hypocritas: ac si ita eos alloquatur, *Venitis ad me inuisendum non beneuolo aliquo animo, sed, planè hostili, ut voluptatè capiatis ex afflictionibus meis & de me prostrato triumphetis, sed spe vestra delusi estis: Ideò recedite à me.*

Fundamentum

sanctæ gloriæ.

Tum fundamentum gloriationis huius subternit, fiduciam gratiæ expetitæ, eamque ter prædicat. *Iehoua, inquit, audit vocem fletus mei: deinde, Iehoua audit deprecationem meam: tertio, Iehoua suscipit orationem meam.* Triplex ista repetitio haud dubiè procedit ex firma apprehensione gratiæ, quam prædicat. Nam ex perceptione gratiæ existit in corde lætitia: perfuso autem iam corde lætitia, non potest quis sibi modum imponere, quin erumpat in prædi-

prædicationem gratiæ, quam etiã nun-
quam satis potest prædicare. Neque enim
nos, si firmiter à nobis apprehenderetur,
Dei illa in Christo gratia, tã frigidè, tãm-
que ieiunè de ea, ita vt solemus, loquere-
mur. Illud autem notatu dignum est hoc
loco. Dauid, paulò antè cùm luctaretur
cum ira Dei, colluctabatur quoque cum
tentatione inimicorum suorum, eaque nõ
mediocriter perturbatus fuit: nunc verò
fiducia gratiæ erectus, tantùm abest ab eo,
vt commoueatur iniuria inimicorum, vt
etiã aduersus ipsos securè gloriatur.
Homo, extra Dei gratiam in Christo se-
mel positus, & perturbatus ira Dei, simul
exponitur mille tentationibus, cruciatur
rebus omnibus, etiã leuiusculis, inuidet,
indignatur, metuit, imò non longè abest
nonnunquam quin in desperationem aga-
tur. Rediens autem in gratiam cùm Deo
& fiduciam obtinens, acquirit simul eam
animi securitatem qua aduersus res om-
nes gloriatur. Quare, nihil beatius est pace
illa & reconciliatione cum Deo, quæ est
per fidem in Christo Iesu, qui solus est o-
mnis felicitatis ac pacis nostræ materia:
cuius sacrificio semel inspecto pacatur ira
Dei aduersus nos, simulque tranquillan-
tur credentium conscientiæ.

Erubescant & conturbentur valdè. Ha-

Sancta Aenus substratum est fundamentum gloriatio-
nis comple riationis, nempè fiducia misericordiæ Dei
mentum. in Christo, nunc redit ad inceptam illam
 g'oriationem. *Erubescant, inquit, & conturbentur* Valde omnes inimici mei. Sensus est, quasi dicat, Exspectabant isti perniciem meam, nunc spe tua frustrati sunt, ideoque erubescant. Nam, vt ita dicam, erubescantia & pudor faciei sequitur ex delusa spe. Spes non pudefacit. Deinde, *erubescantes, inquit, conturbentur* Valdè: quasi dicat, spe delusi ac erubescantes, tantùm molestiæ animis percipiant ex spe sua frustrata, quantùm lætitiæ acceperant ex sperata perniciæ mea. Nam dolor & vexatio animi sequitur ex pudore, vt pudor ex spe delusa.

Repenti-
na piorum
lætitia, &
impiorum
tristitia.

Tum addit, *Reuertantur erubescantes* momento, quasi dicat venerunt idè ad me, vt hostili animo obseruarent calamitates meas, deque me triumpharent: nunc verò *reuertantur*, reuertantur autem *erubescantes*, propter spem: delusam, idque *momento*: vt ego quidem momento præter expectationem sensi gratiam ac liberationem, sic illi pariter momento erubescant. Nota igitur, vt pij subito & præter expectationem eriguntur diuinæ gratiæ ac liberationis sensu, ita impios subito corripit pudor, ac ex pudore dolor: ex eoque maximè est

est pudor & dolor, quòd vident pios præter spem suam erectos ac liberatos. hæc enim erit bona pars confusionis & doloris reproborum, in die illo aduentus Domini, quos illi in terris aliquando iuerant perditum, ac prorsus è medio sublato iam sibi persuaserant, ita vt nulla vnquam in posterum super terram esset eorum memoria: quòd, inquam, comperient eos momentò & subitò, præter spem & expectationem glorificari, inspectantibus ipsis, & toto mundo. Superest vnica obiectio dissoluenda.

*De verà
& falsa
gloriatione.*

Quid? an non hoc est stultorum & arrogantium sic gloriari aduersus inimicos? Respondeo: glorianatur boni, glorianatur & mali, sed dissimili modo. Glorianatur quidem mali confisi viribus suis, cõsiliis suis, opibus suis, denique brachio humano. Gloriatur verò boni, freti duntaxat præsentia & gratia diuina. Estque hoc nihil aliud quàm Deum glorificare: quòd ipsum quid aliud est, quàm prædicare internam illà in Deo fiduciam, idque in os ipsorum hostium ac irrisorum qui in id maximè incumbunt, vt separent nos à charitate illa in Christo, vt omnem sensum gratiæ ipsius simulac semel extinguant? vnde Paulus, *Quis separet nos à charitate Dei in Christo?* verum quidem est etiam impios solere Dei

*Rom. 8.
38.*

Rom. 2.
17.2. Reg. 18.
25.

fauorem & gratiam venditare. Sic gloriantur hodierno die Pontificij de Christo, interea dum Christum in mébris suis persequuntur: quemadmodum Paulus de Iudæis dixit, quòd gloriati sint in lege Dei, etiam tum quum legem transgredirentur. Sic etiam blasphemum Rab facem gloriam esse legimus aduersus Hierusalem, se non nisi fretum Dei ipsius mandato, venisse ad eam euertendam. Somniant impij ad se pertinere Dei gratiam & fauorem, quum tamen Dei ira perpetuò ipsos persequatur. Verùm, tandem apparebit vanam esse hanc istorum hominum gloriationem, vt ad tempus omnia videātur ipsis succedere ex animi sui sententia. Tandem etiam apparebit non esse inanem piorum gloriationem, vtcūque inanis esse videatur ea impiis in præsentī seculo. Neq; enim, vt ait Paulus, spes nostra vnquam nos pudefaciet, verùm tandem coronabitur gloriā ac immortalitate in aduentu illo glorioso Domini nostri Iesu Christi: cui cum Patre & Spiritu Sancto sit omnis honor & gloria, Amen.

PSAL:



PSALMVS XVI.

Argumentum.

Ode est generis mixti, partim ὕμνος, partim ᾠδὴ ἑρμηνεύουσα. Dauidis autem esse ex inscriptione patet.

Constat autem, *Primum*, petitione salutis, ad versum vsque quattum. *Deinde*, gloriatione quadam in Deo, ad versum 7. *Tertio*, benedictione Dei, inde ad finem Psalmi.

1 *Insignis ode Dauidis. Serua me, Deus fortis: nam me recipio ad te.*

2 *Dicis lehoua, ô anima mea, Dominus meus es: bonum à me non peruenit ad te.*

3 *Sanctis qui in terra sunt & magnificis: in quibus tota oblectatio mea est.*

SERVA ME. Prima pars odes est petitio, Petit autem sui conseruationē, qua quidē significat se venisse in discrimen aliquod, expositumque fuisse periculo, vel ex Idololatria, vel ex alia quadam causa. Ideo enim supplex ad Deum confugit, petiuitque ut ipsum seruaret. *Serua me.* Argumentum petitionis est à fiducia sua in Deo, qua nimirum in præsenti periculo Deum corde amplectitur, in Christo Iesu. Dauid igitur constiturus sese coram illo Dei tribunali,

Prima pars
petitio cō-
seruationis

à fiducia
sua, in Chri-
stum re-
cumbente,

petiturusque salutem ac conseruationem
sui non audet prodire in Dei conspectum,
nisi prius inuestitus Christo ipsiusque iu-
stitia, hoc enim est credere in Deum, vel
se ad Deum recipere. Nulla enim vnquam,
vel regibus ipsis etiam optimis alia com-
parendi corā Deo ratio fuit: nisi per fidem
Iesu Christi, citra quam nullus vnquam
patuit ad Deum aditus. Per quem, inquit,
Apostolus aditum habemus per fidem ad
Deum.

Rom. 5. 2.

*Fiducia
huius, hy-
potyposis
egregia.*

Dicis Iehoua. Per apostrophē conuer-
tit se ad animam suam, eamque introdu-
cit, fidem illam, quam ipse prius profes-
sus est, contestantem, petentemque pari-
ter ipsius conseruationem. *Dicis Iehoua,*
inquit: quasi dicat, Tu, ô anima, & con-
scientia mea, testaris vnā mecum id me
verè ac sincerè profiteri, quodd dico me in
Deum credere. Nam nisi anima interiùs
contestetur & dicat quasi, *Tu Deus meus*
es, frustrā os nostrum profitetur exteriùs
in Deo fidem, frustrā dicit, *ad Deum me*
recipio. Nisi corde credatur ad iustitiam,
non valet oris confessio ad salutem. Ideo
Dauid introducit animam suam creden-
tem, & contestantem apud Deum, quodd
ipse prius ore confessus est. At quid dicit
anima Dauidis? *Tu Deus meus es*. Agno-
scit Iehouam Dominum. Verum, non tum
eminus

*Anima
piæ collo-
quium bea-
tissimum
cum Deo.*

minus quasi eum intuetur, sed propius
 d eum accedens suauiter ipsum ample-
 atur: id quod est proprium fidei, & par-
 ticularis illius applicationis quam in fide,
 esse dicimus. Amplexatur, inquam, eum
 um dicit, *Dominus meus es*. Atque hinc
 equitur illud quod iam prius ipse Dauid
 Deo petiuit: *serua me*. Idem enim petit
 anima Dauidis quod ipse ante eam peti-
 terat. Verum petitio hæc animæ Dau-
 is non est hoc loco expressa.

Bonum à me. Occupatio aduersus in-
 ellectam & suppressam illam petitionem
 animæ Dauidis. Obiici enim à Deo po-
 nit, ad quid seruarem te? quid boni potest
 te ad me peruenire? Respondet anima
 Dauidis primùm concessione, *bonum à me*
 on peruenit ad te: quasi dicat, Concedo il-
 ud vitam meam nihil tibi prodesse posse.
 ides enim nostra, vt acquiescat in sola
 Dei per Christum misericordia, necesse
 st submissè admodum ac sobriè de se sen-
 iat: & fidelem quémque oportet ita niti
 ola Dei gratia, & Christi merito, vt in-
 erim alienissimus sit ab omni opinione
 meriti sui, agnoscâtque, posteaquam om-
 ia quæcunque potuit effecit in Dei glo-
 am, nonnisi inutilem se seruum esse. Sed
 pendenda nobis veritas est huius sen-
 entia, ne sit aliquis qui opinetur non se-

Occupatio
 & concessio
 pia ani-
 mæ Dei
 maiesta-
 tem humi-
 liter in-
 tuentis.

Accura-
 tior con-
 siderationis
 Davidica
 consideratio.

riò & ex animo hoc dictum esse à Dauide, sed perfunctoriè ac simulatè. Deus itaque, (quâ est in se perfectione ac summa beatitate) neque adiuuatur aliqua ex parte bono nostro, neque læditur aliqua ex parte malo nostro: homo ipse vel bono suo adiuuatur, vel malo læditur. In eo enim est felicitas nostra, vt Deum glorificemus. Rursus miseri sumus, cùm non tribuimus Deo gloriam suam, vel etiam cùm eum ignominiâ afficimus, quantum in nobis est: id quod lætitia ista, quam percipimus ex obedientiæ conscientia; rursusque tristitia, quam sentimus in nobis ex inobedientiæ ac rebellionis conscientia, satis possunt testari. Miser ego homo, inquit Paulus, quis me liberabit à corpore mortis huius?

Rom. 7.

24.

Concessio-
nis corre-
ctio

Sanctis qui. Altera pars responsionis per correctionem: quasi dicat, quanquam bonum à me non peruenit ad te: tamen, ô Deus, serua me sanctis qui in terra sunt: hoc est in gratiam Ecclesiæ in mundo militantis, vt illi saltem prodesse possim. Quamuis igitur ex bono nostro nihil ad Deum accedere possit, tamen non est putandum planè inutilia esse bona opera: homo enim prodesse potest homini, & infirmus quisque vsui esse potest summo cuique, vt in corpore humano pes capiti prodest

desse potest. Ex hominibus autem Reges, ^{Regem}
 ex quo genere fuit Dauid, maximè pro- ^{& principi-}
 desse aliis possunt, qua sunt armati à Deo, ^{pum offi-}
 potentia & autoritate. Tenentur etiam ^{cium.}
 ex officio aliis prodesse, in primis verò &
 Ecclesiæ Dei, qua de re legimus Nabuc-
 cadnezarem alioqui Ethnicum à Daniele ^{Dan. 2.}
 admonitum, vt intelligant Christiani ^{30.}
 principes vel multò magis illud ab ipsis
 requiri.

Magnificis. Quos Sanctos, vocauit prius, ^{Sancti,}
 nunc, *Magnificos* appellat: vide igitur ^{id est, pñ}
 quanti fecerit Dauid Ecclesiã istam Dei, ^{& creden-}
 nunc aded spretam, & contemptam, non ^{tes in Chri-}
 à principibus modò, sed ab hominum ^{stum, sunt}
 vulgo. Manent tamen Sancti, quicquid ^{magnifici.}
 de iis sentiat mundus, re ipsa magnifici.
 Daniel eodem sensu nominat Ecclesiam, ^{Dan. 7.}
 populum Sanctorum excellorum, hoc est ^{27.}
 destinatorum ac ordinatorum ad excelsa
 omnia, vt gloriam illam, & vitam æter-
 nam. *In quibus* hic fons est boni illius quo
 affecturus est Sanctos, nempe oblectatio
 in iis, charitas & dilectio: frustra enim pro-
 sumus, vel Ecclesiæ vel alicui eius mem-
 bro, nisi diligamus. Si inquit Paulus, ^{bona 1. Cor. 13.}
mea omnia insumam in alendis pauperibus, ^{3.}
charitatem autem non habeam, nihil sum.
 Prodesse quidem aliis possumus, sed sine
 charitate nihil ipsi nobis possumus, ne-

*Cur p̃j
in mundo
diutius
manere
cupiant.*

*Philip.
1, 23. 24.*

que quod Deo gratum est facimus, vt quod non sit profectum illud ex corde sincero ac sanctificato. Nota h̃c pr̃terea causam cur velint p̃j viri aliquandiu in terris his conuersari. Ea autem est voluntas quam capiunt ex societate piorum, quorum causa superuiuere volunt, vt eos promoueant, feruentque ex illis aliquot, priusquam è viuis commigrent. Nam oblectationem in Deo suo longè maiorem habituri sunt in vita altera. *Bonum est mihi*, inquit Paulus, *si hinc migrauero: vobis non item.* Quòd si amor huius mundi imprimis, vel eorum quæ in ipso conspiciamus, nos ad mundum hunc totos alligat, profectò plusquam miseri sumus in tota huius mundi affluentia.

4 *Multiplicant dolores suos, qui alienum dotant. non libabo libamina eorum ex sanguine: neque assumam nomina eorum in labiis meis.*

5 *Iehoua est portio pradij mei, & peculij mei. tu sustentas sortem meam.*

6 *Funiculi acciderunt mihi in amœnis:*

psalmi etiam possessio mea elegans est pro me.
altera pars: pia gloriatio.

Multiplicant dolores suos. Secunda pars odes, gloriatio: deportatio aliquo ex pr̃cedente petitione gaudio. Nemo enim villo adhuc tempore ad Deum in Christo frustrà accessit. Collato autem quasi fe-
lici

lici illo statu suo, cum conditione Idololatrarum, pronunciat, & exclamat eos quodammodo præ se miseros esse. *Multiplicant*, inquit, *dolores suos*, qui alienum, hoc est, qui peregrinum Deum & Idolum *dotant*, hoc est, matrimonio se copulant cum eo per soluta magna dote. Dici enim *Idololatræ* vix potest quàm multa profundant Idololatræ in Idola sua. At quid inde fructus *futur.* percipiunt? Nihil profectò solidi ac veri gaudij, quale David percepit ex connubio illo suo cum vero Deo, sed tristitiam duntaxat omnémque miseriam. Superstitio enim semper coniuncta est cum trepidatione animi. Quid enim potest animum hominis stabilire præter solum Deum? Pollicentur aliis Papistæ pacem ac securitatem, quia tamen ipsi non fruuntur. *Coniugij celestis fructus eximius, de*

Obserua igitur hoc loco: vbi quis semel percepit illud gaudium, quod est à vero Deo, tum videntur ipsi miseri omnes *et felicitate & miseria* ij, qui relicto vero Deo ad Idola confugiunt. tum enim satis perspicit quis Idololatrarum miseriam, posteaquam oculus, *ferre retum iudicium.* luce illa quæ est à facie Dei iam collustratus est. Atque is est qui solus potest de miseria humana rectè iudicare. Idololatræ ipsi cecutiunt ad suam miseriam. Sunt etiam alij qui Deum alioqui profitentur ore, non tamen sentiunt corde solidum quod ab

ipso est gaudium in Christo Iesu: quorum iudicium de Idololatrâ sæpe est peruersum. De his loquor, quos videas passim, nullo discrimine, ad societatem suam admittere quos libet, siue veros professores, siue crucis Christi hostes, quales sunt hodierno die Pontificij. Vt igitur semel dicam, nullus est æquus miseræ Idololatræ iudex, nisi qui ipse prius sensit beatitudinem illam quæ est in vero ac vnico Deo.

*Libamina
idololatræ
rum.*

Non libabo libamina. Vt prius pronuntiauit miseros esse Idololatræ, ex sensu illius gaudij quod ex vero Deo percepit, ita nunc profitetur se communionem nullam habiturum vel cum Idololatrâ, vel cum Idolis ipsis: significâtque se ex animo detestari falsum illud cultus ac religionis genus. *Non libabo*, id est non sacrificabo cum iis, more profanarum Gentium, quæ sanguine libabant etiam humano, non modò contra legem Dei, sed etiam contra humanitatem ipsam. *Non assumam nomina eorum.* Hoc ampliùs quiddam est, quàm quod dixit proximè: quasi dicat, ne nominabo quidem Idola & alienos deos. Extat de hac re interdictum, *Nomen*

*Leuit. 3.
17.*

Exo. 23 13.

deorum alienorum ne recordemini, neque auditor in ore tuo: siue in iuramentis, siue in sermone familiari. Exemplum huius habes hoc loco, & promissionem apud Pro-

Prophetam. Extrema, est igitur ista detestatio quam proficitur David, vel nominis ipsorum. Quod si quis penitus intueretur miseram illam Idololatrarum conditionem, simulque sensu aliquo veri Dei in Christo Iesu afficeretur, is profectò cum Dauide totus ab Idololatrâ & ab Idolis abhorreret, & vel ipsa eorum nomina auribus ipsius essent inaudita: Nam quæ communio luci cum tenebris? Neque profectò tot reperirentur apud nos qui tam libenter exciperent pestes illas, & Antichristi emissarios, qui huc transmittuntur ad euerendam illam quam profiteamur Euangelij puritatem.

2. Cor. 6.
14.

Iehoua est portio. Postquam prædicauit Idololatrarum miseriam, simulque professus est quàm alienus ipse sit ab iis: Nunc prædicat felicitatem suam, quam obscurè opponit Idololatrarum miseriæ. *Felicitas piorum idololatrarum miserie opposita.* Materia gloriandi de felicitate nostra, qui legitimè Deum legitimè colimus, satis magna nobis suppeditatur, quoties inspicimus in miseros illos qui peregrinum cultum consecretantur, hoc profectò vsum haberet hodierno die, si quis seriò miseriam illam inspiceret, sed pauci admodum id faciunt: vnde fit, vt neque eorum miseria, neque sua felicitate commoueantur. Sed expendamus diligentius verba. *Iehoua est,*

*Hæreditas
piorum,
Deus.*

inquit, *portio prædij mei.* 1. Gloriatur de hæreditate sua : hæreditatem suam appellans ipsum Iehoram. Nam primùm necesse est fiamus participes ipsius Dei, iuxta promissionem in fœdere, *Ero Deus tuus* : vt deinde communicentur nobis omnia eius beneficia in Christo Iesu, vt sunt remissio peccatorum, iustitia & vita æterna. 2. Gloriatur deinde in firmitate illius hæreditatis suæ, idque per apostrophem ad Deum.

*Fructus
hæreditatis.*

Qui quidem re monemur, vt inter gloriandum subinde oculos ad Deum cōuertamus ad hoc, vt in gloriando maior sit fiducia quæ est ex solo Dei aspectu & præsentia. 3. Gloriatur in amœnitate hæreditatis suæ. *Funiculi*, inquit, *acciderunt mihi in amœnis*, hoc est, hæreditas, quæ mihi quasi funiculis diuisa est & assignata, incidit mihi in amœna loca. De funiculis vide Deut. 32. Mosén. 4. Gloriatur, postremò in elegãtia hæreditatis suæ ipsi cōpetēti, (vt ita dicā) proportionabili. *Possessio*, inquit, *mea elegans est pro me*, hoc est elegãtia eius mihi proportionē respondet. Vt igitur in summa dicam, gloriatur Dauid in hæreditate sua & in hæreditatis suæ adiunctis.

Usus doctrinæ & gaudij spiritualis.

Verba hæc Dauidis magna sunt omnia & grandia, arguuntque ingentem sensum Dei in Christo & vitæ illius æternæ, qui sub his verbis erat in animo Dauidis, Imò verò

verò arguunt maiorem sensum quàm sunt ^{1. Pet. 1. 8.} ipsa verba. Nam gaudium illud fidei, ducente Petro, ineffabile est, ac gloriosum. Sensus igitur maior fuit verbis, at res ipsa, & materia gaudij, maior est omni sensu: cuius vniuersi non sumus capaces. Quamobrem hæc verba Davidis tam grandia, arguunt gaudium illud quod in futura vita percipiemus, & illud quidem admirabile. Danda itaque nobis opera est, vt cum hæc legimus quæ à Davide in hac ode prodita sunt, vt & sensum aliquem gaudij similem in nobis percipiamus, & ratiocinemur ex his ipsis verbis, immensum fore illud gaudium quod aliquando planè hauriemus, cum patefiet nobis in secundo aduentu suo Dominus noster Iesus Christus, & quando, qualis est in se, gloriosum cum videbimus.

7 *Benedicam Iehouæ qui consulit mihi, etiam per noctes, erudiantibus me renibus meis.*

8 *Propono mihi Iehouam iugiter: quia à dextera mea est non dimouebor.*

9 *Idcirco letatur animus meus, & exultat gloria mea: etiam caro mea habitat secure.*

10 *Quia non es derelicturus animam meam in sepulchro: non permissurus es, quem benignitate prosequeris, videre corruptionem.*

11 *Facturus es vt experiar semitam vitæ: satietatem gaudiorum ante faciem tuam.*

amœnitatem ad dexteram tuam, in æternum.

Benedicam Iehoua. Tertia pars odes,
Benedictio. Percepta iam illa in Iehoua
felicitate sua, David erumpit in benedi-
ctionem, redundante nimirum ingenti il-
la lætitia quæ ex Deo fuit, in authorem
suum Deum: laudatio enim ac benedictio
nominis Dei, continuò sequitur perceptâ
ex Deo lætitiâ: quâque mensura est læ-
titiæ, eadem mensura est benedictio. Si
nulla lætitia, nulla benedictio, si aliqua læ-
titiâ, siue ea maior, siue minor sit: aliqua
est etiam benedictio, siue maior, siue mi-
nor, pro modo nimirum ac mensura læti-
tiæ. In cælis autem, ubi perfecta futura est
lætitiâ, perfecta & assidua futura est be-
nedictio & die & nocte, ac sine intermis-
sione dicturi sumus, *Sanctus, Sanctus, Do-*

minus Deus omnipotens.

Qui consulit mihi. Sequuntur argumen-
ta benedictionis, à Dei beneficiis in i-
psum. Nam posteaquam lætitiâ cordis se-
mel linguam nostram soluit ad Deum lau-
dandum, non deerit tunc laudandi eum
materia. Beneficia Dei sunt duplicia:
partim sunt præsentis vitæ, vt consilium
Dei, & immota quædâ firmitas, hoc ver-
su & sequenti: partim sunt vitæ futuræ,
vt resurrectio, vt vita æterna, à vers. 9. ad
finem odes. Primum itaque argumentum

bene-

benedictionis est, ex eo quòd Deum sibi
 habeat consiliarium. *Qui consulit mihi*, in- Psal. 25.
 quit: hoc est, quod dicit non semel, *Qui & alibi*
docet me vias suas. Docuit autem Dauidem passim.
 vias suas, dum mentem ipsius illuminaret
 ad hoc, ut posset videre quæ Deo accepta
 essent & grata. Docuit etiam vias suas, dū Via Dei,
 cor ipsius dirigeret ad ea quæ Deo grata quomodo
 essent persequenda. Ea enim est cæcitas avid. aud-
 mentis nostræ quoad res bonas Deoque fiant.
 gratas, item perversitas cordis: ut nisi ad-
 mota manu sua Dominus nos illuminet,
 reformet, atque refingat, nihil boni ne
 cogitare quidem possumus. Quamobrem
 quisquis vult rectè & cum laude aliquid
 agere, necesse est sibi quærat Deum con-
 siliarium. Id autem ut faciant imprimis
 admonentur Reges. Davidis Reges exem-
 plo, qui non solus est prodire in consi-
 lium cum regni proceribus, nisi consulto
 prius Deo suo. *Per noctes.* designat tem- Tempus
 pus quo ipsi consuluerit Dominus, quasi cōsiliorum
 dicat. Non solum interdiu, sed etiam no- Dei.
 ctu. Hoc est nullo non tempore mihi con-
 sulit. Ex quo apparet Dauidem, hominem
 alioqui distractum per noctes, variis cu-
 ris, & tentationibus, (ut erat is homo ty-
 pus Christi, & afflictiones eius ac tenta-
 tiones erant typi imprimis viui futura-
 rum Christi afflictionum ac tētationum.)

*Consilij
huius salu-
tares &
latius.*

Apparet, inquam, eum ita distractum, noctu solitum esse ad Deum suum precibus confugere, eoque in rebus perplexis vti tanquam consultore, quò etiam factum est, vt quemadmodum ipse de se alicubi testatur, quum anxius ac perturbatus totus sæpenumero cubitum iret vesperi, manè hilaris, & gaudio quasi perfusus totus sese lecto reciperet. Non alia autem de causa id fiebat, quàm quòd Deum consultorem etiam noctu habuerit. Graue ac molestum quidem est, si noctu priuetur aliquis requie ista corporis, & corporeorum sensuum, qui iam per totum diem multa audiendo, multa videndo, multa tractando, &c. defessi sunt. Verùm grauius est illud, si quis non modò priuetur ea requie corporis, verùm distrahatur interea curis & cogitationibus animi variis. Molestiarum istarum per noctem hæc ferè causa est, quòd tam pauci in molestiis suis ad Deum confugiant eaque in sinum quasi eius deponant: verùm malint ipsi sine Deo cum molestiis ac curis suis colluctari atque configere, quo fit vt his ipsis magis magisque distorqueantur.

*Modus
consilij di-
uini.*

Erudientibus me renibus meis. Modum notat quo Deus ipsi consuluerit: est autem per Spiritum Sanctum, quem nomine Renum intelligit. Renes autem meto-

metonymicè ponuntur pro cogitationibus, quarum sedem Scriptura facit Renes, Modum igitur innuit David, non extraordinarium aliquem, vt, qui fuit per visionē, per insomnia, sed ordinarium qui fuit per verbum, de quo haud dubiè sæpe meditatus est David, & per Spiritum Sanctum cum verbo operantem. Quare, quòd non expectemus Deum extra ordinem nobis affuturum, & nobiscum vel interdiu vel noctu coram loquuturum, non putemus ideo non posse fieri, vt nos eo vtamur consiliario: quandoquidem hic modus cum Deo agendi ordinarius per verbum & Spiritum Sanctum suum longè optimus sit, vt, exempli gratia, si quis interdiu vel noctu oppressus animi molestia apud se reputet illud Apostoli, *De nulla re estote solliciti, sed omni in re precibus & supplicatione cum gratiarum actione petitiones vestra innotescant apud Deum.* Si quis inquam, reputet hoc, is profectò cum Deo non minùs familiariter agat, neque minorem ex eo capiat consolationem, quàm si coram eum alloquatur.

Propono Iehouam mihi. Secundum argumentum benedictionis Dei, à beneficio illo quo immotus & firmus stat etiam in hac præsentì vita. *Non dimouebor*, inquit, *Sensit enim se David firmum ac stabilem*

Psal. 7.
10.

Psal. 1.2.

Huiusmodi
discursus.

Philip.
4.6.

2. Benedi-
ctionis di-
uine argu-
mentum:

Perseueran-
tia in ve-
ra pietatis
professione.

in Deo, etiam in mediis illis commotionibus & afflictionibus, quibus tum agitat-
 us est. Idem sentiunt pij alij cum ad Deum
 se recipiunt. Sic Paulus, *Quis nos separabit à charitate Christi?* Sensit enim se funda-
 tum ac radicatum in illa charitate Dei, ut
 ipse alibi loquitur. Idem tamen aliàs sen-
 sit se grauitè exerceri secundum exte-
 riorem (quem vocat) hominem. Sed quid
 interea de interiore homine? præmimur,
 inquit, sed non opprimimur: hæsitamus,
 sed non hæremus: persecutionem pati-
 mur, sed non deserimur: deiecimur, sed non
 perimus. at verò impij, cum rebus aduer-
 sis premuntur, ut non confugiunt ad Deum,
 sic nullam sibi in Deo stabilitatem sen-
 tiunt. Fateor quidem extra omnem com-
 motionem nonnunquam positi videntur
 sibi firmi esse: at vel minima aliqua agita-
 tione toti concutiuntur, quo primùm tẽ-
 pore defecerint illa quibus freti sunt ad-
 iumenta.

Stabilitas priorũ fundamenta. Verùm huius stabilitatis fundamenta
 consideremus. Primum, est hoc quod di-
 cit, *Iehoua à dextera mea est*, quasi dicat,
Iehoua me sustentat, ut loquitur alio psal-
 mo. verùm huius stabilitatis altius adhuc
 principium est. *Propono*, inquit, *mihi Ie-
 houam iugiter*. Hæc est illa in Deum per-
 petua fiducia, quæ nullo non tempore
 eum

eum præsentem nobis facit. Ex Dei autem præsentia, est stabilitas ac firmitas. Quamobrem qui vult firmiter stare, in afflictionibus præsertim, is requirat Dei præsentiam. Præsentiam autem Dei qui vult, fide eum apprehendat: neque, quantum potest fieri, patiatur vnquam eum ex oculis suis discedere.

Idcirco latatur. Sequuntur alia argumenta benedictionis à beneficiis ad alteram illam vitam pertinentibus, resurrectione ex mortuis & vita æterna. Neque enim satis est, si intueamur benedictiones præsentis vitæ, nisi etiam oculorum aciem dirigamus ad vitam illam alteram, & eminus quasi inspiciamus beneficia illa, quæ in altera vita conferuntur, longè maxima. Quod si gratia Dei vniuersa in Christo Iesu vitæ huic duntaxat restricta esset, nihil profectò essent omnia illa, quæ in hac vita nobis contingunt. Si fides & spes nostra Christo circumscripta esset hac duntaxat vita, miserii essemus. Si tantum in hac vita, dicit Apostolus, speramus in Christum, omnium mortalium miserrimi sumus. Sed non prætermittenda est formula, qua utimur in proponendo nobis duo illa future vitæ beneficia. Præfatur enim vers. 1. *latari se ac ingens gaudium percipere*

3. *Benedictionis di-*
vinæ argu-
mentum: vi-
ta æternæ
certitudo
& sensus.

1. Cor. 15
19.

Duo vita re ex his. Non eo modo exposuit nobis su-
beata futu- periora illa huius vitæ beneficia, neque
ra benefi- de iis dicturus huiusmodi vius est præfa-
cia spes glo- tione: vt vel ex eo satis appareat ma-
ria Dei & iorem esse lætitiā animi, vel ex spe
resurrectio- beneficiorum, quæ in nobis in altera
ni nostra. vita conferentur, quàm quæ est ex præ-

senti fruitione beneficiorum, quæ in
 præsentī vita nobis contingunt. Glo-

riamur, inquit Paulus, sub spe gloriæ
 Rom. 5.2. Dei. En gloriationem sub spe benefi-
 2. ciorum vitæ futuræ: Gloriationem, in-

quam, indicem ineffabilis cuiusdam a-
 nimi lætitiæ. Admonet etiam Aposto-
 lus, summam esse consolationem vel ex
 sermonibus de futura illa ac gloriosa
 resurrectione collatis. Sed paulò dili-

genter obseruandum est nobis hoc
 4. 18. Davidis exemplum. Vidit ille è lon-

ginq̃uo & non nisi post multos annos
 futuram corporis sui resurrectionem.
 quàm multi enim anni iam elapsi sunt, ex
 quo loquutus est hæc, & ex quo vita hæc
 defunctus est? Neque tamen adhuc resur-
 rexit, neque etiam resurrecturus est ante
 secundum illum Christi aduentum: & ta-
 men vel spe resurrectionis, quæ tam longo
 post tempore futura erat, tãto opere gauisus
 est! Quid igitur nobis faciendū est, qui in-
 cidimus in ipsum punctum aduentus Chri-

sti, &

sti, & quibus semel defunctis vita præsentis futura est tam brevis corporum nostrorum sepultura?

Sed diligentius consideranda nobis sunt Prophetæ verba. *Latitiâ cordi tribuit, exultationem gloria*, hoc est linguæ quæ instrumentum est piæ gloriationis in Domino. Denique *securam habitationem*, carni resurrectionis suæ attribuit, hoc est crassiori sui parti, quam corpus vocamus. Hanc enim hominis partem vel imprimis oportet suo quodam modo graviter ferre mortem, ut quæ condenda sit sepulchro, & in putredinem convertenda, emigrante interea anima, altera hominis parte, in cælos. Hæc ipsa tamen caro sub spe resurrectionis secunda est, ac suo quodam modo lætatur. En hîc gaudium diffusum per totum hominem ac omnes eius partes, & illud quidem ex spe resurrectionis futuræ ac vitæ æternæ. Quod quidem cum tantum sit sub spe & fide: quantum futurum est sub aspectu? Ex gaudio isto sub spe, tanquam arthabone, quod etiam ineffabile dicitur, facile coniectare possumus immensum fore illud gaudium, quod post hanc vitam futurum est ex præsentis Dei visione in Christo Iesu. Ita argumentatur Petrus: posteaquam enim loquutus esset de laude, gloria & honore illo, qui erit quâ patefiet Iesus Christi.

I
Latitiâ
cordis
lingua
exultatio
tionis fu-
tura
et exi-
mij.

Ge. 49.

6.

Psal. 30.

13.

I. Petr.

1.8.

I. Petr. I.

7.8.

stus, tum argumentum illius tantæ gloriæ subiecit ex fide ac amore nostro in absentem Christum, & ex eo gaudio, quod vel ex fide in absentem nunc concipimus, ineffabili ac glorioso.

*Resurre-
ctio capitis
Ecclesia
causare-
surrectio-
nis mem-
brorum.*

Quia non es derelicturus. Petrus Act. 2. 25. & deinceps, totum hunc locum, inde à versu 8. ad finem odes, de Christo propriè dictum interpretatur. Quem David toto hoc loco, tanquam Propheta, loquutus est: quanquam non ut Propheta modò, sed etiam ut typus Christi venturi. Nam & ipse David hæc omnia quæ ventura Christo prædicat, ipse in seipso certo aliquo modo expertus est. Ergo quæ hîc dicuntur, de resurrectione Christi, de quæ vita eius gloriosa, præcipuè intelligenda sunt: id quod conuincit Petrus eodem loco, vers. 29. & deinceps, vel ex iis verbis quibus dictum est, *Sanctum Domini non visurum corruptionem.* Corruptionem intelligo, carnis sepultæ putrefactionem, & resolutionem in puluerem. Ex illis enim verbis assumit Petrus, Davidem vidisse corruptionem. *obijt, inquit, & sepultus est, & monumentum eius est apud nos in hunc usque diem.* Quare de Davide, inquit Petrus, ista propriè dicta esse non possunt: sed de Christo ipsius semine, quem David in facta sibi promissione venturum viderat.

Vidit

*Corruptio
quid.*

Vidit tamen David interea, in illa seminis sui Christi resurrectione, suam quoque ipsius resurrectionem, quæ futura erat virtute resurrectionis Christi, qui factus est primitiæ eorum qui obdormierunt. Sic & omnes nos quoque, cùm in *1. Cor. 15.* Christum intuemur, cernere possumus, *10.* plenitudinem illam gratiæ quæ in ipso est in nos quasi redundare. Nominatim verò, si iam morti ac sepulchro proximi, si tum in eum intuiti fuerimus, sentiemus in eo ac in eius gloriosa resurrectione nostram ipsorum resurrectionem. Nam eos *1. Thess.* qui obdormierunt in Iesu. Dominus simul *4. 14.* cum eo adducet.

Notandum postremò, quod dicit, *Deum Funda-*
non permissurum eum quem benignitate pro-
sequitur videre corruptionē. Hac sui descri- *mentum*
 ptione ac periphrasi ostendit fundamen- *huius re-*
 tum resurrectionis gloriôsæ tum Christi *surrectio-*
 tum piorum omniũ in Christo: nempe pa- *nis.*
 ternum illum Dei amorem, quo tum Chri-
 stum tum pios omnes prosequitur, etsi la-
 to discrimine. Nam nos diligit in illo suo *Ephes. 1.*
 dilecto. Ex hoc resurrectionis nostræ fun- *6.*
 damento, non obscurum est discrimen in-
 ter piorum ac impiorum resurrectionem
 futuram. Amor Dei in Christo pios è se-
 pulchro molliter excitaturus est. At verò
 ira & iustitia Dei iudicis impios, vel in-

uitos, sepulchris suis extractura est ad æ-
ternum & iustum supplicium in die illo
nouissimo.

Facturus est. hoc alterum est beneficium
quod post hanc vitam consequuturus est,
nempe vita illa æterna, ad quam post re-
surrectionem rectà iturus est: quasi di-
cat, posteaquam expergefactus fuero,
& è sepulchro excitatus, facturus est vt
cognoscam illam semitam quæ ducit ad
vitam æternam, & cognitam ingrediar.
His igitur verbis significat viam ad vi-
tam & cœlos demonstrandam ipsi, postea-
quam è sepulchro excitatus fuerit. Se-
quentibus autem notat ipsam vitam quam
postquam emensus fuerit semitam illam
quæ ducit ad vitam ac cœlos consequetur.

*Vita æter-
na a deli-
tatione.*

Satietaatem gaudiorum. vitam illam pri-
mum exprimit per gaudium, & gaudij sa-
tietatem: deinde per amœnitatem. Princi-
pium ac fontem gaudij constituit Dei
faciem. Causam amœnitatis facit Dei de-
xteram, vtrunque & gaudium, & amœni-
tatem circumscribit temporis æternitate.

Ad hanc vitam nos adducat Domi-
nus noster Iesus Christus, cui
cum Patre & spiritu San-
cto sit omnis ho-
nor & gloria,
Amen.



PSALMVS XXIII.

Argumentum.

Psalmus est didascalicus, in quo Dauid gloriando exponit, fiduciam & securitatem suam. Existit autem securitas, quæ est in omne tempus futurum, ex fiducia præsentique perceptione misericordiæ erga ipsum diuinæ, & curæ tanquam pastoralis.

Duo proponuntur igitur in hoc Psalmo: *Primum*, est fiducia & apprehensio præsentis Dei benignitatis: *Secundum*, est ex fiducia securitas posterum, quòd Deus ipsum in omnem posteritatem, prosequuturus sit eadem benignitate. Vtrunque hoc proponitur statim primo versu. Deinde exponitur versibus sequentibus: Fiducia quidem ad vers. 6. Securitas verò vers. 6.

1 Psalmus Davidis: *Iehoua pastor meus est: non possum egere.*

2 *In caulis herbidis facit vt recubem. secundum aquas lenes deducit me.*

3 *Animam meam quietam efficit, ducit me per orbitas iustitiæ, propter nomen suum.*

4 *Etiam si ambulare per vallem lethalis umbræ, non timerem malum, quia tu mecum es: virga tua, & pedum tuum, ipsa consolantur me.*

5 *Instruis coram me mensam, è regione hostium meorum: delibutum reddis unguento caput meum, poculum meum exuberans.*

6 *Vtique bonum & benignitas prosequetur me omnibus diebus vite meæ: & quietus*

ero in domo Iehoua, quandiu longa erunt tempora.

*Propositio,
cuius pars
prima Dei
benignita-
tem erga
suos gra-
phicè de-
pingit,*



IEHOVA pastor. Propositio est per gloriationem primùm fiducia & quasi pastoralis curæ erga se diuinæ: Deinde securitatis in posterum. In prima parte propositionis curam Dei exprimit verbis sumptis à pastore & grege, Deum cum pastore, se autem cum oue comparans. Iehoua, inquit, pastor meus est: id est, vt pastor ouem, ita Iehoua me pa-

*Altera
pars prop.
securitatis
piorum o-
stendit.*

scit. Non possum egere. Altera pars propositionis qua proponitur securitas imposterum, Colligitur autem securitas imposterum, ac infertur ex præsentis fiducia & curæ erga se diuinæ apprehensione, quasi dicat, Deus me in præsens pascit, curatque omnibus modis: Ergo nunquam defuturus est mihi imposterum: neque futurum est, vt ego vnquam imposterum re vlla indigeam. Similis gloriatio est Pauli: Deus nobiscum est, quis contra nos? hætenus igitur fuit propositio per gloriationem, ex qua videmus fiduciam in Deū præsentem (Nam fiducia est rei præsentis apprehensio) efficere securitatem, qua quis in omnem posteritatem pollicetur sibi Deum fore præsentem. Non est vlla res alla, si Deum excipias, quæ præsentia sui nos ita securus potest reddere loquor de vera
illa

Rom. 8,
30.

illa ac spirituali securitate : possunt enim, ^{Carnalis} fateor, res huius mundi caducæ gignere ^{securitas.} in animis hominum securitatem quandam, (quam vocant) carnalem, qualis fuit illa diuitis illius, qui posteaquam amplificata & impleta essent ipsius horrea, dixit animæ suæ, *O anima mea, quiesce, ede, bibe, oblectare. Nam habes quæ satis tibi futura* Luc. 12. *sunt in multos annos.* Sed quid tum audiuit 19. ex Deo? *Stulte, inquit, auferent animam tuam à te hac ipsa nocte.* Quid autem consequatur ex carnali ista securitate ostendit Paulus, *Cum dicent pax, & tuta omnia : tum* 1. Theff. 5. *repentinum iis imminebit exitium, ut dolor* 3. *mulieri parturienti, nec effugient.* fallax igitur est securitas ista carnalis, at nunquam fallet nos securitas spiritualis, neque vnquam satis ex securitate spirituali gloriari possumus, neque vnquam satis magna de Deo, eiusque benignitate in omnem posteritatem, ex securitate illa spirituali, nobis possumus promittere.

In caulis. Primùm partem propositionis explicat, verbis primùm allegoricis ad vers. vsque 5. Deinde propriis, vers. 5. Ut igitur doceat Iehouam esse pastorem suum, inductionem facit partium officij boni Pastoris. Partes autem officij Pastoris enumerantur quinque, quarum duæ primæ, ad corpus ouis pertinent, tertia ad

Explicatio prima partis propositionis qua agitur de pastoris officio.

Pastoralis officij partes quinque.
 1. *Alimentum.*
 animam, quarta & quinta ad vias quibus incedit. Prima igitur pars officij boni Pastoris est his verbis, *In caulis herbidis*: quibus duo comprehensa sunt, quæ ad corpus ovis pertinent. Primum officium est, quod in caulis herbidis faciat ut saturetur. Secundum est, quod iam saturata oue faciat *ut recubet*, hoc est, fruatur mollissima quiete.

Nam in hoc posteriori, prius illud intelligendum est: non enim nisi iam saturata recumbit ovis. David hanc partem officij pastoris ad se accommodat: quasi dicat, Non secus atque pastor facit ut in caulis herbidis ovis primum se saturet: deinde recubet: non secus (inquam) Deus reficit cibo ac quiete suavissima corpus meum.

2. *Refrigerium.*
Secundum aquas. Secunda pars officij Pastoris etiam ad corpus ovis pertinens. Cernitur autem in eo, quod curet Pastor restinguere sitim ovis & potus, ac refrigerij commoditatem exhibeat. Similiter, inquit David, Iehoua restinguit sitim meam, & corpus meum refrigerat.

Ufus doctrinae quæ in duabus prioribus pastoralis officij partibus continetur.
 Haftenus igitur prædicauit Dei curam quasi Pastoralem in corpus suum. Disce igitur quæ sit Deo cura corporis nostri. Nemo enim est piorum omnium quem cibo & potu non saturet, saturitatem autem hanc non definitam ventre saturo quam corde, vel rebus mediocribus

bus contento. *Magnus est quæstus pietas cum animo sua sorte contento* : quo dicto significat Apostolus hæc duo coniuncta esse, pietatem & ἀνταρκειαν, siue contentum sua sorte animum. Quisquis igitur pius est, mediocribus est contentus, vno ieiuno ventre sæpe contentus est. *Didici.* inquit, Apostolus, *iis in quibus sum contentus esse initiatus, sum ad omnia, ad abundantiam, ad inopiam, ad saturitatem, ad esuritionem, animo valeo per Christum, qui corroborat me.* Ergo in quo Christus habitat per fidem is habet ἀνταρκειαν, & animum qui contentus est non modò rebus parvis. sed planè nullis. Qui autem non habet Christum, non habet ἀνταρκειαν, & animum vel rebus maximis contentum. Quò enim plus possident impij, eò plus appetunt. Non est hîc prætereundum silentio, quo animo prædicet David hanc Dei liberalitatem in nutriendo suo corpore. Pius enim quisque de Dei liberalitate non potest conticescere, & pluris vulgarem ac mediocrem aliquam alimoniam à Deo acceptam, quàm impius aliquis facit lautissima fercula : fit enim, nescio quo modo, vt dū edit pius, aut bibit, ad Dei sui gloriam totum id faciat : & dum inter edendum & bibendum terrena ista esurit ac sitit, cælestia illa ac spiri-

Philip. 4.
11. 12. *Ani-
mas pio-
rum sorte
sua conten-
tus est.*

*Dei libera-
litatem de-
gustat &
prædicat.*

tualia degustat: fit inquam, ut interea animus ipsius comedat, ac imbibat gratiam eam, quæ mira quadam suauitate, corporalem cibum etiam vulgarem condire solet: ita ut melius sapiat palato pii hominis vulgaris aliquis cibus, quàm lautissimus alioqui sapit palato impij hominis.

*Pastoralis officij
tertia
pars.*

Conseruatio.

Animam meam. Tertia pars officij Pastoris est, quæ respicit ouiculæ animam. Est enim bestia naturâ timida, & re quacunque leuissima turbari solet, & inquietari animo. Officium igitur boni Pastoris est, non tantùm rationem habere corporis, sed etiam animæ ouis suæ, ut securam eam reddat ac quietam. Similiter, ait David, facit Deus, ut ego quieto sim ac sedato animo. Quorsum enim attinet habere corpus bene curatum, dum inter eâ negligitur anima, hominis pars melior, & cui si non sit bene? profectò corpori bene esse tunc non potest: quam enim voluptatem potest corpus capere ex cibo, potu & reliquis id genus, cum animus est in metu aliquo grauiori, præsertim cum cruciatur horroribus illis inferorum? David igitur dicit animam suam curæ esse Deo, & ab ipso quietam reddi: Eandem Dei curam sentit pius quisque & percipit animi quietem illam, ac pacē, quæ superat omnem intellectum.

*Anime
vera vita
& pax,
quid.*

Dico

Dico pacē Dei, nō pacē mūdi. Nā pax ista mūdi & carnalis securitas quæ hominibus obrepit, in Dei beneficis nō est numerāda, sed è cōtrā in Dei maledictionibus. loquor igitur de pace illa Dei quæ existit maximè ex bona cōsciētia, hoc est conscientia remissionis peccatorū. Nā simul atq; nos iustificat Deus, animi nostri incipiūt con- quiescere, & pace Dei muniri tāquā præsidio quodā. Ita enim de hac pace loquitur Apostolus, *& pax Dei, inquit, quæ superat* Philip. 4. *omnem intellectum, præsidio erit cordibus* 1e. 7. *stris.* Sed vide, quāti faciat hāc pacē David & quomodo eā prædicet: pius enim quisque non potest pacē hanc animi apud animum continere, quin prædicet eā ad Dei in Christo gloriā: prædicat quoq; pacē suā impius: *pax* (inquit) *& tuta omnia.* Sed in- 1. Theff. terea de Deo nullū verbū. At pius quisq; 5. 3. inter gloriādū pacē suā ac trāquillitatem Deo totā adscribit: quod dū audit impius, non intelligit de pace gloriantē in Domino, pax enim est quæ superat omnem intellectum hominis *fluxu* & animalis.

Ducit me per orbitus. Quarta pars officij boni Pastoris, quæ pertinet ad vias quibus incedit ovis. Est enim ovis, animal naturā vagum, (qua est simplicitate) obnoxium erroribus, ideo boni Pastoris est videre ne aberret à via plana & recta. Simi-

4
Pastoralis
officij quarta
pars.
Itineris
cura.

§.
Reuocatio
in viam
rectam.

Thesis ex
hypothesi
extracta.

liter ait David, ducit me Iehoua *per orbitas iustitie*, hoc est, orbitas rectas. *Etiamsi ambularem*, hæc quinta pars est officij boni Pastoris: quòd si contingat aberrare à via, & periculis sese exponere ouem, habeat in promptu virgàm, qua reuocet, & pedum quo retrahat ipsam. Sic David reuocatum se, atque retractum, quasi virga & pedo Spiritus Sancti, à Deo suo, tanquam fideli Pastore, profitetur. Eodem modo attendit Deus ad vias & actiones quascunque cuiusque pij, ipsum diligit, non tantùm generali illa prouidentia, qua omnes homines sine discrimine per ipsum viuunt, sunt, ac mouentur: verùm multò magis speciali illa sua prouidentia, qua regit eos Spiritu suo Sancto, quo, quasi, manu ducuntur in omnibus viis suis, & si aliquando contingat vt à via deflectât, ab eodem illo Spiritu in viâ reducuntur. Hâc Dei prouidentiam ac præsentiam vides quantopere prædicet David: idem faciunt pij omnes, dum sentiunt sine Deo nihil se facere, & dum experiuntur, tñ quo modo metam apprehendant, sese à Deo apprehendi, ducique ad illam ipsam metam: dum sentiunt etiam Deum sibi præsentem in viis quibusque periculosissimis, per quas ipsis ad cælos necessariò eundum sit. Neque enim in vlla re agenda solidum

lidum est gaudium, nisi sentiamus directorem & motorem Dei Spiritum.

Notandum verò hoc loco est, nulla pericula, nullas afflictiones, non mortem quidem ipsam nos à Deo separare. Ait enim: *Etiam si ambularem per vallem lethalis umbræ, non timerem, quia tu mecum es.* Putant vulgò Deum abesse ab eo homine qui ad extremum aliquod discrimen adducitur, qui in media morte versatur. Non enim vident, quomodo ista cum Dei providentia possint cōsistere: quasi verò non possit Deus nos liberare nisi ex temporariis istis periculis, vel non possit nos sustinere, nisi corpus hoc, & vitam præsentem sustineat. In periculis autem & ipsa morte signum præsentiae diuinæ certissimum est, quòd pij vacui sint à metu, & præsentis ac confidentis sint animo. Ideo enim dicit, *Non timerem malum, quia tu mecum es.* Vides igitur, ut in summa dicamus, quàm specialis sit Dei cura erga suos. Nam cum in homine tria considerentur, corpus, anima, actiones, Deus ex his nullum destituit suâ præsentia, corpori ministrat alimoniam, & regimen, animum tranquillat, actiones vitæ dirigit. Neque verò tantum hanc curam habet suorum specialem: sed, quod ego semper numeravi inter præcipua Dei beneficia, eos per-

*Fiducia
certa pio-
rum.*

*Corruptio
mundi iu-
diciū.*

*Dei erga
suos speci-
alis provi-
dentia.*

petuò afficit sensu aliquo prouidentia & curæ erga ipsos suæ, adeò vt singulas diuinæ prouidentia species possint prædicare, & Deo in solidum omnem earum gloriam tribuere.

Allegorie de officio pastoris explicatio, dulcissima similitudine proposita, cuius tres partes constituit.

2. Sam.
12.20.
Matth.6.
17.
2. Sam.
133.

Instruis coram me. Verbis propriis: allegoriam proximam ab officio boni Pastoris sumptam explicat, comprehenditque vniuersam illam Dei curam erga ipsum, his tribus quasi partibus. *Prima* est, quòd instruit mensam coram ipso. *Secunda*, quòd delibutum reddat vnguento caput ipsius. *Tertia*, quòd exuberans reddat poculum ipsius. Prima & tertia pars ad necessariam alimoniam pertinent. Secunda ad ornatum, nam oleo, & vnguentis ferè delibutierant veteres elegantia & venustatis, non necessitatis causa. Quamobrem qui in luctu erant ab vnguētis abstinebant. In prima parte obseruandum quod dicit, *Instruis coram me* mensam è regione hostium meorum: quo significat se, inuitis hostibus, à Deo alii, atque nutrirì, quò & accedat ipsi maior honor, & hostium sit confusio, dum, ipsis insipientibus, ita honoraretur à Deo. Deinde notandum in tertia parte, quòd dicit Deum *reddere poculum suum exuberans*. significat enim rerum necessariarum ad vitam, vt potus, vbertatem & copiã. Vide igitur quæ

quæ sit erga suos Dei cura, & quàm liberaliter cum ijs agat. Impertit ijs non tantùm quæ ad necessitatem spectant, sed quæ ad ornamentum: rursus quæ ad necessitatem spectant non ministrat parcè, sed copiosè, ac largiter. Atqui hæc omnia facit eorum causa inspectantibus & inuitis ipsorum aduersariis: quò & maior ad ipsos perueniat gloria, & hostiũ sit maior confusio, dũ vident eos à Deo honorari quos ipsi perditum cupiebant. Ita Deus omnibus modis honorat eos, qui ipsum honorant.

Utique bonum, & benignitas. Secundæ partis propositionis, hoc est securitatis in futurum tempus explicatio: ex securitate enim gloriatur, promittitque sibi tum omnia bona in hac vita, tum regnum æternum in altera. In hanc securitatem obseruatũ est suprà versu primo: nunc tantũ hoc addo: & causam quæro, vnde fiat vt tam securè ex præsentis fauoris diuini sensu, sic gloriatur aliquis, polliceaturq; sibi tã certò ferè vt nunquã de illo favore destituatur in posterum? In causa est, non aliquid in nobis, non amor ille quo nos Deum prosequimur: nihil enim in nobis est, quod nos possit securos reddere, quæ est nostra per naturam inconstantia: sed in causa est, gratuitus ille Dei fauor, qui quem semel cœpit diligere, in illo dilecto suo, eum di-

*Securitas
& gloria-
tio piorum
in Christo
recumbit.*

Confirmatio ab exemplo Testimonio Apostoli Rom. 8. ligit in sempiternum. Paulus securè gloria-
tur non quidem ex conscientia illius amo-
ris quo ipse Deum prosequutus est, verum
ex conscientia amoris quo ipsum Deus in
Christo sit amplexus. *Quis nos, inquit, sepa-
rabit à charitate Dei?* hoc enim est illud
fundamentum omnis illius gloriationis ac
securitatis, Dei erga nos dilectio, à qua
nulla planè vi auelli possumus. Deo igitur
in Christo sit omnis nostrę securitatis glo-
ria, Amen.



PSALMVS XXXII.

Argumentum.

Oden esse didascalicam, & à Dauide conscriptā, patet ex inscriptione. Agitur in ea de beatitudine humana continerq; felicitatis doctrinam. *Primum* igitur proponitur generalis doctrina ad vers. 8. *Dein* de, generalis doctrinę applicatio, ad versum vltimum. *Postremo*, cōclusio exhortatoria versu vltimo.

1 Dauidis ode didascalica. *Beatus leuatus* à defectione, cuius tectum est peccatum.

2 *Beatus homo* cui non imputat Iehoua iniquitatem, & cuius Spiritui non inest dolus.

3 *Cum* silerem, inueterascebant ossa mea: in rugitu meo toto die.

4 *Nam* interdiu & noctu grauis erat super me manus tua: conuertebatur pręstantissimus humor

humor meus in siccitates aestivas. Sela.

5 *Peccatum meum notum faciam tibi, & iniquitatem meam non tegam, (inquebam) confitebor defectiones meas Iehoua: & tu sustulisti pœnam peccati mei. Sela.*

6 *Propter hoc oraturus est te, quemcunque benignitate prosequeris, quo tempore obuenerit (in inundatione aquarum multarum, ad eum non pertingent tantum) dicens,*

7 *Tu latibulum es mihi, ab angustia custodito me: cautionibus liberationis circumdato me. Sela.*

Beatus leuatus. In generali doctrina, ^{1. Propositio summi boni, seu felicitatis nostra coram Deo.} *Primùm* occurrit, *Propositio* beatitudinis humanæ: *Deinde* confirmatio *propositio-* nis, ab experientia: *Postremò*, effectum experientiae illius misericordiae diuinæ erga *Dauidem*, in aliis fidelibus. Ut igitur de *propositione* dicamus: *Dauid* primùm torquetur conscientia peccati, & propter peccatum iræ diuinæ sensu. *Deinde* fiducia remissionis peccati sui tranquillatur animus ipsius. Igitur post cruciatum illum, & horrores mortis, remissionis peccatorum conscientia, tranquillato iam animo, beatus sibi videtur: quantum boni sit in remissione peccatorum, semel atque iterum prædicat, in hac ode didascalica, eoque euadit *Doctor* eximius beatitudinis humanæ. Teneatur enim quisque, po- ^{Doctor eximius,}

*quicumque
summum
bonum Ge-
rè docet.*

stea quā ipse sensit primū miserā suam, deinde gratuitam liberationem in Christo, pro vocatione sua, tradere aliis quasi doctrinam miseræ & beatitudinis humanæ. David igitur nunc euadit talis, veramque ac solidam felicitatem positam esse docet, non in diuitiis huius mundi, non in honore & gloria, non in voluptatibus, non in operibus aut meritis humanis, sed in sola Dei gratia, ac gratuita in Christo peccatorum remissione. Illi autem quos assumit sibi docendos, sunt homines miseri, miseri (inquam) vel ob conscientiam peccati & mortis: vel certè ob securitatem illam carnalem, qua ita consopiti sunt plerique, vt neque peccati, neque miseræ sensu afficiantur: quæ profectò conditio longè periculosissima est. Hi sunt igitur quos docet veram illam beatitatē, ac quibus viua voce demonstrat quasi digito, vnicam illam causam, quæ pacat & beat conscientias miserorum hominum, nempe gratuitam in Christo peccati remissionem.

*Varia
phrases
de remis-
sione pec-
catorum.
Prima.*

Tria autem sunt, duobus primis versibus loquendi genera, de peccatorum remissione, quæ tamen omnia in idem cadunt. Primum est, *Beatus*, inquit, *lenatus*. David sentiēs primū oppressum se peccati quasi onere: Deinde se illo onere leuatum

atum Dei misericordiâ, & tranquillatam
iam sibi conscientiam, respirans quasi ex-
clamat ac prædicat beatum illum, quisquis
leuatus est onere defectionis suæ. Quod *Cur beati-*
autem nos in nobis ipsi non experiamur *tatem ve-*
istiusmodi beatitatem, neque eam cum *râ in nobis*
Dauid prædicare possimus, in causa est *sentiāmus*
securitas ista quæ fit vel ut nō sētiatur om-
nino peccatū, vel si sentiatur, reputetur res
aliqua exigui momenti. Quod si profectō
excuteretur nobis hic veternus, & sensus
esset aliquis peccati, simul & iræ Dei, pec-
catum promentis, & efficientis ut into-
lerabile videatur peccati onus, quale Da- *Psal. 38.*
uidi videtur, quum dicit ac queritur ini-
quitatum suarum onus graue, easque gra-
uiiores esse quàm ut perferre queat: ni-
mirum sensit cum iniquitatibus suis con-
iunctam Dei iram, ex qua est illud tantum
peccati pondus: Quod si igitur sentire-
mus illud peccati onus cum Dei ira in-
cumbente, tum profectō seriō agnosce-
remus beatum illum hominem qui leua-
tus esset defectione sua.

Cuius tectum est. Secundus modus se- *Altera*
quitur, quo offert remissionem peccato- *phrasis de*
rum: *Beatus (inquit) cuius tectum est pec-* *remissione*
catum. Dauid, cum sensisset peccatum *peccato-*
suum, & totam hanc naturæ deformita- *tum.*
tem, irati Dei oculis obiectam: deinde,

*Cur te-
ctum in
nos pec-
catū esse
non expe-
rimur.*

sensisset etiam peccatum illud suum te-
ctum obedientia ac iustitia Christi: tran-
quillato iam ac sedato animo, pronuntia-
uit beatum illum cuius tectum esset pec-
catum. Quòd autem nos beatitatem hanc
in nobis ipsi non experiamur, aut beatum
illum cuius tectum est peccatum, in causa
est idem iste stupor naturæ nostræ & securi-
tatis carnalis, quo adeò exæcamur, ut
neque peccatum nostrum, neque iratam
Dei faciem de cælo nos intuentem vi-
deamus: propter quam rursus cæcitatem
eò impudentiæ sæpenumero venimus, ut
non contenti illos Dei oculos in occulto
offendere, etiam in publicum prodeamus,
ac in conspectu Dei, coram Sole & Luna,
toto mundo quasi inspectante, nunc ho-
micidia, nunc adulteria, nunc furta & ra-
pinas, & alia id genus fœdissima perpe-
tremus: atque irritemus, ut loquitur Esa-
ias, oculos illos gloriæ Dei, quemadmo-
dum de Zimri illo legimus homine impu-
dentissimo, qui cum scorto suo impurissi-
mo, Midianitide, in conspectum Dei, in
conspectum Moyſis, in conspectum to-
tius populi, etiam in publico omnium lu-
ctu prodiit, & fœditatem suam prodidit:
quare zelo Dei percitus Phinees, arrepto
spiculo utrumque transfixit. Quòd si pro-
fectò essent apud nos tali zelo Magistra-
tus,

*Pignus
inter mū-
di furores*

tus, non impunè ferrent homines scelera- *et horrendi-
dos lapsus,*
tissimi, tot homicidia, tot adulteria, deni- *consolatio.*
que tot omnis generis nefanda facinora.

Hoc tamen est quod interea nos consoletur quòd idem maneat Deus, & sui semper similis, qui pro iustitia sua non potest in sempiternum pati, ut ista impunè ferant homines perditissimi. Hæc igitur est quam diximus ex securitate nostra cæcitas, & ex cæcitate rursus mira impudentia. At verò si tandem aliquando excitaremur ex hoc veterno, conspiceremúsque peccata nostra, simul & iratum Dei vultum de cælo nos conspicientem, & æstu suo animos nostros quasi adurentem, (iratus enim Dei vultus non secus incendit impuros hominum animos quàm ignis materiam incendio aptam, ut stipulam, ut lignum, ut fœnum: iuxta illud Prophetæ, *Psal. 21.
disponis eos, ut fornacem ignis tempore facies
irata tue, tum illud apertiùs exponens,
subiungit, Iehoua, irâ suâ absorbet eos, quasi
consumat eos ignis.*) Quòd si inquam, istarum rerum aliquis esset sensus, tunc cum Dauide beatum eum prædicaremus cuius ita tectum sit peccatum, ut ab irato Deo non conspiciatur.

*Tertia
phrasis, de
remissione
peccatorum.*
Beatus homo cui non imputat Iehoua iniquitatem. Tertius modus est quo expressit nobis peccatorum remissionem. Sen-

fit procūldubio, primū erecto quasi in anima sua tribunali, & accusante conscientia, imputari sibi peccatum suū à Deo iudice. Deinde submoto ex animo suo, toto hoc iudicio per Christum, non imputari sibi peccatum suū. Hinc recreatus exclamat, ac prædicat beatum illum cui Deus non imputat peccatum. Quod si nos sic erecto

Socordia in animis nostris tribunali, Deum primum
nostra esse in iudicio sedente videremus sentiremūs-
etūq; sen- que accusante conscientia, à Deo iudice
suū summi peccatum imputari, profectò nos cum Da-
boni in a- uide beatum diceremus eum hominem cui
nimis no- Deus non imputat peccatū. Sed ea est so-
Arū corrū- cordia nostra, vt quamuis alioqui simus
pit. peccatores, non tamē nisi difficillimē attingatur peccati aliquo sensu: etiam tum cū ira Dei nos exercet, non nisi ægrè admodum ad peccati agnitionem pertrahamur.

Consciētia Ex hoc postremo modo quo effert Da-
hominis uid remissionem peccatorū, & ex Davidis
peccatoris, ipsius exemplo discimus, primū, quæ sit
gratiam- constitutio animi peccatoris qui seriò tan-
que à Deo gitur peccati sui conscientia, eoque ad gra-
impetran- tiam præparatur. Sentit in animo suo tri-
ris, anato- bunal erigi, & in eo sedere Deum ipsum
nia, iudicem: deinde consciētiam accusare pec-
cati, & Deum iudicem peccatū imputare,
cuiusque sceditatem terribili quasi oculo in-
tueri. Hinc sequitur sensus peccati serius,
& pon-

& pondus non ferendum, peccati inquam quod paulò antè videbatur nullius ponderis & momenti. Inde rursus existunt horrores & terrores inferorum, qui si perdurarent diutius, hominem adigerent ad desperationem. Habemus rursus in exemplo Davidis constitutionem animi peccatoris, postea quàm iam peccata sunt remissa: sentit apud se totum illud iudicium cessare, conscientiam tanquam testem non accusare amplius peccati, neque peccatum à Deo iudice imputari: sentit etiam quicquid peccati reliquum est in natura corrupta, illud totum Christi iustitia & perfecta obedientia ita tegi, vt non amplius feratur in illud iratus Dei aspectus: sentit denique peccatum suum iam non imputatum, & ita (vt dixi) tectũ non amplius sibi oneri, & quidem cùm leuatur aliquis peccati onere, leue sibi videtur peccatum, nō propter securitatẽ illã carnalem, verũ, propter Dei in Christo misericordiã, factũ est leue & parui ponderis. Ex his sequitur pax incredibilis & tranquillitas conscientiaẽ, quã nihil aliud est quàm ista beatitas, quã prædicat Dauid. Nã cùm eam semel penitus animo sensit, non continet eam apud animum suum: verũ apud alios cogitur de ea verba facere: vt, si possit fieri, etiam

alij miseri (quales naturâ sumus omnes)
eius sensu & suauitate aliquo certè modo
afficiantur, atque ita euadant beati.

*Locus, de
iustificati-
one homi-
nis pecca-
toris coram
Deo.*

Rom. 4.

Discimus præterea ex verbis Davidis,
id quod etiâ Paulus ex Davidis ista beati-
tatis prædicatione colligit, nempe, beatum
hominem, cui Deus imputat iustitiam abs-
que operibus : id est, iustificari hominem
non in hærente aliqua iustitia, quæ est ex
ipsius operibus, sed iustitia duntaxat im-
putata. Nam si iustificatio & beatificatio
est per remissionem peccatorum, necessa-
riò sequitur iustificationem esse per iusti-
tiam, non quidem inhærentem, sed impu-
tatam. Remissio enim, peccati est etiam
inhærentis: in hærente autem peccato, non
est iustitia inhærens illa, sed imputata. Ne-
cessaria ista consecutio imputatæ iustitiæ
ex peccatorum remissione, effecit vt Pau-
lus, eo loco Davidem loquutum expressè
de peccati remissione, interpretatus sit,
ita ac si loquutus fuisset de iustitia impu-
tata. Sed hæc res aliquo exemplo forensi,
& è medio petito, manifestior euadet.

*Confirma-
tio ab ex-
emplo fo-
rensi peti-
ta.*

Non enim aliter in hoc iustificationis
negotio res se habet, quàm si Rex aliquis
reus cuipiam, vt pote homicidæ iam con-
demnato ob peccatum suum, ex gratia
peccatum remittat : is autem peccato re-
misso dicetur iustificatus. At, qua iustitia?
profectò

profectò non illa inhærente : Nam in se homicida est reipsa. Qua igitur? profectò non alia quàm ea, quæ est à Rege gratis imputata, qua nimirum censet eum Rex iustum, qui in se non est iustus. Eadem est omnino iustificationis nostræ ratio coram tribunali Dei iudicis. Non sumus quidem nos ex operibus nostris iusti, sed iniusti. Neque Deus ex operibus iustos nos pronuntiat : sed Dei iustificatio, hoc est iusti pronuntiatio, est qua pronuntiat iniustū, iustū, ex sola ipsius in Christo misericordia.

Quo autem tota res hæc clariùs eluce-
 scat, sciendum est dici posse hominem co-
 rā Deo iustificari trib. in vniuersum modis
 I. ex operibus legis. 2. ex pœna legis viola-
 tæ. 3. ex remissione peccatorum, siue pecca-
 torum non imputatione. Nā hæc idē sunt. 1. *Per o-*
 Quòd ad primum illum iustificandi mo-
 dum, qui est per opera legis, post Adami
 & nostrū omnium in Adamo lapsum,
 nemo vnquam ex operibus legis iustifica-
 tus est, excepto vno Christo homine. Quū
 enim lex, ex duobus alterum requirat, vel
 vt faciamus, vel vt moriamur, faciendi
 quod lex iubet facultas omnis in Adamo
 deperdita est. Quòd ad secundum illum
 iustificandi modum, Christus solus eo mo-
 do, idque nostra causa iustificatus est. Ad
 nos enim pertinebat illa execratio, in lege

*Triplex
 modus iu-
 stificatio-
 nis coram
 Deo.*

*1. Per o-
 pera legis.*

*2. Per sup-
 plicia ob
 transgres-
 sionem.*

denuntiata, & nobis fuit iustitiæ diuinæ æterna nostra morte satisfaciendum: verū Christus sua, ac Patris sui misericordia, medius interuenit, ac in se peccatū nostrū, simul ac pœnam peccato debitā trāstulit.

3. *Per remissionem peccatorū, siue peccatorum non imputationem.* Tertius iustificādi modus, qui est per gratuitā peccatorū remissionē, solus reliquus est nobis, quotquot volumus corā Deo iustificari, & seruari, quo nimirum credentes Christū legi pro nobis satisfecisse, & passum esse nostra vice illā legis execrationē, gratis accipimus remissionē peccatorum omnium, ac accepta remissione iusti censemur in illa Christi iustitia & satisfactione, fide apprehensa.

Moderum istorum discernimen. Ex his tribus iustificādi modis, duo priores in hoc differūt à tertio, quòd, cū in duobus prioribus causa sentētiz iustificationis in iustificato sit, in hoc tertio iustificationis modo, sentētiz iustificationis causa est extra iustificatū. v.g. in primo illo iustificationis modo causa est in operibus iustificati. Sic iustificatus fuisset Adam, si steterisset in obedientia Dei: sic iustificatus fuit Christus nostra causa, operibus suis iustis, & dilectione Dei ac proximi, vndequāque perfecti. In secundo iustificationis modo, qui est per pœnam: pœna ipsa, quam perpetitur iustificatus, subiectum & causa est cur iustificetur à Deo,

Sic so-

Sic solus Christus iustificatus est nostra causa, & factus est pro nobis legis execratio, legique morte tua plenè satisfecit. In tertio denique iustificationis modo, causa est illa ipsa Christi satisfactio quæ est extra nos in ipso Christo, tanquam in subiecto, nostra tamè facta aliquo modo, nempe per fidem. Sic igitur tertio hoc pacto iustificantur fideles omnes per causam iustificationis, nempe Christi satisfactionem, quæ est extra ipsos.

David igitur, ut ad eum redeamus, de iustificatione loquitur non prima, non secunda, sed tertia: atque hominis iustificationem, & beatitatem, non operibus ipsius hominis, non supplicio, iuxta legis condemnationem de ipso homine sumpto, verum gratuitæ duntaxat peccatorum remissioni tribuit. Qui iustificationis modus hoc ordine perficitur. Primò, homo peccator vocatus à Deo, credit in Iesum Christum: ad cuius etiam sacrificium, persequente ipsum ira Dei, cogitur aliquo modo confugere, tanquam ad asylum quoddam. Apprehenso itaque illo sacrificio, iam Dei ira pacatur: pacata ira, locus est gratiæ ac misericordiæ, idcircoque, ex gratia remittit illi peccatum simul: & iustitiam illam ac satisfactionem Christi, quam fide prius apprehendit, peccatori

*De certa
iustifica-
tione ho-
minis pec-
catoris co-
ram Deo
loquitur
Propheta:
Istius ius-
tificationis ordo.*

*Eiusdem
efficacia.*

imputat. Atque in his duobus est posita illa iustificationis sententia, cuius causam videmus extra ipsum hominem, Christi satisfactionem: nisi haecenus dicas in ipso homine esse, quatenus fide apprehenditur. Atque hæc iustificandi ratio non minus efficax est, adeoque magis efficax est, & plena, quam si ex causa aliqua, quæ in nobis ipsis sit, ut operibus nostris, iustificaret nos Deus. Non minor est enim pax & tranquillitas conscientiæ, non minor lætitia ex iustificatione per fidem Christi, & per eius satisfactionem, quam si per nostra ipsorum opera iustificaremur. Iustificati, inquit Apostolus, per fidem, pacem habemus erga Deum. deinde, paulò post, gloriamur, inquit, sub spe.

Rom. 5. I. Ipse etiam Apostolus in hac iustificatione Dei per fidem, securè gloriatur aduersus eum qui velit crimen intentare quisquis is sit: Imò experientia iam inde à principio docuit firmiorem esse hanc iustificandi rationem, quam sit illa quæ est per opera, & causam in nobis inhærentem. Nam cum illa iustitia inhærens primùm Angelorum deinde hominum, amissa sit, iustitia hæc Christi, vera fide apprehensa, nunquam amittetur. In qua profectò sola, (ut huic disputationi finem imponamus,) qui non conquiescit, nulla illi pars est in hac
beati-

Rom. 8.
33.

beatitate, quam prædicat David in remissione peccatorum positam.

In cuius spiritu non inest dolus. Hactenus Effectus
 beatum prædicauit ex peccatorum remissione remissio-
 fione, nunc beatum etiam prædicat ex nis peccato-
 sanctificatione, præsertim simplicitate torum.
 cordis ac sinceritate, quod est remissionis peccatorum effectum: quasi dicat, beatum eum prædico, cui condonata sunt peccata, ita tamen ut non separem à remissione peccatorum, & iustificatione, sanctificationem. Sic Paulus, postquam præ- Rom. 8. 1.
 dicauit nullam esse condemnationem ei Sanctifica-
 qui est in Christo Iesu, subiecit continuò, tio cum iu-
 qui non secundum carnem, sed secundum stificatione
 Spiritum incedit. David igitur cum remissione ne cohaeret
 peccatorum coniunxit sanctificationem: ut effectum
 beatitudo enim siue felicitas hominis nihil aliud est quam status ipsius beatus, in Christo Iesu, estque effectum omnium spiritualium benedictionum in Christo Iesu, earum nimirum quæ enumerantur cum car-
 Rom. 8. 29. & deinceps, & inducuntur Ephe sa.
 1. 4. & deinceps. Sūt autē præscientia Dei, prædestinatio ad vitam, vocatio, iustificatio, glorificatio. Nō est igitur quod colligāt ex hoc loco, iustificari hominem etiam ex sanctimonialia vitæ ac operibus bonis, ideo quod Propheta dicat, *Beatus est in cuius corde non inest dolus: cum beatitudinis huius nomi-*

ne non intelligatur iustificatio, verum commune effectum omnium aliarum benedictionum, de quibus modò dictum est, & in quibus enumerata est sanctificatio. Ergo beatū, ex causis suis antecedentibus, sic definire possumus, ut sit is qui, ex præscientia, ac prædestinatione Dei, vocatus est, iustificatus, ac glorificatus. Ex his vides ad beatitudinē requiri sanctificationē, sinceritatem ac puritatem cordis, quæ in hac vita nihil aliud est quàm inchoata glorificatio: ac beatitudinem effectum esse omnium commune.

*Beatus,
quis corā
Deo.*

*Sancti-
ficatio,
quid.*

*Sententiæ
Apostoli,
de iustifica-
tione, con-
sideratio.*

Neq; etiā si bene aduertatur sententiā Apostoli, & cōsideretur eius verba, videbitur eo loco beatū ac iustū, siue iustificatū, ut vulgò putant, pro eodem accipere. Nam *μακαρισμός* etiam apud Apostolum nihil aliud est quàm beata iustificati hominis conditio, & iustificationis, siue iustitiæ imputatæ sine operibus effectum, unde etiā alibi Propheta noster, disertis verbis beatū prædicat, ex operibus sanctificationis, ut psalmo 1.1. &c. Neque enim illic beatum exposuero, iustificatū, quasi iustificatū describat Propheta ex effectis cōsequen-
tibus: verum, beati nomine intellexerim constitutum hominem in ea vitæ conditione, quæ effectum est iustificationis, sanctificationis, omnium denique spiritua-
lium in Christo benedictionum. Vide quæ

annotauimus ad eum locum de beatitudine,
Rom. 4. 6. &c.

Cum silerem. Hactenus fuit propositio ^{confirmatio} beatitudinis humanæ: sequitur eius confir- ^{propositio} matio ex sua ipsius experientia. Est autem ^{nis de bea-} ea duplex. *Prima*, est miseriam, quo nimirum ^{titate, ab i-} tempore sileret, ac peccatum suum non ^{psius Dami-} confiteretur. *Secunda*, est liberationis ac ^{dis experie-} remissionis peccatorum, nempe quo tem- ^{tia.} pore peccatum suum confiteretur. Dicit igitur primùm, *cum silerem, inueterascebant ossa mea*, hoc est, cum contine-
rem apud me peccatum meum, cum ipsum dissimularem: & non confiterer, *inueterascebant ossa mea*, hoc est totus conficiebar, nihilque in me tam firmum erat, ne ossa quidem ipsa, quod non attereretur Dei manu. Obserua Prophetæ verba: non enim sic loquitur, quia peccaui, *inueterascebant ossa mea*, verùm ita, *cum silerem*, siue non confiterer peccatum, *inueterascebant ossa mea*.

Ex quo discere, non idèd à Deo affligi pios, ut puniantur propter peccata sua, ^{Cur pñ d} quæ omnia in Christi vnica satisfactione ^{Deo affli-} remissa sunt: sed ut ex torpore & summa ista securitate excitentur, & ad resipiscen-
tiam adducantur. Hoc obseruo propter aduersarios, qui defendunt afflictiones, etiam piorum, totidem peccati poenas esse

temporarias, & satisfactiones pro peccato, cum tamen vnica sit, eaque sufficiens

*Error hominum
visi Christi
sati confu-
tatem.*

Christi satisfactio, & poena quam ille pro nostris peccatis omnibus luit: adeò vt, qui velit satisfactionem, quamcunque aliam coniungere cum Christi ista satisfactione, necesse sit eum perfectissimæ illi Christi nonnihil detrudere. Quin potius igitur tenendum est ac discendum ex hac Davidis experientia, afflictiones piorum quascunque, non esse propter peccata ipsorum, vt nimirum de iis sumatur supplicium aliquod: etsi alioqui earum origo & causa efficiens sit peccatum, nam peccati stipendium est mors: (idem iudicium est de aliis quibuscunque temporariis afflictionibus) verum Deus qui ex tenebris lucem eduxit, afflictiones eas, quæ suapte natura sunt peccati fructus, & effecta, ita mutat, vt iam euadant piorum exercitationes quædam in ipsorum bonum. Quare, vt dixi, non fiunt afflictiones propter peccatum, tanquam finem, vt ipsum plectatur, sed propter resipiscentiam, mortificationem, & conuersionem ad Deum.

*De sopore
piorum, cui
Deus me-
detur, eo-
rundem
assa conte-
rens.*

Secundò, nota hoc loco, quàm profundus soleat aliquando esse etiam piorum sopor, vt qui ita indormiant nonnunquam peccato, vt nonnisi grauissimis afflictionibus exercitati queant expergefieri, & v

loqui

loquitur David, nisi etiam ossa ipsorum
conterantur, atque id etiam (quod mirum
est) contingit, posteaquam iam saepe ex-
perti sunt Dei in Christo misericordiā, &
tracti sensu illo amoris Dei longè suavis-
simo, qui profectò eorum animum debuit
facile ac nullo negotio ad Deum allicere.
Nam qui gustavit semel quàm benignus
sit Dominus, oportet eum perpetuò præ-
sentiam Dei expetere. tamen ita obfirmantur
nonnunquam, & consopiantur, ut
nunquam se ad Deum velint convertere,
nisi afflictionum violentia pertracti. Ad-
mirabilis est ista securitas, admirabilis so-
por, qui etiam piis nonnunquam obrepit,
& ita illis excutit ad tempus gustum il-
lum charitatis Dei in Christo, quo alio-
qui oportuit eos allici ad Deum perpetuò
quærendum, ut nisi à Deo iudicarentur, pe-
irent miserè etiam cum reliquo mundo. I. Cor. II. 32.

Est etiam hîc quod obseruemus ex ver-
bo *Silendi*, quo quidem subobscurè innui-
tur aliqua peccati conscientia, & ea silen-
tio oppressa, & iniuste, ut loquitur Aposto-
lus Rom. I. 18. detenta. Nemo enim homi-
nem est conscientia adeò expers, qui non
quando ab ea quasi in aurem insusurrans
admonetur peccati sui. Atque hinc est
quod homines à conscientia admoniti de
peccato, (quo tamen interea summo pere

*De con-
scientia
Si, etiam
in ipso im-
pio.*

delectantur, studentq; ipsum in sinu quasi fouere) consentur omnibus modis peccatū dissimulare atque tegere, ita, vt si possit fieri, etiam Dei oculis non obseruetur: eo nimirum fine, vt possint frui peccato, sine conscientiae stimulo, & animi disturbance, quod nimirum obtinere non possunt, si peccatum suum in Dei conspectu & oculis esse sentiant. Inde fit, vt alij alios prætexus, quidam etiam religionem ipsam, & exteriorem cultum, peccatis suis prætendant. Verū frustra omnia: peccata enim regi non possunt, vt dictum est suprà, nisi vnica illa Christi obedientia integantur.

*Peccati
misericordia
summa.*

In rugitu meo. quasi dicat, Ego interea non agnoscens peccatum meum, affectus autem præsenti sensu afflictionum mearum, toto die instar leonis rugiebam, edebam sonos planè belluinos. Ex quo disce, etiam electos & pios, quo tempore traditi in manum suā cæperūt obbrutescere, & peccato indormire, dum ex illo suo sopore excitantur afflictionibus, belluarum more voces edere, potius quàm hominum sapius etiam obmurmurare, & fremere aduersus Deum. Nam si communem naturam pectes, discrimen nullum est electorum & reproborum, piorum & impiorum. Quod profectò si aliquod est à Deo sol

solo est, qui solus nos discernit, qui pios tandem ad se allicit sensu aliquo amoris sui, & flectit etiam corda Spiritu suo sancto. Impios autem deserit in æternum: deserti autem afflictionibus & plagis, tantum abest ut emolliantur, ut contrà iudicentur & fiant deteriores.

Nam interdiu. Hactenus afflictio grauissima proposita est, sequitur eius ratio: *afflictio- nis et mi- seria an- tea posita ratio.* quasi dicat, nihil est quod miretur aliquis esse mea ossa sic attrita, meque interea more leonis ruguisse. Manus enim Dei me die nocteque opprimebat. *Grauis, inquit, erat manus tua super me interdiu et noctu,* id est assidue & sine intermissione. Atque hinc factum est ut *prestantissimus humor meus conuersus sit in siccitates æstiuas:* hoc est, ut humor ille, quo viruit corpus, exaruerit, totumque corpus suum exsiccatum iam & aridum fuerit redditum. Amplificatio enim est oppressionis tam grauis ex effecto suo: manus enim Dei premens ipsum, expressit omnem corporis succum. Nota hinc *Cur affli- ctiones p̃is sint grauis- simæ.* præcipuam malorum Dauidis causam. non tam afflictiones ipsæ eum mouerunt, quàm Deus affligens, quem sensit interea sibi iudicem. *Manus, inquit, tua grauis erat super me.* Quare personam affligentis respexit magnopere. Neque enim tam afficiunt homines ipsæ plagæ: quàm Dei iudicis

conscientia. Quòd si enim in mediis afflictionibus adsit aliquis diuini amoris sensus, iam leuiores videntur, tum enim concipimus animo plagas illas non iam à Deo vt iudice, sed vt à clemente patre inflatas si verò in afflictionibus nullus adsit misericordiæ diuinæ sensus, iam leuissime alioqui, grauissimæ videntur nobis, non quidem tam causa ipsarum afflictionum, quàm conscientia iudicis. Horrendum est enim incidere in manum Dei viuentis: & omnium hostium maximè terribilis est iratus Deus. Complures sunt fateor, qui miseris modis afflictæ, interea tamen, vel nihil, vel parum admodum commouentur: non alia de causa, quàm quòd non videant à Deo esse afflictiones suas, atque inde est quòd, nulla Dei habita ratione, conuertant se ad causas secundas, atque iram suam in eas effundant: opinati beatos se fore demum, si in eas seueri fuerint. At verò si Deum autorem ominum eorum quæ in ipsos incidunt animaduernerent, interea autem nullo sensu dilectionis ac misericordiæ ipsius in Christo afficerentur, magis profectò calamitatibus illis permouerentur, cogitaréntque aliquando de ira ac iustitia Dei mitiganda: neque sic toti toto impetu in secundas quas vocant causas ferrentur. Miserabilis sanè est eiusmodi

*Cur tam
multæ in
afflictio-
nibus pa-
rum com-
moueantur,
aut vt de-
cet non af-
fecti sint.*

modi cæcitas , & stupor iste hominum, quos cùm Deus sua manu exercet, ipsam tamen non vident ac sentiunt.

Notandum deinde quòd dicit , assi- *Gravitas*
duam fuisse gravem illam Dei manum. *manus di-*
Primò, est gravitas manus & iræ Dei. Dein *vine.*

de est citra intermissionem gravitas, cùm peccator obduratus manet aduersus fidem & resipiscéntiam: tum induratur quasi Deus in ira sua. Testantur autem sæpe mundo iram illam perpetuam afflictiones & plagæ, quas ita Deus continuat , vt quemadmodum vnda vndam sequitur , ita plaga plagam, & maior perpetuò minorẽ excipiat.

Sic Apostolus de Iudæis refractariis, *Exem-*
plum, Iu-
dæi.
Occupat (inquit) eos ira Dei ad extremum vsque.

Si quando enim videmus impios ex calamitatibus emergere, non ideò cogi- *1. Thess.*
2. 16.

tandum liberationem istam perpetuam fore, sed sic quasi præparari eos ad ma- *Impij om-*
nes.

lum aliquod grauius. Concedit iis fateor Deus respirandi tempus , & interualla inter calamitates , quas immittit , satis diuturna , (qua est longanimitate) sed illi , vt ait Apostolus , pro duritia sua , & *Rom. 2.5*
corde quod resipiscere nescit , efficiunt vt interualla illa , alloqui ad resipiscen-
tiam concessa , nihil sint aliud , quàm præparationes totidem ad iram grauiorem.

*Aliud e-
xemplū,
p̄ ipsi-
met.*

Verūm vt de piis dicam: hoc ipsi expē-
riuntur in se, quòd dum languescit fides
eorum in Christum, seque à Deo non-
nunquam auertunt, statim experiuntur a-
liqua certè signa irati Dei. quòd si etiam
perseuerant in defectione sua, sentiunt
Deum perseuerare in ira sua: quòd nimirum
illud compertissimum habeant, extra
Christum nihil esse nisi iram. Quòd si nul-
lum aliud huius rei argumentum suppe-
teret, quàm horrores isti quos sentiunt
ni se alioqui fideles, dum Christum eiús-
que sanguinem vel negligunt vel non satis
firmiter apprehendunt animo suo, profe-
ctò, vel eò satis declaratur, extra Christum
non esse homines in tuto: extra Christum
nullam esse veram pacem ac tranquillita-
tem animi: cū in eo solo ipsius Dei ira
conquiescat.

*Alterum
membrum
prima par-
tis Psal-
mi, de ex-
perientia
liberatio-
nis.*

Peccatum meum. Hactenus fuit prima
experientia Dauidis, nempe miserix: se-
quitur nunc experientia secunda, nempe
liberationis. Summa est, quum confite-
rer peccatum, remisisti mihi & peccatum
& poenam peccati. Sed verba sunt atten-
denda. *Inquiebam*, id est, apud animum
meum proponebam, & statuebam, pecca-
tum meum confiteri. hoc autem effert
tribus modis. Primū, inquit, *peccatum
meum notum faciam tibi*: tum, *iniquitatem*

meam

meam non tegam : Postremò , *defectiones meas confitebor Iehoua*. Eodem recidunt tres istæ loquutiones. Triplex autem ista repetitio eiusdem rei , vel indicat quàm seriò confessus sit peccatum suum , vel certè arguit in deliberatione luctam aliquam , vel conflictum cum carne hominè retrahente à libera & ingenua confessione. Eluctatur itaque , ac confessionem peccati sui multiplicat. *Et tu sustulisti*, hoc est, remisisti mihi peccatum meum. Nam remissio peccati tum est , cùm reatus ac pœna , inquam , tota , non aliqua duntaxat pœnæ pars , siue maior ea , siue minor. Christi enim pro peccato plena satisfactio est , cui profectò tantum detrahitur , quantum defertur satisfactionibus nostris. Sed de hac re suprâ.

Nota hîc primum , non priùs confitetur David , quàm ipsum re-
mittatur , neque citiùs consilium cœpit
confitendi peccatum , quàm sublata sit
peccati pœna : quod profectò argumen-
tum est , non tã peccatum ipsum esse reatus
ac pœnæ causam , quàm duritiâ , & (ut
loquitur Apostolus) cor quod resipiscere
nescit. Procurat quidem fateor Dei iram
peccatum , sed obstinatio in peccato iram
continuat & thesaurizat. Quòd si enim
quis peccatum suum confiteretur , non

Doctri-

na.

I. de iræ di

uina ac pœ

narum caus

sis.

iam ampliùs Deum sibi iratum haberet. Verùm, quia pro duritia sua non confite-
tor peccatum, ideo manet ira, neque tan-
tùm manet, sed ingrauescit. Vnde Paulus,

Rom. 2.5.

*Tu homo, pro duritia tua, & corde quod resi-
piscere nescit, thesaurizas tibi iram in diem
ira, & iusti iudicij Dei. Quam enim puta-
bimus causam, cur tam grauis futura sit ira
Dei in illo die? Causa profectò futura est
tam grauis iræ, non tam peccatum ipsum,
quàm obduratus in peccato animus, & gra-
tiæ contemptus. Neque enim leue putan-
dum est id quod dicitur ab Apostolo, tantâ
salutem negligere, esse filium Dei respue-
re, in quem qui non credit, vt dicitur apud
Ioannem, iam condemnatus est: quia non
credit in vnigenitum Dei filium.*

Hebr. 2.
3.

Ioan. 3.

18.

2. Doctri-
na.

*De fidu-
cia pecca-
toris con-
uersi ad
Deum.*

Obserua deinde in hac Davidis con-
fessione *παρρησία* eam qua vtitur pecca-
tor iam conuersus ad Deum. *Confitebor ti-
bi*, inquit, *peccatum meum*. Arguit autem
libertas hæc, diuini erga ipsum amoris
sensus, & fiduciam gratiæ ac remissio-
nis peccatorum in Christo. fieri enim non
potest, vt peccator se ad Deum conuer-
tat, confiteatur peccatum, remissionem
peccati imploret, nisi iam priùs sit aliquis
sensus gratiæ ac veniæ quodam modo im-
petratæ. Iudæ extorsit confessionem con-
scientiæ, at coram Deo peccatum non au-

*Exemplū
oppositū,
ad ampli-
ficationē.*

sus

sus fuit confiteri, neque in eum modum,
 quo hoc loco David, cum Deo agere, *Peccatum meum*, inquit, *notum faciam tibi*.
 Sed recedens ac obuertens quasi Deo ter-
 gum, *Peccavi*, inquit, prodito sanguine in-
 noxio. Quamobrem, ut in summa dicam, Mat. 27.
 confessio peccati coram Deo, & veniæ peti- 4.
 tio, hoc est libertas ista qua quis audeat co-
 ram eo apparere, seque sistere ad ipsius tri-
 bunal, satis arguit sensum gratiæ aliquem,
 & ipsam illam peccati remissionem, quam
 petimus certo quodam modo impetratam

Propter hoc oraturus est te. Commendat 3 Doctr.
 proximam hanc quæ fuit misericordiæ di- *De usu ex*
 uinæ experientiam suam, ex effecto suo in *emplorum*
 fidelibus quibuscunq; futuris in posterum. *quæ in S.*
Propter hoc, inquit, id est, propter hanc *scripturis*
 experientiam tuæ erga me misericordiæ: *occurrunt,*
Oraturus est te, hoc est, confessurus est
 peccata sua, vel veniam petiturus est,
 is quem tu benignitate prosequeris: id
 est, non sine discrimine quolibet, verum,
 is demum quem diligit Deus. Huius
 dilectionis & benignitatis, ut modò dixi-
 mus, oportet sensum aliquem esse, prius-
 quam audeat quis coram Deo vel pecca-
 tum confiteri, vel peccati veniam implo-
 rare. At quo tempore oraturus est, quem
 Deus benignitate prosequitur? *Quo tem-*
pore, inquit *obuenerit*, nempe, *In innunda-*

tione aquarum. Antequam formam illam specialem orationis & precationis, quam dixit usurpaturum eum, quemcunque Deus benignitate prosequitur, in medium afferat, inserit per parenthesis promissionem qua oraturum excitat ad pre-

Metaphorica loquutio de tentationibus piorum. ces atque confirmat. *In inundatione*, inquit, *aquarum multarum*, id est in procel-
lis & fluctibus calamitatum vehementis-
simis (vt suprà 18. 17. & Psal. 69. passim.)

Rom. 8.5. *ad eum non pertingent tantum*, id est non vel leuiter eum mouebunt: adeò firma est charitas Dei in Christo Iesu. Quòd si ad eum pertigerint, tantum aberunt ab eo, vt possint hominem lædere, vt è contrà ipsi bono futura sint: diligentibus enim Deum

Rom. 8.28 omnia conferunt in bonum. Quamobrem Apostolus cum septiret sese fundatum in illa charitate, securè gloriatus est aduersus res creatas, aduersarias quasunque, vt oppressionem, angustiam, nuditatem, famem, gladium, mortem, vitam, potestates, & imperia. Atque id quidem fecit, non quidem eo quòd cogitauerit, vitam hanc præsentem non posse per hæc aduersa de medio tolli (nam & ipse postea contrarium est expertus) verum, ideo quòd expectauerit, ac certò sperauerit illam Dei, cum hac vita non intermorituram.

4. Doctr. Non est istud prætermittendum quod
David

Dauid oraturum istum, quicumque de- *Fulcrum o-*
 mum is futurus sit, confirmet promissione *rationis in*
 eius rei quam petiturus est, atque ita eum *tentationi-*
 animet ad preces. Hoc enim exemplo di- *bus grauif-*
 scimus, quicumque volumus cum fiducia *simis, pro-*
 precari, oportere nos inter precandum *missiones*
 perpetuò ante oculos habere Dei in Chri- *Dei in*
 sto promissiones, atque earum, quantum *Christo,*
 fieri potest, meminisse. Si enim nulla sit de
 promissionibus Dei cogitatio, quæ fiducia
 quæso, quis ardor inter precandum esse
 potest? cum sine ipsius Dei verbo non sit
 fides, & frustra polliceatur aliquis sibi,
 quidquam boni, vel gratiæ à Deo, cuius
 certitudinem aliquam nō habeat ex ipsius
 Dei verbo ac promissione. Fides ex audi- *Rom. 10.*
 tu est, auditus per verbum Dei: verum *17.*
 quidem id est neminem reperiri, qui non
 commouetur interdum sensu indigen-
 tiæ suæ, atque ita vel necessitate ipsa co-
 gente ad aliquas preces concipiendas
 prouocari. Sed si nulla sit ob oculos Dei
 promissio, nullum Dei verbū de eo quod
 petunt, quo vultu aut quo animo aude-
 bunt ad Deum accedere? Id ego noto dili-
 gentiùs, ob eam causam, vt sciant omnes
 quàm sit necessarium Dei promissiones
 omnes, siue illæ sint de rebus temporariis,
 siue de rebus æternis, ex ipsius Dei verbo
 & Scripturis sacris scrutari ac discere. In

quibus profectò qui versati sunt optimè, illi precantur optimè. Cùm de promissionibus agitur, non est silentio prætereundus Christus, *in quo omnes Dei promissiones sunt: ita, & amen*, hoc est, suum habent & fundamentum & complementum, sine quo, profectò, frustra intueris promissiones vel temporarias vel æternas. Quamobrem, qui intuetur Dei promissiones, si cum fructu aliquo velit eas intueri, necesse est primum omnium, earum principium & finem Iesum Christum, vel intueatur, & nunquam eum patiarur ex oculis suis discedere.

5. Doctr. *Tu latibulum es mihi.* Hactenus misertatus fuit obiter promissio, sequitur nunc orationis formula qua usus est ille dilectus Deo, quisquis sit, idque, fretus Davidis exemplo & experientia. In hac oratiuncula, non tam numeranda quàm ponderanda sunt verba. Ante promissionem præfatur Deum esse latibulum, ac profitetur fiduciam suam in solo Deo esse: quod quidem est petitionis fundamentum imprimis solidum, & argumentum vehemens, ad conciliandam Dei gratiam. Quum enim non in hominibus, non in meritis nostris, quibus confidunt Papistæ, neque in vlla re alia, verùm in solo Deo per Christum Iesum, fiduciam

fiduciam tuam inter precandum collocatam esse præ te fers, ac profiteris, iam profectò affers tecum aliquid quo nihil Deo gratius acceptiusque esse potest.

Petitio autem est in his verbis: *Ab angustia custodito me*: Deinde, in eun-

dem ferè sentum, *circundato me cantionibus liberationis*, quasi dicat: libera me, ut materiam habeam canendi laudes tuas.

Petit itaq; liberationem, propter Dei gloriam, cuius haud dubiè maiorem habuit rationem quàm sui ipsius. Debemus enim

omnes, in petitionibus nostris, Dei in Christo gloriam, imprimis habere ante oculos. Quum verò iam impetratum est quod petiuimus, tenemur eo beneficio sic

uti ut cadat in Dei gloriam, hoc est, in eo utendo debemus perpetuò Deum respicere: secùs enim, vera accepti beneficii perceptio ac fruitio esse non potest. Di-

cit Paulus, *sive editis, sive bibitis, sive quid facitis, omnia in Dei gloriam facite*. Nulla e-

nim est, ne cibi quidem quem capimus, vera fruitio, nulla ex eo vera voluptas, nisi edamus Domino, hoc est, eo vescamur in

Dei gloriam. fieri enim potest, ut cibum eum cum belluino quodam sensu ac voluptate deuoremus, id quod faciunt pleri-

que: verùm ut cum vera illa voluptate ac vera suauitate ea participemus, fieri non

*Petitionis
summa.*

*Finis præ-
con, glo-
ria Dei in
Christo.*

*Confirmatio, à
dicto A-
postoli.*

*1. Cor
10. 31.
Rom.
14. 6.*

potest, nisi in ipso usu Deum eiusque gloriam intueamur.

6. Doctr. Vnum hinc ex hoc effectu experientiae
De genui- Davidis observabimus, priusquam ad re-
nis discipu- liqua pergamus, alios quidem dicit sequu-
lis, in Da- turos exemplum suum. Sed quos? nimirum
uidis schola qui quemadmodum ipse confessus est pec-
instituitis. catum suum, ita ipsi confessuri sunt pecca-
tum suum: & quemadmodum ipse ora-
vit Deum, ita & ipsi Deum oraturi sunt.

1. Tim. I.
16.

Sic Paulus alios dicit sequuturos exem-
plum suum. At quos? eos nimirum qui,
quemadmodum ipse credidit, & ipsi cre-
dituri sunt: *ut essem, inquit, exemplo creditu-*
ris in vitam aeternam. Disce igitur, quot-
quot exempla misericordiae divinae exti-
terunt iam inde à condito mundo, ea esse
posteris totidem consolationes & docu-
menta misericordiae erga ipsos divinae: sed
ita demum ut eam misericordiae viam ingre-
diantur, quam ante eos iam ingressi sunt
pii illi homines, qui ipsos praecesserunt,
hoc est, si crediderint in Christum Iesum,
si resipuerint, si conversi fuerint ad Deum, si
orauerint. Hoc ideo observandum pu-
taimus, quia videmus non paucos abuti
exemplis piorum hominum, existimantes
si ea tantum in ore habeant, fore statim
ut etiam cum ipsis similiter agatur, mise-
ricordiam similiter etiam ipsi consequan-
tur,

Aduersus
Epicureos.

tur, cum interea non contentur insistere
 piorum hominum vestigiis, cum sine fide
 sint, sine Christo, sine Deo in mundo. At
 longè falluntur. Nam, ut demus eos in nu-
 merato habere, quotquot vnquam extite-
 runt misericordiæ diuinæ exempla, tamen
 affirmamus, nisi idem illud vitæ institu-
 tum sibi sequendum proponant, quod an-
 te eos pij illi homines (quorum exempla
 iactitant) sunt sequuti, ea ad ipsos nihil
 pertinere.

8 *Erudiam te & docebo qua viaambu-
 laturus sis: consilium dabo, attento in te ocu-
 lo meo.*

9 *Ne estote ut equus, ut mulus, expertes
 intelligentia: cuius os freno & habena constri-
 gendum est: ne appropinquet ad te.*

10 *Magni dolores sunt improbo: qui au-
 tem fiduciam habet in Iehoua, benignitas cir-
 cumdat eum.*

Haecenus fuit prima pars Psalmi, de *Secunda*
 hominis beatitudine, ipse Propheta ex-*pars Psal-*
 perientia illustrata. sequitur nunc secun-*mi, conti-*
 da, in qua, per apostrophes conuersus ad *nens appli-*
 fidelem quemcunque, doctrinam illam *cationem*
 superiorem specialiter ad eum applicat: *doctrina*
 ipsūque instituit in vera illa felicitatis *superioris,*
 via, simulque excitat ex misera illa car- *ad unum*
 nis securitate. Ante applicationem est prae- *quemque;*
 fatio, in qua oblata vera institutione ac *fidelium.*

eruditione, eum hominem quem docere instituit ad attentionem excitat. Nam securo homini, ac dormienti in peccatis opus est attentionis argumentis, quibus pungatur & expergefiat, acutissimis.

Prefatio.

Prefatio itaque sic habet: *Erudiam te, docebo te qua via ambulaturus sis, consilium dabo, attento in te oculo meo.* hoc est, summa cum sollicitudine ac studio. Quædam hîc nobis obseruanda sunt. Primum: suprà dixit Dauid oraturum Deum exemplo suo, quem Deus benignitate prosequitur, eo nimirum fine, ut similem consequatur misericordiam. Nunc verò, non contentus eo, quòd sua sponte alij sint oraturi Deum, ipsius exemplo, conuertit se ad fidelem quemcunque, eumque sua ipsius voce instituit. Et si diuinæ erga te misericordiæ exemplum illustre sit, adeò ex sese, ut alij etiam sine te Doctore, illud videre, ac imitari possint: tamen non dicaris tu defunctus esse officio, nisi conuersus ad fratres, diuinam erga te misericordiam ipse prædices, & apud eos Doctoris partes agas. Quis enim potest felicius & maiori cum fructu concionari de gratia ac misericordia diuina, quàm is qui ipse expertus est eam? Neque enim qui nullo vnquam tempore gustauit quàm benignus sit Dominus, satis idoneus illius

beni-

benignitatis peccato esse potest. Quamobrem oportet ut is, in quo misericordiae exemplum est editum, experientiam suam *Conformam* cum aliis communicet. Neque enim sibi *ratio à pra-* duntaxat accipit quisquam gratiam, sed & *repro Chri-* aliis, ut alij etiam eam gratiam meliores efficiantur. *sti.* Sic Christus Petro inquit, *Tu con-* uersus confirma fratres. Estque ea fidei na- *Luc. 22.* tura, ut manum suam omnibus porrigat, *32.* ad hoc, ut, si fieri possit, omnes seruentur, *Anatu-* Paulus cum causam suam ageret coram *ra fides.* Agrippa Rege, posteaquam historiam vitæ suæ contexisset, oblitus sui, oblitus vinculorum suorum, ac conuersus ad Agrippam Regem, in eo totus fuit, ut hominem ad fidem adduceret. *Ab exem-* Credisne, inquit, Rex *pli Pau-* Agrippa, Prophetis? Scio, inquit, te credere. Tum Agrippa, *propemodum persuades mihi ut sim Christianus.* Iterum Paulus, *optarim à Deo ut & propemodum, & admodum, non tu modò, sed omnes qui me audiunt, facti essent tales, qualis ego sum, exceptis his vinculis.* Quid igitur? An se beatum etiam vincus Paulus, præ tanto Rege, existimauit? *Regum mundi, ex* Sanè quidiuinæ in Christo gratiæ suauitatem semel degustarunt, ij etiam Reges *tra Christi-* huius mundi, quos extra Christum vident *stus, mi-* præ se infelices putant, quanquam ipsi non *seruata* Regibus modò, sed etiam toti mundo *conditio.* miserimi esse videantur. Cum igitur Paulus

optaret sibi similem Agrippam, qui cum sine Christo fuit, putauit haud dubie tantum Regem præ se infelicem ac miserum, quod cum cogitaret, misertus eius, porrecta quasi manu, voluit hominem ad Christum deducere, misertus, inquam eius, id voluit: Soli enim fideles ac pii qui Dei misericordiam ipsi experti sunt, verè misericordes sunt. Agrippa enim non sic misertus est Pauli, quem tamen iudicauit tum miserum, quem vidit vinctum & omnibus iniuriis inimicorum suorum expositum. Quare, vt semel dicam, illud verum esse conspicitur, vel ex hoc vnico exemplo, pios quosque nihil æquè expetere ac salutem ac conuersionem hominum miserorum. Quid enim? Tu qui in gratia stas, putasne fore vt aliquid imminuatur de gratia tua, si eam liberaliter cum aliis communices? Annon illud experimur, communicationem istam, vel imprimis valere ad augendam in nobis fidem ac gratiam? Vnde

*Singuli
ad se doctrinam
pietatis
applicare
tenentur.*

de Paulus Rom. 1. 12. optauit Romanos inuifere, vt mutuam consolationem perciperet per mutuam fidem suam & ipsorum.

Secundò, obserua quod conuertat se Dauid non ad plures, sed ad vnum aliquem. *Erudiam te*, inquit, & *docebo te*. Ea re commendat singulis doctrinam hanc beatitatis, vultque vt singuli eam ad se seor-

seorsum applicent. In genere enim proposita vel concepta doctrina, minùs est effica-
 x: ad vnumquemque verò sigillatim applicata, magis penetrat in animum, & citra accommodationem particularem promissiones Dei in Scripturis sacris, neque fidem aut spem accensuræ sunt, neque accensam nutrituræ. Ideoque Paulus, alla-
 tam in medium Scripturam, ad Romanos applicat, cum hac admonitione, *quæ antè Rom. 15.*
scripta sunt, ad nostram doctrinam scripta sunt, ut per patientiam & consolationem scripturarum spem habeamus. Quibus quidem verbis, sine applicatione veram consolationem ac spem non habere nos significat. Quamobrem attendendum est, quomodo vel audiamus vel legamus Scripturas, quæ alioqui in genere omnibus proponuntur: dandæque est opera, ut singuli in genere proposita ad se trahant in specie. Exempli gratia, cum proponitur hæc sententia, Iesus Christus venit in mundum ut peccatores seruaret, debemus singuli, sicut ipse Paulus ibidem facit, eam ad nos ipsi restringere, facta quasi subsumptione: at ego peccator sum: & conclusionem, Ergo Christus venit in mundum ut me seruaret. quam quidem conclusionem particularem simulatq; apprehendit animus, in ea iam conquiescit, eaque quasi pascitur.

Confirmatio à dicto Pauli.

Rom. 15.

Altera confirmatio ab alio dicto.

1. Tim. 4.

15.

Heb. 6. 18. ac nutritor, valida cum consolatione.

De officio Tertio, observa, David, dum promittit
Doctoris ei quem institurus est doctrinam ac eru-
et pastoris ditionem, eadem operâ eum ad attentè au-
Ecclesie. diendum, & capessendum auidè quod di-
 cturus est, præparat. Qui comparat se ad al-
 ios erudiendum, proximè secundum De glori-
 am debet propositum sibi habere nō que-
 stum suum, non inanē gloriā, aut quid simi-
 le. sed eius bonum, quem informandū sus-
 cipit: idque & in sermone, & in tota vita
 præ se ferre debet. Ita enim fiet ut is quem
 instituit, dū videt proximè secundum Deū
 salutem suam Doctore suo propositam ef-
 se, maiori cū alacritate animū aduectat ad
 ea quæ dicuntur. Alterutrum enim neces-
 sarium est, ut vel ad vitā vel ad mortē pec-
 catoris efficax sit doctrina, quæ ab eo pro-
 fecta est, qui cum hac animi simplicitate ac
 sinceritate ad docendum prodiit. Paulus
 Apostolus, postquā dixit se Christi bonam
 2. Cor. 2. fragrantiam esse Deo in iis qui seruantur, & iis
 15. qui pereunt, his quidem odorem mortis
 ad mortem, illis vero odorē vitæ ad vitam,
 subiecit, *Non ut plerique cauponantur ser-
 monem Dei, sed ut ex sinceritate, sed ut ex Deo,
 in conspectu Dei.* Ergo sinceritas in docen-
 do, vel vitam vel mortem efficiet. Quare,
 ut dicam verbo, sinceritas illa ac simplici-
 tas animi, quæ Dei gloriam sibi imprimis
 propositam habet, in doctore & mini-
 stro

stro ante omnia requiritur : dico imprimis Dei gloriam, quia eam etiam salutem hominum anteferre oportet, quæ quærenda est quidem tanquam doctrinæ ac ministerij finis proprius. Minister enim non debet respicere primum & propriè, ut sermo ipsius sit odor mortis ad mortem : veruntamen, si alia ratione obtineri non possit Dei gloria, nisi quorundam hominum induratione, quærenda est Dei gloria vel cum omnium mortalium confusione. Esto Deus verax, omnis autem homo mendax. Rom. 4. 4.
 Et penes nos sit pudor vultus, ac penes Dan. 9. 9.
 Deum nostrum sint commiserationes. 10.

Ne estote ut equus. Hactenus fuit præfatio ad attentionem : nunc doctrinam animi Quibus
 paucis absoluemus. *Ne estote,* inquit, *ut equus, ut mulus.* Vocibus,
 Alloquitur præsertim stupidos, & obbrutescentes ad afflictiones & exercitationes Dei. Expertus enim loquitur : nam & ipse aliquando etiam obbrutescebat. Ideo quætales, quales ipse aliquando fuerat, his verbis alloquitur : quasi dicat. Ne obbrutescite, miseri, ad exercitationes Dei, tanquam equus, mulus, & bruta animantia, intelligentiæ ac rationis expertia. *Cuius os.* Sequitur nunc Commina-
 gravis comminatio, ad hoc ut ex tam profundo rio clamo-
 sopore quasi excitentur. quasi dicat sis verbis
ut equus & mulus nulla alia ratione doma- admiscen-
da.

ri possunt, quàm iniecto in os fræno: ita Deus, nisi tandem euigiletis ex lethali isto sopore, frænos potentiæ suæ ad domandã istam feritatem iniecturus est in os vestrũ.

Expressũ Magni dolores sunt improbo. Tum apertis
et discretis & propriis verbis, quod prius impropriis,
verbis tan- & per allegoriam propositum est, expri-
dem cum mens, atque apud animum suum ponde-
refracta- rans, tam miseriam obstinatorum quàm
vis agen- fidelium foelicitatem, exclamat in hunc
dum est. modum: Magni dolores sunt improbo, hoc

Pij et hu- verò qui fiduciam habet in Iehoua, beni-
miles con- gnitas circumdat eum: hoc est ab omni par-
firmandi te munit, vt tutus sit vndequaue ab in-
sunt. sultibus & tentationibus aduersariorum.
 Sic igitur & stupidos terret denuntiatio-
 ne miseriz, & credentes confirmat feli-
 citatis prædicatione. Ponit igitur ante
 oculos stupidorum hominum, conditio-
 nem vtriusque & fidelis, & infidelis, idque
 eo tum verborum pondere, vt si fieri possit
 stuporem illum ipsis semel excuriat.

Pij quale Obserua hîc primùm, David ipse libera-
ferant de tus ab illo suo stupore, & carnali securita-
peccatori- te, statim intuetur alios quasi peccato in-
bus in pec- dormiscentes: eos intuitus, reputat mise-
cato secure ros, imo mulorum & equorum loco ha-
stertenti- bet. Pij, vbi semel ex peccato ipsi euigila-
bus iuda- uerint, ac aperti sunt eorum oculi, tum in-
ciunt. spicien-

spicientes eos, quos passim videas adeò confopitos, vt ne vel vllis afflictionibus ex tam profunda securitate expergesieri possint, eos eodem loco habent cum belluis indomitis & rationis expertibus. Et reuera quidem, nisi resipuerint, deteriori loco sunt quàm ipsæ belluæ, quicunq; demum illi sint. Existimant se beatos esse viri principes, cùm in equos & mulos suos ascendunt, eosque huc illuc agitant, sed si id faciunt securi Dei, ac misericordiæ ipsius in Christo Iesu, tum profectò ipsis equis suis, ac mulis miseres sunt. fieri quidem potest, vt ad breue tempus prout velint grassentur, & omnia pessudent, verùm, nisi tempestiuè expergiscantur ex illo suo veterno, futurum est repenti vt Deus iniiciat frænos in os ipsorum, & dū dicunt pax, & tuta omnia, repentinum iis immineat exitium, vt dolor mulieri parturienti. Non frustra dictum est à Christo, vigilate, & orate. Neque enim aliud est certius signum futuri iudicii grauissimi, quàm securitas ista carnalis.

Obserua item, David expertus & miseriam stupidorum hominum, & felicitatem piorum, vtrumque apud animum suū seriò ponderat, ac de vtroque loquitur grauissimè. Qui enim semel experti sunt & gustarunt pariter miseriam ac felicitatem.

*Principū
& magnatum
Christore-
bellū mi-
serissima
conditio.
1. Thess.
5. 3.
Matth.
26. 4.
Piorum,
afflictionibus
& temptationibus
varis exercitatu-
rū est, de
miseria
& felicitate homi-
nis, disce-
re.*

tem, ij demum sunt qui & animo ponderare possunt miseriā hominis eiúsq; felicitatē, & de miseria ac felicitate loqui gravissimè: possunt inquā ex animo & sensu cordis de inferis, de cœlis, de pœnis inferiorū, de cœlesti gaudio. Neq; enim putādū est quēvis sine discrimine de his rebus vt oportet verba facere posse, vel quēvis sine discrimine posse eas capere, dū piū aliquē & expertum de his verba faciētem audit. Quāobré cuius securo ac oppresso lethali illo peccati somno, vel vnicā hāc sentētiā per totam vitam ponderandam propono, nempe hanc quæ habetur hoc loco: *Magni dolores sūt improbo, qui autē fiduciā habet in Iehoua, benignitas circumdat eum.* Hæc ideo diligentius obseruo, vt ad hæc cōnitamur omnes, vt animos nostros quasi grauitos & pressos sentiamus primū grauitate & pondere miseriæ: deinde pondere illo felicitatis ac gloriæ excellenter excellentis, vel loquar cum Apostolo. Sic enim futurum est vt de miseria ac felicitate humana grauitate possumus concionari, adeoque cum pondere aliquo: & istarum rerum sensu stupidum hunc mūdum, si fieri possit, semel afficere, qui nisi tempestiuè aliquo certè modo istarum rerum pondere commoueatur, futurum est profectò vt apud inferos, intolerabili illo iræ diui-

*Pia &
gravis
horatio.*

diuinæ pondere opprimatur.

II *Latamini in Iehoua, & exultate iusti & cantate, omnes recti animo.*

Latamini. Hactenus fuit secunda pars *Conclusio*
 Psalmi, nempe applicatio: sequitur nunc *Psalmi,*
 postrema conclusio, in qua hortatur eos, *exhorta-*
 quos Iehouæ acceptos & beatos proximè *toria.*
 prædicauit, ad lætitiā & lætitiæ certa quæ-
 dam indicia, cuiusmodi sunt cantiones:
latamini, inquit, in Iehoua, & exultate iusti.
latamini, inquit, non in vobis ipsis, sed in
Iehoua, ex quo nimirum solo est tota illa
vestra beatitudo in Christo Iesu: ita enim
loquitur Paulus, Ex ipso estis vos in Christo 1. Cor.
Iesu, quo significat, omnem illam excel- 1.30.
lentiam, & beatitatem nostram, ex Deo
esse in Christo, hoc est, per coniunctionem
illam nostri arctissimam cum Christo, qui
factus est nobis sapientia, iustificatio, sancti-
ficatio & redemptio: tum finem cur ex Deo
sumus in Christo, postea vers. 31. subnectit,
ut, inquit, sicut scriptum est, Qui gloriatur,
in Domino gloriatur, nempe ex quo est in
Christo. Quo in loco admirabilis apparet
Dei sapientia, qua prouidit atq; cauit suæ
ipsius gloriæ, quam alioqui homines am-
bitiosi natura, & blasphemæ, sibi vëdicât.
Non elegit quidē multos sapientes, mul-
tos potētes, multos nobiles: sed elegit stul-
ta, infirma, & ignobilia, quæ imbueret do-

nis gratiæ suæ, in Christo, eo nimirum fine, ut caro non gloriaretur in se, sed agnosceret quicquid habet, à Deo esse acceptum, ideoque in eo per Christum Iesum gloriaretur.

Ad quos pertinet hæc exhortatio. At quinam sunt quos ad lætitiā exhortatur? *latamini*, inquit, *iusti & recti corde*. his appellationibus iustitiæ ac rectitudinis, ex quibus est illa beatitudo. Nam, ut dictum est suprà, etiam ex sanctitate ac cordis sinceritate est beatitudo. his inquam appellationibus beatos designat, & eos quos di-

Pq̃ soli gaudere sciunt & possunt. xerat, proximo versu, benignitate Dei circumdatos. Quo loco nota primum, non nisi beatos, & (ut ipse vocat) iustos ac rectos corde gaudere unquam verum ac solidum gaudium. Neque enim istam mundi lætitiā, quæ est iniustorum & miserorum hominum, lætitiā non ne propriè, appellarim.

Esa. 48. Nam nulla pax improbis, dicit Dominus.

22. & 57. Nota rursus, lætitiā animo semel conce-

21. *Gaudij veri & solidi* ptam, non continere se quin erumpat, vel in cantum, vel in gloriationem aliquam.

libi naturalis. Ideoque David iustum hominem iubet cantare. Atque gloriatio ista non est tum

duntaxat, cum res sunt prosperæ, & secundæ: verum etiam tum cum aduersæ sunt.

Nam qui perfunduntur vera illa lætitiā &

Phil. 4.7. fiuntur pace illa, quæ superat omnem

Rom. 5.3. intellectum, ut ait Paulus, in afflictionibus glorian-

gloriantur sub spe gloriæ Dei, cui sit omnis gloria in seculum: Amen.



PSALMVS XXXIX.

Argumentum.

Psalmus est *Ἀπὸ τῆς ψαλμῆς*. Davidis eum esse ex inscriptione patet. videtur autem ex contextu, & argumento, eo tempore scriptus esse, quo David in summas angustias, coniuratione Abschalomi, coniectus est. Argumentum Psalmi, & summa eius hæc est. Agnoscit David. *primum*, aberrasse se ab instituto silentio, & patientia, seque deinde corrigens, precatur Deum. *primum* igitur hoc Psalmus, est narratio ad ver. 1.8. deinde, est precatio ad finem vsque.

1 Magistro Symphonia, Ieduthuni, Psalmus Davidis.

2 Dixeram, observabo vias meas, ne peccem linguâ meâ: servabo circa os meum capistrum, tantisperdum improbus erit coram me.

3 Obmutueram taciturnus, silebam etiam à bono, cum dolor meus in crude sceret.

4 Incalescente verò animo meo in me, in meditatione mea, exardescente igne, loquutus sum linguâ meâ, dicens:

5 Fac ut experiar, Iehoua, finem meum: nã mensura dierum meorum, quid est? experiar quàm durabilis sum.

6 Ecce, palmares disposuisti dies meos, & tempus meum, ut nihil est coram te: profectò,

omni modo Vanitas omnis homo est: quantum-
uis constitutus. Sela.

7 Profectò, per imaginem præterit quisque:
profectò, in vanum perstrepunt: congregat qui-
spiam, sed nescit quis recepturus sit ea.

Narratio
nionis tres
partes.



DIXERAM. Narrationis tres sunt
partes. Primò enim, proponit cõ-
siliu se cœpisse vitæ patienter
transigendæ, v. 2. Deinde, subiicit, se prout
cõsiliu cœperat, ita viuere cœpisse, prin-
cipio vers. 3. Tertiò, addit se ab incepto de-
fecisse, ab altera parte vers. 3. ad vers. vsque
8. Vt igitur redeamus. Narrat primùm,
consiliu se cœpisse patienter vitæ tran-
sigendæ. In hunc autem sensum primùm in
genere loquitur, *Obseruabo vias meas.*
hoc est totam vitam: Deinde in specie, *ne
peccem lingua mea*, quo significat, observa-
turum se ne lingua & termone aberret. In
lingua enim & termone regendo cernitur
aliquota pars vitæ nostræ. Quo autē melius
linguā suā regat, seruaturum se dicit *circa
os capistrum*, ad linguam nimitū frænandā:
sumpta metaphora ab equis ferocioribus.
Tum tempus silentij sui notat, & linguæ
coercendæ, *Tantisperdum*, inquit, *improbis
erit coram me*, hoc est, quotiescunque Deo
videbitur improborū opera me exercere.

Alterā
pars nar-
rationis.

Obmutueram taciturnus. Secunda pars
Narrationis, qua exponit inceptam à se
consilij

consilij capti executionem. *Obmutueram*, inquit, *taciturnus*. Deinde amplificatio est à maiori: q. d. imò ne bonæ quidem, & iustę defensionis meæ recordabar apud illos, sed missa faciebam omnia, & patienter, perse-^{2. Sam?} rebam. huius rei exemplum vide in Davi-^{16.5. &c.} dis historia Simei. Davidi ab Abschalomo fugienti venit ob viam, neque verbis modò, sed lapidibus eum petiuit: David autē, mirifica patientia, hominis contumeliam & iniuriam sustinuit.

Cùm dolor meus. Tertio loco narrat David & fatetur, aberrasse se ab instituto suo. Aberrationis autem summa est verbis illis quæ sequuntur vers. 4. *Loquutus sum lingua mea*, hoc est, obmurmuravi Deo. Tres autē causæ aberrationis precedunt. Prima est hoc loco, quasi dicat, Cùm nullus esset calamitatum finis, dolor meus tanquā vulnus inerudit. Secunda est principio versus sequentis, *Cor meum incaluit intra me*. Tertia est in secunda parte versus sequentis, quasi dicat, Meditatione frequenti ac cogitatione accensus est affectus, & quasi inflammatus est totus. hanc animi perturbationem^{2. Sam} summam demonstravit David, cùm Tziba^{16.1.} adueniēs. herum Mephibosetum falsò accusavit affectati regni.

Obserua ex his omnibus, primùm, David consilium cœpit patientiæ, incœpit^{De lussu perpetua piorum.}

captum consilium exequi, ab executione defecit. A gratia Dei est, quòd consilium faciendi quod bonum est capimus. A gratia Dei est, quòd incipimus persequi id boni quod decreuimus: vix autem incepimus, cum si deferamus à Domino, (quæ est naturæ nostræ infirmitas) statim deficiamus. Quare, opus est nobis assidua Dei gratia in tota vita, & omnibus vitæ actionibus: ad finem alioqui non poterimus perseuerare.

*De eorum-
dem pati-
entia.*

2 Illud obseruandū est, quòd Dauid nō temerè ingressus sit viā hāc silentij, ac patientiæ, verū cōsulò id fecerit. h. e. capto prius cōsilio. Quisquis igitur vult patienter hāc vitā transigere, & omnino bene vivere, ad id faciendū se quodāmodo obligare debet, certo animi sui decreto, ac præmissa deliberatione. Facit enim illud imprimis, aduersus subitos istos animorū motus: videas n. non prauos huc illuc affectib. suis celeriter abripi. Causa est, quòd nūquā apud se decreuerint patienter vitā transigere: inde euenit, quod si re aliqua vel leuicula moueantur, statim soluatür eorum lingua ad conuitia, & manus armetur ad nefas aliquod perpetrandum. Existimant homines vulgò non esse magni animi in iuriam perpeti, neque putant se posse viros esse nisi in belluis transformentur. E-

*Aduersus
impatien-
tiam &
iram.*

quidem non existimo quenkum istorum
 Dauid illo fortioiem esse, vel animo ma-
 iorem, qui tamen apud animum suum de-
 creuit omnes iniurias perferre. Ferocia est
 ista nostrorum hominum planè belluina,
 non magnitudo aliqua animi.

3. Obseruandum, quòd affectus Da-
 uid tandem efferbuerit, & tandem ipse
 loquutus sit: ea enim vis est effectuum no-
 strorum, vt etiam regnitum hominè trās-
 uertum rapiant. Ex quo videas adhuc re-
 liquas aliquas peccati in optimo quoque
 permanere, & non nisi somnium esse per-
 fectam istam Papistarum regenerationem.
 Istos homines puto ego nunquam adhuc
 satis in se descendisse, & quid penitus a-
 nimo lateat vidisse. *Novi*, inquit *Aposto-* *Rom. 7. 18*
us iam regnitus, in me, hoc est, in carne
peccata, non habitare bonum. Sensit ille quidē
 meritudinem peccati inhærentis, & le-
 tem illam, quam vocat membrorum, re-
 ellāntem legi mentis: quam quidem isti
 ondū vel senserunt, vel sentire voluerunt.

4. Obseruandum, nō statim cessisse Da-
 uid affectui suo: vides. n. hīc certis quibus
 am gradibus eum erupisse in has voces. *Discrimen*
multiplex
 vobis enim in dies, malis succedentibus, *tenati &*
 imūm omnium dolor tanquam vulnus *ti hominis:*
 cruduit, deinde incaluit cor, terrò, exar- *Striusque*
 ignis, & tum quidem soluta est lingua, *ingenij.*

disce igitur, non absque lucta aliqua re-
 geniti hominis affectiones erumpere: quo
 quidem differt renatus à non renato: qui
 facilè & leui aliquo motu, ad quiduis ad-
 ducitur. atque hinc oritur etiam aliud dis-
 crimen renati, & non renati. Renatus qui-
 dem multum diùque perfert iniurias ac
 calamitates. Iob patienter tulit amissio-
 nem bonorum, tulit etiam patienter amis-
 sionem liberorum: sed quum ad vlcera
 ventum est, non tulit ea tam æquo animo.
 Commendatur tamen toti posteritati eius
 hominis mira quædam patientia. At non
 renatus nihil perfert lubenti animo, si non
 possit iniurias vlcisci quum vult, retinet
 tamen apud se vlciscendi animum.

*De abusu
 lingua &
 cordis im-
 puritate*

5 Obseruandum, David exarsit primùm
 deinde loquutus est. Iacobus in epistola
 sua cap. 3. v. 6. linguam vocat flammam, i-
 dem ait inflammata à gehenna. Entibi
 hoc loco gehennam illam, quæ nihil est al-
 liud quàm ignis malitiæ in corde quasi
 exardescens, & à Satana sufflatus, atque
 fatus. Vide igitur, nisi primùm sit in cor-
 de flamma, in lingua nõ est flamma. Quod
 polluit hominem, ait Dominus, egreditur
 ex homine. dum igitur audis blasphemias
 istas, conuitia, & putres sermones, ne tam
 hæc imputa linguæ petulantia, quàm cor-
 dis impuritati: ex abundantia enim cor-
 dis

dis os loquitur. detestamur linguas hominum, sed si impura illa ac fœda hominum corda, quæ solus Deus intuetur, inspicere semel possemus, quantopere quæso ab iis, toti abhorreremus? nihil enim est pio cuique magis detestabile, quàm est animus & cor hominis nõ regeniti per Spiritum sanctum. Hactenus prima pars Psalmi.

Fac ut experiar. Commemorat precationem, qua in defectione usus est: cuius *Petitionis* *quæ à nar-* rursus duæ sunt partes. primò, expetit *ratione* mortem: deinde petit liberationem à peccato & peccati pœna. In prima petitione, *pendet, par* facilioris doctrinæ gratia, hæc distinguenda sunt. 1. est ipsa petitio, prima parte vers. *tes duæ.* 5. 2. est petitionis ratio, secunda parte *Prioris* eiusdem versus 3. est amplificatio, tertia *partis mē-* parte eiusdem versiculi & sequentis principio. 4. est acclamatio quædam, parte *bra.* secunda, vers. 6. & vers. 7. Quòd ad petitionem, *fac* (inquit) *ut experiar finem meum.* potuit hoc comprehendisse verbo vno, *fac* ut moriar: sed usus est periphrasi, propter *πᾶθος*, ad tædium vitæ ostendendum: quasi dicat, Iam diu ego desideravi vitæ finem, factandem ut eum experiar. Ratio deinde addita est, à vitæ huius breuitate, *Mensura*, inquit, *dierum meorum quid est?* quasi dicat, nihil est. Tum persiltens in argumento, ac volens quasi exactiùs de-

finire tempus vitæ suæ, primùm, præfatur daturum se operam, vt videat atque cognoscat quàm sit durabilis. hinc definit tempus vitæ suæ, demonstrâtque quasi Deo ipsius auctori mensuram vitæ suæ. *Ecce, (inquit,) palmares disposuisti dies meos:* h. e. non longiores quàm sit mentura palmi. Pergit deinde in extensione dierum suorum, *Tempus meum, nihil est, inquit, coram te.*

*Davidis
præclarum
epiphone-
ma, perpe-
tua homi-
num &
seculorum
experien-
tia confir-
matum.*

Hætenus argumenti amplificatio: requiritur postremò epiphonema, siue acclamatio. *Profectò, inquit, omnimoda Vanitas* *omnis homo est,* ex qua ipsius experientia æstimat omnium hominum conditionem, exclamâtque omnem hominem omnimodâ esse vanitatem: estque hoc primum epiphonematis membrum. Secundum est, quo exclamatur studia omnia, & curas omnium hominum vana esse. *Profectò, inquit, Vanitas est omnis homo, quâtumvis constitutus, i. firmus, & fixus in hac vita, prout David superatis undique hostibus in celebri & potenti regno esse videbatur, cum orta est ista coniuratio. hoc autem epiphonematis membrum repetit. Nâ in eundem sensum dicit, Profectò per imaginem præterit quisque:* hoc est per speciem quandam euanidam, & vt dicit Paulus per *σχημα*, siue figuram, quo verbo significatur, non res aliqua, sed vana quædam rei species. Idem iudicium prophetæ est de im-

1. Cor. 7.
21.

Psal. 73.
29.

de improbo quocumque, quantumvis bene constitutus sibi videatur. Idem etiam est Apostoli iudicium de toto hoc presenti mundo. *Præterit*, inquit, *figura huius mundi*: & hæc quidem de utraque epiphonematis parte. *Profectò in Vanū perstrepunt*. Pronunciat eandem esse vanitatem studiorum huminorum, quæ est ipsorum hominum: quasi dicat, laborant, currunt, sudant frustra: quod & ipse prior expertus est, qui posteaquam regnum, opesque tantas comparauit, tanto cum labore, vidit Abichalomum filium furere, & Mephibosetum credidit conaturum aliquid aduersus regnum, ac proinde incertus fuit utrum successorem habiturus esset filium an alium quemquam.

Locus, de ingenij humani recessibus variis.

Obserua primùm: David soluta iam lingua non statim in Abichalomum, non in Mephibosetum, non in quemquam hominum inuectus est, sed ad Deum conuersus, aduersus ipsum obmurmurat. Eo enim sumus ingenio, & ea est natura affectuum nostrorū, ut quàm primùm soluuntur, tum primùm in Deum præcipientes ferantur. Id quod satis docent tragœdiæ illæ ab Ethnicis conscriptæ, ubi videtis tot miserorum hominum blasphemias, tot vociferationes & exclamationes patheticas: non tam in homines, quàm in Deos

illos quos sibi finxerunt. Ibi profectò imago quædam est corruptæ omnium hominū naturæ, interim dum extrema quæque perpetiuntur: omnes enim per naturam, mala quæ nobis contingunt, misérias nostras Deo imputamus, non nobis ipsis, non peccatis nostris. Non est tamen ista Davidis obmurmuratio, neque illa Iobi impatientia, planè desperata, qualis solet esse hominum profanorum, & quos Deus omnino deserit Spiritu suo.

De Vita

brevitate

radio, & su

abusu.

Observa deinde petitionis argumentum à brevitæ vitæ colligit moriendum. *radio, & su* utile quidem est perpetuò cogitare de *abusu.* vitæ huius brevitæ, neque obfirmare animum aduersus calamitates, quibus in hac vita voluntate Dei exercemur. Sic Iacob apud Pharaonem, ex sensu miseræ huius vitæ, quæstus est, paucos & malos fuisse dies suos: verum non inde colligendum est continuò, moriendum esse, neque præ impatientia expetenda mors est, id quod David per infirmitatem carnis olim fecit. Paulus autem longè alium usum ostendit oppressionis: Oppressio quidem efficit, non quidem impatientiam, sed patientiam, patientia experientiam: experientia spem. Vides igitur ex sensu calamitatum oportere sequi non impatientiam & desperationem, sed patientiam & spem. Ex quo

quo rursus, colligis, quo pacto bonis argumentis abutatur corrupta hominis natura, ad malas conclusiones & petitiones. Est tamen hîc aliquis impatientiæ modus, retrahente scilicet hominem Spiritu Dei Sancto. Cato enim aliquis, eo loco constitutus, in quo tum David, longiùs prouectus fuisset, neque modò mortem à Deo expetiuiisset, sed ipse sibi mortem consciuisset. At Deus, suos nunquam prorsus deserit.

De corruptione iudicij humani in veritatis recta applicatione.

Tertiò, nota corruptam hominis naturam abuti optimis quibusque sententiis, qualis est ista, *omnem hominem esse omnimodam Vanitatem*: neque enim satis vnamquam ponderare cum animo possumus, quàm vani sumus naturâ. At, quæ est corruptio nostra, cuius exemplum in Dauide etiam homine regenito habemus, optima hac sententia ad peissimam conclusionem abutimur, ad impatientiam, ad desperationem, & ad obmurmurationem aduersus Deum. Idem David, aut quisquis ille fuit, qui psalmum 73. conscripsit, longè meliorem ex huiusmodi sententia & vanitate hominum impiorum, conclusionem collegit, hanc nimirum, *Ego, inquit, iugiter futurus sum tecum.*

Psalm. 73. 23.

Quartò, David afflictus experitur ipse suam vanitatem & miseriam: ex sua rur-

De afflictionum usu.

Ius miseria, metitur communem omnium hominum miseriam. Ex quo discce, quis sit afflictionum vsus. Ex afflictionibus est agnitio, non nostræ ipsorum modò, sed cõmuniter omnium hominum miseriæ, quæ vsque adeò necessaria est, vt sine ea nulla sit liberationis ac felicitatis perceptio. Nisi enim agnoscatur miseria, liberationis ac felicitatis nullum est desiderium: cuius liberationis, si nullum vnquam futurum sit in vita desiderium, profectò nulla vnquam futura est liberatio. Nam non nisi pulsantibus aperitur: neque nisi petentibus datur. Periculosissima est ista hominum conditio, qui perpetuò in vita inebriantur prospero rerum omnium successu, neque experiuntur vnquam defectus illos, ac miseriam, quæ naturam nostram comitantur.

8 *Sed iam quid expecto, Domine? spes mea in te est.*

9 *Ab omnibus defectionibus meis eripe me: probro stultis ne exponas me.*

10 *Obmutesco, non aperio os meum: quia tu fecisti.*

11 *Remoue à me plagam tuam: à conflictu manus tuæ deficio.*

12 *Cùm in reprehensionibus pro iniquitate castigares quempiam, dissolueres sicut tineam quod inest ei desiderabile. Profectò, Vanitas*

Petitio-

nis repe-

tito & ex

positio.

Remoue à me plagam. Petitionem suam repetit, præterum eius partem posteriorem. Nam probrum illud quod dixit, nunc *plagam* nominat ac interpretatur. *A conflictu.* alterum repetitæ petitionis argumentum, ab imbecillitate sua. *Cùm in reprehensionibus.* Argumenti amplificatio à communi hominum omnium sorte, quorum nullus, si cum gravitate iudicij divini seipsum comparabit, eam firmitatem habet, qua perferre possit: sed contrà, est inanissimus. De hoc argumento vide in Iob multa. *Pro iniquitate,* hoc est, si secundum meritum suum castigares quemquam, dissolueres eum, sicut tineam, quæ solo tactu teritur. Tum, considerans communem hanc sortem & imbecillitatem hominum, quæ ne minimum quidem ex Dei iudiciis perferre possint, exclamat ut *suprà vers. 6.* profectò, vanitas est omnis homo. *Audi orationem meam.* Tertiò, repetit eandem petitionem magnacum animi vehementia. Cômendat autem Deo, primùm, preces ipsas. Deinde, clamorem in fundendis precibus. Tertiò, lachrymas clamori adiunctas. neque enim eiusmodi circumstantiæ, ut clamor in precibus & lachrymæ, frustra accedunt ac preces. Quin Deo sunt curæ, qui vnamque lachrymam suorum, ut alibi loquitur David, in

Iob. 4. 19.

vtre

vitæ suo recondit, & in numerato quasi habet,

Quia peregrinus sum coram. Tertia ratio ^{Pathetica} est petitionis tertio loco repetitæ, ab hu- ^{petitio.} ius vitæ breuitate: quasi dicat. Quando- quidem, prout est fors communis omnium mortalium, non possum diu in præfenti vi- ta subsistere, & peregrinari à Domino, proinde tibi misericordiam exercendi er- ga me miserum peregrinum oblata est oc- casio. Ita alibi loquuntur fideles. Sic acci- 1. Chron, piendum esse ostendit finis versus sequen- 25. 15. tis: *Desiste à me.* Conclusio est, quasi dicat. Pf. 119. Ergo abstine à me grauius & diutius af- 19. fligendo, vt recreem me antequam mo- riar, in vitam hanc non reuersurus. Ita Io- Iob. 10. bus differit, & ad Deum supplex cōverti- 21. &c. tur. *Quin nondum habeo*, hæc verba præ- sentis vitæ breuitatem significat: quasi di- cat, dum brevis adest lux ista, vel, dum fruor breui hac luce. Idem autem est re argumentum cum illo, quod fuit in fine versus superioris.

Ex his quæ diximus, observa in Davi- de, primùm, insignem quandam mutatio- ^{De Variis} nem, & preces, valde inter se discrepan- ^{piorum, in} tes. Antea quidem precatus est animo ^{calamita-} perturbato, nunc verò precatur animo ^{te confusio-} magis sedato ac composito. Aliquando ^{rum,} enim, in fidelium precibus, dominium est ^{cogitatio-} ^{nibus.}

aliquoties carnis magis quàm Spiritus: Aliquando verò dominiũ est Spiritus magis quàm carnis. Habes etiã in hac mutatione documentũ finalis victoriæ Spiritus Sãcti. Nã etsi in præsentí vita videatur sæpè carnis esse victoria, tamen hoc ipso, quòd post carnis motum, excitet in nobis Deus Spiritus Sãcti operationẽ eã, q̃ carnis motũ qui si absorbet, admonemur fore tãdẽ vt Spiritus plena perfectãq; victoria sit

*Calamita-
tum diuer-
sus & op-
positus ef-
fectus.*

Vide præterea, quàm diuersus, imo verò quàm sibi cõtrarius sit calamitatũ in Dauid effectus. Nã cũ antea calamitates cũ ad obmurmurationẽ impulerint, nunc earundẽ sensus ad agnitionẽ peccati, & deprecationẽ poenæ, eundẽ prouocãt. Nam, quæ est natura nostrũ omnũ, si quãdo rebus aduersis premimur, tũ præsentis vitæ tædio capimur, & mortẽ inclamamus. Verũ hĩc monemur potiùs vt peccatorũ remissionẽ petamus, & cũ Deo recõciliationẽ per Christũ Iesum, quàm mortẽ: cũ ne morte quidẽ finienda sit calamitas, verũ multis partibus auctior futura sit, si non

*Quid bre-
uiatis vi-
tae confide-
ratio in vi-
riis effice-
re debeat.*

fuerit reconciliatio per Iesum Christum. Obserua deniq; quã variè concludat ex eodẽ argumẽto à breuitate huius vitæ sum pro. Suprà. n. quia brevis est vita, expetiuit mortẽ. Nũc verò q̃a brevis est vita, deprecatur plagã, rectè vtitur Spiritus argumẽto eo quo

eo quo caro abutitur, & conclusiones ac petitiones sanctas ex iisdem principiis, ac fundamentis elicit: ex quibus caro haurit quasi venenum. Contrariam hanc rationandi ac concludendi rationem, ex iisdem principiis, sæpe regeniti homines in sese sentiunt. Atque eò felices sunt, quòd postea quàm ex bonis principiis mala cōcluterunt, ex iisdem vicissim bona concludunt, Spiritu nimirum carnem superante: cùm impij & nō regeniti, perpetuò, si quādo cōtingat videre bona principia, ex ipsis fallas & impias conclusiones eliciant: dicitur enim, quòd impij Deum cognoscentes, tamen non vt Deum glorificauerunt, sed Rom. 1. vani facti sunt in cogitationibus suis. ^{21.} Deo, in Christo Iesu, sit omnis gloria. Amen.



PSALMVS XLII.

Argumentum.

Ode est didascalica, vt ex inscriptione liquet. Continet autem querimoniam Davidis, quòd exularet ab aspectabili Dei præsentia, quæ fuit Hierosolymis.

Psalmi partes sunt quat. 1. est querimonia ad 6. v. 2. est consolatio, vers. 6. ad alteram partem 7. vers. 3. est gloriatio quædam aduersus exiliū sui incommoda omnia, denique aduersus omnes afflictiones, aduersum vltimum. 4. Postrema parte psalmi redit ad consolationem animæ deiectæ.

1 *Magistro symphonie, in posteris Korachi, Ode didascalica.*

2 *Sicut ceruus glocitat ad alveos aquarũ, sic anima mea glocitat ad te, Deus.*

3 *Sitiense est anima mea Dei, Dei fortis vivientis, dicens: quando accedam, ut appaream in conspectu Dei.*

4 *Sunt mihi lachryma mea cibo interdium & noctu, dum dicitur ad me quotidie, Vbi est Deus tuus?*

5 *Hæc recordas effundo in me animam meã: me solitum esse transire in turba, gradiri cum illis usque ad domum Dei, cum voce cantus & laudationis, multitudine feriente.*

*Prima
pars, duos
affectus
Davidis
exprimens.*



ICUT ceruus. In hac prima odes parte, & querimonia sua, aperit David affectus duos gravissimos: Priorem quidem, vehemens desiderium aspectabilis præsentia Dei, quæ tunc temporis Hierosolymis fuit: Posteriores, ingentem animi dolorem, cum desiderio coniunctum. Desiderium primum comparatè proponitur, facta cū Ceruo glocitante comparatione, *Non magis, inquit, glocitat Ceruus ad alveos aquarum, quàm ego glocito ad te, Deus.* Ceruus tum omni tẽpore confugere ad aquas dicitur cū anhelus est, tum maximè ineunte Autumno, quo tempore, propter æstum, est sitis impatientis-

simus.

Prior affectus, per comparationem expressus. Cerui natura.

simus. Ita naturâ sumus omnes siticulosi
 atque aridi: & cùm eius sitis ac ariditatis
 sensus est, tum non minori desiderio feri-
 mur ad Christû, in quo vno refrigeriû ha-
 bemus, quàm ceruus glocitat, hoc est ex-
 clamans accurrit ad aquas, quibus sitim
 suâ restinguat. Deinde est propositio sim-
 plex illius desiderij: *Sitiens est anima mea*
Dei, inquit. Naturâ omnes homines, vt iâ
 dixi, aridi sunt & sicci, adusti nimirû ardo-
 re illo peccati & iræ Dei. Verùm, pauci ad-
 modum sentiunt ariditatē suam, quo fit, vt
 pauci sensu vel siti gratiæ moueâtur. Neq;
 enim quisquam pertingitur gratiæ diuinæ
 siti, nisi eam primû Deus Spiritu suo pro-
 uocauerit, per legis præsertim prædicatio-
 nē. Iam verò, vbi semel prouocata est, nisi
 succedat noua gratia, qua continuò deducantur
 sitibundi ad purû illum aquæ viuæ
 fontem, Iesum Christû, statim paludes sibi
 quæsituri sunt, & pro aqua pura ac viua,
 imbibituri sunt putidam ac foetidam, pro
 merito Christi solo ac sanguine ipsius,
 haurient merita hominum, & eiusmodi
 venena, quæ propinant hodierno die Pa-
 pistæ miseris hominibus. Quamobrem
 Christus apud Ioannem, quo tempore in
 terris commoratus est cum Iudæis, alta
 voce & clamore sitientes ad se voca-
 uit: & hodierno die tota ista Euange-

*Comparati-
 onis ac-
 commoda-
 tio.*

*Cervus sit-
 iens Adam
 seniores, &
 et bruc
 magis.*

*De aquâ
 salutaribus
 et venenatis
 animarum.*

*Fons a-
 qua salu-
 tatis ani-
 marum,
 Christus.*

lij prædicatio, non aliò pertinet, quàm vt digito quasi demonstretur, vnicus ille vitæ fons Iesus Christus.

De potatione aquæ vitæ, tum in vita præsentis, tum in futura.

Posteaquam iam ad Christum ducti sunt homines, bibunt, ac bibunt in æternum: imbibunt illam gratiam, quæ in ipso est, & accipiunt omnes ex eius plenitudine: nunquam enim exhauritur fons ille vitæ, neque vnquam exarescit Christi sanguis. verùm, non sine discrimine aliquo bibimus in hac vita, & in futura. Nam in hac vita (vt sic dicam) pitissimus tantùm, at in altera, copiosè & vbertim potabimus illam vitæ aquam. bibemus igitur in æternum, & bibemus sine fastidio & nausea, vt enim exhauriri nullo vnquam tempore potest illa aqua, quæ est eius copia, & vbertas: ita ea est suauitate ac dulcedine, vt bibentes ad bibendum perpetuò alliciat atque prouocet. Nulla est hîc voluptas, quæ non assiduitate sui fastidium pariat. Cælestis illa voluptas, nullo vnquam tempore sui fastidium parit. Fastidimus nonnunquam, fateor, exercitia ista pietatis, vt verbis prædicationem & auditionem, preces, aliâque huiusmodi. At verò hoc non est imputandum aquæ, sed corruptioni nostræ. Latet enim etiamnum in corde cuiusque nostrum, nonnihil fellis amaritudi-

De fastidio spirituali.

ritudinis, qua ita inficitur animus noster, & eius quasi palatum corrumpitur, ut quæ sua natura suauissima sunt, nonnunquam amara videantur: id quod vel eo constat, quòd in altera vita, quum omnino deposuerimus istam naturæ corruptionem, nullum omnino futurum sit fastidium.

Præter hoc discrimen, quod diximus, est *Aliud discrimen po-*
& aliud quo bibimus in hac vita & bibe- *tationis a-*
mus in altera. In altera illa vita bibemus *qua vita*
immediatè, hoc est, nullo interueniente *in præsentè*
instrumento medio, vel verbi prædicati, & futura
vel Sacramenti administrati, videbimus *vita.*

Deum sicuti est. at verò in hac vita, opus est his mediis, tanquam canalibus, per quos deriuetur in nos illa ex Christo aqua gratiæ. Atque id est quod dicit Apostolus, cernimus nunc per speculum & per æni- *I. Cor. 13.*
gma: tunc autem coràm cernemus. Hinc *12.*
autem fit, ut, quandiu hîc viuitur, quem-
admodum est desiderium ipsius aquæ vi-
uæ, ita quoque sit desiderium mediorum
per quæ hauriamus eam aquam: sit in-
quam desiderium externi huius ministe-
rij. Atque hoc fuit desiderium illud Dau-
dis, quod exposuit in psalmo isto.

Sed quæres, annon David sine externo *Cur Da-*
illo ministerio Deum ubicunq; locorū cō- *uid exter-*
tigit cum agere, Annon inquā Deum præ- *num mi-*
nisterium
Ecclesia
tantis fece-
ris.

sentē habuit? Respondeo, habuisse eum vbiq; locorū aliquo certē modo præsentem Deum: verū non percepisse præsentiæ ipsius tam vberē fructū, cū peregrē ageret à templo Dei, quā cōuenit percipere in visibili Dei Ecclesia, & in tēplo illo, quod tunc temporis peculiariter promissionem habuit diuinæ præsentiæ. Id etiam pij omnes in se sentiunt, non tam vberem se fructum ex Deo percipere, sine Verbo prædicato: sine Sacramētis administratis, quā cū his alioqui solent percipere. Nec enim frustrā à Deo ordinata sunt ordinaria ista media.

Ministerij Ecclesiastici præstantia & utilitas summa.

Desiderij Davidis causa & fundamenta.

Dei fortis. hæc sunt fundamenta & causæ huius tanti desiderij. Perceperat David ex visibili illa Dei præsentiā: ipsius per Christum potentiam, expertus quoque fuerat in ipso, per eundē Christū vitam æternam. Hinc illud desiderium ipsius percipiendi ex Deo præsente & certo quodam modo visibili in Ecclesia sua, percipiendi, inquam, consuetam illam Dei potentiam, bonitatem, vitam denique in Christo Iesu. Nam qui semel ista quæ in Deo sunt delibavit, & (vt cum Petro loquar) gustauit quā benignus sit Dominus, perpetuò cum sibi præsentem optat, expetitque sincerum illud lac sermonis ipsius, id quod & ipse Petrus suo exemplo

1. Petr. 2.

3.

Simile documentum & exemplum in Petro.

contc-

contestatum reliquit, qui aliquando respondit Domino, se non discessurum à latere ipsius; *Domine, inquit, ad quem adibimus? Verba vitæ aternæ habes.*

Dicens, quando. hîc exponit anima Davidis sitim suam. Introducitur autem per prosopopeiã ipsa loquens, ac Deum compellans. Nam inter querendum ac lamentandum, non os tantum corporis, sed & anima in conspectum Dei proferenda est. Sensus est, quasi dicat, annunquam hoc futurum est, ut accedam ad Deum & appareã in conspectu eius? Qui destituuntur solita Dei præsentia, ac vita illa quæ est ex sola ipsius præsentia, ideóque nihil nisi mortis terrores sentiunt, videntur illi quidem sibi ex morte illa nunquam emeraturi, hic, inquam, sensus est quem natura dicitat. Et qui alioqui pij sunt, cum videntur sibi à Deo destituti esse, naturæ instinctu nonnunquam reguntur. Vide Psalm. 13. v. 2. An obliuisceris mei in æternum?

Sunt mihi lachrymæ. Hactenus fuit desiderij affectus: nunc affectum doloris sui exerit vehementem. Bis enim exerit eum, semel hoc versu, iterum sequenti. hoc itaque versu ait, *Sunt mihi lachrymæ.* Quo oblectamur maximè, id cibum vocat Scriptura: vnde Christus apud Ioan. nem, *Esca mea est exequi voluntatem*

Ioan. 6.
68.

Vehementia eiusdem desiderij.

Doloris pij vehementis affectus.

Cibus, quid significet. Ioan. 4. 34.

eius qui misit me, hoc est id quo delector maximè. Ita lachrymæ dicuntur cibus hoc loco, quia qui in mærore est, lachrymis oblectatur, & eos auidè imbibit ut liquorè aliquè dulcissimum. oblectatio enim quædã naturalis in omni affectu est, quum sibi permittitur affectus. etiam in doloris af-

Gaudium in fletu quale sit. fectu, est oblectatio, quamvis in eo non sit solidum gaudium. verum si Spiritus Dei hæc suspiria, has lachrymas excitauerit,

iam aliud gaudium est, ac illud quidem solidum, cum ipsis lachrymis coniunctum: & vnà cum inenarrabilibus suspiriis, de quibus Paulus Rom. 8. est gaudium ineffabile ac gloriosum, quod vocat Petrus 1. epist.

1. simulque cum lachrymis illis imbibitur aqua gratiæ & vitæ. Neque verò in hac vita, ut dicam quod sentio, solidum est gaudium Christiani hominis, nisi tum cum inter gaudendum effundit lachrymas, suspirat, dolet. In altera autem vita, abstergentur ab oculis omnes lachrymæ, ut Ioannes ait, & sincerum purumque erit gaudium in omnem æternitatem.

Apocal. 21. 4.

Doloris p̃y causa.

*Dum dicitur, causam doloris sui adiungit, amarulentam illam inimicorum irri-
tionem, qui quotidie obiecerunt, probri
loco, Vbi est Deus tuus? Satis quidem ma-
gna doloris materia erat in eo, quod de-
stitueretur Dei visibili illa in Ecclesia sua*

præsen-

præsentia: verum ideo dolor dolori additus est, quod per ludibrium obiectum est ab inimicis, ipsum à Deo derelictum esse. Non est istud nouum persecutoribus *Impiorum ingenium* prostratæ Ecclesiæ, aut etiam eius alicui membro sic insultare. vide Psal. 137. in quo dicitur ab Ecclesia, *ad flumina Babylonie fleuimus sedentes*: at, quid Babylonij in illo fletu? *petiuerunt*, inquit, per irrisionem *cantiones latas*, quales cecinimus Hierosolymis. Id nos quoque experiemur, si iusto Dei iudicio futurum sit vnquam, vt priuemur ista Dei in Euangelio suo præsentia: cuius quidem mali cogitatio nunc videtur leuior. At verò, posteaquam iusto Dei iudicio euenerit, tum quidem re ipsa experiemur, quàm grauis sit. de iis præsertim loquor, qui aliquando præsentia Dei in verbo suo delectati sunt.

Hæc recordans. Rursus proponit dolorem suum, simulque argumentum doloris nouum coniungit. *Effundo*, inquit, *in me animam meam*: quasi dicat, non tantum effundo lachrymas, sed & ipsam animam effundo, quæ intra me dolore quasi liquefcit. Solutio animæ, & affectus ipsius interior, in causa est quod corpus & oculi in lachrymas resoluantur. Sæpenumero autem ne oculi quidem nostri mœrori animæ lachrymas sufficere possunt, quin ef-

Nouum doloris argumentum.

funditur in nobis anima, posteaquam iam effusæ sunt omnes lachrymæ, & corpus *Causa hu-* quasi exaruit. Tam vehemens solet esse *ius doloris.* doloris affectus, cum sibi ipse permittitur.

Causam addit tanti doloris, *Hæc recor-* dans, inquit, nempe quæ sequuntur, me solitum esse transire in turba dicet, Vti recordatio miseriæ pristinæ post liberationem cum gaudio coniuncta est (Neque enim vnquam solidè gauisus est is, qui non prius seriò doluit) ita recordatio felicitatis pristinæ, posteaquam quis, ex felice miser factus est, cum dolore animi coniuncta *Maximus* est. Hoc, cum in rebus quibuscunque aliis *dolor, quis.* vsuuenit, in spiritualibus ac cœlestibus, imprimis locum habet. Namei, qui Deum in Christo aliquoties præsentem habuit, intolerabile videtur, si aliquando ea præsentia destituatur: præsertim si externa aliqua calamitas interea ingruat. At verò si interea cum recordatione præsentia pristinæ, simul & dolore, sit desiderium eius præsentia, profectò, iam cum dolore est aliqua lætitia coniuncta. Beati enim qui esuriunt ac sitiunt iustitiā: nam ipsi saturabuntur, sitque illis pristina Dei benignitas, cuius recordantur, argumentum fiduciæ diuinæ præsentia in posterum restituendæ. Notandum præterea hoc loco est, quòd *Subducta* ubi semel subducta est Dei præsentia, omnia *Dei præsentia gratiosa effectus.*

nia occurrant nobis tristitia, & aduersa: vt sunt sannæ inimicorū, & recordatio felicitatis præteritæ.

6 *Quid deiiciste, anima mea, & perstrepis in me? spera in Deo, nam adhuc celebraturus sum eum, & salutem omnimodam faciei eius.*

7 *Deus mi, in me anima mea deiicit se.*

Quid deiicis. In secunda hac parte psal- *Psalmi*
mi, repentè quasi è dolore emergit, seque *pars altera,*
colligit: alloquitur autem, per apostrophè, *in qua*
primùm animam suam: Deinde Deum, *fidei & io*
mnem consolationis fontem. Animam au- *eluces.*
tem suam ex inferis quasi reuocat. Nam
deiecta admodum fuit, vt ipsa verba præ
se ferunt. Ea enim est piorum consuetudo,
vt posteaquam ad tempus indulserunt do-
lori, & dixerunt quasi animæ suæ, *Ne reci-
pe consolationem, sed dolorem, tanquã aquam*
imbibe. (Nam in dolore & tristitia ad tem-
pus est piorum oblectatio) Posteaquam
satis supérque indulserunt dolori, iámque
prorius deiecti sunt, ac consternati, repen- *Quo mo-*
tè Dei gratia, & Spiritu sancti quodã mo- *do & or-*
tu, qui nunquam eos planè deserit, sese eri- *dine p̃yex*
gant, atque animant. Hoc autem ordine id *arumnis*
faciunt: primùm, quod fecit hâc David, *& tenta-*
reprehendunt ac corrigunt animum suum, *tionibus*
atque affectum, non secus ac mater infan- *grauissi-*
tem suum, rationis ysum nondum haben- *mis suis*
eriguntur.

tem, quo tempore in lachrymas totus effusus est. Deinde post reprehensionem animam suam consolatur, ac hortatur ad spem in Deum, eodem planè modo, quo matres post imprecationem consolantur infantes suos. Notandum quòd David animam suam ad spem erigat. Nam sperare in Deo vnicum est aduersus desperationem remedium. Spes enim desperationi contraria est, & quicunque deiecto sunt animo, si interea nulla spe subleuentur, in desperationem abeunt, tandèmq; percutunt. Vnde desperatus fuit ille dolor Ethnicorum, qui fuit sine fide, sine spe, sine Christo: & hodierno quoque die, quotquot, sine Christo, in dolore illo mortis positi sunt, in desperatione necesse est moriantur.

*Spes gratitudinis
in Davide.*

Nam adhuc. Spem animæ suæ facit, ex eo quòd non frustrabitur ipsa re sperata: verum sicut sperat, ita ipsi futurum est. *Celebraturus sum*, inquit, *eum*, & *omnimodam salutem faciei eius*: hoc est, faciem eius in qua est satietas gaudiorum, vel salutem multiplicem illam, quæ est in facie & præsentia eius: atque ita celebrare, erit prædicare. Promittit itaque David prædicaturum se, tum Deum ipsum, tum vitæ suæ tantum illud beneficium ab eo acceptum. Vel denique celebrare salutem faciei eius,
est ce-

est, celebrare ac prædicare salutem quæ coram ipso erit, unde ultimo versu dicit celebraturum se salutem faciei ipsius, hoc est, salutem quæ coram cernetur. *Deus mi.* ut prius se conuertit ad animam suam, ita nunc ad Deum suum, oculos suos attollit, atque ad eum quasi suspirat, exponens ipsi dolorem animæ suæ, & curam ac sollicitudinem suam in eius sinum effundens.

Quisquis Dei Spiritu Sancto imbutus est, is in afflictione & in dolore suo suspirat ad Deum: qui verò humano duntaxat Spiritu præditus est, is nunquam ad Deum suspirat. Deum enim iratum sibi esse arbitrat, præsertim tum cum miseria aliqua est. Ab ira enim Dei, totam miseriam suam profectam esse autumat. At verò qui Spiritum Dei habet, Spiritum inquam illum adoptionis, per quem clamamus Abba, pater, is ad Deum suum intrepidè accedit, quia nimirum Spiritus ille perpetuò est cum sensu misericordiæ aliquo ac dilectionis paternæ. Quamobrem, ut filius, qui patrem habet sibi beneuolum, in dolore suo, rectè ad patrem suum se confert: Ita Dei filius, ad patrem suum Deum, in dolore ac miseria sua, profici-

*suspiria
pia ad
Deū, cer-
ta & era fi-
dei testi-
monia.*

scitur, & apud eum conqueritur.

7 Propterea recordor tui è terra Iardenis,
& Chermonitarum, è monte exiguo.

8 Vtunque abyssus abyssum inclamet ad
sonum emissariorum tuorum, omnes irrumpen-
tes fluctus tui, & unda tua super me trans-
cant.

8 Interdum mandaturus est Iehoua benigni-
tatem suam, & noctu canticum suum ad me:
oratione mea ad Deū fortē vita mea perstabo.

10 Dicens Deo forti, petra mea, quare obliui-
sceris mei? quare atratus incedo, propter oppres-
sionem inimici?

11 Sica inuadunt ossa mea, probro afficientes
me hostes mei: dum dicunt ad me quotidie, ubi
est Deus tuus?

*Sancta
Davidis
gloratio
sub cruce.*

Propterea. Derepente deinde gloria-
tur, primū, aduersus loca exilij sui quæ-
cunque, deinde, aduersus afflictiones quas
que grauissimas. Particula hæc, propterea
non videtur rationem reddere sententiæ
alicuius in textu antegressæ. Quare ex ab-
rupto, & ex subito quodam seniu gaudij,
atque præsentie diuinæ (vt mihi videtur,) exorsus est hanc sententiā: quasi dixit-
set, propter gaudium illud, animique læ-
titiā illam, quam percipio ex Deo meo,
recordor tui, &c. Ex quo illud discis, quā
citò qui se ad Deum conuertit: immutatus
soleat: adeò enim efficax est Dei præsentia
ad

*Mira pio-
rum im-
mutatio.*

ad creaturæ vitam impertiendum, ut non prius illuceat eius facies, quàm reuiuifcat creatura, quantumuis etiam mortua. Cùm de creaturis his stupidis & brutis Psalmus loquitur, *abscendente, inquit, te, faciem tuam,* Psa. 104.
conturbantur: recipiente Spiritum eorum ex- 29.
spirant, & in puluerem suum reuertuntur: e-
mittente rursus Spiritum tuum recreantur:
denique renouas faciem terræ. Quantò magis creaturæ rationales, quas vocamus, neque rationales modò, sed spirituales, hoc est, regeneratæ Dei Spiritu, quæ gustarunt semel quàm benignus sit Dominus, creaturæ inquam, hæ à Deo suo pendent! Oportet enim, vel multo magis, vitam mortemque earum, ab eius facie præsentem, & absente, dependere. *Attolle,* inquit Dauid, Psa. 4.7.8.
super nos lucem faciei tuæ, leuauit, & indide-
ris letitiam animo meo maiorem, quàm tem-
poris, quo frumentum, & mustum eorum,
aucta sunt. De his igitur loquor maxime, qui diuino, aspectui iam assuefacti sūt, atque ex eius vultu voluptatem aliquam capere sunt soliti. Nam, de aliis ut dicam, faciem illam Dei in Christo non possunt, expetere. Ignoti enim nulla cupido est. Illi autem nondum gustarunt quàm iucundus ille Dei in Christo aspectus sit.

Fidei Da-
nidis te-
simoniũ.

Recordor tui, quasi dicat: Recordor tui ex omni loco in quo contingit me exula-

re, ex omnibus terminis ac limitibus Israël: Ab oriente ubi Iarden fluuius, ab Aquilone, qua definitur Chermone monte, & Libano: & à Meridie, qua Montana Iudæam terminant. Montana hæc exiguï montis nomine vocantur, quia comparata cum Libano monte, & cum Chermone, quæ ad Aquilonem sunt, in exi-

Non proprie exul est, neque solus, quæ Christus comitatur & regit. guis tantum collibus numerantur. Ex hoc loco vides, nullum esse locum, siue exilii, siue carceris, in sese tam inamœnum, tam tetrum, qui possit separare filios Dei à conspectu Dei sui: imò gloriari eos in Dei illa quam habent præsentia, aduersus locum quemcunq;.

Locus enim in quo vitam hanc agimus qualiscunque, nihil quidem est: Dei verò præsentia omnia est. Notandum est *Recordationis* verbum, quo utitur. Erat enim profectò ea recordatio potius diuinæ præsentia, quàm præsentia ipsa, quæ tum fuit extra urbem Hierosolymorum: in qua tunc temporis erat

Ministerij externi dignitas. visibilis illa Dei præsentia. Ita habet res, cum exulamus nos ab externo hoc ministerio Dei in Ecclesia sua, in quo Deum nostrum præsentem vel maximè habemus: tum quidem profectò non tam dicimur Deum præsentem habere, quàm præsentia ipsius, quæ aliquando fuit, recordari. Est autem recordatio ista, fateor, iucunda, suavis,

'suavis, & grata: non vacat tamen dolore aliquo suo ac mœrore, adeoque in ea est materia doloris quædam, ut vidimus supra vers. 5. *Hæc recordans, inquit, effundo in me animam meam.* Dicam aliquid amplius: præsentia etiam ista Dei, quæ est in ministerio verbi ipsius, habet coniunctum dolorem suum aliquem, quia sub spe est. Spes quidem, fateor, est cum gaudio ac gloriatione. Vnde Apostolus, gloriationis spei meminit. Et alibi, *Gloriamur, inquit, sub spe gloriæ Dei.* Tamen illa spes est cum dolore ac suspiriis coniuncta. *Suspiramus, inquit, expectantes adoptionem nostram, hoc est, Redemptionem corporis nostri.*

Utunque abyssus. Ut supra gloriatus est aduersus exilij sui loca quæcunque: ita nunc gloriatur aduersus afflictiones, quantumvis etiam graues. *Ut cunque, inquit, abyssus abyssum inclamet, &c.* id est, quantumvis graues existant calamitates, tanquam aquæ in me irrucentes: tamen, interdiu mandaturus est Iehoua benignitatem suam, &c. Vides nullam esse afflictionem, quantumvis grauem, quæ separet fideles à præsentia Dei sui, vel à sensu misericordiæ eius: imò verò gloriantur in grauissimis quibusque afflictionibus. Quis separebit nos, inquit Paulus, à charitate Dei, num oppressio, num angustia? Notandum

Præsentia Dei in ministerio, quæ sit.

Hebr. 3.

6.

Rom. 5.

2.

Rom. 8.

13.

Gloriatio Davidis aduersus afflictiones.

nes.

Et Apostoli Pauli.

Rom. 8.

35.

*vi affli-
ctiones,
et a q̃d cō-
solationes
à Deo.*

I. Cor.

10.13.

*Quo ordi-
ne.*

deinde, quòd fluctus & vndas irrumpen-
tes, item emissaria illa quæ vocat, Dei esse
dicat: quasi hæc à Deo sint omnia. Agno-
scit igitur omnes afflictiones suas ab au-
thore Deo proficisci: at vnde ventoram si-
bi consolationem in afflictionibus polli-
cetur? An non ait versu 9. *Interdum man-
daturus est Iehoua benignitatem suam?* Ergo
afflictio, & in afflictione consolatio pari-
ter à Deo est vtrumque: vnà cum afflictio-
ne mittit consolationem: vnà cum tenta-
tione mittit euasione. Ordinis tamen
discrimen est aliquod: prius quidem af-
fligit, quàm consoletur: prior est afflictio-
nis sensus, quàm consolationis. Quorum
id? nimirum quia nos natura vsque adeò
hæbetes sumus & ἀναισθητοὶ in hac vita,
vt gratiam Dei in Christo, quanta sit, æ-
stimare non possumus, neque quàm suavis
sit iudicare, nisi senserimus prius, quàm
miseri ipsi nos simus per naturam, & sub
peccati onere suspiremus, In miseria au-
tem suavis est sensus gratiæ, ac præsentis
illius Dei in Christo. Post hanc vitam ve-
rò piorum solidum erit gaudium, expers
planè sensus omnis doloris: cum ni-
mirum abstergentur omnes lachrymæ ab
oculis nostris: tum enim puri syncerique
gaudij illius, quod nondum in hac vita
possumus capere, futuri sumus capaces.

Gratiæ

Oratione mea. Hoc effectum est superiorum: quia enim Deus interdum mandaturus est benignitatem suam & noctu canticum suum ad Davidem: ideo ipse perstiturus est in precibus suis ad Deum. *Benignitatis, & præsentiæ diuinæ effectum.*

Neque enim potest aliquis preces concipere, nisi Deus earum materiam suppeditet, atque imbuat nos sensu misericordiæ suæ. Domine, inquit, Psal. 51. 17. Labia mea aperias, & os meum annuntiabit laudem tuam. Deum vocat *fortem vitam suam*. Quam quidem appellatione, arguit se apprehendisse potentiam illam Dei in Christo, quæ est ad vitam. Sed videamus nunc ipsam orationis formulam, *Dico*, inquit, *Deo forti petra mea*. Hoc est, profugij mei, &c. Oratio hæc Davidis est lamentatio & querimonia quædam. Nota igitur cuiusmodi Canticum in afflictionib. ministret Deus, nempe querulum & lamentabile. Atque ita quidem oportet fieri: quorsum enim lætæ cantiones in miseriis? Vide Psal. 137. In quo lætas illas cantiones quales canebat olim Hierosolymis Ecclesia, in exilio iam agens atque satur. Verum, moeristitia ista & lamentatio temperatur perpetuò suauitate quadam, atque lætitia in Deo: quodque altiora sunt suspiria, eò profundius esse solet gaudium. Sed consideremus verba. *Quare*, inquit, *obliuisceris mei*. Primum

Canticum piorum in afflictionib. quale sit.

Suavis mixtura.

queritur, quòd Deus ipsius obliuiscatur. Deinde queritur de miseria sua. hoc quidem posterius, prioris illius effectum est. Nam quom Deus nostri obliuiscitur, iam miseri sumus: attrati, quasi incedimus, & cum Deo expostulamus. Interea autem, dum queritur Dauid, oblitum sui Dominum, compellat eum *Deum fortem petrae suae*. Quo significatur, eum interea Deo suo mordicus adhærere. Fideles sic Deum suum amore complectuntur, ut licet nonnunquam eorum obliuisci ipse videatur: tamen adhærere illi non desinunt, Etiam si, inquit Iobus, enecares me, annon sperarem? Quod quidem argumento est, re ipsa Deum eorum non obliuisci, quamuis ipsis ad tempus ita videatur. Quòd si enim semel Deus nostri obliuisceretur, nòsque planè desereret, profectò & nos quoque eum desereremus: nisi enim ipse prior nos apprehenderet, profectò nos eum apprehendere, quasi manu nostra, nò possemus. Verùm ita videtur nobis, dum affligimur, nos ab eo deseri, neque iam amplius ei curæ esse.

*Afflictio
pros ad
Deum dicitur.*

*Exemplum
in Iobo, ca.
13. v. 15.*

*Miseria
humanae
descriptio
& causa.* *Quare attratus.* Queritur de miseria sua, quam quidem ex adiuncto corporis sui habitu significat. *Propter oppressionem.* Causam miseriae suae innuit, ac tristis illius habitus: nimirum, oppressionem inimici.

Sic

Sica innadunt. Specialius deinde oppres- Dolor a-
 sionem hanc exprimit his verbis. *Sica in-* cutissimam
vadunt ossa mea: tum allegoriam illam ex- piorum,
 ponit, *probrio*, inquit, *afficientes me hostes* blasphemia
mei: cuius deinde rationem reddit ex ver- voces in-
 bis ipsorum contumeliosis simul ac blas- Deum.
 phemis *dum dicunt*, inquit, *ad me quo-*
tidie, ubi est Deus tuus? Hæc quidem est in
 Deum blasphemia, quæ in Dauidem pro-
 brum & contumelia est. Blasphemia enim
 in Deum est proximi opprobrium: eaque
 non secus afficiuntur ipsi, ac si gladio per-
 foderentur. Nam ea est Dei ac suorum Vnde tam-
 coniunctio mutua, ea sympathia, & mu- tus iste do-
 tuus sensus, ut si videant Deum aliqua igno- lor.
 minia affici, & nomen eius blasphemari,
 non secus commoveantur pii, atque si le-
 thale aliquod vulnus ipsis infligatur. Con-
 trà verò, ita afficitur Deus persecutione
 suorum, ut eam tanquam in te factam re-
 putet. *Saul, Saul*, inquit, *quid me perse-* Act. 9. 4
queris?

12 *Quid deiicis te, anima mea, & quid*
perstrepis in me? spera in Deo, nam adhuc cele-
braturus sum eum, omnimodam salutem facies
mea, & Deum meum.

Quid deiicis. Redit postremò ad versum *Pij tandè*
 illum, quem antea iam exposuimus, quasi *ad seipsos*
 amœbæum, de quo suprà versu 6. Ideo de reuerunt-
 eo id nunc nos tantum admonemus: Quo- tur.

ties indulserunt dolori suo ad tempus pij
 quique, toties subinde ad se redeunt, se
 que consolantur, corrigentes affectum
 suum: atque animam suam adhortantes ad
 spem, quæ desperationi, ad quam alioqui
 præcipientes eos raperet affectus, contraria
 est. Atque hæc hæctenus in Psalmum qua-
 dragesimum secundum.



PSALMVS XLIX.

Argumentum.

De auctore huius Psalmi, nihil disputo. Agitur
 autem in eo de fiducia in Deo. Psalmi partes sunt
 quatuor. 1. est *præfatio grauis*, in qua omnium ho-
 minum attentionem capiat vsque ad 6. vers. 2. est
propositio fiducia in Deo, 6. vers. 3. est *fiducia proposita*
argumentum, à beneficio illo resurrectionis &
 vitæ æternæ ad 17. vers. 4. est *conclusio hortatoria*
 ad omnes pios, ad finem vsque.

1 *Magistro symphonie in posteris Corachi,*
Psalmus.

2 *Audite hoc, omnes populi: auribus per-*
cipite, omnes habitatores mundi.

3 *Tum nati plebeio homine, tum nati præ-*
stante viro: simul duses & egens.

4 *Os meum locuturum est variam sapien-*
tiam, & meditatio animi mei multiplicem
prudentiam.

5 *Incli-*

5 *Inclinans ad parabolam aurem meam,
pandam in cythara ænigma meum.*



VDITE hoc. Prima pars Psalmi, *Prima pars Psalmi, præfatio, in qua primùm in genere omnium populorum omnium incolarum mundi huius expetit attentionem. Deinde in specie, facta quasi distributione, attentionem captat: 1. ignobilium: 2. nobilium: 3. diuitum: 4. pauperum quos omnes monet ad attentionem à gravitate materiæ subiectæ, sapientia varia, & prudentia multiplici. Hanc postea vers. 5. vno verbo parabolam vocat, quia nimirum, in suo exemplo eam proponit: vocat etiam ænigma, id est, insignem sententiam allegoricam: nam allegoriam siue perspicuam, siue obscuram, Hebræi ænigma vocant. Rursus autem quò magis ad attentionem moveat, significat seriò se occupatum iri in materia hac tractanda, Os, inquit, locuturum est, & animus meditaturus, auris se inclinatura est, & cythara pulsanda. Vide hinc primùm: attentionem ab aliis requirit. Interea significat se diligenter ac seriò rem tractaturum.*

1. Quum igitur materia gravis aliqua *Attensio in rebus gravis necessaria.* tractanda proponitur, in ea seriò occupati esse debent, & qui audit, & qui loquitur.

2. Nota rursus argumentum Psalmi est

Sapientia, vt in præfatione ipsa habemus. Sapientia autem ea est, fiducia doctrina, vt sequitur postea. de fiducia igitur dicturus, omnium attentionem requirit. fiducia doctrina, si quando proponitur, surdis proponi non debet: verum attentionem postulat omnium, nobilium, ignobilium, diuitum, pauperum: nobilium, inquam, & diuitum, ne fiduciam suam collocent in nobilitate & diuitiis: ignobilium verò & pauperum, ne his rebus destituti despondeant animum: aut eas etiam in aliis supra modum admirentur. Nam, quæ est naturæ nostræ propensio, pauperes vulgò felicitatem in diuitiis collocant: ignobiles & obscuro homines, in honoribus, quibus ipsi destituuntur. 3. Profitetur se omnibus modis occupatum iri in hac materia tractanda. Quid est enim quod Antidoxis attentionem maximè excitat? nempe doctoris seria diligentia. Quando autem maximè ædificatur auditor? nempe quum obseruat eum qui loquitur, pariter ædificari non nisi meditata à se prius loqui, aurem quodammodo ad suam ipsius vocem inclinare: etsi eum non alia proferat ore, quàm quæ animo prius meditatus est: tamen ea ipsa prolata ore primùm, deinde aure percepta, postremò in animum, à quo profecta sunt, redeuntia, fidem & cognitionem

*Fiducia
doctrina
quibus &
quomodo
proponen-
da.*

*Audito-
rum in
Ecclesia
maxime
habenda
ratio.*

tionem ipsius dicentis confirmant. Atque hæc de præfatione.

6 *Cur timerem temporibus mali, ut iniquitas vestigiorum meorum circundet me?*

Cur timerem. Sequitur propositio hoc *Altera pars Psal-
mi. Pro-
positio fi-
ducia in
Deo.*
versu 6. Propositionis summa est, fiducia in Deo, aduersus omnia mala, tam vitæ huius, quàm futuræ. Hanc non simpliciter proponit, sed colluctatus quasi aliquandiu cum infirmitate carnis suæ, effert eam cum interrogatione: *Cur timerem*, inquit, *temporibus mali, ut iniquitas vestigiorum meorum circundet me?* hoc est, ut ex infirmitate vitæ huius meæ, in qua incedo tãquã pedibus meis, circūueniar calamitatibus, & malè sit mihi. vox hæc videtur disceptantis esse cum alio, & increpantis. Atque ita quidem fit re ipsa. Eloquitur enim ista David non sine disceptatione quadam & lucta cum carnis infirmitate: neq; enim per carnem nostram licet, sine lucta aliqua fiduciam in Deo collocare. Estque fiducia nostra in Deo, perpetuè carnis infirmitatibus præpedita. Quisquis igitur vult Deo cōfidere, necesse habet se ad luctam præparare.

7 *Eorum qui confidunt in opulentia sua, & in multitudine diuitiarum suarum gloriantur.*

8 *Fratrem nullo modo redimere potest quisquam, non dare Deo redempturam eius.*

9 (Est enim cara redemptio vite eorum: imò cessat in sæculum:)

10 Ut vivat adhuc in æternum, non expariatur corruptionem.

11 Quamvis videat, sapientes moriuntur, simul stultus & brutus pereunt, ac derelinquunt aliis opulentiam suam.

12 Animus est illis, domos suas in sæculum, habitacula sua in quamque generationem, vocare de neminibus suis per terras.

13 Neque homo, qui in honore est, cōmōraturus est, similis fit iumentis quæ intereunt.

14 Hæc cū sit via istorū, expectatio est eis, & posterī eorum approbant os eorum, Sela.

15 Tanquam pecudes, ubi in sepulchro, dispositi fuerint, mors depascet eos, donec dominentur eis recti illo manē: & formam eorum

*Tertia pars Psal-
mi, fiducia
continen-* consumat infernus, receptam ex habitaculo eius.

nens argu- 16 Enimvero Deus redempturus est animam meam à sepulchro. nam recepturus est mentum, à me. Sela.

*resurrectio
ne carnis
& viæ æ-* Eorum qui. Sequitur fiduciæ argumen-
tum à resurrectione carnis & vita æterna.

*terna: quod
amplifica-* nam, inquit, redempturus est animam meam
à sepulchro. Argumentum hoc non satis

*contrario
illustratur* habet nudè subternere: verū amplifi-
cationem eius præmittit à contrario, quod

& expli- nimirum iis evenit, qui in diuitiis & ho-
noribus fiduciam suam collocant. Nam

eorum

eorum nemo est qui animam suam à morte redimere possit. Amplificatio hæc & declaratio, quo distinctius eam intelligamus, in has partes diducetur. *Primum* versu septimo, & deinceps ad II. ostendit eum qui in diuitiis fiduciam collocat, non posse animam à morte redimire. *Deinde* ostendit eum, qui in honore fiduciam collocat, non posse animam à morte redimere, à versu vndecimo ad decimum quartum. *Tertiò*, dum hæc seriò considerat, istorum hominum stultitiam exaggerat, vt & posterorum reprehendit, vers 14. & 15. Ad primam partem redeo. *Eorum*, inquit, *qui* ^{Amplificatio} *confidunt in opulentia, &c. Nemo, ne fratris* ^{tionis à} *quidem sui, vitam vel omnibus opibus suis* ^{contrario} *potest redimere, nedum suam ipsius vitam.* ^{primum} *(pluris enim redimat quis suam ipsius vi-* ^{membrum,} *tam quàm fratris sui.)* ^{aduersus} *Sed ne fratris qui-* ^{auaritiam.} *dem vitam potest redimere, sic vt is in æternum viuat & non experiatur corruptionem.* versu autem nono ratio inserta est: *est enim, inquit, cara Redemptio vitæ eorum.* Imò verò pretium vitæ Deo, ab iis, nullo vnquam tempore, dissolui potest. Atque id est quod subiicit, *Imò cessat in sæculum.* Summa horum huc redit: quasi dicat, qui in opulentia collocat fiduciam, tota sua opulentia ne fratris quidem vitam poterit redimere, nedum suam ipsius.

*De diui-
tiarum
vanitate,
locus.*

Obserua: Non in hunc modum loquitur David, qui confidit in opulentia sua, nescit, quæ est huius mundi inconstantia, quamdiu sit ea fruiturus: verum opulentiam satis magnam in tota hac vita concedens, non posse tamen eam ultra momentum illud morti præstitutum, vitam istam protrahere affirmat, aut immortalitatem cuiquam mortalium dare. David igitur ideò diuitias parui æstimat, quia

*Corrupta
& profana
diuiti-
um huius
seculi in-
dicia.*

sunt. tanti enim facit immortalitatem: Dici non potest, quantum discrepet iudicium hominum huius seculi, ab ista Davidis sententia. Sciunt hi quidem neque diuitias, neque honores posse immortalitatem tribuere: nihilominus securi immortalitatis omnem fiduciam suam in his rebus collocant. Nonnulli autem profani adeò sunt: ut non pudeat dicere, Modò ipsis beneficit in ista vita, nihili se facere vitam illam futuram. Alij autem, si non audeant tam profanam vocem iactare, vita tamen & moribus satis ostendunt, hoc se apud animum suum cogitare. Factus est homo in prima creatione ad immortalitatem, inestque vel naturâ ipsa in eo sensus aliquis & appetitus immortalitatis. Hoc igitur in extremis numero maledictionibus, quod quis adeò obbrutescat, ut in tota vita ni-
hil

2. Cor. 5.
5.

hil de immortalitate cogitet. Videas tamē
passim istiusmodi nō tam homines, quā
bellus, nihil hominis habentes, prāter
externā speciem, qui bellis etiam dete-
riorēs sunt. Bellū enim naturā suā re-
tinent: isti à natura sua degenerant. Sed *De recto*
quid, inquires, an tam inimicæ sunt & *diuitia-*
contrarię diuitiæ vitæ illi futuræ? An- *rū & su,*
non potius sunt omnia ista temporaria bo- *earūque*
na vitæ illius futuræ ac felicitatis toti- *abuso.*
demarrhabones? Respondeo, diuitias
sæpenumero dispersas magis, quā cor-
rasas, prodesse ad vitam æternam. Nam
vbi thesaurus hominis congestus est, ibi
& cor ipsius est. Dispersæ autem sunt,
verus ille thesaurus, qui ad vitam æter-
nam prodest nobis. Thesaurūmnē, dicet
aliquis, appellas eum qui dispergitur? Imō
dispersas diuitias thesaurū appellat A-
postolus. Si enim, inquit, faciles fueri- *I. Tim.*
mus ad impertiendum, recondemus no- *6.18.19.*
bis ipsis fundamentum bonum in poste-
rum, vt vitam æternam apprehendamus.
Vides igitur nos recondere, quod tamen
erogamus, & colligere, quod tamen dis-
pergamus.

Quamuis Videat. Secunda pars ampli- *Alterum*
ficationis, qua ostendit eum, qui in hono- *amplifica-*
re fiduciam suā collocat, non posse ho- *tionis à*
nore & gloriā vitam suā redimere. Pri- *contrario*
membrum.

*aduersus
ambitio-
nem.*

mum autem, proponit insanum illud am-
bitiosorum hominum gloriæ & honoris
studium. Deinde, quid ex eo consequan-
tur ipsi, docet. Non possunt animam suam
redimere, quamuis videant, inquit, sapientes,
huius mundi, non secus ac insipientes, stultos
& brutos, perire; aliisque, fortasse etiam
ignotis & peregrinis, totam suam opulen-
tiam & magnificentiam derelinquere: ta-
men animus est illis gloriam sibi quærere, idque ex
operib. hic illic magnificè exstructis quæ pla-
cet de nominib. suis vocare. Tū, quod ob-
tingit ambitiosis istis subiicit ver. 13. Homo
qui in honore est, nihil amplius utilitatis ca-
piet ex honoribus suis, quam diuites ex opi-
bus, & ne vnus quidem noctis vsuram po-
terunt ei omnes honores elargiri: similis
tandem fit iumentis, quæ intereunt. Quem-
admodū enim in vita his ipsis similis fuit,

Ecclesia- nihil scilicet intelligens, vt vltimo versu
stic. 13. 18. habetur, ita etiam in morte sua iis similis
19.

crit. Æquum enim est, vt qui instar belluæ
viuit, is quoque instar belluæ moriatur.

Obserua. Dicit primū eum qui in ho-
nore collocat fiduciam, hoc est, ambitio-
sum, videre ac intelligere: deinde dicit a-
nimum tamen illi esse gloriam quærere.

*Locus, de
ambitio-
rum ca-
estate.*

Non prodest quicquam videre id quod
bonum est, ac sequendum, quodque ma-
lum est ac fugiendum: nisi Deus cor simul
adaperiat

adaperiat ad hoc, vt quod videmus ac intelligimus, id penitus corde sentiamus. Videas passim homines malos, ambitiosos, auaros, crudeles etiam, cùm mille tristissimas experientias istiusmodi hominum ante oculos habeant, nihil tamen his omnibus cōmoueri, neque animum suum & consilium in melius commutare. quæ autem causa est? Vident hi quidem mente & intelligunt satis: sed corde nihil sentiunt. Rogandus est igitur Deus obnixè vt quemadmodum non desunt exempla tam bona quàm mala omnis generis, ita etiam det nobis, vt ea penitus animo sentiamus, sitque vnà cum mentis cognitione conscientia & cordis sensus.

Hæc cùm sit. Tertia pars amplificatio- nis, in qua quidem dum diligentius considerat euentum hunc (neuter enim, neque diues, neque ambitiosus, potest animam suam redimere) stultam istorum hominum fiduciam & confidentiam exaggerat, neque istorum modò, sed & posterorum: *quum*, inquit, *hæc sit via eorum*: quumque neuter possit animam suam redimere: neque hic honore, neque ille opulentia sua: tamen obbrutescunt, adeò, vt fiduciam suam in his rebus collocent: neque tantùm hi insaniunt. sed & eorum posteri eos tanquam sapientes approbant, in admi-

*Postremū
amplifica-
tionis mē-
brū, quod
continet
stultā aua-
ritia &
ambitionis
acrem re-
dargatio-
nem.*

*Reprob-
rum infe-
licitas &
maledi-
ctio.*

ratione habent, & eorum exemplum imi-
tantur. Vides igitur malos, non tantum a-
lios dum in viuis sunt offendere, sed etiam
post mortem iis esse scandalo. Vnicè hoc
expetunt hi *κενοδοξοὶ* & ambitiosi, vt res à
se gestas memoriæ commendentur. Sed
vide mihi hîc, quantum ea re proficiant.
quid, quæso, aliud agunt, quàm augent ius-
tum sui condemnationem? quantò enim
plures eorum malum exemplum imitan-
tur, tantò grauius profectò futurum est
eorum iudicium. Conandum igitur nobis
est, sic viuamus, vt non solum, dum sumus
in vita aliis sumus offendiculo, verum et-
iam, ne post obitum nostrum posteris no-
stris vitæ malè actæ exemplum relinqua-
mus. Hoc iis præsertim faciendum est, qui
aliquo numero & loco sunt, & quorum res
gestæ memoriæ posteritatis produntur.

*Amplifica-
tionis con-
clusio &
transitio
ad fiducia
piæ argu-
mentæ. seu
ad 3. par-
tem huius
psalms.*

Tanquam pecudes. Amplificationis con-
clusio qua ostendit istorum hominum mi-
seriam. Non possunt isti vel opulentia vel
honore animam suam redimere: verum
tanquam pecudes, vbi semel in sepulchro
depositi fuerint, mors eos depascet. Quo-
que autem? nempe *donec dominantur iis*
recti, nimirum in Christo Iesu, cuius re-
gni futuri sunt participes iusti. Quo tem-
pore dominabuntur? *illo mane*, inquit, quo
nimirum resurgent pii quasi ex nocte &
tenebris

tenebris sepulchri: cùm videlicet sol iustitiæ orietur Christus in secundo illo ad-
 Malac. 3.20.

uentu suo. *Et formam.* Rurſus definit temporis illud ſpaciũ, quo mors depaſcet eos: nempe donec *formam eorum*, id eſt, materiam hanc corpoream, & aſpectabilem, *receptam*, hoc eſt de integro animæ ſuæ adunatam, *conſumat* eos *infernus*. In-
 Infensna quid.

ferni nomine in genere ſtationem quamlibet mortuorum intelligunt Scripturæ, ideóque modò ad ſepulchrum, modò ad infernum ſynecdochicè, modò ad vtrumque ſimul, pro ratione locorum, vox iſta accommodanda eſt. Nos verò ita hîc no-
 Hic pro loco dam-
 natorum ſumitur.

men hoc accipimus, vt argumento, ordini iudiciorum Dei, & ſequenti antitheſi conuenientius eſſe iudicamus: nempe pro loco eo, in quo pœnis & iuſto Dei iudicio torquendi ſunt reprobi. Obſerua continuum quaſi progreſſum à miſeria ad miſeriam. Ex quibus poſterior priori perpetuò grauior, poſtrema grauiffima eſt. *Reprobi à miſeria ad miſeriam, grauiffimam continuo*
 Primùm enim reprobi, vbi è viuís exceſſerunt, conduntur ſepulchro, quod quidem iſtis maledictum eſt: ſepulchro conditos mors depaſcit ad extremum uſque diem, ac ad illud (vt vocat) mane quo progredi-
 untur.
 dominaturi ſunt iis electi ac iuſti. Quod quidem dominium illis tâquam graue quoddâ iugum futurũ eſt, & aliqua pœnæ illi uſ

æternæ pars. verū restat adhuc pœna gra-
uissima qua apud inferos in æternum tam
animo quā corpore torquēdi sunt. Videāt
igitur & caueant sibi, qui diuitiis & hono-
ribus huius mundi, magis quā Domino
confidunt, qualis-nam exitus hoc genus
hominum maneat. Atque hætenus fuit
amplificatio.

*Absoluta
amplifica-
tionis à
contrario
explicatio-
ne, redit
ad fidu-
cia sua ar-
gumen-
tum.*

Sequitur nunc vers. 16. fiducia suæ quā
proposuit vers. 6. argumentum: quod qui-
dem præcedenti amplificationi per diffi-
militudinem subiectum est: quasi dicat, illi
non possunt vel opulentia vel honore ani-
mam suam redimere: at verò, *Deus redem-
pturus est animam meam à sepulchro*: hoc
est, mihi daturus est resurrectionem carnis
& vitam æternam in Iesu Christo, qui
meus est vindex à sepulchri corruptione
& inferni damnatione. Vides hîc perspi-
cuum discrimen eorum qui rebus caducis
huius mundi confidunt, & qui in Deo vi-
uo fiduciam collocāt. Res quidem omnes
huius mundi non possunt seruos suos in
vita seruare. At verò Deus mortuos iam
& credentes in se, in vitam potest reuoca-
re, & suo etiam tempore reuocaturus est.
Permagni igitur interest quid, aut quem
pro Deo habeamus, mundum ne hunc, aut
res huius mundi: An verò Deum cœli &
terræ, Patrem Domini nostri Iesu Christi.

*Certum
discrimen
piorum &
impiorū.*

17 *Ne timeto, quum diues euaserit quispiā quum aucta fuerit gloria domestica eius.*

18 *(Non enim in morte sua assumpturus est illius quicquam, non descensura est post eum gloria eius:)*

19 *Cum anima sua in vita sua benedicet, & celebrabunt te, si benefacias tibi.*

20 *Vt perueniat vsque ad etatem maiorum eius, in aeternum tamen non sunt fruituri lace.*

21 *Homo qui est in pretio, neque est intelligens, similis fit iumentis quæ intereunt.*

Ne timeto. Postrema pars Psalmi, in qua concludit Psalmum, hortando omnes pios ne commoueantur, vel exemplo, vel sermone istiusmodi hominum: sermone, inquam, quo vel ipsi sibi adulantur, vel etiā piis assentantur. Rationes exhortationis duas affert, vnam quidem ab inconstantia diuitiarum & honorum. Cum ventum est, inquit, ad sepulchrum, ista res cultores suos destruant. Alteram verò rationem affert ab instabilitate & extremo exitio ipsorum hominum. *Et si*, inquit, *contigerit eos ad etatem vsque maiorum peruenire, luce tamen illa aeterna vita non sunt fruituri. Verum in opacitate tenebrisque secunda mortis permansuri.*

*Quarta
& postre
ma psal
mi pars,
exhortatio
nem ne-
cessariam
ad pios o-
mnes con-
tinens.*

*Diuites
& ambi-
tiosi, vici-
ni formi-
dabiles,*

Obserua: periculum maximum solet esse ab hominibus huius sæculi, diuitibus, & ambitiosis: volunt enim omnes eadem se-

cum damnatione inuolui, atque implicari.
 verum in tentationibus eorum, recordan-
 dum est istos homines, cum diuitiis & ho-
 noribus suis finem tandem habituros: imò
 sine fine, nisi resipuerint, in mortis secun-
 dæ tenebris permañuros. Recordationem
 ac cogitationem huius rei eò diligentius
 commendo, quòd complures passim videā
 vanitatibus istis fascinari, quàm eas pro
 vanitatibus ducere. Sensus enim iste car-
 nis crassus est, adeò vt non nisi crassa ista
 possit sapere. Neque Spiritus hominis cæ-
 lestia illa ac spiritualia potest vnquam ca-
 pere. Orandus igitur Deus est, vt nobis
 in medio quasi istarum rerum, quibus
 mundus fascinator collocatis, velit adesse
 suo Spiritu: & supra hunc mundum nos
 euehere, ad contemplandum non ea qui-
 dem quæ cernuntur, verum ea quæ non
 cernuntur. Nam quæ cernuntur caduca sunt
 omnia: quæ verò non cernuntur immorta-
 lia sunt, & immortales nos possunt effice-
 re, per Christum Iesum Domini nostrum.
 Huic sit omnis honor & gloria Amen.

*Piorum,
 inter istos
 impios ad
 tempus
 conuersan-
 tium, of-
 ficia.*



PSALMVS LI.

Argumentum.

Dauid, redintegrato aduersus Hammonitas bello,
 cum domi desideret, Uriæ uxorem formosam,
 lauātem

lauantem se videns, accersit, & à se compressam remittit. Quam ex se concepisse audiens, maritum è castris reuocat, vt partus illius haberetur. Quod, quia non succedit, remisso Vira in castra cum literis, Ioabo mandat, vt eū interficiēdum hostibus obiciat. quo effecto, viduam eius ducit. Hinc Nathan à Deo mittitur, qui proposita parabola, quid iuris esset expiscatus, cum ad facti sui conscientiam reuocat, & resipiscenti veniam pronuntiat. vide 2. Samuel. ii. & 12.

Hic igitur Psalmus est, quòd Dauid, resipiscens, peccatorum remissionem implorat. Cōstat autem duobus petitionum generibus. *Primum*, speciali petitionis genere, quo petit suorum peccatorum veniam ad vers. 3. à vers. 3. ad 20. *Deinde*, generali, quo petit totius Ecclesiæ bonum, vers. 20. 21.

Primum petitionis genus admistum est suis causis. Precatur enim, *Primum*, & precationi causam addit à simplici & cādida cōfessione. *Secundò*, precatur, & precationi subiicit secundam causam ab aliorum ædificatione. *Terriò*, denique precatur, & precationi subiicit tertiam causam, à Dei ipsius gloria. Sed videamus contextum.

I *Magistro symphonia, Psalmus Davidis,*

2 *Cū venisset ad eum Nathan Propheta, postquam congressus fuisset cum Bathsheba.*

3 *Gratiam fac mihi, o Deus, secundum benignitatem tuam: secundum amplitudinem miserationum tuarum, dele defectiones meas.*

4 *Multum ablue me ab iniquitate mea, & à peccato meo munda me.*

5 Nam defectiones meas ego agnosco, & peccatum meum obuersatur mihi iugiter,

6 Tibi, tibi soli peccaui, & quod malum videtur in oculis tuis feceram: agnosco, Ut iustificeris in sermonibus tuis, purus sis quando tu iudicas.

7 En, in iniquitate formatus sum, & in peccato fouit me mater mea.

8 En, veritate delectaris in renibus, & in occulto sapientiam notam tu feceras mihi.

9 Expiato me musco, ut mundus sim: abluito me, ut prae niue albescam.

10 Facito ut audiam gaudium & letitiam: exultent ossa quae contriueris.

11 Absconde iratam faciem tuam à peccatis meis, & omnes iniquitates meas dele.

12 Animum mundum crea mihi Deus, & spiritum firmum renoua intra me.

13 Ne abiicias me à facie tua, Spiritum Sanctum tuum ne recipias à me.

14 Redde mihi gaudium salutis tuae, & spiritu ingenuitatis sustentas me.

15 Docebo defectores vias tuas, ut peccatores ad te conuertantur.

16 Libera me à sanguine, ô Deus, Deus salutis meae: cantet lingua mea iustitiam tuam.

17 Domine, labia mea aperias, ut os meum annuntiet laudem tuam.

18 Nam non delectaris sacrificio, ut dicitur: holo-

olocaustum non vis.

19 *Sacrificia Dei sunt, Spiritus fractus: animus fractum & contritum, ô Deus, non spernis.*

GRATIAM fac mihi. Audita Na- ^{Resipiscen-}
 hanis reprehensione, statim in ^{tia vera}
 animo Davidis erigitur quasi Dei ^{partes. Cō-}
 iudicis tribunal: & conscientia, prius con- ^{scientia}
 sopita, iam excitata intentat accusationem ^{excitata}
 pro tribunali illo obiectat primùm adul- ^{intentat}
 terij crimen illud scdissimum. Deinde ho- ^{sibi accu-}
 micidiū crudelissimum. Hinc horrores & ^{sationem}
 terrores in corde miseri hominis existunt, ^{coram}
 quibus quidem conturbatus, non vt solent ^{Deo: pec-}
 aliqui, hoc vel illud peccato suo prætexit, ^{catū ag. io-}
 & celat peccatum suum, sed conscientia ^{scit, & mī-}
 suæ cedens, & crimen confessus, supplex ^{sericordiā}
 ad Deum se conuertit, eiúsque miseri- ^{iusti iudi-}
 cordiam appellat. *Gratiam fac mihi*, inquit, ^{cis appel-}
ô Deus. Non est profectò dolor alius gra- ^{lat.}
 uior dolore hoc conscientia malæ: quod ^{Amplifi-}
 dum sentiunt improbi, primùm studiosè ^{catio vera}
 cauent, ne conscientia, semel consopita, ^{resipiscen-}
 exsuscitetur. Omnes admonitiones, repre- ^{tia a con-}
 hensiones & comminationes ex verbo ^{trario, nem-}
 Dei, sedulò deuitant. Deinde, si fortè vel ^{pe mala}
 inuitis iis excitetur tandem conscientia, ^{mentis,}
 non tum quidem continuò se comparant ^{qua in im-}
 ad remouendum peccatum, utpote pertur- ^{piis con-}
 batur conscientia materiam. Verùm om- ^{spicatur,}
 ne. ^{brevi con-}
 sideratio-

nibus modis tentant, dolorem illum conscientiaē, lenire, & consciētiam suam quasi fallere, ludendo, iocando, omni denique voluptatis generi indulgendo. Fieri quidem potest ut ad tempus, fallacibus istis quasi remediis adhibitis, dolorem suum demulceant, & consciētiaē acie retundāt. Verum fallax est ea pax, & vulnus ita alligatum tandem recrudesceat, ac nisi in praesenti ista vita auferatur peccatum, quod maximè tectum cupiūt, futurum est tādē ut conscientia, ita excusso iam illo sopore, euigilet, ut in posterum requie aliqua nunquam sit fruitura. Unica ratio est ista sedandi ac mitigandi dolorem illum malae conscientiaē: nempe, sit confessus peccatum tuum, ac confugeris ad thronum illum gratiae, ac misericordiam Dei in Christo Iesu. Atque id est quod hoc Psalmo, Davidis exēplo, discimus. Hinc enim sequetur in animo pax quaedam ineffabilis, imò omnem intellectum superans, qua aliàs percepta, ex remissione peccatorum suorum, David beatum eum praedicat cuius remissa sunt peccata: Psal. 32. 1. 2.

Secundum benignitatem. Hæc illa causa est cur David, licet peccator, audeat tamen ad Deum accedere, hoc est iudicem suum: nempe, benignitas ac misericordia Dei in Christo, qua fretus libertatem habet,

Conscientia vulnerata Unica ratione curantur.

Misericordia Dei effectus.

habet, & aditum ad Deum cum fiducia, Eph. 3. 12. ut loquitur Apostolus, gratiamque ab eo petit. Quo tempore, conscientia intentat aduersus nos crimen aliquod, eodem tempore Deus, tanquam iustus iudex, conscendit tribunal suum: in eoque sedet cum maiestate, ac eo terrore, quo facile à facie eius absterreatur omnis peccator. Neque enim impij, qui nondum senserunt Dei illam in Christo misericordiam, iratum illum Dei vultum ferre queunt. Neque etiam cum ex animo Patrem inclamare possunt, imò verò exirent è mundo ut conspectum eius tam formidabilem effugiant. Quamobrem, peccator, nisi cum sensu peccati Deum simul misericordem sentiat, coram eo apparere non audet: percepta autem iam eius misericordia, & per Spiritum sanctum effusa in cor nostrum illa charitate, nulla re absterretur, non peccati gravitate, nō iudicis maiestate, quo minùs eum cum fiducia accedat. Tantam enim alliciendi vim habet diuinæ in Christo misericordiæ sensus: si interficeres me, inquit Iobus, an non sperarem?

Dele defectiones. Petitio eadem iterata *Fidei* mi-
est ex summo liberationis desiderio: quod *rus affe-*
ipsum rursus existit ex acerrimo peccati *ctus, & Se*
sensu. *dele*, inquit, *defectiones meas*: hoc est, *hemens de-*
siderium.

remitte mihi peccata, quibus factum est,
vt turpiter desciuerim à te. Dici vix potest

Peccatum quàm grauitè peccatum sit à Dauide,
multiplex commissio primùm adulterio: deinde ho-
Dauidi. micidio: tertio, contracto cum adulterata
connubio: quarto, exposito præsentis peri-
culo Dei populo: ad quæ denique omnia
accessit in peccato pertinacia. Nam plu-
res menses peccato quasi securè indormi-
uit. Reus igitur Dauid tot peccatorum,
profectò, non nisi fretus infinita Dei mi-
sericordia, in conspectum eius ausus fuis-
set prodire: atque hinc est quòd exclamat,
dele defectiões meas, videlicet tot ac tan-
tas: idque secundùm superabundantem

Peccati gratiam tuam, ô Deus. Peccatum quod-
onnis cur cunque offensio est infinitæ Maiestatis:
infinitum. hinc infinitum est quodammodo peccati
onus, vel leuissimi in speciem, siquidem eo
non leuetur ipse peccator in Christo Iesu.

Misericor- Quare, vt remittatur peccatum quodcun-
diam Dei que, opus est misericordia etiam infinita,
cur immen- quantò magis vt remittantur multa gra-
sam esse o- uiaque peccata opus est misericordia in-
portet. finita & superabundante? Nā quum abun-
dat peccatum, gratia necesse est superabun-
det. Id quod docet experientia ipsa. Nam

oppressus aliquis peccato aliquo grauiori,
non priùs inuenit requiém animæ suæ, quàm
immensam Dei misericordiam concipiat
animo,

animo, quam simulatque cōcepit & apprehendit, nullum peccatum est tātī momenti, cuius veniā non iā sibi persuadeat. Ideoque in tota vita nobis laborandum est, vt iuxta illud Apostoli valeamus assequi quæ ^{Eph. 3. 3.} fit illa latitudo, longitudo, profunditas & ^{9.} sublimitas, & cognoscere illam charitatē Christi omni cognitione superiorem. Infinita enim haud dubiè est Dei in Christo ^{stupor} misericordia, sed nos (qui est stupor noster) ^{noster.} vix millesimam eius partem comprehendere valemus. Ex quo fit, vt nostra ipsorum culpa priuemur iusta consolatione. Neque enim consolationi locus vllus in animo est absque fide, quæ, quid aliud est, quàm Dei in Christo misericordiæ perceptio?

Multùm abluere. Tertiò idem petit, quasi *Repeti-* dicat, Ne cessa abluere, priusquam me à *tio neces-* peccato meo planè purgaueris. Allusio est *saria.* ad purgationes legales. Sed notandum, quod non contentus leui aut vulgari quadam ablutione, dicat, *Multùm abluere.* Sensit *Sordēs* nimirum, peccatum in se altiùs radices e- *multa* *et* gisse, sibi que tenaciùs adhæsisse: ideò que à *alta, re-* Deo petit vt ablutiones multiplicet: quod *petitas* *et acres* nisi fiat, cogitat non futurum vt purge- *ablutiones* tur à sordibus peccati. Nota igitur, pecca- *requirant.* tum non esse superficarium quiddam, verùm, profunditates cordis omnino occupare. Sed qui id sentiunt? Non profectò

securi isti & Libertini, qui vel peccatum non sentiunt omnino, vel si sentiunt, leuiter tantum, & non nisi in summa cute il-

Sensus lud sentiunt. Qui igitur hoc sentiunt? Ni-
peccati, in mirum qui serio, & ex animo resipiscunt.
quibus sit. Isti, quàm foedum sit peccatum, probè sibi

conscijs sunt, & quàm profundas animi partes occupet: indèque fit, vt, in hac vita, nunquam satis à peccato purgari se posse existiment, atque illud cogitent, nihil esse quo purgentur, nisi solum illum Christi sanguinem, ad quem solum, cum sensus est peccati serius, ac ablutionis desiderium, ducit eos Spiritus Sanctus. Neque enim is Spiritus Christi est, qui animum peccatoris aliò à Christo abducit, & ad alias purgationes & satisfactiones quascunque, quas somniant sibi Pontificij.

Doloris Ex iis quæ dicta sunt omnibus hoc ob-
piorum & serua: Daud ingentem animi sui dolorem
impiorum his suis petitionibus indicat, doloris au-
discrimen. tem causa satis intelligi potest ex ipsis pe-

titionibus. Est autem peccatum, quo Deū suum ipse grauitè offendit: ait enim, *dele defectiones meas, &c.* Hinc manifestum conspicitur discrimen inter dolorem piorum & impiorum: hi quidem dolent non tã

Gen. 4.13. propter peccatum, offensumq; Deū, quàm
Exempla, propter pœnam peccati, ac cruciatum. Sic
Cain 14. dolebat Cain: *Maiores,* inquit, *est iniquitas*

mea,

mea, hoc est pœna iniquitatis meæ, quàm
ut sustinere possim. Sic quoque dolebat
Iudas Christi proditor. At verò pij, e si ab-
horreant quidem à pœna, tamen ideò do-
lent præcipuè, quòd Deum suum offende-
rint: & peccatum, non tam propter pœ-
nam, quàm propter malum ipsum, quod in
peccato est, detestantur. Atque eiusmodi do-
lor fuit Davidis hoc tempore.

*Opposuit,
David.*

*Petitionis
causa, à
peccati sin-
cera con-
fessione.*

Nam defectiones. hætenus ter idem pe-
tiuit: nunc petitionis causam annectit, à
simplici candidaque peccati confessione:
quasi dicat, ô Deus, confiteor me omnibus
his modis defecisse, quos per Nathanem
Prophetâ tuû denuntiasti: cōfiteor, inquã,
corâ Prophetâ tuo, deniq; corâ totâ Eccle-
siâ, nō præsentē tantum, sed in posterum ad
finem usque futura: nimirum hoc Psalmo
exarato, & toti posteritati, ac sæculis futu-
ris prodito. Hinc sequitur petitio: Ergo
gratiam fac mihi, ô Deus. Ex hoc apparet
non esse gratiæ ac misericordiæ locum, ni-
si antegressa candida quadam ac simpli-
ci confessione, ex seria animi resipiscentia
profecta, Id quod testatur David Psalmo
32. 3. & deinceps, ac sua ipsius etiam ex-
perientia didicit. *Cum silerem, inquit, ac
non confiterer peccatum meum, inuetera-
scebant ossa mea, &c.* Tum addit, *peccatum
meum notum faciam tibi, & defectiones meas*

*Misericor-
dia impæ-
nitentibus
& resipi-
scere ne-
scitis dene-
gatur.*

non tegam, iniquitatem meam confitebor Iehoua. Hæc quidem confessio est. Quid autem sequitur eam? *Sustulisti, inquit, pœnam peccati mei, hoc est, peccatum & pœnam.* Summa horum huc redit: ubi non est confessio, ibi non est gratia: ubi est confessio, ibi est gratia.

Efficiens Et peccatum meum. Hæc est causa resipiscentiæ, & confessionis efficiens, mala conscientia siue conscientia peccati: quasi dicat, vrget me dies noctesque conscientia peccati mei, perpetuôque oculis meis obtendit homicidium, adulterium, cæteraque flagitia mea cum his cõiuncta. Præparamur igitur ad fidem & resipiscentiam per conscientiam nos accusantem, & horrorem incutientem. Inde est quod ad gratiam Christi confugiamus, & fide eam amplectamur, ex fide rursus & sensu gratiæ existit dolor ille, qui est secundum Deum: hoc est, qui est propter offensum Deum; ex eo rursus dolore, est mutatio illa animi, quam μετανοια siue resipiscentiam appellamus. Nam teste Paulo, 2. Cor. 7. Qui secundum Deum est dolor, is resipiscentiam efficit ad salutem. Denique ex resipiscencia & animi mutatione est oris confessio. Ex præparatione ista ad gratiam id clare conspicitur, neminem segnescendo, & dormitando, gratiam illam, in Christo

Iesu,

Iesu, consequi; verum per horrores conscientiae, ad coelestem illam laetitiam transire. Licet enim gratis condonetur nobis vita in Christo, tamen, ante acceptam vitam, necesse est perpetiamur insignem mutationem, & deliciamur prius quam erigamur.

Illud praeterea discimus ex isto Davidis exemplo, quam bene cum iis agatur, qui conscientiam habent paulò vigilantiorum primùm enim, refrænantur, ne multa perpetrent flagitiosa, quæ alioqui perpetrarent. Deinde eadem illa conscientia, si quid ab iis mali commissum sit, de eo admonentur, & ad resipiscentiam deinde impelluntur. Contrà verò miserrima est eorum conditio, quorum consopita iacet conscientia: eos enim necesse est pronos nulla re inhibente in omne scelus proruerre. Deinde verò, postquam iam scelus aliquod perpetratum est, necesse est ut ei securè indormiant, nulla re ad resipiscentiam eos reuocante. Quam obrem optimè est ea hominis conditio, quæ est cum conscientia factorum: etsi saepenumero ingratum nobis videatur, conscientia nos vel retineri à peccato perpetrando, vel reuocari ad peccati commissi confessionem.

Vigilanti conscientia commoda.

Impiorum miserrima summa.

Peccati exaggeratio tristissima.

Tibi, tibi soli. Peccatum suum exaggerat: ex eo primùm quòd in Deum sit, dein-

de quòd in solum Deum. Quòd ad primum, *Tibi* (inquit,) *peccaueram*. deinde ad maiorem rei certitudinem, *Tibi, tibi*, inquit, *peccaueram*, eodem verbo iterato. Nò quærît Dauid effugium aliquod, neque inficiatur se in Deum peccasse: id quod facturos audimus reprobos in nouissimo die: qui accusati de peccato, etiam in ipsum Deum commisso, responsuri sunt, *quãdo vidimus te hospitem, quando nudum, quando esurientẽ, quando sitientẽ, quando in carcerẽ coniectũ*? at verò Christus, tum excepturus est eos statim his verbis, & prætextum hunc iis ablaturus: *Amen, amen, inquiens, dico vobis, quatenus id non fecistis vni ex istis minimis, nec mihi fecistis*. Non sic, inquam, tergiuersator Dauid, peccatum suũ eleuando, quasi verò in Deum non sit perpetratum: verũ expressius non potest dicere illud in Deum ipsum admissum esse. *Tibi, tibi*, inquiens, *peccauerã*: deinde exaggerat peccatum suum, cùm, dicit, *Soli Deo se peccauisse*. Si propriè loquamur, peccatum quodcunque in Deum committitur, eũque respicit vel immediatè, vt quom peccatur in primam legis tabulam: vel mediatè, vt cùm peccatur in secundã. Est enim peccatum, legis diuinæ transgressio, & persona offensa propriè Deus est. Nã nisi interueniret primum Dei mandatum vel

Matth.
25.44.
&c.

Quomodo
peccasse
dicimur
in solum
Deum.

vel vetans, vel iubens aliquid, nulla profectò esset in creaturam aliquam offensa. nisi diceret Deus, *Ne committas adulterium*, nulla esset vel Vriæ vel cuiusquam offensio in committendo adulterio. Nisi diceret Deus, *Ne occide*, nulla esset in occidendo offensio, vel in Vriam, vel in alium quempiam. Quamobrem, si propriè loquamur, in Deum solum admittitur omne peccatum. Hinc sequuntur duo: Vnum, *Remissio* remissionem peccati, vel remittendi peccati privilegium, ad solum Deum pertinere: solus enim Deus, si propriè loquamur, *Remissio peccati, & electio peccati, cur ad solum Deum pertinet.* peccata nostra remittit. Alterum, ultionem peccati ad solum Deum pertinere. *Mihi vindicta*, inquit Dominus, *& ego retribuam.* Quare, quum iniuria fit cuiquam, *Rom. 12.* non æstimandum est tam fieri iniuriã homini, quàm Deo, eique ultro relinquenda est. Deus, si propriè loquamur, persona læsa est ac offensa, vt pote cuius mandatũ violatum sit: quòd profectò nisi violatum esset, nullam planè haberet conquerendi de iniuria causam creatura. Quare, ultio Deo primùm cõmittenda est, deinde personæ illi, cui suam vicem in terris demandavit. Verùm, homines sic agent suam causam, sic vlciscuntur iniurias sibi illatas, *Aduersus Vindicta privata patrones & executores.* ac si in ipsos solos peccatum esset, & nihil ad Deum pertineret iniuria. Ex quo fit læ-

penumerò, vt dum ipsi vlcisci volunt iniuriam in se factam, Deus ipsos vlciscatur, efficiâtque vt secundum (vt ita loquar) damnum reportent.

*Dauid nō
minuit
peccati
sui graui-
tatem, sed
amplifi-
cat.*

Atque hæc de peccato, quantum ad hūc locum attinet. Dauid enim non ita eleuat peccatum suum, quasi ex parte tantum aliqua Deum attingat, verū exaggerat ipsum quasi in solum Deum perpetratum sit: ac si dicat, non est mihi negotium (vt verè dicam) cum Vria, aut quoquam mortalium, verū tecum mihi negotium est, ô Deus, etsi omnes facilè condonarent mihi offensam in ipsos, tamen ea re non esset mihi satisfactum, mi Deus, quia *Tibi, tibi*, inquam, *soli peccaui*: & nisi tu pro bonitate tua mihi remittas peccatum meum, nullo loco reputo omnes omnium hominum remissiones, aut veniam peccatorum ab

*Peccati
sensus in
quib. &
quomodo
fiat acer-
rimus.*

omnibus impetratam. Admonemur itaque, Dauidis exemplo, quòd, dū conscientia nostra nos accusat, non accuset quidem tam offensi hominis alicuius, quàm offensæ infinitæ illius maiestatis diuinæ. Conscientia Dauidis non tam accusat eū facti alicuius in Vriā, quàm in Deū ipsum: atque hinc existit serius, ille peccati sensus. Hinc sunt horrores illi inferiorū, dum vident homines sibi rem esse, nō tam cum hominibus, quàm cum Deo ipso. Omnium
enim

enim hostium terribilissimus est Deus hostis, à cuius ita hoc vnicum refugium nobis est, vt ad ipsum confugiamus, & cum ipso per Christum reconciliemur. *Remediū certissimum.* Quare ex hoc Dauidis exemplo, id vtilitatis capimus, quòd postquam iam à nobis peccatum est, non aliò cōfugiendum sit, quàm ad ipsum Deum. Neque enim conquiescit animus Dauidis prius quàm cum offenso Deo suo in gratiam redeat.

Et quod malum videtur. Quasi dicat, putaram me clam fecisse, quicquid feci, cum tamen id totum in oculis tuis, & te quasi inspectante factum sit, siue id adulterium sit, siue homicidium, siue matrimonium iniustum ac illegitimum, cum adultera contractum, siue denique in his omnibus peccatis perseuerantia sit. Dauid itaque nunc demum dicit se fecisse mala hæc omnia ipsius Dei oculis, & palàm. Existimant quidem homines se clam Deo quæ malè machinati sunt perpetrare: vt verò suo tempore videbūt horum omnium testem fuisse Deum, quasi oculatum. Præstat quidem vt hoc opportunè videant, dum locus aliquis est gratiæ, ne si seriùs id fiat, nullus sit futurus gratiæ locus. *Agnosco, vt Confessio- nis præci- puum finis, Dei glo- ria.* *iustificeris.* Confessionis suæ finem præcipuum subiungit, Dei gloriam: quasi dicat, hoc confiteor, ô Deus, non tam mea

ipsius causa , vt scilicet mei miserearis ,
quàm tuæ gloriæ causa. *Vt tu iustifice-*
ris in sermonibus tuis , id est , vt contipicia-
ris verax esse. Nam Paulus veracitati
Dei , ac (vt sic loquat) fidelitati , iustifi-
cationem hanc tribuit. Ergo , inquit , vt
tu contipiaris verax in hac commina-
tione tua , per Prophetam tuum Natha-
nem facta , & vt tu videaris purus , hoc
est , iustus , *quando iudicas* , hoc est , quan-
do exequeris iudicia tua , quæ iam prius
comminatus es. Vides igitur , Davidis
exemplo , peccati confessionem cum pri-
mis inferuire Dei gloriæ. Peccatum e-
nim perpetratum non magis cedit in
Dei ignominiam , quàm peccati sincera &
ingenua confessio , cedit in ipsius gloriam.

Resipisce- Contrà verò , qui resipiscere nesciunt , du-
re nesciunt ritia sua , & obstinatione animi , magis
omnium Deum dedecorant , quàm admissio peccato ,
grauissi- etiã grauissimo , ipsum dedecorant. Nam
ma con- obfirmare animum aduersus gratiam , &
tumelia vocationem , aduersus cōinationes Dei ,
Deum af- quid quæso aliud est , quàm Deum men-
ficiunt. dacij insimulare , interea dum nos ad se
vocat , & iudicia sua aduersus nos denun-
tial ? rursusque Deum iniustitiæ accusare ,
dum nos castigat ? quo profectò non po-
test esse aliud peccatum grauius , quod uti-
nam mundus iste , qui pro duritie sua resi-
piscere

piscere nescit, tandem agnoscat.

En, in iniquitate formatus sum. Hactenus fuit confessionis propositio, sequitur eius amplificatio, siue, quod idem est, peccati exaggeratio. Exaggerat autem peccatum tribus argumentis. 1. Est ab originali peccato. 2. A natura Dei. 3. A sua ipsius cognitione, qua imbuat ipsum Deus. Primum itaque dicit, *En, in iniquitate formatus sum.* Hoc primum est argumentum, ab originali, illa corruptione, in qua conceptus ac fatus est in utero matris suæ, donec in perfectum & maturum foetum euasit, quasi dicat, quid opus est morerur demonstrando tibi actuali hoc, ut vocant, peccato? En tibi eius fontem, longè putidissimum: naturam totam, quanta quanta est, conflata ex peccato. Nam quasi digito demonstrat Deo corruptelam naturæ suæ, quæ fuit inde ab utero. *In iniquitate formatus sum*, id est, conceptus sum in originali peccato, in quo postquam conceptus sum, in matris meæ utero, in eodem solus sum, tantisper dum perfectus euasi foetus. Non damnat quidem actionem naturalem ipsam concipiendi ac fouendi foetum in utero, tanquam rem illegitimam, aut lege Dei prohibitam: cum actio ipsa suapte natura vitiosa non sit. Verum contraxisse se significat peccatum originale, tantisper

dum actiones illæ naturales, ac in felicitate peragerentur: & iam inde ab utero communi illa naturæ contagione infectum esse, non quidem vitio naturæ, qualis ea à Deo tum primum creata est, sed vitio naturæ, quæ in corruptionem degenerauit.

*De peccato
originali,
locus.*

Peccatum originale, ut ipsum paucis attingam, cernitur partim in reatu primi illius peccati, partim in culpa, siue naturæ corruptela. In reatu quidem, quia omnes rei sumus primi peccati illius Adami: in Adamo enim peccauimus omnes, ut qui tum olim fuerimus omnes in eius lumbis: peccatumque Adami, non tam ipsius quam nostrum omnium censendum est. In corruptione autem cernitur peccatum originis, quia natura nostra tota, omnesque animæ nostræ facultates, per defectionem illam Adami corruptæ sunt ac deprauatæ. Mens est exæcata, iudicium peruersum, voluntas & affectus prorsus deformati. Hoc autem loco intelligimus naturæ illam corruptelam: vnde existunt ea quæ actualia vocantur peccata. Hic David, dum actuale peccatum suum apud se ponderat, ex eo deducitur ad cognitionem fontis ipsius ac originalis quod vocant peccati. Omnes enim defectiones nostræ particulares, debent nos admonere corruptæ huius ac contaminatæ naturæ nostræ, ut ea semel inspecta

*Peccato-
ris respi-
scientie me-
ditatio.*

inspecta, cōsideratāque eius fœditate, demus operam in primis vt ea perpurgetur, & ad imaginē Dei renouetur. Neque enim contēri esse debemus externis actionibus, quātumuis in speciem præclaris, nisi, inter agēdum, perpetuò sentiamus animum internus reformatum, proficisciq; ab interna obedientia omnes actiones nostras. Deinde, David, agnita semel corrupta natura sua, inde occasionem arripit exaggerandi coram Deo peccatū suum. At verò Libertini isti vel hac re se excusant, eleuāntque peccatū suum, quòd in peccato illo originis concepti, ac foti sunt in vtero matris suæ. Peccauimus, inquiunt, sed caro sumus, quid faciendum? Humanū est labi. Interea temporis nihil de resipiscentia cogitāt. At verò Davidis exemplo discimus, hoc ipso grauius ac fœdius esse peccatum quodcumque actuale, quòd à tam fœda ac amara radice profectum sit.

Haëtenus fuit argūmentum à peccato originali, sequitur deinde argumentum à Dei ipsius naturā sancta, pura, ac sincera: eam enim ex effecto suo innuit. Nam delectatur Deus veritate ac sinceritate interna: quia ipse verus ac sincerus est. *En, veritate delectaris in renibus.* Quasi dicat, Tu, Deus mi, Sanctus es, & purus, delectarisque sanctitate ac puritate in reni-

Alia meditatio eiusdem, aduersus Libertinos.

2. Argumentum à natura Dei.

bus, hoc est, puritate interna: ego tamen
meipsum coinquinaui, imponū que factus
sum, ut in superiori argumento ad lucen-
do factum est, ita in hoc quoque fit. Nam
particula ista *En*, attentionem capat, ac
demonstrat digito, quasi ipsi Deo, puris-
simam ac sincerissimam ipsius naturam,
ad hoc ut Deo intuenti ac consideranti
suam ipsius naturam, peccato Davidis tam

Peccati aduersarium, videatur peccatum Davidis
tollendi grauissimum esse, ac foedissimum. Neque
Sera ratio. enim vult vllam peccati sui partem Deum
celare: existimans hanc vnicam esse pec-
cati tollendi rationem, si totum, quantum-
cunque est, in conspectum Dei simul ac se-
mel ponatur. Sic enim futurum confidit ut
Deus Christi illo merito ac iustitia pec-
catum ipsius sitecturus. Neque enim de-
bemus nosmetipsi peccatum nostrum te-
gere: verum ipsum sincera confessione ob
oculos Dei ponere, ut Deus deinde ipse in-
tegit. Tum enim demum verè tegitur
peccatum, cum à Deo per Christum inte-
gitur. Obserua præterea, quod ex natura

*Cognitio-
nis Dei
eff. 8m.*

Dei exaggeret peccatum suum. Cognitio-
nem Dei deducere nos ad nostri ipsi um
cognitionem, & notitiam Maiestatis illius
Dei infinitæ, potentiæ infinitæ, sapientiæ
infinitæ, ostendere nobis, quam nihil su-
mus ipsi: denique cognitionem volunta-
tis

tis ipsius sanctissimæ docere nos quàm
 longè à recta via aberremus. Cùm ipsi nos *Hypocri-*
 tismum contemnamur, videmur nobis ei- *seos pectus*
 se aliquid: cùm verò oculos nostros ad *ra.*
 Maiestatem illam attollimus, protinus
 sordemus ac vilescimus etiam in oculis
 nostris. Cùm ignari sumus voluntatis eius,
 putamus nos omnia rectissimè & velle &
 agere: verùm inspecta Dei lege cernimus
 quantum à vero rectoque desiciuerimus,
 Paulus videbatur sibi, cum legem ignora- *Rom. 7. 9.*
 ret, tum verè viuere. *At mandati aduentu,*
inquit, peccatum reuixit: ego verò mortuus
sum. Rursus hinc videmus Davidem pecca- *Ex Volun-*
 tum suum ex reuelata Dei voluntate per *tate Dei*
 Prophetam suum exaggerare. Sunt qui ex *reuelata,*
 Dei decreto æterno illo, ac necessario, hoc *cognitio*
 est, ex Dei voluntate non reuelata, conan- *peccati.*
 tur peccatum suum eleuare. *Quid igitur* *Rom. 9. 19.*
inquiunt, adhuc succenset? Nam voluntati
eius quis resistit? Non excusat tamen quen-
 quam voluntas illa Dei non reuelata. Qua
 enim conscientia potest quis facere quod
 Deus voluntate sua reuelata faciendum
 nō esse indicabit? Hoc verò loco exemplo
 Davidis discimus ex volūtate ea quam no-
 bis reuelauit Deus viuendum esse, neque
 curiosius quærendum de voluntate illa non
 reuelata: denique maleficiis nostris decre-
 tum Dei non esse prætendendum.

3. Arg. à
cognitione
ne sancta
et cetera,
qua im-
butus est
à Deo,

Sequitur argumentum quo amplificat peccatum suum, tertium, à notitia illa Dei ac voluntatis ipsius, qua imbutus est Dauid. *In occulto*, inquit, *notam feceras mihi sapientiam*, hoc est, familiariter, vt domesticum aliquem, institueras me in cognitione tui ac voluntatis tuę. Ego tamen turpiter adeò à te defeci: quasi verò rudis ac ignarus tui ac legum tuarum. Prodest quidem voluntatem Dei perspectam habere: at verò cognitio Dei ac voluntatis ipsius, peccatum & damnationem aggrauat, si contra cognitionem illam inobediens factus fueris voluntati ipsius. Imò si in peccato, quod est cum cognitione Dei coniunctum, perseueraueris vsque ad finem, melius profectò tecum actum fuisset, si nihil vnquam de Deo voluntatēque eius vel audiuiesses vel cognouisses. Cognitio enim illa tua quid futurum est tibi in die illo, nisi testimonium aduersus te? & cognitio ista Euangelij, tam plena & copiosa, quid faciet istis hominibus qui Christum factis negant, aliud in illo die, quàm iustam eorum condemnationem augebit? Hypocritę enim cuiusque, & eius qui non nisi nomine tenus Christianus est, grauissimum futurum est iudicium: vel ob hoc ipsum Christiani nomen, quod illi tam impudenter mentiuntur, sibi que falsò arrogant.

Cognitio
hęc, odor
mortis ex
abusen-
tibus.

Expiato me. Haftenus insertum fuit pri- Petitionis
 mum petitionis argumentum, à vera ac gratia
 simplici cōfessione: nunc redit ad cōceptam repetito,
 illam petitionem. Primùm autem, vt antea constans
 fecit, remissionem peccatorum implorat, duabus
 deinde verò regenerationem, quæ cum su- partibus:
 periori beneficio necessariò coniuncta est. remissio-
 Quod ad primum igitur beneficium, ait, ne pecca-
Expiato me musco, vt mundus sim, id est, al- torum, &
 pergito me sanguine æterni illius sacrificij regenera-
 Christi, ad hoc, vt purus sim à peccato. Al- tione spi-
 ludit ad asperisionem illam legalem, quæ rituali.
 fiebāt sanguine animalium per hyssopi fa- Leuit. 14.
 sciculum, quæq; figurabat asperisionē san- 7.
 guinis Christi. Petit itaque purgationem Num. 19.
 per sanguinem Christi: neque tamen Sa- 18.
 cramentum & typum institutum à Deo
 contemnit: verùm petit quoque ipsum il- Typorum
 lud temporarium Sacramentum ad fidem & Sacra-
 suam magis confirmandam. Nam cùm mentorum
 gratia illa Dei in Christo nec videri pos- & sus.
 sit oculo, neque manu contrectari: Deus,
 consultum esse volens imbecillitati no-
 stræ, qui non satis ei quod dicitur credi-
 mus, nisi corporeis etiam sensibus nostris
 quodammodo id ipsum percipiamus, in
 symbolis ac Sacramentis, iam inde ab
 initio, porrexit nobis quasi gratiam
 suam in Christo videndam oculis, & con-
 trectandam manibus. *Abluito me.* Rursus

*Comparatione, peti-
tione prio-
rem par-
tem expli-
cat.* petit remissionem peccatorum : *abluito*
me, inquit, nempe eodem illo sanguine,
ut prænive albescam, id est, ut planè purus
sim. Verùm hoc comparatè effert, & qui-
dem comparatione facta cum re quæ na-
tura sua albissima est. Comparatio autem
fit in minoribus, ut significet nihil, quod
in natura est, tam album, purum, mundum
esse, quàm est homo, cui semel remissa sunt
peccata, & qui semel ablutus est Christi
illo sanguine.

*Remissio
peccatorum,
in quo con-
sistit.* Vide hîc primùm : David dum petit
peccatorum remissionem, & pacem con-
scientiæ, eam petit sub symbolis & figuris
lotionum illarum legalium, quibus olim
adumbrata est lotio per Christi sangui-
nem. Videmus itaque Davidem petiisse
remissionem peccatorum in solo Christi
sanguine. Nulla vnquam fuit aut in poste-
rum futura est peccatorum remissio, ac
proinde conscientiæ tranquillitas, nisi per
solum Christi sanguinem, quem certum
est veterem illam Ecclesiam, & patres, in
sacrificiis & umbris apprehendisse. fieri
quidem potest ut Papistæ, tantisperdum
non sentiunt peccati sui, & iræ Dei pro-
pter peccatum gravitatem (Nam eorum
hominum conscientia, quantum quidem
ego iudicare possum, ex ea, quæ ab ipsis
quotidiè traditur doctrina, consopita est)
fieri,

fieri, inquam, potest, ut sic ad tempus affecti, vendicent merita sua, indulgentias, purgatoria, & nescio quas satisfactiones, quibus omnibus certum est detrahi aliquid de Christi gratia. Sed si futurum sit ut peccati onere & iræ diuinæ sensu seridò tandem aliquando premantur, sentient profectò ac palàm profitebuntur vana, ac non nisi somnia & nugas esse ista omnia, quæ nunc tantopere prædicant. Tum enim illud experientur, nullam esse absque solo illo Christi sanguine ac sacrificio, vel peccatorum remissionem, vel conscientiaæ pacem. Quod utinam tandem aliquando videant miseri, & discant solo illo sanguine & pacari iram Dei, & tranquillari conscientias miserorum hominum: quæ ipsæ non alia re quàm sensu illo iræ diuinæ inquietantur ac perturbantur. O beatam illam quietem ac pacem, quæ est per solum illum Christi sanguinem!

Vide hoc loco rursus: pollicetur sibi munditiem & albedinem ipsa niuis albedine albiorem, si quidem illud semel obtineat, ut Christi sanguine abluatur. Atque id quidem facit, non eò quod putet futurum, ut remissis semel peccatis nihil reli- *Iustitia*
quum sit futurum peccati & immundi- *Christi*
tiei in natura sua in posterum: verum eò *perfecta*
quòd existimet, sibi que persuadeat Christi *efficacia*

*Purgatio
& ablutio
nostra du-
plex san-
guis Chri-
sti remissio
nem pecca-
torum. spi-
ritus rege-
nerationē
confert.*

sanguine, perfecta que ipsius satisfactione, semel imputata, peccati reatum omnem ablutum iri, ipsūque eo loco habitum iri, ac si nunquam in vita sua peccasset. Purgationem enim ac lotionem in Christo habemus duplicem: vnam quæ est per sanguinem: alteram quæ est per Spiritū Christi. Lotio illa quæ est per sanguinē Christi, perfectissima est, tranquillatque conscientias nostras. Lotio verò ista quæ est per Spiritum, inchoata est duntaxat in præsentī hac vita, ac non propriè & per se conscientiam tranquillat. Vt dicam verbo, peccatorum remissio, quæ est per Christi sanguinem, perfecta est, & omnibus suis numeris absoluta. Regeneratio verò, quæ fit per Christi Spiritum, inchoata duntaxat est in hac vita.

Facito vt audiam. Adhuc persistit in eadem illa petitione. sensus est, quasi dicat *Ablutionis, dem illa petitione. sensus est, quasi dicat*
per sanguis. Testare mihi interiùs per Spiritum Sanctū
remissa esse peccata mea: atque ita quide-
effectus. fiet vt materiam gaudij & lætitiæ ingētem
suggeras mihi. Id est, quod aliis verbis ef-
fert alibi, Attolle super nos lucem faciei tuæ
Iehoua, & indideris lætitiā animo meo ma-
iorē, quā temporis quo frumentum eorum
&c. & mustum eorum aucta sunt. Nam, vt loqui-
tur Psal. 16. 11. satietas gaudiorum est ante fa-
ciem Dei. Tum addit in textu, exultent ossa

qua contineris: quasi dicat, remitte mihi
 peccata mea, & ego quē humiliasti prius,
 tum exultabo lætitia ineffabili. Ineffabile
 enim est illud gaudium hominis deiecti &
 humiliati, posteaquā iam erectus est sensu
 illo misericordiæ, ac fiducia remissionis
 peccatorum. Sed verba sunt diligētius ex-
 pendenda, *facito, inquit, ut audiam gaudiū.* De gaudio
 Quo autem præcone & nuntio? Annō id iā *piorū eius-*
 ante à Nathane Propheta annuntiatum est *dēnique de*
 remissa esse Davidi ipsius peccata? verum *nunciatio-*
 est. Sed nihil est omniū hominū externum *ne.*
 testimoniū, nisi accedat quoq; internum il *Necessariū*
 lud Spiritus Sancti. Quāmo brē hoc loco *adulter fi-*
 David requirit internū illud Spiritus S. te- *delibus,*
 stimoniū. Remissio enim peccatorū actio *de peccato-*
 est abscondita penitus in mēte Dei. Ut au- *rum remiss-*
 tē nullus novit ea quæ sūt hominis nisi Spi *sione, testi-*
 ritus hominis: Ita quæ sūt Dei, nemo novit *monium*
 nisi Spiritus Dei: qui ut Paulus ait scrutatur *internum.*
 profunditates ipsius Dei. Quare nisi testetur *I. Cor. 2.*
 Spiritus Dei Sanctus in cordibus nostris, *10.*
 remissa esse nobis peccata nostra, nullum
 profectò vel creaturæ vel hominis testi-
 monium nobis illud persuadere poterit.
 At quo tandem modo testatur Spiritus
 Sanctus remissa esse nobis peccata nostra?
 Spiritus Dei Sanctus operatur in cordibus
 nostris admirabilem dilectionis Dei sen-
 sum, & ut loquitur Paulus, effūditi in cor- *Rom. 5. 5.*

*Testimo-
nij Spiri-
tus San-
cti præsta-
tia & fir-
mitas.*

dibus nostris charitatem, qua nos Deus in Christo prosequitur. At qualisnam ista charitas? non vulgaris aliqua profectò, sed singularis, & naturalis, ut ita loquere affectio illa quam *ἡγάπη* vocant: talis nimirum affectus animi, qualis est Patris erga unigenitum suum. Testatur igitur Spiritus Dei paternum ac tenerrimum erga nos affectum, ex quo etiam sequitur testari eundem Spiritum nos esse Dei filios. Nam si paternum quendam amorem testatur, sequitur vi parium testari eum nos esse Dei filios. Hinc etiam Spiritus adoptionis passim nominatur, nimirum quod testetur nos esse Dei filios per adoptionem. Quod si autem testetur nos esse Dei filios, testatur etiam pariter, remissa esse nobis peccata nostra, & ad nos pertinere cælestem illam hereditatem. Nam si filij, etiam hæredes, hæredes Dei, cohæredes autem Christi, sunt autem hæc omnia in Christo. Nam extra Christum nullus est amoris erga nos divini sensus, imò verò extra Christum sensus est duntaxat iræ. Nam natura sumus omnes filij iræ. Quomobrem, si velimus Spiritus Sancti istud testimonium, primum omnium in Christum nobis credendum est. Pij quique hoc experiuntur in tentationibus, quo tempore accusat peccati conscientia, si non tum adsit Christus, nullam

Rom. 8.
15. 16.

Rom. 8.
17.

*In qua
Christo
fundatur
illud testi-
monium.*

nullum sibi pacem animorum, aut tranquillitatem esse: sin adsit Christus, contra experiantur pacari sibi conscientiam. Necessitatem hanc tantam præsentiæ Christi dū considerat Apostolus, *Non decreueram*, in 1. Cor. quit, *quicquam scire inter vos nisi Christum, & eum crucifixum.* & ad Galatas scribit, *crucifixum esse Christum*, viua Euangelij scilicet prædicatione, *ante oculos ipsorum.*

Vide hinc præterea, *fac audiam*, inquit, *gaudium & letitiam.* Ex peccato non remisso, atque exinde mala conscientia, magna existit animi perturbatio & ingens dolor. Nam si post sensum Peccati nullus pateat aditus ad gratiam, sed contra sensus sit iræ divinæ, existunt in animo horrores intolerabiles. Nam omnium inimicorum maximè terribilis est iratus Deus, & horrendum est incidere in manus Dei viventis. Verba sunt ista hominum petulantium & securorum, malle se rationem inire cum Deo quàm cum vilissimis alioqui hominibus. Quòd si Deus iratus cum iis aliquando rationem inierit, sentient profecto quàm horrendum sit incidere in manus Dei viventis. De co igitur, intolerabiles horrores sequi ex peccati non remissi sensu serio, & formidinè illam, qua, vt denuntiat Moyses, impij agitati folij strepitu toti concutuntur. Is fuit timor Caini, qui abiectus iam à

1. Cor.

2. 2.

Gal 3. 1.

Peccati

sensus

quid ef-

ficiat.

Leuitic.

26. 16.

Exemplū

in Caino

& im-

piti.

facie Dei, seq; destitutum sentiēs Dei gratia, cōquestus est, primum quemq; qui ipsi facturū esset obuiā, manus in ipsum iniecturum. Metuunt isti sibi ab omni alia Dei creatura, nullōque in loco sibi tuti esse videntur. Contrā verò ex peccato remisso,

*Gratia in
Christo im-
petrata ef-
fectus.*

& ex bona conscientia, sequitur ingens quoddam gaudium, & pax quæ superat omnem intellectum. Nam remisso semel peccato, sentimus nobis adiūm ad Dei gratiam patere, neque dici potest quantum lætitia ferueat animus. Atque hæc illa Davidis lætitia, quam qui non senserūt vnquam in vita, nihilo profectò maiorem lætitiā perceperunt, quàm canes aut equi. Istud quidem ferēdum esset, quòd ho-

*Belluina
vita im-
piorum.*

mines præsentis duntaxat vitæ gaudia & voluptatem quærunt, si nulla hominibus, perinde atque brutis animantibus, spes esset alterius vitæ atque immortalitatis. At illud quī potest tolerari, homines ad æternitatem, (vt loquitur Apostolus) cōditos, interea tamen in hac vita, nullo vnquā tēpore, futurę illius vitę gaudia vel primis (vt aiunt) labris, degustare: sed tanquā belluas tātum placere sibi in emolumētis ac voluptatibus vitæ præsentis.

*Remissio-
nis pecca-
torum ter-
tia peti-
tio.*

Absconde iratum. Tertiò idem petit, nempe peccatorum remissionem. Nam qui leuiter & perfunctoriè petit sibi re-

mittere

mitti peccata , is nondum didicit quàm
horribilis sit Dei offensio : neque quàm
suavis sit sensus amoris ac misericordiæ e-
ius. Diuinæ enim misericordiæ sensus, effi-
cit tristitiam secundū Deum, hoc est , eum
qui est propter offēsum patrē tam clemē-
tem. Ex hac tristitia rursus est conuersio
ad Deum, odium peccati, & amor iustitiæ,
eum confessione peccati & crebra Dei in-
uocatione, quæ eò spectat vt peccatum i-
psa aboleat. Sed vt ad rem veniamus:
Absconde, inquit, iratam faciem tuam à
peccatis meis, & dele iniquitates meas,
hoc est, ne habeto ante oculos tuos pecca-
ta mea, sed expunge ea ex tabulis tuis. Lo-
quitur enim de iis, ac si in tabulis exarata
versarentur perpetuò in conspectu Dei,
quod quidem peccatori intolerabile vi-
detur. Neque enim, si nudi obuersemur
Dei oculis, hoc est non induti Christo eiūs
que iustitia, irati Dei aspectum sustinere
possumus. Verū de ira Dei sic pauci. Ira
Dei propter ipsius Dei sanctitatem inui-
labilem, tum propter peccati magnitudi-
nem, horribilis est adeò, vt à creatura su-
stineri nequaquam possit. Nam cū pec-
catum sit violatio quædam sacrosanctæ il-
lius Maiestatis, an mirum est tam horribi-
lem esse iram tantæ Maiestatis iam vio-
latæ vendicem ac vlticem? Hinc idem

*Turpitudine
naturalis
sæcorum
Deo, nisi ius-
titia Chri-
sti induamur.*

*De ira
Dei, locus.*

David Deum appellat ignem consumen-
tem: & alibi ait, Si obseruaueris iniquita-
tes nostras, Iehoua, quis sustinebit? Finge
tibi omnes res creatas, omnia mundi imper-
ria, vnà conspirare ad sustinendum & por-
tandum quasi manibus suis hominem eum
cui infensus sit Deus: istamen iram illam
Dei tolerare nō poterit. Quemadmodum
enim si Deus sua manu fulciat aliquem,
eūque interius suo Spiritu consoletur, is
iam nulla vi opprimi poterit: (*Premimur,*
2. Cor. *inquit Paulus, at non coarctamur: hasita-*
4.8. *mus, at non prorsus hāremus: persecutionem*
patimur, at in ea non deserimur: deicimur,
at non perimus: quolibet mortificationem Do-
mini in corpore circumferentes, vt etiam Vi-
ta illa Iesu, in corpore nostro manifesta fiat.)
Ita si Deus ostendat te iratum cuiquam, is
iam nulla vi sustineri poterit, terrebitur
vel folij arboris agitatione, nedum motu
aliquo maiori. Quam quidem iram cū
sensisset David, ferre eam amplius non po-
tuit, ipsāque deprecatus est his verbis,
Absconde iratam faciem tuam à peccatis
meis.

Pq̃ quomo Habes igitur, exemplo Davidis, etiam
do nōnun- eos quos tamen charos habet Dominus,
quam af- non esse nonnunquam absque graui ali-
ficiantur, quo sensu iræ diuinæ, ob peccata tua: quod
Et quo si- quidem ideo fit, vt ad naturæ diuinæ co-
ge. gnitio-

gnitionem ipsi perueniant, cognoscant-
que, *Primum*, quod bonus sit, qui non vult
suos torpere in peccatis suis: *Deinde*,
quod sanctus sit ac iustus, vt qui incipiat
iudicium à domo sua, & nolit conuiue-
re, ne ad peccata quidem suorum. Illud e-
nim verè possum affirmare, pios quosque
vt plurimum castigari à Deo in hac vita:
Deumque erga impios maximè longani-
mum esse. Verum pij vicissim amoris diui-
ni sensu in hac vita afficiuntur. Vnde etiam
existit illa doloris & gaudij in vita ista vi-
cissitudo. At verò impij longanimitate e-
ius abusi in hac vita, in altera tandem sen-
tient Dei iram implicabilem.

*Discrimi-
nen pio-
rum &
impiorum.*

Haecenus fuit repetita petitio remissio-
nis peccatorum. Nunc petit alterum illud
beneficiū Regenerationis quod cū pecca-
torum remissione necessitate coniunctum
est. *Animum mundum*, inquit, *crea in me.*
Tum, per expexegefin, continuò subiun-
git, *Spiritum firmum renoua in me*: quasi
dicat, opus illud Regenerationis, per Spi-
ritum tuum in me inchoatum, à me verò
interruptum, Deus, renoua ac repara in
me, vt Spiritus hic in posterum sit firmus
constansque, & ego eius beneficio perse-
uerem in obsequio tuo. In nobis Deo re-
conciliandis necesse est sint duo beneficia
quæ ipsa promittit nobis Deus in fœde-

*Absoluta
tractatio-
ne de re-
missione
peccato-
rum toties
repetita:
sequitur
locus de
regenera-
tione. Iusti-
ficatio e-
nim &
sanctifica-
tio coha-
rent.
Ier. 31. 33.
&c.*

re gratuito, nempe peccatorum Remissio, & Regeneratio : vtrumque autem obtinetur in Christo. Nam per Christi sanguinem remittuntur peccata nostra, & per Christi Spiritum S. efficacem regeneramur. Vnus enim, idemque Christus, vt Sacerdos, mortuus est pro peccatis nostris: & vt Rex, efficax est ad nos per Spiritum suum & verbum regenerandos. Dauid itaque, postquam remissionem peccatorum in Christo petiuit, regeneracionem ac renouationem interrupti illius operis Spiritus Sancti in se implorat.

Operibus bonis exhilaratur Spiritus Dei, & malis contristatur.
Eph. 4. 30.

Vide hîc primùm : operibus bonis, & ex operibus bonis & bona conscientia sic exhilarari Spiritum Dei, vt alacriter progrediatur in Regenerationis nostri opere. Contrà verò operibus malis, teste Apostolo, ita afficit tristitia Spiritum Dei, vt ab opere suo quasi cesset, & incœptum illud Regenerationis opus intermittat. Intermitteente iam Spiritu opus suum, statim oboriuntur tenebræ in mente, quæ efficiunt vt dispareat, & ex oculis nostris euanescat lux illa faciei diuinæ: statim etiam quasi callus quidam obdurescit cor nostrum, stupidumque redditur, ac sine sensu, adeò vt non nisi difficulter exsuscitetur admodum rursus ille Dei Spiritus, veluti oppressus mentis tenebris & cordis

Statim homini quando destituitur præsentia Spiritus S.

s durititiae. Atque hinc sunt illi gemitus
 & suspiria piorum, cum tenebris mentis ac
 duritia cordis sui luctantium. Hinc illa vox Rom. 7.
 Sauli, Miser ego homo, quis me eripiet ex
 hoc corpore mortis?

Vide hinc rursus, David non nisi petita
 prius peccatorum remissione per Christi
 sanguinem, Regenerationem per Christi
 spiritum petit. hic ordo petitionum satis
 arguit, oportere nos prius iustificari in
 Christo, quam sanctificemur in nobis: id
 quod postulat etiam iustitia Dei, quæ non
 patitur ut reparetur in nobis imago Dei,
 quæ est secundum iustitiam ac sanctimo-
 niam, priusquam Deo pro peccatis omni-
 bus nostris sit satisfactum. Deus enim iu-
 stitiæ suæ renuntiare non potest. Postquàm
 utem iam iustificatus es, tum locus est re-
 generationi eiúsque petitioni: non qui-
 em ut eam iam consecutus in ea præci-
 pue conquiescas: verum conquiescendum
 ubi est præcipue ac perpetuò in perfectis-
 sima illa Christi iustitia, sine qua non au-
 get in conspectum Dei prodire ne omnis
 videm ista quæ in nobis est sanctitas. Re-
 generationis enim & Sanctitatis nostra in hac
 vita inchoata est duntaxat, & per se neque
 iam Dei pacat, neque conscientias no-
 stras tranquillat. Atque eò inferiores sunt
 pontificij, qui præterita hæc Christi iusti-

*Ordo pia-
 rum pre-
 cum.*

*Perfectio
 piorum in
 hac vita,
 in eo con-
 sistit ut se
 imperfe-
 ctos in sei-
 psis, perfe-
 ctos autem
 in imputa-
 ta Christi
 iustitia esse
 agnoscant.*

tiaperfectissima acquiescere volūt in sua,
 & ea quam vocant inhærente: & eò rursus
 miseres sunt, quòd non intelligant in-
 hærentem hanc iustitiam, quæ nihil aliud
 est reipsa quàm naturæ nostræ Regenera-
 tio, in hac vita duntaxat inchoatam esse.
 Quare orandus est Deus, ne nos sinat te-
 nebris istis rursus inuolui, neque patiatur
 seduci nos ab hominibus qui in tam clara
 luce hodierno die cæcutiunt.

*Petitionis
 pie conti-
 nuatio.*

Ne abiicias. Persistit in secunda illa pe-
 titione Spiritus Sancti, & Regeneratio-
 nis. *Ne abiicias me*, inquit, *à facie tua*: tum
 idem clariùs exprimens, *Spiritum Sanctum*
tuum, inquit, *ne recipias à me*. Nihil gravius
 homini contingere potest in vita, quàm si

*Ratio eius
 dem.*

à Deo deferatur. Nam cùm Deus sit fons
 omnium bonorum, Deo deferente homi-
 nem, & omnia simul bona eum deferunt.
 deferentibus eum omnibus rebus bonis,
 pariter omnibus malis expositus est. Si
 Deus nobiscum, quis contra nos? Ne ea
 quidem quæ maximè infensa ac contraria
 videntur esse. Diligentibus enim Deum o-
 mnia conferunt in bonum: contrà, non di-
 ligentibus Deum omnia conferunt in ma-
 lum, etiam ea quæ alioqui pro nobis face-
 re videntur. Quamvis autem tantum in
 desertione Dei malum sit, tamen etiam
 electi ipsi nonnunquam destituuntur Dei
 Spi-

Spiritu, id quod docet nos David hoc loco suo ipsius exemplo. Non equidem hoc dico, ideò quòd sentiam Dei Spiritum, electis semel datum, deinde ab iis prorsus auferri: Nam dona & vocatio Dei *ἀμεταμέλητα* sunt. verùm quòd ad certum tēpus non conspiciatur in tegendis electis Spiritus Sancti efficacia, idque in eum præsertim finem, vt ipsi humilientur, discāntque non posse se vel ad momentum vnum cōsistere, nisi gratia Dei ac Spiritu eius sustententur. Quo fit vt electi, posteaquā experti sunt, quàm naturā suā absque Dei Spiritu infirmi sint ac fragiles, iam eo ad tempus destituti, eius præsentiam & auxilium magis anxie & ardētiorib. votis implorēt, quā vnquā antea. Hoc enim secundum illud est quod hīc offert nobis suo exēplo discendū.

Tertium autem, quod eius exemplo hīc discimus, est, quòd tristissima sit illa desertio, qua cū qui semel derelictus est à Deo, idque iustissimo ipsius iudicio, deferente nimirum eum Deo ob peccatum suum, atque derelictus iā ac desertus, in pœnis hæret, quas peccato suo meritus est: neque tamen interea vel mens illuminatur Dei Spiritu, vel cor reformatur. Verùm quātò magis eo innititur, tantò magis excæcatur ac induratur. Istiusmodi n. homini paratū est extremū exitium, nisi tandē resipuerit. De

hoc hominum genere intelligenda est illa
Matth. 3. cōminatio. Ioan. Baptiste, *securis ad radicem*
10. *arborum posita est.* Item illa Pauli, Cū e-

1. Thes. nim dicent, pax & tuta omnia, tum repen-
5. 3. tinum imminebit exitium. Ex hoc autem
Electorum Davidis exemplo apparet, Deum suos ferē
Dei con- non deserere tam tristi desertione. Nam
disio. David ad Nathanis cōminationem quā

primū respuit: suos enim Deus cū af-
fligit, simul etiam illuminat atque immu-
tat suo Spiritu, vt respiscētes accipiant re-
missionē peccatorū, & ad vitā restituantur.

Redde mihi gaudium. Adhuc persistit in

Petitionis petitione Spiritus Sancti, vel præsentiæ
repetitio, Dei per Spiritum suum, q. d. perceperam
fructu pra- equidem, mi Deus, ingentem lætitiā ex
sentia Spi- salute tua, hoc est, ex eo quod tu fueras sa-
ritus S. lus mea, protector ac defensor. Nunc verò

mea culpa, vniuersa illa lætitiā intermissa
est. Redde itaque mihi, Deus, solitam il-
lam ex præsentiā tua lætitiā. Vnica ho-

Solidum minis consolatio ac solidum gaudium tam
gaudium in vita quā in morte est, quod non sit sui
ac conso- iuris, sibi que derelictus; verū Domini sit,
latio certa habeatque eum quasi protectorem ac
piorum. defensorem suum. David, cū experiretur
Psalm. 23. Deum non secus ipsi custodem esse, quā
1. & c. Pastorem oui, dici non potest, quantum

inde gaudij conceperit, quod etiam eru-
pit in hæc verba, *Virga tua, & pedum tuum,*

ipsa

ipsa me consolantur. Gaudium istud spirituale, quod est ex Dei præsentiâ, quisquis semel degustauit, is non contentus erit vniuerso huius mundi gaudio, nisi simul cælestis illius aliquo certè modo particeps factus fuerit. Dauid profectò omnem mûdi consolationem respuisset, & regnum suum ac decus illud regium pro nihilo habuisset, si non restitutum fuisset ei vetus illud ac assuetum gaudium suum, quod erat ex Dei præsentiâ per Spiritû suû sâctû. Quod si nō prouocaremus ad irâ præsentiẽ nobis Dominum, neque Spiritum eius sanctum tristitia afficeremus, profectò magis solidum ac constãs illud Spiritus gaudium haberemus. Inde enim est eius interruptio quod nos à Deo deficiamus. Habuit Dauid præsentem sibi Deum, habuit consolatorem Spiritum. At postquam commisso adulterio simul ac homicidio à Deo suo defecisset, priuauit se & Dei præsentiâ & solida illa ex præsentiæ ipsius consolatione. Homines vulgò, quantis possunt viribus, ad iram prouocant sanctam illam Dei Maiestatem: sed sit tamen nescio quomodo vt videantur sibi interea securè agere & satis magna cum voluptate viuere, atque inani somnio se oblectent. Neque enim dicente Domino, vlla pax improbis est: de vera loquor. Nam stuporem istum, quo fit vt

*Gaudij
nostri tur-
batio &
eclipsus,
unde.*

*Pax seu
securitas
impiorum
qualis.*

neque offensionem suam, neque iram Dei persequentur, pacem non appellarim: quod & ipsi suo malo discent aliquando, cum repente quasi ex lethargo isto expergefati, iratam illam faciem ac terribilem aspectum cogentur intueri.

Fulcrum Et spiritu. Eadē est sententia horum ver-
tutissimū borum quæ & priorum fuit: nam ita demū
exopta- sentimus præsentem Deum, salutem eius,
zissimum, lætitiā ex eo, si Spiritu ipsius sustineamur.
Spiritus Metuit sibi David ab affectibus animi sui,
s. presen- ne iis tanquam inundatione quadam ob-
ssa. ruatur. Petit, itaque ut Deus ipsum suo

Spiritu sustentet. Ut enim, vter si magnus iniiciatur in aquam, statim incurrente in eum aqua submergitur: sin verò infletur prius, aëre incluso, quàm iniiciatur in aquā, iam fluitat in aquæ summitate: Ita animus noster si vacu⁹ Dei Spiritus maneat, in mediis quasi affectionū nostrarū fluctibus statim obruitur: sin verò Dei Spiritu afflatus sit, eum ab affectibus vinci impossibile est. Viderit quisque quali-nam sit animo, inani-ne an vacuo, an verò pleno, & Dei Spiritu afflato. Spiritum hunc ingenuitatis nominat, vel libertatis. Nominis rationem ut intelligamus, sciendum est ex 8. ad Rom. duplicem esse Spiritum, vel potius vnius eiusdemque Dei Spiritus effectum duplicem, priorem vocat Apostolus Spiritum

Spiritus
ingenuita-
tis, vel li-
bertatis,
quid.

Spiritum seu itutis ad metum, hoc est, qui *Spiritus*
ad legis prædicationem afficit nos sensu *seruitutis.*
peccati ac miseriæ nostræ. Nisi enim cum
legis prædicatione efficax esset Dei Spiri-
tus in animis nostris, profectò legis præ-
dicatione sola nunquam afficeremur se-
riò sensu peccati ac miseriæ nostræ. Effi-
cit igitur hic Spiritus, vt peccatum ac mi-
seriam nostram agnoscamus, nòsque con-
tinet sub metu iræ Dei, mortis ac condem-
nationis: ideòque nos redigit quasi in
conditionem planè seruilem. Illud e-
nim antiquitùs seruorum proprium fuit,
pœnam ac vindictam perpetuò à dominis
suis metuere. Alterum illum Spiritum vo-
cat Apostolus Spiritum adoptionis. Is est
qui dum prædicatur Euangelium efficit vt
agnoscamus nostri à peccato & à miseria
liberationem. Nulla enim vnquam E-
uangelij prædicatione sic afficeremur, nisi
in nobis efficax esset interea Spiritus Dei,
qui facit vt agnoscamus liberationem no-
stri à peccato & miseria, sentiamusque a-
nimo paternum illum erga nos Dei affe-
ctum, ac proinde testatum apud nos relin-
quit, nos esse Dei filios. Quòd si filios, libe-
ratos etiam à peccato, ira, & damnatione.
Hinc ingenuitatis siue libertatis Spiritus
appellatur, quòd nos in Christo à peccato
& morte liberatos esse testetur.

Spiritus
adoptio-
nis seruili
oppositus.

*Altera**causa hu-
ius deno-
minationis.*2. Cor. 3.
17.*De liber-
tate vera
& falsa.**Ingenui-
tas, seu
regia di-
gnitas e-
lectorum
Dei, ado-
ptionis sp-
ritu fiunt
participes.*

Est & altera causa, cur ita nominetur, nempe, quia ad imaginem Dei animum nostrum renouando, facit interea vt Deo liberè seruiamus, & in libertate Spiritus ambulemus. Nullum enim natura est liberum arbitrium: sed vbi Spiritus Dei, ibi libertas, inquit Paulus. Atque ea est beata illa libertas Christiana, qua ita liberamur vt Deo seruiamus, non autem vt pro arbitratu nostro viuamus, qualem libertatem mentiuntur Epicurei isti, & Libertini? neque tamen cogitandum est nos hoc Spiritu ad officium cogi, sed volentes duci. Voluntarios enim diligit Dominus, ait Dauid alio loco. Verùm, in hac vita, inchoatur duntaxat ista libertas, quæ in altera demum perficietur.

Sed adhuc paulò diligentius notandū est hoc ingenuitatis verbum: sonat enim libertatem non vulgarem aliquem, sed singularem ac nobilem, qualis est filij Nobilis ac Regis. Neque ineptè accommodatum est hoc verbum ad institutum præsens. Nā filij sumus Regis verè Nobilis. Regis Regum, & summi Dei. Quisquis enim eius Spiritu regeneratus est, eius in Christo filius est, licèt alioqui (si humana ista spectemus) terræ filius sit, tamen nobilis est, & nobilior quouis Rege, qui primam tantum naturam habet, & Spiritu Sancto non est

est reginitus. Reginitus enim, vt hoc cum Petro dicā 2. Epist. I. factus est confors, diuinæ naturæ longè nobilissimæ. Nobilitatē istam Ioannes magnificet, cūm diceret, quotquot λόγῳ receperunt, datam esse iis Ioan. I. hanc dignitatem, vt filij Dei fierent. Ecce, 12. dignitatem vocat eam conditionē in quā euecti sunt filij Dei : quam si satis diligenter animaduertēt homines, non ad cō se fatigauerint istis quæ Apostolus carnalia vocat, vt sunt genus, diuitiæ, honores, quàm quærerent nouam in Christo creaturam. Nam vetera transierunt, & noua facta sunt omnia. Atque hætenus petitio 2. Cor. 5. duplex fuit. Prior remissionis peccatorum, Petitionis & transi- usque, & transi- petitionis vtriusque commune argumen- stifica- tum à proximorum ædificatione. Docebo tionis inquit, defectores, vias tuas. quasi dicat, si nempe impetrauerō à te, mi Deus, quod peto, aliis & sanctifica- ero præco mīsericordiæ tuæ erga peccato- tionis res infinitæ atque immensæ, Vias tuas, di- commu- cit, non meas, cuiusmodi erant homicidiū, ne argua- adulterium, &c. Nam hæc tū erant viæ Da- nentum. uidis, ad quas quidem prærendendas ma- ab Eccle- lefactis suis, vulgò ingeniosi sunt homi- sia adifi- nes, qui nihil quærunt aliud, quàm peccan- catione. Via Dei di licēt iū, eamque, sub prætextu aliquo: & homi- cūm tamen à Dauidē non sit ipsis propo- nis. situm hoc vitæ suæ exemplū quod sequan-

tur, quinimo propositæ sunt iis viæ Dei, hoc est, misericordiæ ipsius ineffabiles erga peccatores : quod vel ex eo apparet, quòd, vbi peccatum abundauit, gratia superabundat. Viæ Dei homini per naturam ignotæ sunt, præsertim autem viæ illius in finitæ in Christo suo misericordiæ, de qua, ne suspicari quidem vnquam natura potuit. Posteaquam autem, præter naturam, & contra naturam, reuelata est, tamen tremente conscientia peccati, & iræ diuinæ sensus, sic nubes quasi inter aspectum ipsius & Dei gratiam media inter-iicitur, vt non nisi difficillimè eam queat videre. Tum enim moles peccati tanta assurgit, vt diuinæ gratiæ aspectum ferè omnem ei præripiat. Suadet interea infidelitas, quæ à natura est, vt de misericordia Dei desperemus : denique mille impedimenta sese ingerunt, quæ omnia efficiunt vt ad lucem illam diuinæ gratiæ cæcutiamus, adeò vt experiamur quàm difficile sit, homini præsertim qui peccati sui sensu ferè afficitur, Dei illam in Christo misericordiam ob oculos habere. De eo enim loquor qui peccati sui sensu afficitur. Nam alij qui dum peccant & grauiter quidem peccant, non tamen sentiunt se peccare, verbo quidem pollicentur sibi Dei in Christo misericordiam, eam tamen re ipsa non

*Præsertim
hominis
sensu pec-
catorum
suorum
expertis.*

non sentiunt. Facile enim est securo alicui
 & peccato quasi suo indormienti, per som-
 nium nihil non sibi promittere. Deus igitur
 volens peccatoribus consultum esse,
 in tanta hac difficultate perceptionis gra-
 tiæ, exemplo nobis voluit relinqui mileri-
 cordiæ illius suæ, qua condonantur pecca-
 ta etiam gravissima, cuiusmodi est hoc in
 Dauide diuinæ misericordiæ exemplum,
 eò magis insigne, quòd gravia peccata e-
 ius, vt homicidium, adulterium, &c. gra-
 uiora erant: grauiora autem erant, eo i-
 pso quod Rex erat. Paulus Apostolus 1. Ti-
 moth. 1. 16. profitetur quidē se primum esse
 omnium peccatorum, vt pote blasphemum
 persequutorem, iniurium. *Verum*
inquit, ideo misertus est mei Deus, ut in me pri-
mo proderet Iesus Christus omnē clementiam,
ut exemplo essem credituris ipsi in vitam ater-
nam. Hanc adducendi homines ad gra-
 tiam rationem, quæ est per experientiam,
 & per exemplum suum, proculdubio Deus
 omnes, quotquot experti sunt vnquam i-
 plius misericordiam, vult sequi, & aliis gu-
 stum illum gratiæ libenter communicare,
 quem ipsi priores petceperūt id quod pol-
 licetur Dauid hoc loco se facturum: *Do-*
cebo, inquit, defectores, vias tuas.

David,
illustre est
misericordi-
æ diui-
na exem-
plum &
Paulus.

Egregium
communi-
onis san-
ctorum em-
blema.

Hoc loco obseruabis, pios, cū Deus,
 apprehensa quasi eorum manu, ipsos

erigit, aliis subleuandis alteram quasi manum suam porrigere, quo & ipsi eiusdem gratiæ participes fiant: dum Christus ad se vocat eos, ipsi pariter alios vocant, ut ad ipsum simul veniant, iuxta illud Christi ad Petrum mandatum. *Cum tu conuersus fueris, confirma alios.* Vera etenim fides non sui tantum studiola est, sed imprimis ex zelo quodam gloriæ Dei aliorum salutem promouet, finis est instituti ipsius: nempe ut alij peccatores conuertantur ad Deum, & resipiscant. Hunc enim finem respexit Dauid in docendo alios, nempe, Dei misericordiam erga peccatores, ut & ij resipiscerent, moti nimirum sensu illo diuinæ erga ipsos misericordiæ. Ex quo illud apparet, gustum aliquem misericordiæ Dei, conuersionem ad Deum antecedere, & fidem resipiscentiæ causam esse. Neque enim potest fieri, ut homines ad Deum conuertantur, nisi sensu aliquo ipsius paternæ dilectionis allekti.

Fides resipiscentiæ causa.

Tertia repetitio petitionis illius de remissione peccatorum.

Libera me à sanguine, iam tertia vice repetit petitionem illam remissionis peccatorum: perpetuò enim pungit hominem conscientia facinoris sui, & naturæ ista infidelitas, fidem ac Spiritum quo per se assumit remissionem peccatorum suorum remissionem conatur extinguere: ideoque clamando, atque iterum clamando cum naturæ infidelitate

delitate luctatur. Nemo enim est omnium nostrum qui petiturus à Deo est peccatorum remissionem, sine lucta aliqua de eo loquor qui ex fide & serio sensu petiturus est. Nam facile est homini securo & nihil cogitanti de peccato & miseria perfunctoriè peccatorum suorum remissionem petere, idque non iteratò, sed semel duntaxat. Deus, inquit, ieiunè admodum & frigide, esto mihi propitius. David igitur nunc tertio petit peccati sui veniam & remissionem: peccatum autem suum in specie designat. Cum enim vrget conscientia peccati, tum non pudet illud in specie & nominare, & palàm etiam profiteri. Quod autem homines vulgò pudeat peccata sua nominatim designare, eaque cōfiteri, prouenit id ex eo, quòd non sit peccatorum sensus serius & conscientia.

Sed videamus, quodnam fuerit in specie peccatum Davidis. *Libera me*, inquit, *à sanguine*: hoc est, à reatu sanguinis. Vide-
 tur enim conscientia homicidij sui mouisse hominem maximè. Nam hoc eum cruciavit, quòd cuius vxorem per adulterium polluerat, turpiter eum interfecerit, & peccatum peccato cumulauerit. Petit igitur vt liberetur à sanguine, nō secus ac si sanguine illo innocentis hominis totus contaminetur: qui & ipsi vsque adeò tenaciter

*Despecta
li peccato
Davidis,
eiusdè-
que con-
fessione.*

Esaï. I. 18.

*Homici-
darum sce-
lus hor-
rendum,
et dele-
tanda
durities,
atque in
male per-
seueran-
tia.*

adhæreat, vt, nisi Dei ipsius manu abster-
gatur, abstergi & ablui omnino, nō queat.
Nā perpetrato semel homicidio, & facta
cæde innocentis hominis, totus sanguis qui
effunditur in homicidam, quasi redundat,
atque eum non secus intingit, ac lanam
purpura. Si peccata vestra, ait Dominus,
instar coccini fuerint, tamen alba efficiam
vt niuem: quasi dicat, etsi effertis intincti.
tanquam coccino, copioso illo sanguine à
vobis effuso (dixit enim prius, manus eo-
rum sanguinolentas esse,) tamen reddam
vos albos, vt niuem. Sic autē intinctus &
illius sanguine innocentis hominis, homi-
cida perpetuò apparet in conspectu Dei:
Deus autē è tribunali suo cū horribili vul-
tu intuetur ob violatū tum im- ginē suam,
tum communem omnium hominum nū-
ram. hunc Dei vultum non potest eff- gere
homicida vbicunq; locorū degat. Verūm,
is est nostrorum homicidarū stupor, vt hoc
nihil sentiāt. Dauid quoque ad tēpus pec-
cato suo indormiebat, neque vidit se cruo-
re innocentis hominis suffusum, neque etiā
vidit iratam illam Dei faciem: sed ad cōmi-
nationem Prophetæ tandē excitatus, ferre
diutius non potuit sanguine illo ita se in-
fici, neque etiā ferre potuit, ita se infectum
sanguine irati oculi obuersari, atque obii-
ci: verūm multoties clamauit, perit que
vt Deus

vt Deus remitteret sibi peccatum, vt la-
uaret ipsum, vt liberaret ipsum à sanguine.
Quod vtinam homicidæ isti, qui nulla con-
scientia vel facti sui vel iræ Dei ducuntur,
neque finem faciunt cædium ac oppressio-
num, videant tandem cruentatas manus
suas, videant etiam Deum eas videre, quas
profectò videt, & videbit tandem aliquan-
do, cum supplicium de iis sumpturus est,
nisi resipuerint tempestiuè.

Ex sensu aliquo iræ videtur Dauid ex-
clamare, vt liberetur à sanguine. Sensus e-
nim sanguinis innocētis & iræ sensus simul
sunt perpetuò. Inclamat tamē Deum. Deū
salutis suæ. Ex qua tam familiari compul-
sione illud satis apparet, simul sensisse
Dauidem Dei sui misericordiam. Fideles
enim simul eodémque tempore, & sensu
aliquo iræ, & sensu misericordiæ diuinæ
affici solent: qua quidem re differunt fide-
les ab infidelibus. Fideles enim utrūq; sen-
tiūt & iram & misericordiam Dei sui certo
aliquo modo, ac quo tempore metuūt sibi
ab ira & irato Deo, eodem tēpore ipsi ad-
hærescunt, neque se ab eius verbo & pro-
missionibus diuelli patiuntur: Ex quibus
pendent, tanquā ex petra aliquo in summa
vndarum iactatione. At verò infideles, quo
tempore percipiunt irā, nulla interea tem-
poris est perceptio gratiæ, & dum apertos

*Sensus,
ira Dei ha-
micidij
conscien-
tiæ adiun-
ctum.*

*Sensus
varius e-
lectorum
& repro-
batorum.*

vident inferos quibus iam iam absorbeantur, nihil habent interea cui adhæreant, vel quod quasi extensa manu apprehendant, non Deum, non Dei in Christo promissiones, ex quo existunt horrores ineffabiles, quibus nulla consolatio sit admixta. Tum quidem beatos coguntur existimare eos, qui in hac vita didicerunt ad Deum fide appropinquare & Christum & promissiones in eo factas apprehendere.

*Petitio-
nis mise-
ricordia
argumen-
tum & lti-
mum, Dei
gloria.*

*Iustitia
Dei.*

Cantet lingua. Sequitur petitionis argumentum ultimum à Dei ipsius gloria, quasi dicat, Domine, totum opus hoc gloriæ tuæ, in tuam ipsius gloriam redundaturum est: Quare libera me. Verba textus sunt,

Cantabit lingua mea iustitiam tuam: hoc est, misericordiam, quam hîc iustitiâ ideo vocat, quod secundum Dei promissionem fiat. quod enim secundum promissionem suam efficit Deus, id iustè efficit. Addit præterea, *Domine, labia mea aperias:* hoc est, suggere mihi materiam laudis tuæ ex peccatorum remissione atque liberatione, & tum, *os meum annuntiabit laudem illam tuam.* Nota quid faciat iam liberatus à peccato & damnatione. Damnatus Deum laudare non potest. *Quis*, inquit, *in inferno celebrabit te?* Satis autem compertum habuit David, ea Deum esse naturâ & ingenio, ut omnia opera sua velit in suam ipsius gloriam redû-
date,

dare, beneficiorumque suorum fructum ad se redire: atque inde est quod non promiscuè; ac sine delectu, beneficia sua quibuscumque communicet. loquor maximè de spiritualibus: nam temporaria ista & corporalia etiam reprobis impertit. At verò Christum & beneficia ipsius non nisi fidelibus largitur. In his enim solis assequitur beneficiorum suorum finem, & ij duntaxat qui fide ea recipiunt, datorum illum Deum glorificant.

Quid, inquires, an per laudes nostras à nobis profectas aliquid diuinæ gloriæ accedit? Respondeo, Deum quidem in se esse perfectissimum, & omni sufficientem, eiusque gloriā in se perfectā consistere, sine ope creature cuiusquam, sine qua, Pater glorificat Filium, Filius patrem, Pater & Filius Spiritum Sanctum, Spiritus Sanctus Patrem & Filium, verum ideò Deus postulat à creatura suā gloriā: quòd iustus sit. Iustitia autem eius postulat ut creatura creatorum suum agnoscat, omniumque bonorum fontem illum in beneficiis suis glorificet. Illud autem boni quod in Dei celebratione est, ad creaturam pertinet: cuius felicitas in eo consistit, ut Creatorem ac Redemptorem suum Deum omnibus officiis colat. Atque id quidem pii quique in se ipsi experiuntur. Si quando enim cor sibi non sentiunt solui in Dei laudes, tum nulla profectò est consolatio, nullum gau-

*An laudes
nobis
profectas
aliquid
gloriæ
accedit?
quid Deo
conferant.*

dium. Contrà verò, si quando cor sibi affi-
ei sentiunt ad Creatorem suum celebran-
dum, ad petendum ab eo id omne quo o-
pus habent, ad agendum ei gratias pro ac-
ceptis beneficiis, tum demum beati sibi
videntur esse.

*De sacri-
ficiis &
ceremoniis
externis,
locus.*

Nam non delectaris Dixit David annun-
ciaturum se laudes Dei, canaturum lin-
guâ iustitiam Dei, qui quidem cultus non
nisi spiritualis est & internus. Quæritur
que potuit de sacrificiis & externis cere-
moniis, Annon & illis, celebraturus sit
Deum? Quætionem hanc occupat, eique
respondet his verbis. *Non delectaris sacri-
ficiis*: q. d. non tam delectatur Deus cultu
externo quàm interno, qui cernitur in Spi-
ritu & veritate. Non tam delectatur sacri-
ficio ac immolatione bestiarum, quàm in-
terna cordis obedientia, & sanctificatio-
ne interiori, qua fit, ut homines sistant se
Deo victimam sanctam, viam, & Deo pla-
centem, Rom. 12. Verùm, adhuc obiici po-
test, Cùm sacrificia sint ex ipsius instituto
& mandato, cùm David non nisi sub legis
pædagogia vixerit, nondum manifestato in
carne Christo, quî fit ut David vel detre-
ctet ipse externa illa religionis exercitia,
vel Deum pronuntiet iis nō delectari? Re-
spondeo, non simpliciter intelligenda esse
verba, neque absolutè prolata esse: verùm
compa-

comparatè, facta nimirum comparatione
 externi cultus cum interno, cuius quidem
 respectu externus non est magnificiendus. Psalm. 50.
 Sic ipse Deus profitetur se non ita labora- 14.
 re sacrificiorum nomine, modò ipsi laudes
 offerantur, & sacrificentur. Samuel Saulè 1. Sam. 15.
 obiurgat, quòd putarat Deum holocausto 22.
 magis delectari, quàm obedientia: *An dele-*
ctatur, inquit, Iehova holocausto, ut cum aus-
cultatur ei? Ecce, auscultare est melius sa-
cificio, & attendere melius pinguedine a-
rietum.

Est & alia responsio aliorum, quam e- *De abusa*
 quidem non reiicio, nempe Dauidem istie *cultus ex-*
 loqui de sacrificiorum abusu. Lex docebat *terni.*
 sacrificiis expiari peccata, ut peccatores
 diffusi meritis & operibus suis, considerèt
 soli illi Christi sacrificio, cuius quidem ty-
 pi fuerant omnia illa Leuitica sacrificia:
 & ut fides eorum, in futurum, illo Chri-
 sti sacrificio confirmaretur. Hic sanè v-
 sus fuit veterum sacrificiorum genuinus.
 At verò homines, neglecto Christi sacrifi-
 cio, neglecta fide & resipiscencia, neglecto
 denique cultu interno, sacrificiis obla-
 tis, & externis ritibus, tanquam meritis,
 præfidebant. Dicit itaque Deum non de-
 lectari abusu isto sacrificiorum, quem etiã
 Esa. 1. Deus se abominari dicit. Externa
 illa religionis exercitia in verbo audien-

do, in Sacramentis administrandis, & participandis, à Deo quidem præscripta sunt: sed si non adsit cultus animi internus, fides, resipiscentia, bona opera, nihil sunt externa ista omnia, Deus his non delectatur, imò verò abominatur ea. De sacrificiis hoc tantum ad moneo hoc loco, fuisse,

sacrificia propitiatoria legalia typi vnicij sacrificij in cruce à Christo oblata.

ista præsertim quæ vocantur propitiatoria, totidem typos & figuras vnicij illius sacrificij Christi, in quod traducenda erant peccata mundi, & execratio Dei. Ex quo apparet quanta sit huius victimæ excellentia, cui tot victimæ à mundo condito, tanquam umbræ totidem immolatæ inserui-
runt. Nulla vnquam res fuit, de qua tot extiterint prædictiones, tot fuerint significationes apud Iudæos. Non præterit vel vnus dies, in quo non ipsa repræsentata est manè & vesperi, in illo nimirum sacrificio iugi. Atque id conuincit excellentissimam

sacrificij Christi præstantia.

esse hanc victimam, summæque necessariam, quam nullo vnquam tempore patremur ex oculis nostris discedere, quam etiam oportuit in umbris quibusdam iam inde ab ipso lapsu Adami ad tempus illud, quo Christus est exhibitus, patribus nostris repræsentari. Nam illi in sacrificiis suis aliud intuebantur quàm sanguinem belluarum, sanguinem nimirum filij Dei, quem etiam interposuerent inter se &

iratum

iratum Deum. Nos autem, quibus contigit *Officiam*
 post Christum eiusque aduentum nasci, *ria nostra.*
 quique incedimus in hæc tempora, eò fe-
 liciores sumus veteri illo populo, quòd nò
 nunc in vmbra, vt olim illi intueamur vi-
 ctimam illam, sed Christum in Euangelio
 suo habeamus ante oculos crucifixum, id
 quod veteres illi patres, Abraham, Isaac, Ia-
 cob, & Prophetæ omnes, vnicè desidera-
 runt, neque tamen obtinuerunt. *Patres, &*
Prophetae, inquit, *Christus, cupiuerunt vide-*
re quod vos videtis, sed id non sunt consequu-
ti. Misera autem est ista cæcitas nostra, &
 nunquam satis deploranda, qui exortum il-
 lum Iustitiæ Solem non videmus certè vt
 oportet. Orandus itaque deus est, vt quem-
 admodum oculis nostris videndam propo-
 suit hâc victimâ, ita oculos nostros aperiat,
 vt eam tandem clarè intueamur.

Consideremus nunc cultum, qui pla- *De vero*
 ceat deo, & verba contextus pondere- *cultu inte-*
 mus. *Sacrificia*, inquit, *Dei sunt Spiritus fra-* *terno, &*
ctus. vocat *sacrificia* pluraliter, quia vel *sacrifi-*
 nicum illud contriti animi sacrificium est *cuius piorum*
 instar plurimorum, adeoque omniû quot- *locus.*
 quot vnquam fuerunt. *Sacrificia Dei*, vo-
 cat, hoc est deo accepta, Spiritum fractum
 intelligo quasi comminutum & abiectum,
 propriæ infirmitatis ac indignitatis con-
 scientia. Tum ad Deum conuersus, ait, O

Deus, animum fractum & contritum nō spernis. Merolis est, qua significat Deo acceptissimum esse animum fractum & contritum. Sed videamus paulò diligentius quemnam dicat animum fractum. Posteaquam quis ex peccato suo exsuscitatus est, & aperti sunt ei oculi, ad hoc vt foeditatem suam inspiciat, comparata nimirum ea cum Dei natura, quæ in lege proponitur nobis iusta ac sancta, videat etiam foeditatis suæ pœnam, iram ac maledictionem Dei (Nunquam enim satis admiretur quis corruptæ naturæ cæcitatem. qui cæci sunt corpore, aliquem tamen aspectum habent: vident enim & intelligunt se cæcos esse. sed qui animo cæci sunt, eò miserriores sunt, quòd ne intelligunt quidem se cæcos esse, imò putant se lympidissimè videre, cum tamen miseri talpa quouis cæciores sint, donec tandem diuinitus ipsis oculi adaperiantur) posteaquam igitur aliquis inspexit naturæ suæ foeditatem, ac immunditiem, nam simulque Dei iram, tum animo deiicitur, & qui prius sibi aliquid esse visus est, iam in oculis suis ipsius sordet, & nihil sibi esse videtur: atque hæc vna est deiectionis & contritionis causa. Est & altera, nempe degustata aliquo certè modo Dei in Christo misericordia, quam simulac quispiam delibauit,

Animus fractus quid.

Eiusdem accurata descriptio.

uit, dolet non tam propter pœnam, quàm propter offensum Deum, & Patrem tam misericordem. Atque hæc est ea, quem *Tristitia* vocat Paulus tristitia secundum Deum, *secundum Deum.* quæ efficit resipiscentiam, hoc est, animi *2. Cor. 7.* mutationem, veteris hominis mortificationem, & noui hominis viuificationem. *10.*

Dolor iste qui est ex offenso Deo, con- *Dolor secundum Deum* iunctam habet lætitiā ex sensu amoris *summam* diuini ineffabilem fieri enim nequit, vt amoris illius paterni sensus, sensus lætitiæ *profert lætitiā.* omnis sit expers. Nā, quod mirū alicui videretur, quo maior est amoris Dei in Christo sensus eo maior dolor, maior etiam lætitiā. Neque enim serio lætatur, qui non serio dolet. Atque hæc est resipiscentis peccatoris conditio: is status mortalium tristissimus, simul & lætissimus est. Iam Deus intuitus animum hominis ita factum & contritum, mirum in modum eo delectatur, & in eo conquiescit, vnde Deus ipse apud Esaiam negat habitare se in templis manufactis, negat etiam habitare se *Quia Deus eo dolore summo pe-re delectatur.* vel in cælo, vel in terris, habitaculum autem suum, ac domum quietis suæ profectur esse animum pauperem & contritum. Quod si dicas, cum animus noster non sit plenè in hac vita regenitus, ne animus etiam resipiscentis quàm maximè serio, vnde fit illud vt Deus eo tantopere delecte-

tur, vt in eo etiam habitet & conquiescat:

Cur in a- Respondeo, Cui animus contritus est, is
nimo con- fide simul imbutus est: contritio enim ex
trito Deus fide est, & persuasione misericordiæ ac di-
habitet. lectionis Dei in Christo. Per fidem autem
animus, etiam non planè regeñitus, placet
Deo, nimirum per fidem in vnicum illud
sacrificium, quo & pacatur ira Dei aduer-
sus peccatum, & tranquillatur peccatoris
conscientia. Ergo delectatur Deus animo
contrito, quia idem fidelis est, & Christum
in se habet inhabitantem per fidem. Vt
igitur placeamus Deo, nūquam sinendum
est, vt illud Christi sacrificium ex oculis
nostris elabatur.

20 *Benefac pro Voluntate tua Tziioni: edi-*
fica muros Ierusalaimorum.

21 *Tum delectaberis sacrificiis iustitiæ, ho-*
locaufto, & prorsus consumendo: tunc offerent
super altare tuum Iuencos.

Psalmi
pars alte-
ra, petiti-
oem pro
Ecclesia cō-
tinens.

Benefac pro Voluntate. Hactenus fuit pri-
mum petitionis genus pro se, sequitur alte-
rum pro populo toto, & bono publico, cū-
ius tum nullā rationem habere virtus est,
cū peccato suo Deum ad iram prouoca-
ret, (peccatum enim Principis vniuersum
populum in discrimen coniecit) cū expo-
neret eum gladio hostium. Damnum au-
tem hoc, quo populum affecit, allegoricè
cum labe murorum comparatur, quia fi-
deles

deles sunt lapides viui in domo Dei, 1. Pet. 2. Ast igitur, (vt ad verba ipsa veniamus) *Benefac pro Voluntate tua Tziioni* : pro voluntate, inquit, hoc est pro gratuita misericordia. Nullam enim prætendit populi innocentiam, quando cum Deo res est: quanquam alioqui innocente populo abusus est. Neque enim sic precatur Deum, *Benefac Tziioni*, quia innocens est: verum sic, *benefac Tziioni pro Voluntate tua*, hoc est, pro misericordia tua. *Ædifica muros*, hoc est, labem illam, quam ego feci in domo tua, ô Deus resarci ac repara, qui solus potes tua virtute id facere: facile quidem fuit mihi peccato meo populum hunc labefactare. At verò non tam facile mihi est ruinam reparare, & in integrum restituere.

Ex quo vides, Dauidem cum petit à Deo vt benefaciat populo, agnoscere simul sua culpa populum labefactatum. Conscientia igitur mali illius quo affecit populum, vrget nunc, vt pro eo Deum oret. Si quid errant principes, ferè id sit in officio, quod nimirum malè gerant Rempublicam: cuiusmodi fuit error iste Dauidis, cum exponeret populum Dei inimicorum gladio: ideóque necesse est erratum eorum ad totum populum pertineat. Atque hinc est quod erratum principis grauius sit errato

*Errata
principis,
labes po-
puli.*

Ira Dei in priuati hominis, cùm pateat latiùs & plu-
populos in- res malo suo implicet. Atque inde est,
discium. quòd cùm Deus populum aliquem sta-
 tuit vel castigare, vel opprimere, det ei
 populo stultos principes ac Consiliarios,
 vel perniciosi, vel non necessaria sem-
 per mouentes. Contrà verò, cùm vult ser-
 uare populum aliquem, dat ei principes
 & Consiliarios bonos. Cùm voluit Deus
 Iudæos à Philisteis exerceri, ac affligi,
 dedit populo principes malos, Saulum,
 Ioramum, Achasum. Cùm voluit rursus
 Iudæos florere, ac prosperè agere, dedit
 principes bonos, Dauidem, Iosiam, Eze-
 chiam. Vulgus hominum, dum hæc intue-
 tur, & obseruat vicissitudinem istam, om-
 nia imputat vel ignauia, ac stultitia, vel
 fortitudini ac prudentia ipsorum princi-
 pum, vel denique fortunæ & casui. Sed
 errat miserè: sunt enim ista à Deo omnia,
 propter gratitudinem vel ingrati tudinem
 populi. Quamobrem, dum ista fieri vider-
 mus per principes, oculos nostros, non tam
 ad principes, quàm ad Deum & nos ipsos
 referamus.

De reſta Rursus vide, Dauid hoc loco cùm vni-
Principũ uersum populum peccato suo læſisset, eius
cura. rei conscientia adductus, seriò precatus
 est Deum, pro resarciendo illo malo, quo
 populum Dei affecerat. Vtinam etiam no-
 stri

stri principes, qui multis modis hodie publicam pacem turbant, hoc tandem faciant, & factorum suorum conscientia moueantur. Præterea obserua, David ipse Deo reconciliatus, continuò pro populo intercedit. Qui ipse prior Deo reconciliatus est, & iam bene sibi conscius fit, etiam *Reconciliationis cum Deo effectus.* pro aliis audet intercedere apud Deum i. Qui verò non est reconciliatus Deo, ac proinde malè sibi conscius, ne suam quidè ipsius causam audet apud Deum agere. Quantum igitur interest totius populi habere virum aliquem bonum, Deo familiarē, & bene sibi consciū, idque per fidē in Christum Iesum. Profectò vnus aliquis precibus suis apud Deum multis prodesse potest. Det Dominus cuique fidem istam in Christum Iesum, quæ est omnium istorum fundamentum, sine qua nihil vel possumus vel audemus.

Tandem versu vltimo Deum ad beneficiendum populo mouet à gratitudine sua, *Liberatio- nis votum piū.* quam ipse vnà cum populo præstiturus est Deo, in sacrificiis nimirum legitimis, Deoque acceptis offerendis, prout ferebant illa tempora, quibus erant homines sub elementis mundi & legis pædagogia. Verba sunt, *Tunc delectaberis sacrificiis iustitia*: id est, offerentur tibi sacrificia legitima ex legis tuæ præscripto, ideòque sacrificia iusti

tia. Neque enim licet deum colere pro arbitratu nostro, sed necesse est ex præscripto ipsius eum colamus. Senius ergo est, quasi dicat: offerentur tibi sacrificia à te instituta, iisque delectaberis. *Delectaberis etiam holocausto*, eoque prorsus consumendo: *offerent*, etiam pro ritu, *iuuenos super altare tuum*. deus quærit gloriâ suâ, atque id quidem agnoscit dauid, verum nisi ipse materiam gloriæ suæ suppeditet, hoc est, nisi ipse beneficiis suis homines prouocet ad se glorificandum, non glorificaturi sunt eum. In inferno enim nemo est qui colat deum. Rursus, ne omnes quidē deo grati sunt, propter collata in se beneficia, verum hi tantum qui gustarunt quàm benignus sit dominus, hoc est, qui in Christo Iesu habent sensum aliquem dilectionis eius.

Beneficiorum Dei Misericordiæ dei multa quidem sunt argumenta: quot enim sunt eius beneficia, *considera-* tot sunt documenta. Sed pleraque sunt *tio.* communis duntaxat & vulgaris misericordiæ, qualis nimirum est Creatoris erga creaturam suam: singularis autem misericordiæ & dilectionis, qualis est parentis erga filium, vnicus Christus argumēto nobis est. Nulla enim alia re sic manifestari voluit deus misericordiam illam, ac dilectionem qua mundum complexus est, vt
filio

filio suo dato pro mūdo. Quamobrem illi soli qui in Christo sunt & eum fide amplectuntur, illi inquam soli sentiunt quā suavis sit Dominus, quia in illorum duntaxat cordibus effusa est illa Dei charitas. Quare etiam illi soli sunt, qui possunt Deo grati esse, propter accepta ipsius beneficia. Concludimus igitur illud, quod iam sæpius inculcatum est, studendum esse imprimis, vt credamus in Iesum Christum sine quo nihil boni accipimus: sine quo nullam officij partem facimus vel Deo, vel hominibus, sine quo denique nulla salus. Orandus igitur deus est perpetuò, vt quemadmodum nobis pro infinita sua misericordia dedit Filium suum vnigenitum, ita velit aperire oculos mentis nostræ, ad hoc vt ipsum videamus: velit etiam aperire corda nostra, vt ipsum penitus sentiamus, sine quo nullus est in cordibus peccatorum latitiæ sensus. Atque hoc orandum nobis est, propter & per eundem illum Christum, Dei filium, & dominum nostrum: Cui, cum Patre & Spiritu Sancto, sit omnis honor & gloria in sæcula sæculorum: Amen.

Conclusio



PSALMVS LXII.

Argumentum.

Huius Psalmi author est Dauid. Scriptus est autem quo tempore Dauidem persequeretur Saul per emissarios suos. Totus Psalmus est de fiducia in Deo. *Partim*, enim fiduciam suam edocet ad verum usque 9. *Partim*, commendat omnibus piis in Deum istam fiduciam, ad finem Psalmi.

1 *Magistro symphonie in Ieduthune, Psalmus Davidis.*

2 *Tantummodo in Deo conquiescit anima mea: ab eo salus mea est.*

3 *Tantummodo ipse rupes mea est, & salus mea, locus editus meus: non dimovebor motione magna.*

4 *Quo usque machinantes arumnas in virum, occidemini vos omnes, quo usque eritis similes muro pando, materiae impulsæ?*

5 *Tantummodo de excellentia eius consilia ineunt, depellendi eum: deletantur mendacio: ore suo benedicunt, intra se verò maledicunt. Sela.*

6 *Tantummodo in Deo conquiesce anima mea: nam ab eo est expectatio mea.*

7 *Tantummodo ipse rupes mea est, & salus mea, locus meus editus: non dimovebor.*

8 *In Deo est salus mea, & gloria mea, rupes robusta mea: receptus meus est in Deo.*

TAN-

TANTUMMODO. Quòd ad fiduciam suam ipſius, *Primum*, *Psalmi* gloriatur de fiducia ſua in Deo: *pari, in* Deinde, gloriatur aduerſus inimicos: *Ter-* *qua de fi-* *ducia ſua* *agit Pro-* *pheta.* *tiò*, redit ad priorem illam gloriationem. Quòd ad gloriationem de fiducia ſua, Dauid poſteaquam afflictuſ eſt, ac animo perturbatuſ, tandem acquieſcit in Deo. Percepta igitur requietis illuſ tanta ſuaui-
in Deo conquieſcit anima mea. tate, de ea gloriatur hac voce, *Tantummodo.* Verbum ipſum Hebræum ſignificat *ſilere*, quod noſter interpres vertit, *acquieſcere*. Ergo antè perſtrepebat in ipſo anima Dauidis, ſicuti dicit alibi, *Quid deiecta eſ, anima mea? cur perſtrepiſ in me?* Sed quæritur, An nunc ſileat anima eiſ, cùm tamen videamus eam voces iſtas edere? Reſpòdeo tum ſilere animam alicuiuſ, cùm non perſtrepit ac perturbatur, etiamſi interea quàm maximè gloriatur. Tria ſunt deinde argumenta, propter quæ acquieſcat anima ipſiuſ in Deo. *Primum* eſt, quòd Deus ſit author ſalu-
Silentiuſ anima, quid. tituſ ipſiuſ. Deinde, propiùſ accedens ad Deum ipſum, & non contentuſ ſolo ipſiuſ beneficio, niſi ipſummet Deum poſſideat, eiſque tanquam petre ac rupi inſideat. *Tantummodo*, inquit, *ipſe rupes mea eſt*, &c. *Tertium* argumentum, eſt ſecundi effectum. *Non dimovebor*, inquit, *motione*, certè.

magna, quæ futurum est vt planè corruam:
vt, Cor. 10. 13.

Lucta Obserua primùm, voluit quidem David
carnis & patienter afflictionem perferre, vt ipse de
spiritus. se alibi loquitur, quòd nimirum decreue-
rit obseruare vias suas, ne peccaret lingua.

Verùm erumpit affectus, ac tumultuatur
animus, tandem tamen cōquiescit in Deo.
Pij quique vellent quidem cum silentio
sub Dei manu humiliari, sed ingrauescen-
tibus malis non continet se affectus, qui
postquam solutus est: non quiescit ac col-
ligit se priùs, quàm Deum præsentem sibi

Anima senserit. Dicam hoc semel, nulla quidẽ est
quies soli- solida nostræ animæ quies, nisi in Deo so-
da. lo. Non est ea in diuitiis, non est in hono-
ribus, non est in brachio humano: Non
denique est in Idolis & fictis diis, de qui-
bus David Psal. 16. *Multiplicant*, inquit,
dolores suos qui alienum dotant. Idola enim
animos hominum, qua quæso re alia, nisi
trepida superstitione implent? Idem Da-
uid Psal. 4. manifestè significat non con-
quiescere animum in diuitiis: *Attolle*, in-
quit, *lucem faciei tuæ super nos, Iehoua, &*
indideris lætitiā maiorem animis nostris,
quàm temporis, quo vinum & mustum, eo-
rum aucta sunt. Quo loco vides præferre
eum, securitatem & lætitiā suā in Deo,
illi illorum hominum toti lætitię, qui con-
quie-

quiescunt in istiusmodi tantis rebus. *Tantummodo igitur in Deo acquiescit anima mea.* Proindeque quoniam in Deo acquiescere non impii possunt, nulla iis pax est, dicit Dominus.

Obserua rursus, hîc Dauidem innuere *in signem* nō vulgarem aliquam animi securitatem, *animi tranquillitatem* verū singularem ac insignem: quò fit, vt *tem praece-* liceat colligere, tam insignem tranquillitatem animi, *dit perturb-* antegressam esse insignem a- *batio insi-* liquam perturbationem. Nam profectò, *gnis.* quò maior est iam animi tranquillitas, eò maior antea fuit animi commotio. Obser- *Tranquil-* ua *tertiò.* Dauid quærit securitatis suæ *litis &c.* causas non in se, sed extra se in Deo, in quo *ra causa,* nimirum acquiescit anima ipsius, dum *Dens.* eum *rupem suam,* ac *turrim* appellat. Nihil igitur quod in nobis ipsis est causa propriè esse potest tranquillitatis animi nostri, ne si fidem quidem ipsam aut spem dicas, si fidei nomine intelligas instrumentum dūtaxat apprehendendi Christum. Nam quæcunque in nobis sunt, etiam renatis, imperfecta sunt omnia, fides, spes, charitas, opera denique ex his principiis manantia. In solo igitur Deo, quietis & pacis nostræ causa est, in solius Dei robore, in sola Dei per Christum dilectione. Paulus, vbi hanc ipsam animi securitatem prædicat, nō dicit quidem, *Quis separabit nos à charitate il-*

Rom. 8. la, quâ nos Deum prosequimur? Verùm ibi
 34. ait, Quis separabit nos à Charitate Chri-
 sti, id est à Charitate, qua nos Deus in Chri-
 sto prosequitur? Viderint hoc Papistæ, qui
Aduersus securitatem sibi & animis suis quærunt in
inanem fi- operibus suis: quò fit vt ego induci non
duciam. possim, vt credam istos homines cum opi-
 nione operum suorum vera pace ac tran-
 quillitate animi frui posse.

*Exemptio
 piorum à
 motione
 magna.*

Obserua quartò, quod dicat se non di-
 motum iri *motione saltem magna*. Non ne-
 gat planè omnem commotionem, sed
 magnam aliquam ac ingentem commotio-
 nē negat. Neque enim in hac vita speradū
 est nos fore prorsus immunes ab omni
 motione. Nam non sic argumentatur Da-
 uid, quia non mouebor omnino, ideo ac-
 quiescit anima mea in Deo. Nam si non
 nisi ea conditione acquiescere statuisti in
 Deo, quia nullo planè modo cōmouearis
 in tota vita, profectò nunquam futurum
 est vt in eo acquiescas, vel in hac vita, vel
 in altera illa. Satis sit tibi, si non opprima-

*Permissio
 propter fa-
 ctā in af-
 flictionibus.*

ris afflictionibus: habent enim pij promif-
 sionem non quidem eam qua prorsus im-
 munes futuri sint ab omni afflictionum ge-
 nere, sed qua non planè opprimendi sint
 afflictionibus. Dicitur enim quòd non per-
 missurus sit Deus vt nos tentemur supra
 id quod ferre possumus. Vide quoque de
 hac

1. Cor. 10.

13.

2. Cor. 4.

8. 9. & c.

hac re exemplum Pauli.

Quousque machinantes. Nunc conuer-
tit se ad inimicos, & in arce quasi positus
aduersus eos omnes gloriatur. Duo sunt
quæ interrogat, quorum posterius explicat
atque declarat id quod prius est. Senſus e-
nim est, ac si diceret, vt murus pandus at-
que diffiliens, sua ipsius mole corrui-
t, aut nullo negotio deiicitur, sic vos liuore, &
nequitia vestra ipsorum, consumemini.
Tantummodo. Machinationem illam eo-
rum demonstrat. Consilium ineunt depel-
lendi me de *excellencia* mea. De hac excel-
lencia vide 1. Sam. 18. Dauid, præfectus sa-
tellitio Saulis, ita se gessit vt administra-
tio eius ab omnibus approbaretur, atque
etiam ipsius Saulis administrationi à puel-
lis cantantibus præferretur. Percussit Saul
suos millenos: Dauid autem percussit suas
myriadas. Tum quo prætextu id fecerint,
ostendit, *Consiliis*, inquit, *ſuis mendacium*
prætexuerunt, quod rursus explicat subie-
tis his verbis, *Ore ſuo benedicunt, intra ſe*
verò maledicunt. q. d. profitentur quidem
amicitiam, sunt autem reuera inimici.

Obſerua *primùm*: Quæ mouerunt Dau-
dem prius, nunc ea nihil eum mouent:
dum acquieſcit anima eius in Deo nihili
facit hoſtes ſuos omnes. Gaudium enim
quod exiſtit interea dum quis acquieſcit in

*De glo-
riatione
piorum
in Deo
acquieſ-
centium,
locus.*

*Inimico-
rum Da-
uidis, Chri-
ſti, Eccleſia,
malamēs,
malus a-
nimus.*

*Fiducia
in Deum
latus ef-
fectus.*

Deo, omnem metum ac dolorē planē absorbet, imò verò fiduciam efficit, qua gloriamur contra aduersa omnia: è contrà verò cū non acquiescit anima in Deo, ea rebus vel leuissimis mouetur, vel solo persecutionis nomine perterretur. Causa enim cur videatur mors ista prima tam multis adeò terribilis est, quòd non videant eam quæ cum Christo in Deo abscondita est vitam ac gloriam.

*Impiorum
præcepta ac
per se la-
bilis firmi-
tas.* Obserua *deinde*: Permitte sibi Impios paulisper, ac suo pondere eos corruere cernes, non aliter atque paries dissiliens, aut maceries impulsæ, quæ sua mole ruit.

Verū pauci admodū id vident, atq; inde est quòd tam multos moueat impiorum felicitas externa. Ij tantū id vident quorum anima in Deo acquiescit, & qui ex hac quasi turri eos speculantur. Ipsi etiam regniti, id non vident nonnunquam: vt Dauid, aut quisquis ille fuit, qui Psal. 73. conscripsit, id non vidit, donec ingressus esset Sanctuarium: ac tum quidem animaduertit finem eorum: vidit eos stare in lubricis, vidit abire in desolationem momentò.

*Impio-
rum li-
uor. & pio-
rum cha-
ritas.* Obserua *tertiò*, Exaltatum Dauidem conati sunt inimici de excellentia sua deiicere. Quem Deus euehit, impij conantur eum deturbare è loco suo, etiam tum cū vident

vident contrā niti ipsum Deum. Secus fecit Ionathan, qui cū videret Dauidem regno destinatum, cum eo fœdus pepigit. Ita piis omnibus faciendum est. vide Psal. 4. *Fili, inquit, hominum, quousque gloria mea vobis ignominia erit? Cognoscite potius Deum, cū oraturus sum, eum exauditurum esse me.* Metuant igitur sibi homines à precibus eorum quibus cum Deo intercedit.

Tantummodo in Deo. Redit ad primam *Gloriationem* illam gloriationem, de fiducia sua in Deū, *in Deum* & mutato paululum loquendi genere, animam suam alloquitur. *non torpet, sed exultat.* Rationes autem affert easdem quas prius. *Prima*, est ab expectata salute. *Secunda*, propius ad Deum accedens vt prius. non contentus est diuino beneficio, nisi ipsum Deum possideat ipsique tanquam rupi infideat. *Tertia*, eadē est quæ prius fuit. Versu octauo repetit secundam rationem mutato paululum loquendi genere. Ex quibus quidem argumentis omnibus illud obserua. Non satisfacere sibi Dauidem in multiplicandis verbis, quibus Deū eiusque beneficia amplificet. Mutat quoque loquēdi genus, appellat *salutem suam, rupem, suam, locum editum, gloriam.* Receptā ab eo salutem suā esse dicit, ipsum esse salutem & rupem prædicat, denique in eo esse salutē pronuntiat. Ex abundantia cordis os loquitur, & sensus ille quic-

tis in Deo non vllis vocibus satis exprimi potest. Quæ enim operatur Spiritus Sanctus in cordibus, illa linguis hominum non possunt satis explicari. Vnde Paulus gemitus illos à Spiritu Sãcto subministratos inenarrabiles esse dicit. Et Petrus gaudium illud fidei ineffabile ac gloriosum nũcupat.

Rom. 8.

26.

1. Petr. 1.

8.

*Doctrina
ex hac glo-
riatione
firma sur-
gens.*

Ex his vides *primum*, Animam eam, quæ acquiescit in Deo subinde redire ad gloriationem in Deo. *Deinde*, vide ac disce ex hac repetitione, non ita sedari ac tranquilli animam in hac vita, quin aliquo certè modo interea commoueatur. Mare, dum non agitur procellis, mouetur tamen leni aliqua aura: affectus, si non statim inflammetur, inflatur tamen aliquo modo, Quamobrem opus habet subinde anima nostra noua exhortatione, ad quietem hanc in Deo. Vide *tertio*. Argumētum primum gloriationis est ab expectatione siue spẽ. huic consentit quod Paulus ait, gloriamur sub spe gloriæ Dei. Quòd si spes & expectatio salutis gloriationem hanc animi & lætitiā tantam efficiunt, quantā quæso lætitiā effectura est res ipsa, cū in præsentem possessionem istarum rerum omnium, quas nunc eminus intuemur, mittendi sumus.

Rom. 5. 2.

9 Confidite ei omni tempore, ô popule, effundite coram eo animum vestrum: Deus receptus

ceptui nobis est. Sela.

10 *Tantummodo Vanitas sunt nati plebleio homine, mendacium sunt nati praestante viro: Lancibus illi simul impositi, ascensuri essent supra Vanitatem.*

11 *Ne confidatis oppressioni, & rapinâ ne evanesca- tis opulencia. si abundet, ne apponatis animum.*

12 *Semel loquutus est Deus, bis idem audi- ui, robur esse Dei.*

13 *Et tuam esse, Domine, benignitatem, te re pensurum cuique secundum opus suum.*

Confidite. Secunda pars Psalmi, admoni- Adm. omni-
tio ad pios
& impios
pertinens.

tio, eaque duplex. partim enim admonet pios, partim impios. admonitio ad pios per- Ad pios.

ticens rursus duplex est. partim enim mo- net, ut confidant Deo, partim ne confidant

hominibus. *Confidite, inquit, Deo.* Tum, ef-

fundite, inquit, coram eo, &c. posterius istud

prioris illius effectum est. Nam qui confi-

dunt Deo, coram eo effundunt omnes cu-

ras & anxietates perturbati animi sui. Ar-

gumentum subiectum est. *Nam ipse, in-*

quit, receptui est nobis. Deinde, admonet ne

confidant hominibus: etsi enim hoc ex-

pressè positum non sit, intelligendum ta-

men est. Argumentum huius admonitio-

nis est à vanitate hominum, cuiuscunque

demum sortis, & conditionis ij sint. *Vani*

sunt quotquot ignobiles sunt: Mendaces verò

minum.

ac fallaces, quotquot nobiles sunt. Verum,
quo maiorem eorum vanitatem indicet,
eos ipsammet *vanitatem ac mendacium* ap-
pellat. Amplificat autem vanitatem homi-
num facta comparatione eorum cum ipsa
vanitate. Loquutionem istam ne intellige
hyperbolicā. Nam ita est re ipsa, ut loqui-
tur. Homo enim ante lapsum fateor ali-
quid fuit, post lapsum verò in nihilū reda-
ctus est. Neque enim in eo mansit reliqua
vel vna integritatis & sanctitatis mica.

*Cum ipsa
vanitate
compara-
ta.*

*Quo sensu
vanitate
ipsa ma-
gis canu-
ho mo dica-
tur.*

Quòd si quid in eo sit, illud totum malum
est: & si sit homo aliquid, totus, quantus
quātus est, malus est, vel ipsa potius mali-
tia. Sic autem esse aliquid, deterius est quā
nihil esse omnino. Viderint hoc Papistæ,
qui naturam hominis scilicet tam præcla-
ram, tanti faciunt. David eam in rebus va-
nissimis numerat: illi eam in se etiam ali-
quid esse volūt, & diuinæ gratiæ detrahūt
ut homini integritas aliqua tribuatur.

*Discrimē
piorum &
impiorū.*

Ex his observa *primū*, latum discrimen
inter eos qui fiduciam in deo collocant
solo, & eos qui rebus aliis confidunt. Qui
in deo fiduciam suam collocant, illi bene-
ficiū hoc libenter cum aliis communi-
cant, & volunt omnes pariter deo confi-
dere. Qui verò aliis rebus, ut diuitiis, ut
honoribus, ut hominum brachio confi-
dunt, ij non libenter admittunt ad societa-
tem

tem suam & participationem istarum rerū alios quosuis. Vellent enim eas soli simul ac semel deuorare. Deus bonum est, quod sufficit omnibus: neque, si quamplurimi simul eius fiant participes, eo deteriori loco est vnus aliquis qui vnà sit eius particeps, neque ideò minus accipit, quin potius meliori est loco, & plus accipit, quò plures habet socios eiusdem beneficij.

Obserua *secundò*: Monet vt confidamus Deo, & effundamus coram eo animum nostrum. Hæc duo ita inter se cōiuncta sunt, vt qui confidit Deo, necessariò effundat, quasi in gremium eius, animi sui secreta omnia. Contrà verò, qui non confidit, is etsi peccari nonnūquam, & animum suum Deo exponere videatur, nunquam tamen seriò cum Deo agit, & ingenuè, sed quod agit, id perfunctoriè duntaxat & ieiunè agit. Neque enim fieri potest, vt quisquam, qui non credit in Deum, familiariter cum Deo secreta sua, ac curas animi sui, cōmunicet. Quomodo, inquit Diuus Paulus, inuocabunt eum, in quem non crediderunt?

Fides & inuocatio res cōiunctæ.

Rom.

10.14.

Piorum exquisitū indicium.

Obserua *tertiò*, David dū acquiescit in illa quasi arce speculanti, videntur ei omnes homines non vani modò, sed ipsa vanitas esse. Illi demum qui per fidem firmiter adhærent Deo, illi inquam soli sunt qui intuentur hominum, atque adeò huius

mundi vanitatem ac miseriam. Neque enim quibusuis datum est, statim eam videre ac dignoscere. Verùm hi sunt qui soli vident nihil solidi esse nisi in Deo, & hi soli sunt qui de beatitudine ac miseria creaturæ rectè iudicium ferre possunt. vt qui soli veram illam in Deo beatitatem experiantur.

Admonitio ad impios.

Ne confidatis oppressioni. Secunda admonitio ad improbos Saulis administratos, & omnino quosuis pertinens. Monet autem *ne confidant oppressioni, & ne euanescent rapinâ.* Verbum hoc *euanescenti* advertendū est. Ideo confidimus rebus quibusuis, vt per eas stemus firmiter, neque diffluamus aut euascamus. Illi demum soli stant firmiter, qui in solo Deo fiduciam suam collocant. Qui verò aliis rebus quibuscunque confidunt, tantum abest ab eo, vt pereas stent, vt contrà euascent, ac diffuant, non secus atque aqua arenæ infusa. *Opulentia. Si abundet, ne apponatis animum.* Hoc in genere ad quoscunque pertinet.

Arg. commune & trique admonitionis parti.

Semel loquutus. Hoc argumentum commune est vtrique admonitionis parti. Est autem à Dei ipsius iudicio. Deus fortis, potens, & misericors rependet cuique secundum opera sua. Videat igitur quisque cui demum confidat, Deo-ne an aliis rebus. Probatur antecedens ipsius diuini

uni verbi testimonio, & eo quidem itera-
 to. *Semel*, inquit, *mihi Deus loquutus est*, &c.
 quasi dicat, sapientius idem mihi confirmauit.
 Obserua, *Primum*, Dauid non inuidet illis
 summum illud bonum, Deum ipsum, qui
 tamen ipsi vel vitam caducam inuidebant. *Ingenium
 piorum &
 impiorum.*
 Huc enim spectat ista admonitio: Dauidis
 igitur exemplo habes ingenium Ecclesiæ
 simul & hostium eius. Hi inuident illi, vel
 caducam vitam: Illa verò non inuidet il-
 lis, imò illis optat vitam æternam. Chri-
 stus pro iis precatus est, qui ipsum cruci-
 fixerunt: Stephanus orauit, ne imputare-
 tur iis peccatum suum, qui ipsum lapida-
 runt. Obserua hîc, *Secundò*, quanta sit ho- *Impiorum
 amentia.*
 minum insania: fiduciam enim suam collo-
 care in rebus, alioquin adiaphoris, vt di-
 uitiis, vt honoribus, vt brachio huma-
 no, quibus etiam bene vti possis, ingens
 peccatum est. Quanta igitur amentia, &
 quàm graue peccatum eorum est, qui in
 rapina & oppressione, aliisque rebus, sua-
 pte natura malis, quibus nunquam bene
 vti possis, spem suam collocant. Verùm, *Impuni-
 tas, scele-
 rum gra-
 uissima.*
 causa aliqua tantæ huius amentix, vel
 exemplo isto Aulicorum Saulis, addisci
 potest, nimirum illi impunè faciebant o-
 mnia. Homines autem, quod impunè li-
 cet facere, putant omnino statim id ipsum
 licere facere. Fiducia ergo ista in rebus ma-

lis, non tam ipsis facinorosis, quàm iis à quibus coerceri eos oportuit, vt Sauli, vt aliis Magistratibus, qui ad facinora Aulicorum, & assentatorum suorum, solent conuiuere, imputanda est, vtcùmque tamen peruersè ac præposterè indoluerint malis ac flagitiosis, Magistratus ac iudices terreni. Discimus hoc loco cælestem illum iudicem effecturum, vt impij euanescant tandem in rapina & oppressione sua.

*Cogitatio
nes ani-
mæ nostræ
conuenien-
tes & di-
gna.*

Illud denique non prætermittendum est, quòd David semel atque iterum admonitum se fuisse dicat de iusto illo Dei iudicio, quo compensaturus est quémque secundum opus suum: quod quidem argumento est, cogitasse Dauidem subinde de extremo illo ac terribili iudicio, de quo profectò nobis omnibus, etiam optimis quibusque, sæpius cogitandum est. Nam illud est ingenium, vel optimorum quorùmque, vt inspecto illo terrore Domini, in ordinem cogi opus habeant. Ita

2. Cor. 5. enim Paulus de sese loquitur, *Scientes, inquit, terrorem illum Domini, homines ad fidem adducimus.* Alliciendi sumus, fateor, aspectu diuinæ in Christo misericordiæ, ad officium faciendum. Verùm, quo sumus ingenio, nisi ex vna parte quemadmodum allicimur Dei beneficiis, ita ex altera parte terreamur Dei iudiciis, profectò in of-
ficio

ficio contineri non possumus. Deo igitur,
qui omnibus modis consulit salutem suorum
in Christo Iesu filio suo, sit omnis honor,
& gloria: Amen



PSALMVS LXV.

Argumentum.

Psalmus est ἀχαριστία. *Primum*, erumpit Dauid in gratiarum actionem & laudationem Dei, vers. 2. 3. *Deinde*, sequuntur argumenta propositæ gratiarum actionis, ad finem Psalmi.

Argumenta illa sumpta sunt omnia à Dei benedictionibus & beneficiis. Sunt autem beneficia partim *spiritualia*, & æterna, quæ ad rei Ecclesiam duntaxat pertinent: ad vers. 7. partim verò, *corporalia*, ac temporalia: quæ rursus duplicia sunt, hoc Psalmo. Partim enim *communia* sunt, & ad omnes res creatas spectantia, ad vers. 10. partim verò *propria* sunt, & peculiariter in Ecclesiam Dei collata, ad finem Psalmi.

1 Magistro symphonie Psalmus, Davidis canticum.

2 Tibi debetur sedata expectatio ac laus, ô Deus, qui es Trinitas: & tibi rependendum est votum.

3 O qui exaudis orationem: usque ad te omnis caro ventura est.



IBI debetur. Prima pars Psalmi, qua David primum ex sensu mi-

laudum,
quas pñ
Deo tri-
buit, fan-
damenta.

sensu misericordiæ Dei, vt apparet, ex vers. 4. tertio ex fide in Deo conquiescente, erumpit in laudationem Dei, ipsique soli adscribit, *Primùm*, fiduciam animi: *Deinde*, laudem oris: *Tertiò*, quodcunque officium, ad quod persoluendum Deo nostro, voto nos ipsi obstrinximus, atque hæc facit vers. 2. Deinde vers. 3. promittit certò fore, vt omnis homo fide ad Deum accedat. Ratio subest titulo quem Deo tribuit, dum eum compellat Deum, *qui exaudit orationem*, & c. vers. 3. promittit eam hominum fidem in Deo, quam Deo deberi peculiariter dixit, vers. 2. q. d. debent quidem ô Deus, homines tibi fidem suam, & tibi dabunt eam, ac in te credent.

*Laus Dei,
quid.*

*Partes
eius.*

Disce hoc loco, quid sit propriè Deum laudare, vel glorificare. est quidem ascribere illi quæ ipsi iure debentur: quæ autem debentur, hæc sunt, primùm, fiducia cordis, deinde laus oris, tertiò officia omnia ad quæ præstanda sumus deuincti, siue voto, siue quacunque alia obligatione. Deinde hîc discimus, ex illis principiis, è quibus sine dubio existit hæc Davidis laudatio, non esse penes quemvis erumpere statim in glorificationem Dei, neque posse quemlibet sine discrimine proferre hæc ipsa verba, quæ tum olim protulit David.

*A quibus
serè præ-
stetur.*

Tibi

Tibi debetur sedata expectatio, &c. Sed eum solum illud posse, qui ex sensu diuinæ misericordiæ Deo confidit, in eoque con- quiescit. Nam nemo glorificat Deum, nisi ex fide: credens autem in eum, confitetur ac profitetur tum fidem, tum alia omnia officia Deo in Christo deberi.

4 *Res iniquas, quæ præualuerant mihi, defectiones nostras tu expias.*

5 *Beatus quem eligis, & admones, qui inhabitet atria tua: saturamur bono domus tuæ, rebus sanctis templi tui.*

6 *Res reuerendas in iustitia proloqueris nobis, ô Deus salutis nostræ: fiducia omnium extremitatum terræ & maris longinqua- rum.*

Res iniquas. Sequuntur argumenta propositæ laudationis à Dei ipsius benefi- ciis: ac primùm spiritualibus erga Eccle- siam. Ex spiritualibus primùm est remissio peccatorum, ex qua concludit propo- sitam illam laudem, Deo nimirum fiduciam deberi, &c. Ex hoc argumento illud ap- paret verum esse quod diximus, erupisse Dauidem in hanc laudationem, ex sensu misericordiæ diuinæ ac remissionis pec- catorum suorum. verba ipsa, quibus ex- pressum est hoc beneficium, non obscu- rè significant, primùm, colluctatum fuisse Dauidem cum peccato. Deinde, in lu-

Propositæ laudatio- nis Dei argumen- ta, à bene- ficiis spiri- tualibus, quorum primarium est, peccato- rum remis- sio.

Et illa præualuisse ipsi peccatum. Ter-
tiod, Deum peccatum illud expiasse. Hinc
gloriam remissionis peccati tui, vel libe-
rationis à peccato, Deo in solidum tri-
buit. *Tu, inquit, expias.* Neque enim fieri

*Benefi-
cium re-
missionis
peccato-
rum à qui-
bus sentia-
tur.*

Rom. 7.
25.

potest, ut quisquam Deo adscribat laudem
remissionis peccati, nisi qui primùm cum
peccato conflixerit, ac in illo conflictu
senserit se inferiorem peccato: Deinde

Deum peccato superiorem, cui ipse infe-
rior fuerit. Vnde enim quæso fuit illa vox

Pauli, gratias ago Deo per Christum? Le-
gimus eodem capite Paulum primùm con-
flictatum cum peccato: deinde, capti-
uum abductum sub legem peccati. Hinc

illa querela, *Miser ego homo, quis me libe-
rabit de corpore mortis huius?* Post hanc

querelam, facilè conspiciamus pium homi-
nem ad Christum confugisse, in eoque li-
berationem à peccato percepisse: vnde il-

la sancta gratiarum actio, *Gratias, inquit,
ago Deo meo per Christum Iesum.* Quare, sine

lucta non peruenitur ad sensum misericor-
diæ diuinæ, ad ipsius Dei glorificationem.

Luctæ verò nostræ præclarus semper est e-
xitus: desinit enim in glorificationem Dei,

cum ineffabili ac gloriosa lætitia.

Deinde, notandum est verbum illud
expiandi, quo significatur purgatio per

sacrificium aliquod propitiatorium. Vn-
de

*Absque
expiatione
et propi-
tatorio
sacrificio
unico Chri-
sti in cru-
ce, non fit
remissio
peccati.*

de Psalm. 51. v. 9. Expiā me, inquit, musco, hoc est, Christi sacro sanguine, figura illa adumbrato. Verbum igitur hoc significat id quod habetur Hebr. 9. *Absque sanguine non esse remissionem peccati.* Neque enim ipsi patres sub lege vnquam sine sanguine & sacrificio ad placandam irā Dei, misericordiam & veniam peccati implorant. Neque nos ipsi hodierno die sentimus apud animos nostros remissionem peccatorum nostrorum nisi sacrificio illo Christi, fide primū apprehenso: neque audemus petere remissionem peccatorum à Deo, nisi in Christo ipsiusque sacrificio.

Beatus, quem eligis. Secundum argumentum laudis, à beneficio vocationis, quæ naturæ ordine antecedit peccatorum remissionem. Ergo in recensendis spiritualibus Dei beneficiis, paulò altiùs assurgit ad remissionis antecedentem causam. Vocationem autem his quasi partibus comprehendit. prima est qua eligit Deus aliquem, hoc est, euocat è numero perditorum hominū: hanc sequitur ea pars, qua adducit nos propiùs, & appropinquare facit ad se. Nisi enim ipse nos apprehenderet, & ad se quasi traheret, profectò euocati non moueremur loco. Hanc denique sequitur ea pars, quæ habitare nos facit in atriis suis. Incipit igitur vocatio nostri ab illo delectu

*Alterum
beneficiū,
vocatio
efficax ad
veram
Dei cogni-
tionem.*

*Huius
beneficij
gradus.*

quem facit Deus, procedit autem per appropinquationem ad Deum, tandem definit in habitationem illam cum Deo in Ecclesia ipsius. Sed phrasis ipsa, qua utitur in efferendo hoc vocationis beneficio, non est silentio prætereunda. Non enim ieiunè & nudè sic loquitur, *Tu eligis nos*, sed cum exclamatione & admiratione quadam magnitudinis huius beneficij, *Beatus*, inquit, *quem eligis*. Sic docemur non tam proferenda, quam admiranda esse Dei omnia in Christo beneficia, quæ est omnium eorum incomprehensibilis & ineffabilis illa magnitudo. Sed ad hanc rem imprimis maxime necessaria est apprehensio certè aliqua Dei beneficiorum in nostro ipsorum corde. Ex abundantia enim cordis os loquitur, & qui nihil sentit animo, nihil aut certè parum ore loquitur.

Tanti Saturamur. Beneficium hoc vocationis
beneficij commendat ex effectis sequentibus. *Pri-*
commen- mum, est in facto Dei erga iam à se voca-
datio ex tos. *Secundum*, est in verbo Dei. Quòd ad
effectu factum, inquit, *Saturat nos rebus bonis &*
sequentibus. *sanctis*: quòd ad verbum, inquit, *res reueren-*
das in iustitia proloqueris nobis. Qui recipit
 aliquem hospitio, & mensa excipit, duo
 omnino sunt, quæ facere potest, in tractan-
 do hospite suo humaniter & lautè: primum
Effectus est, in apponendo illi cibum lautissimum
Dei, Res quo

quo vescatur: alterum est in demulcendo ^{Verba} aures eius, & exhilarando animum ipsius ^{Dei: quod} sermonibus quibusque suauissimis ac iu- ^{simili ap-} cundissimis: vtrunque horum facit Deus ^{posito de-} erga eos quos semel vocatos & mutatos ^{claratur.} dignatus est mensa sua. Sed verba paulò diligentius consideranda sunt. Rerum earum quibus saturamur in domo Dei, duæ sunt proprietates. Primum *bonæ* sunt ac nobis *salutares*: deinde sanctæ sunt. Rebus ^{Res, seu} his bonis & sanctis intelliguntur omnes ^{bona Dei.} in Christo benedictiones spirituales. Verborum autem quæ loquitur, duæ itidem sunt proprietates, prima est, quòd *reuerenda* sint ac proinde reuerentiam ab auditoribus requirant. Secunda est, quòd *in iustitia* sint, hoc est iusta, recta, ac sincera, sine fūco, sine mendacio. His autem verbis in- ^{Verba} telligendæ veniunt promissiones Dei de ^{Dei.} rebus bonis & Sanctis, vsque maioribus, quàm quas possumus capere in hac vita, capiemus autem in altera illa. Vides igitur quanta cum hilaritate, quanta cum animi lætitia versemur in domo Dei & mensa ipsius quasi accumbamus, qui non solum lætamur fide bonorum præsentium, hoc est, præsentis ipsorum apprehensione, sed etiam spe futurorum bonorum, quæ præsentibus istis longè maiora futura sunt. Ex his effectis illud conspicimus, non abs re præ-

dicasse Dauidem illum hominem beatum esse quem Deus eligat. Quid est enim beatum esse, si non hoc sit, tanto cum gaudio animique lætitia, saturari rebus tam bonis, tamque sanctis, & audire interim promissiones rerum futurarum, longè maximarum, tam reuerendas, tam iustas ac veras.

Benefactoris nostri, nēpe Dei, consideratio.

O Deus salutis nostræ. Duæ sunt hîc Dei appellationes: vna est quæ Ecclesiam respicit. Nam salus ad Ecclesiam pertinet. Altera est quæ omnes res creatas. Est enim omnium rerum creatarum fiducia. Vide igitur hîc, primûm, vt Dei bonitas, non tantûm ad Ecclesiam, etsi ad Ecclesiam maximè se extēdat, sed etiâ ad omnes res creatas, & eos quoque qui sunt extra Ecclesiâ. Nam non sinit etiam impios expertes esse testimonij ipsius, benefaciendo iis, dans iis cælitus pluias & tempora fructifera, implens cibo & lætitia corda ipsorum. Ita pij Deum intuentur, non tantûm in beneficiis suis erga Ecclesiam, sed etiam in beneficiis suis erga omnes res creatas. Vide deinde etiam rerû mutarû ac brutarû fiduciâ esse aliquam in Deum. Nam & suo quodammodo sitiunt Dei gratiam, & eam adeptæ, suo quodam modo in Deo suo conquiescunt: expectant denique cum suspiriis quibusdam suis, reuelationem filiorum Dei, cum quibus & ipsæ in libertatem vindicandæ

candæ sunt. de hac re vide Rom. 8. Quo loco spes illa futuræ gloriæ, non tribuitur hominibus, nisi iis qui primitias Spiritus habent, spes tamen aliqua futuræ gloriæ rebus creatis attributa est ibidem: vt videas meliori loco esse res creatas, brutas & mutas, quàm homines, si ij Spiritu Dei non regenerentur.

Stabiliens montes. Sequuntur beneficia Dei corporalia, communiter ad omnes res creatas spectantia. *Visitas hanc.* Sequuntur Dei beneficia corporalia, peculiariter ad Ecclesiam suam spectantia, ad finem vsque psalmi. Quæ omnia cum expositionem nõ requirant, sed facilia sint intellectu, mentem Prophetæ demonstrasse sufficiet, præsertim etiam quum ex aliorum prolixioribus scriptis facilè hauriri possint.



PSALMVS LXXXIII.

Argumentum.

Psalmus est *ἐκκλησιάζων*, Davidis, vt verisimile est, propter tyrannidem Saulis exulantis. Constat *primum*, graui querimonia ad vers. vsque 9. *deinde* petitione, ad vers. 13. *postremò* conclusione epiphonematica, vers. 13.

I Magistro symphonie ad Gittæa instrumenta posteris Korachi, Psalmus.

2 Quàm amabilia sunt tabernacula tua,
ô Iehoua exercituum.

3 Desiderio afficitur, etiamque deficit ani-
ma mea, veniendi ad atria Iehouæ: cor meum
& caro mea exclamant veniendi ad Deum
fortem viuentem.

4 Ad altaria tua, Iehoua exercituum,
Rex mi, & Deus mi: etiam passer inuenit do-
mum, & hirundo nidum sibi, in quo ponat
pullos suos.

5 Beati qui inhabitant domum tuam! per-
petuò laudant te. Sela.

6 Beatus homo, cui facultas est in te se-
mitarum, quas habent pii in animo suo!

7 Beati qui transeuntes per Vallem mori
fontem constituunt eum, quos etiam benedi-
ctionum operit pluuiæ.

8 Pergunt ab acie ad aciem, comparet
quisque apud Deum Tz'uione.

Prima pars
Psalmi
pia queri-
monia
constans.

Quàm amabilia sunt. Prima pars Psal-
mi, querimonia, in qua varij affectus animi
Dauidis exulantis, sese produnt: ac pri-
mum quidem affectus amoris illius, quo
visibilem illam Dei presentiam in Eccle-
sia sua complexus est, exeritur hoc versu.
Dauid enim cum gustasset suauitatē illam
presentiæ diuinæ, quæ tum alligata fuit Ec-
clesiæ iudaicæ, captus est eius amore mi-
rifico. Amorem autem illum tenerrimum
hac voce exponit, Quàm amabilia, &c.

vox enim hæc, amantis est. Tabernaculo-
rum nomine intelligit visibile illud Mini-
sterium, quod tum templo duntaxat Hie-
rosolymitano alligatum fuit, & in quo
Deus se videndum quodam modo exhi-
buit populo suo. *Desiderio afficitur.* Hic
prodit affectum desiderij, Nam cum exu-
laret vir pius ab ea, quam tantopere dile-
xit, Dei præsentia, non mediocri eius desi-
derio afficiebatur. Nam desiderium pro-
prie est ex absentia eorum quæ diligi-
mus.

*Taber-
nacula,
quid.*

Vide igitur quid sit semel gustasse quàm
benignus sit dominus: ex gustu enim est
amor, ex amore est absentis desiderium,
quod ipsum nunquam expers est alicuius
certæ fruitionis ac præsentia. Beati qui
esuriunt ac sitiunt iustitiam, quoniam ipsi
saturabuntur. At verò, qui nullo vnquam
tempore gustarunt quàm benignus sit do-
minus, illi profectò nullo eius amore ca-
piuntur. qui autem non amant, absentem
non desiderant. Quæ enim est causa cur vi-
deas multos destitui visibili hac Dei præ-
sentia, quæ est in Ministerio ipsius, neque
tamen ea re vel tantillum commoueri?
Nunquam illi gustarunt, quàm suavis sit
hæc Dei præsentia in Ministerio suo. Hinc
nullus Dei amor, hinc rursus nullum eius
desiderium. Quid autem de iis sentias, qui

*Gustus
gratia
spiritalia,
res o-
mnium
suavis-
sima.*

non tantum libenter patiuntur se priuari ista Dei presentia, verum eam omnibus quibus possunt modis persequuntur? quo quosolunt isti animo erga Deum, & quam male affecto.

*Desiderij
pij exag-
geratio
& ampli-
ficatio.*

*Vehemen-
tes piorum
affectus.*

Etiámque defecit. Exaggerat desiderium illud suum veniendi ad Deum, ac *primum* quidem ex eo quod præ desiderio deficiat ipsi animus: *Deinde*, ex eo quod desiderio illo totus occupetur, & corde, & carne, & animo, & corpore: *Tertio*, ex eo quod præ desiderio exclamet. Nota igitur hoc loco quam vehemens soleat esse in piis affectus, non desiderij solum, sed amoris, sed doloris: sed lætitiæ, &c. Spiritus enim ille Dei, qui affectum in piis excitat, incomprehensibilis est, Hinc eius in corde operatio admirabilis, non quidem quales esse solent commotiones in animo naturales, ut naturale desiderium, naturalis amor, naturalis dolor, &c. Hinc suspiria piorum inenarrabilia dicuntur. Rom. 8. & gaudium ineffabile ac gloriosum, 1. Pet. 1. Est tamen in affectione piorum quod mireris, quodque in naturali commotione non reperiatur: desiderium ipsorum vehemens, non est citra aliquam presentiam & fruitionem rei illius quam desiderant: hinc illa voluptas inter desiderandum. Suspiria enim ipsorum inenarrabilia, non sunt sine aliqua certe lætitiâ,

lætitia, si non ineffabile gaudium cum suspiriis inenarrabilibus coniunctum sit.

Ad deum fortem. Subest his Dei appellationibus aliqua tanti desiderij causa. Sensit enim potentiam suam totam, ac vitam suam à Deo esse, qui fortis est & viuens, hoc est, qui non modò fortis est in se, sed fortitudinem creaturis suis suppeditat: non modò ipse viuit, sed vitam rebus creatis infundit. Qui igitur sentiunt se per Deum viuere, moueri, ac esse, illi profectò Dei præsentia carere se non patiuntur. At verò, qui non id sentiunt, æquis animis ferunt Dei illam absentiam, Viuunt quidem omnes, fateor, ac sunt per illum, sed non omnes id intelligunt: soli hi id intelligunt ac sentiunt, qui cœperunt viuere vitam illam Dei & primitias spiritus habent. Illi quidem non solùm vitam illam spiritualem, sed & animalem, Deo soli acceptam ferunt.

Etiā passer. Tertius affectus, Indignatio: indignatur enim quòd vel passer & hirundini aliquis aditus pateat ad altaria Dei: cùm tamen altaria Dei nihil ad bestiolas illas pertineant: ipsi verò qui membrum sit Ecclesiæ, omnis planè aditus ad Ecclesiā dei præclusus sit. Vides igitur pios, destitutos dei præsentia, etiam bestiis eam inuidere, & se præ bestiis miseros ducere. Vides etiam, deum per be-

*Causa
tanti pio-
rum desi-
derij.*

*Impatien-
tia pia e-
lectorum
Dei.*

*Indigna-
tionis pia
descriptio
tertius
Dausdis
affectus.*

stias prouocare quodammodo homines ad æmulationem. Impij in hac vita facilè patiuntur res creatas ac mutas, propiùs ad Deum accedere quàm se: neque propterea vel eas beatiore, vel se miseriore existimât. At verò cùm ventum fuerit ad illud iudicium nouissimum, vel aërem illum, & nubes illas, quibus tum cingetur Dominus, & in quibus infidebit, miseri præ se beatas esse putabūt. *Rex mi, & Deus mi.* hæ Dei appellationes satis indicant, etiam tum præsentiam aliquam Dei fuisse, cùm de eius absentia tam grauitè quereretur. Voces enim istæ fidei sunt, hoc est, præsentis alicuius apprehensionis. Videas igitur pios queri de absentia Dei, cū tamen præsentē aliquo modo apprehendant. Queruntur autē de absentia, quòd eam, quam velint præsentiam, & cum Deo κοινωνίαν, habere non possint. Nam & viuatur hīc per fidem, non per aspectum, hoc est, eminus tantūm intuemur Dominum: & ille ipse intuitus, qui è longinquo est, multis modis impeditur: sæpe numero etiā ex oculis nostris omnis Dei præsentia eripitur. Hinc illud desiderium emigrandi ex hoc corpore, & eundi ad Dominum habitatum: hinc ille querelæ, de absentia Domini.

Deus præ-
sens est
piis, qui
de eius ab-
sentia
querun-
tur.

Quartus

Beati qui inhabitant. hic quartus est affectus,

fectus, admiratio. Non enim satis admirari potest eorum hominum beatitatem, *Davidicæ affectus,* quibus aliquis ad Deum accessus pateat, *admiratio.* hoc est, ad visibile illud ministerium, in quo Deus se videndum aliquo modo exhibuit. Nam, quotquot vnquam Deum sibi præsentem habuerunt, illi felicitatem, illi beatitatem humanam, ex eadem illa præsentia & *κοινωνία* quæ est cum Deo definiunt. Neque ij vnquam qui Deum in Christo non viderunt, vel rectè sentire, vel verè loqui de felicitate humana potuerunt. Hinc illæ tam fœdæ aberrationes profanorum Philosophorum, ex quibus nonnulli adeò dementati sunt, vt miseriam humanam, felicitatis loco posuerint. Quos autem beatos primo loco prædicat, ij videntur fuisse Levitæ & sacerdotes. Nam illi erant qui inhabitabant domum Dei, & ex officio perpetuò laudabant ipsum. Ministri igitur Ecclesiæ primū *Ministros* felicitatis locum obtinent, neque id quidē *rum Eccle* mirū: siquidē felicitatē Dei præsentia & gloria *sia præro-* glorificatione nominis ipsius metiaris. Mini- *gatus.* stri enim præ aliis sanctificātur ac segregātur ad cōmunicādū cū Deo, quibus etiam illud ex officio incumbit, vt Deū in Christo quem ipsi primū viderunt, aliis digito quasi demonstrent & Christum in prædicatione Euangelij aliis ob oculos depin-

gant, & inter alios eum quasi crucifigant. Primo igitur loco beati sunt fideles Ministri, ac dispensatores mysterij Christi: quòd fideles nō fuerint primo loco miseri, sunt.

Felices p̃ *Beatus homo.* Secundo loco, beatos ducit *Deus* eos, quibus facilis est aditus in Ecclesiam dei. hoc est enim quod dicit, *Cuius a-*
quarunt *facultas est in te semitarum.* Nam etiam hīc
in ministris *felicis* materia est, quòd facilis aditus
rio sacro. nobis pateat ad cœtus Ecclesiasticos, in
 quibus prædicatur & auditur verbum
 dei, & Sacramenta administrantur: sed
 nos sæpè id quod vulgò dici solet quòd à
 templo dei propius absumus corpore, cō-
 sumus animo à deo magis diffiti, & abu-
 timur libertate ac facultate illa, in qua
 beatitudinis aliqua materia est: capit enim
 nos diuini verbi fastidium, & cōuentuum
 Ecclesiasticorum iam pridem pertesum est.
Beati qui transeuntes. Tertio loco: inter
 beatos numerat eos, qui, etsi difficiliore
 itinere vtuntur, & siticuloso loco, vt erat
 vallis Mori. 2. Sam. 5. 23. 24. coguntur pera-
 grare, similiterque pluuioso cœlo iter fa-
 cere: tamen ad Ecclesiam dei peruenire
 possunt, *fontem constituunt*, hoc est, recreāt
 se consideratione fontis illius diuini, ad
 quem per siticulosa loca contendunt. *Be-*
nedictionum pluuia, id est, quæ ferè mitti-
 tur ad communicandam cum terra bene-
 dictionem

ditionem dei, & fecundat eam. Vides igitur etiam felices esse, quibus difficilis est alioqui ad Ecclesiam dei aditus, modò ad ipsum perueniant: difficultas enim perueniendi ad deum non aufert felicitatem nostram, siquidem eum tandem consequamur. Sed iidem felicitatis huius idonei iudices sunt, qui quã benignus sit dominus, & quanta sit in eius præsentia suauitas, semel degustarunt.

Pergunt ab acie. Ratio beatitudinis eorum qui difficili ad Ecclesiam itinere vtuntur, ab euentu. *Pergunt*, inquit, *ab acie ad aciem*, id est, posteaquam, confecto iã difficili itinere, in Ecclesiam ventum est, à cœtu vno sacro ad alterum quotidie obeunt, ad exercendum publicè totũ cultũ dei. Metaphora est à re militari. *Et comparet*, Id fit ex lege, Exod. 23. 17. Arguit igitur felicitatẽ eorum qui difficili ad Ecclesiam itinere vtuntur, ex præclaro euẽtu. Nã beatitatẽ ex euẽtu metiri oportet, non autẽ ex mediis quibus euentum consequimur. Ideò Dominus Math. 5. Beati, inquit, qui lugent, quoniam ipsi consolabuntur, quò significat beatitatem, non tam in luctu esse, quàm in consolatione. Significat tamen luctum necessarium esse ad consolationem, medium, ad eò vt nisi lugeamus in hac vita, non sit futura in altera cõsolatio, nisi per inferos quodã;

Ratio felicitatis istius, ab euentu.

modo transeamus ad cœlos non sumus peruenturi.

9 Iehoua, Deus exercituum, audi orationem meam, auribus percipe, ô Deus Iahhakobi. Sela.

10 O scutum nostrum, aspice, ô Deus, & intue re faciem Christi tui.

11 Nam melior est dies unus in atris tuis, quàm mille: eligo frequentare limen in domo Dei mei, magis quàm habitare in tentoriis improbitatis.

12 Quia Sol & scutum est Iehoua Deus, gratiam & gloriam dat Iehoua: non cohibet bonum ab ambulanti- bus in integritate.

Secunda pars Psalmi, precatio. Iehoua Deus. Secunda pars psalmi, precatio: precatur autem Deum, ut ex misericordia sua, ipsum reducat ab exilio in Ecclesiam suam. Petitio est duobus versibus, Ratio est ad vers. 13. Conclusio precatio- nis est vers. 13. Petitionis fundamentum quo ipsa nititur facilè conspicitur, ex titulis & nominibus quibus Deum compellat. est autem fundamentum petitionis, apprehensio Dei, *primum* quidè in æterna sua essentia, vnde Iehoua nominatur: *deinde* in infinita sua potètia, vnde Deus exercituum & qui in potestate sua habet omnes exercitus & copias tã cœlestes, quàm terrestres. *Tertiò*, in misericordia sua, quàm ex- eruit in fœdere illo suo icto cū Abrahamo Isaaco & Iahhakobo: vnde Deus Iahhako- bi di-

Huius fundamentum.

bi dicitur. Neque enim precari Deū possumus, nisi corde eum apprehendamus, non modò in æterna illa essentia sua, qua distinguitur ab omnibus rebus creatis, sed etiam in proprietatibus suis, maximè autem duabus, potentia, qua potest nos seruare, & misericordia, qua vult nos seruare. Hæc autè cordis apprehensionè in Dei nominibus & appellationibus exerimus, dū eum Iehouā, dum Deū exercituū, dū Deū Iahhako-
bi, dum aliis deniq; nominibus inter precandū eū appellamus. Notādū in petitione quòd eadē petitionē repetat. Ingeminatio hæc arguit seriū rei expetite desiderium, sine quo non est inuocandus Deus: desiderium enim cordis, fundamentum precum est quoddam necessarium. Hinc vehementes illæ & ingeminatæ petitiones, quas ipsas rursus necesse est Deum audire. Quòd si verò non sit desiderium cordis, petitiones non nisi ieunæ ac frigidæ existunt, quæ vicissim non nisi ieiunum ac frigidum responsum à Deo reportant, & iudicium magis quàm beneficium aliquod procurant. Non enim est cum Deo perfunctoriè agendum.

O scutum nostrum. Quoties petit, toties Deum honorificè compellat, id quod argumento est, singulas voces ex singulis cordis apprehensionibus existere. Homi-

*Dei ap-
prehensio
qualis esse
debeat.*

*Petitionis
ingemina-
tio quid
indiceret.*

*Honorifi-
ca Dei
compella-
tio, quid
significet.*

nes vulgò dum superiores potestates allo-
quantur, honorificos & crebros adhibent
titulos, verùm fictos eos sæpenumero. At
verò pij Deum suum honorificè compel-
lant, ex interiori cordis sinceritate, reue-
rentia, fide, dilectione. Ex sinceritate enim
cordis agere oportet cum Deo cordium
scrutatore, & probare ei non tam vocem
quàm animum: id autem fieri non potest
citra ipsius Spiritum. Nemo enim dicit,
Iesum esse Christum, nisi per Spiritum Sã-
ctum. *Aspice.* Vt priùs aurem, ita nunc ocu-
lum Dei exposcit, neque enim conquies-
cunt pij priusquam sentiant omnes quasi
sensus Dei sui in se occupari. vt enim qui
non sapiunt nisi mundana ista, non viden-
tur sibi viuere posse, nisi Principum huius
mundi aurem patentem sibi & oculum in
se defixum habeant: ita qui vitam illam
æternam quærunt, toti pendunt ex aure &
oculo Dei, qui solus Author est vitæ, & in
cuius facie est satietas gaudiorum.

*Piorum
celus &
ingenium.*

*Petitionis
argumen-
tum à so-
cietate pio-
rum lasi-
tia.*

Nam melior est dies vnus. Argumentum
est petitionis, à lætitia illa quæ est in Ec-
clesia Dei. Hanc tractat comparatè, &
exaggerat comparatione à minori, lætitiæ
illius quæ est in tentoriis improbitatis,
hoc est, quæ est extra Ecclesiam: extra quã
nihil est nisi improbitas. q. d. Maior est læ-
titia vnus diei in Ecclesia, quàm est mille
dierum

dierum lætitia extra Ecclesiam. Hinc concludit, ergò *Eligo frequentare limen in domo Dei*, &c. præfert igitur lætitiam vnius diei in Ecclesia lætitiae multorum dierum extra Ecclesiam. In causa est, quòd breuitatē temporis compenſet grauitas & pondus lætitiae illius spiritualis, quæ in Ecclesia est: Maioris enim ponderis est ac mouenti spiritualis illius lætitiae vel mica aliqua, quàm est vniuerſa huius mūdi lætitia. Nota, quòd si pauxillum temporis lætitiae spiritualis, inchoatæ duntaxat in Ecclesia hac militante, tot partibus superet totum illud tempus lætitiae quæ est huius mundi, quantum, obsecro, dicemus præſtare æternitatē lætitiae ipsius spiritualis, perficiendæ tandem in Ecclesia triumphante, præſtare, inquam, lætitiae huius mundanæ, quæ non niſi momentanea eſt? Nam totum hoc tempus huius lætitiae, ſi compareretur cum æternitate, quid aliud eſt, quàm momentū quoddam, & lætitia ipſa mundana, ſi compareretur cum cœleſti illa, quàm vana & leuis eſt? Compara igitur cum momentanea leuitate mundanæ lætitiae, æternum pondus excellenter excellentis gloriæ, vt cum Apoſtolo loquar, 2. Cor. 4.

Non dixit Propheta. *Magnam lætitiam*, quæ ſit in Ecclesia, cū cauſam attulit cur velit in Ecclesiam reduci: ſed compara-

Huius lætitia ſoliditas illuſtrior cum impiorum gaudio comparata.

Cur comparat de hac ſolida lætitia longatur.

ratè dixit. maiorem esse hanc lætitiã, quàm quæ sit totius mûdi lætitia: imò vnum diẽ huius lætitiæ prætulit mille diebus lætitiæ mundanæ: neque tantùm prætulit lætitiã hanc, quæ est in Ecclesia, lætitiæ illi quæ est in mundo: sed etiam mundana lætitia

Latitia repudiata, spiritualement illam elegit. Hic id-
Ecclesia eò obseruo non satis esse, si dicamus ma-
quo animo gnã in Ecclesia Dei lætitiã esse, nisi eã
considerã- etiam præferamus toti lætitiæ huius mun-
da. di. Neque rursus satis esse, si verbo eam

Moyse præferamus, nisi etiam eius delectum ali-
templum. quem in vita faciamus. Moyses elegit po-
 tiùs affligi cum populo Dei, quàm frui cõ-
 modis iniquitatis. Si igitur Moyses elegit
 afflictionem & miseriam Ecclesiæ, spretis
 voluptatibus planè regis, quantò magis
 debemus nos eligere lætitiã eam, quæ est
 in Ecclesia Dei, spretis intereã omnibus
 huius mundi voluptatibus: quàm profectò
 ipsam, nisi aliquo certè modo eligamus in
 hac vita, profectò plenam illam voluptatẽ
 quæ in altera futura est, nunquam pereipi-
 emus.

Ratio i- Quia sol & scutum. Ratio, cur eligat po-
stius dele- tiùs frequentare limen in domo Dei, à
ctus pio- Deo ipso & ipsius præsentia in Ecclesia
um. sua, tanquam Solis cuiusdam & scuti. Deus
 Sol quidam est, quia radius gratiæ suæ splẽ-
 det in cordibus nostris, vt loquitur Aposto-
 lus.

us.2. Cor. 4. Scutum autem est, quia prote- *Sol &*
 git ac tuetur Ecclesiam suam & à ma- *scutum*
 lis eam defendit : Nam extra Ecclesiam *Ecclesia,*
 nulla protectio, nulla salus, vt & nulla lux, *Deus.*
 nulla gratia. Sed voces has metapho-
 ricas verba sequentia exponunt, qui-
 bus dicitur *primum*, *Dat Iehoua gratiam,*
& gloriam: ideo enim Sol dictus est. *Dein-*
de additur : *non cohibet bonum ab iis qui*
ambulant in integritate : hoc est, verè ac
 re ipsa ex Ecclesia sunt, sed subaudi arcet
 ac cohibet malum ab Ecclesia & Eccle-
 siæ membris, ideo enim scutum dictus
 est. Nota, qui demum illi sint, qui eligunt *Qui sine*
 habitare in domo Dei, siue in Ecclesia: ni- *veri sa-*
 mirum ij sunt soli qui Solem illum in Ec- *pienses.*
 clesia splendèntem, & scutum illud quod
 Ecclesiam protegit, intuentur. Alij autem,
 quibus non affulsit ille Sol, & quos non
 protexit illud scutum, tantum absunt ab
 eo vt velint habitare in Ecclesia Dei, vt è
 contrà ab Ecclesiæ & Sanctorum societa-
 te totis animis abhorreant. Permagni igi-
 tur interest, semel aspexisse illam Dei in
 Ecclesia sua præsentiam.

13 O Iehoua exercituum, beatus homo, qui
 fiduciam habet in te.

Iehoua, beatus homo. Conclusio precatio- *Conclu-*
 nis epiphonematica, in qua David consi- *sio pathe-*
 derata illa Dei in Ecclesia sua præsentia, *rica &*
epiphone-
matica.

*Verus re-
rum iu-
dex.*

beatum prædicat eum, qui cōfidit in Deo, hoc est, qui in Ecclesia est, fruiúrque illa Dei in Ecclesia sua præsentia. Qui igitur intuetur Deum in Ecclesia sua præsentem, non tantum ipse eligit habitare in Ecclesia, sed & beatum eum iudicat, quicumque per fidem in Deum & charitatem, ad Ecclesiam sese aggregat, atque is quidem solus est veræ felicitatis ac miseriæ humanæ iudex, qui Dei in Ecclesia sua præsentiam videt: is enim ex ea Dei præsentia, de hominis vel felicitate vel miseria iudicat, & verè quidem iudicat. Deo igitur in Ecclesia sua per Christum Iesum sit omnis gloria in sæcula sæculorum; Amen.



PSALMVS CXVI.

Argumentum.

Psalmi huius partes sunt quinque. *Primum*, 2. morem suum erga Deum proficitur, eiúsque rei causam addit & amplificat ad vers. vsque 7. *Secundò*, per fidem gloriatur cum anima sua. *Tertiò*, cum Deo gloriatur, ad vers. vsque 10. *Quartò*, proficitur infirmitatem suam quæ aliquando fuit, idque per comparisonem fidei quæ tum fuit, ad vers. vsque 12. *Quinto* loco, consilium capit gratias agendi Deo.

1 *Dilige Iehovam, nam ex audit Vocem meam, deprecationes meas.*

2 *Nam*

2 Nam inclinauit aurem suam mihi,
cum in diebus meis inuocarem ipsum:

3 Et circumdantibus me doloribus mortis,
angoribusque sepulchri obuenientibus mihi,
angustiam & mœrorem inueniens,

4 Nomen Iehoua inuocarem, dicendo: ob-
secro Iehoua, libera animam meam:

5 Gratosus Iehoua & iustus: Deus, in-
quam noster misericors,

6 Seruans simplices Iehoua, cum attenua-
tus sum mihi confert salutem.

Diligo Iehouam. Prima pars psalmi ut di- ^{Prima}
ximus, in qua profitetur eam qua Deum ^{pars psal-}
prosequitur dilectionem. Est autem dile- ^{mi.}
ctio affectus quidam in corde quo, quis ex
petit *κοινωνίαν* & cōiunctionem eius quod ^{Dilectio}
diligat, quicquid demum illud sit. Quod si ^{quid sit.}
autem amor alicuius erga aliquem arden-
tior sit, tum sanè, is qui diligit optat vnum
fieri, & quasi vnum hominem cum eo quē
diligat. Paulus vim istam dilectionis, ex-
pressit, cum dixit, Os meum patefactum est
erga vos, Corinthij, cor meum dilatatum est:
Non habitatis angustè in nobis, habitatis an- ^{2. Cor. 6.}
gustè in visceribus vestris. Quibus quidem ^{11. 12.}
verbis, innuit per affectum amoris sui erga
Corinthios ita dilatatum fuisse cor suum
ut eos quasi intra se & in gremium cordis
sui receperit, & vnum quasi cum eis eua- ^{Dilectio}
serit. Dilectio Dei est qua expetimus ^{Dei.}

2. Cor. 5. *κοινωνίαν* & coniunctionem cum Deo.
 6. Paulus ait, *dum peregrinamur à Domino, confidimus quidem, sed approbamus magis migrare è corpore, & ire ad Dominum habitatum.* Vnde hæc approbatio Pauli? nimirum ex illo amore Domini sui, qui ut ibidem vers. 14. loquitur, ipsum constringebat, & eum perpetuò propius ad Dominum ferebat, atque ea causa est cur suspirantes expectemus aduentum Christi: Amor enim quo Christum amplectimur, expetit illam cum Christo coniunctionem.

*Dilectio-
nis Dei ef-
fectum.* Est præterea quod in amore isto requiritur, nempe, ut propter amorem Christi lubenter velimus amittere quæcunque chara habemus in hac vita. Sic Christus ipse apud Lucam, *Si quis venit ad me & non odit patrem ac matrem, fratres, sorores, uxorem & liberos, atque etiam ipsam animam suam, non potest esse meus discipulus.* Quibus verbis significat Christus redimendam esse dilectionem sui, vel odio rerum quarumque charissimarum, si non aliter ea obtineri possit. Atque hic quidem fuit amor Davidis quem profiteretur hoc loco. Eiusmodi debet esse *Consolatio
summa.* amor nostrum omnium qui eundem cum illo Deum profiteamur. Atque eò quidem felices sumus maximè, quoniam Deum illum Abrahami, Isaaci, Iahhakobi, Davidis Patrem

Patrem Domini nostri Iesu Christi habeamus, quem amemus, quem colamus.

Nam exaudit. Argumentum est dilectionis à beneficio liberationis suæ, ex quo extitit serius quidam sensus misericordiæ erga ipsum diuinæ. Nota igitur perpetuò agnitionem bonitatis Dei, & sensum misericordiæ ac amoris ipsius erga nos, præcedere dilectionem nostram erga ipsum. *diliget nos*, inquit Iohannes, *non quia nos dileximus ipsum priores.* Impossibile enim est ut quisquam diligat Deum, nisi iam prius charitas illa Dei in Christo Iesu effundatur in corde ipsius per Spiritum Sanctum. David ubique locorum proficitur amorem suum erga Deum, eius continuò rationem reddit ex Dei erga ipsum misericordia. *Ex intimis visceribus*, inquit, *diligam te.* Et quæ ratio? *Iehoua*, inquit, *firmitas mea, Iehoua petra mea & propugnaculum meum, &c.* quibus quidem verbis innuit causam cur ipse tantopere diligat Deum, esse Dei in ipsum misericordiam. Quòd si Deum volumus diligere (nisi autem eum diligamus misericors) sed si Deum volumus diligere, nulla re magis opus est quàm obseruatione diligèti omnium eius beneficiorum, quibus nos perpetuò accumulatur. Sunt enim ea totidem amoris eius erga nos testimonia.

Diximus autem amorem Dei erga nos,

*Dilectio-
nis argu-
mentum
à liberatio-
nis suæ be-
neficio.*

Ioan. 4.

19.

Rom. 5. 5

*Psal. 18. 2.
&c.*

*Benefi-
ciorum
Dei erga
nos cōside-
ratio dile-
ctionem
erga eum
acuit.*

causam esse amoris nostri erga ipsum. Quare, ad hoc ut Deum ex animo diligamus. notanda sunt à nobis singula, quoad eius fieri potest, beneficia. Nam profectò quòd non exardescant corda nostra eo quòd debent erga Deum amore, inde est quòd beneficia eius in nos, præsertim verò illud maximum omnium Redēptionis in Christo Iesu beneficium, tam securè intueamur: dum enim non ponderantur eius beneficia, non est amoris eius erga nos sensus. Cùm autem non est amoris eius sensus erga nos, quì potest fieri ut nos diligamus eum, nō prius prouocari dilectionis ipsius sensu aliquo? *Exaudi deprecationes.* Igitur preces antecesserunt Dei beneficium & misericordiæ ipsius sensum. Nam his quasi gradibus peruenitur ad dilectionem Dei. Primum, petimus à Deo beneficium aliquod siue temporarium illud, siue spirituale: Deinde posteaquam assequuti sumus beneficium, sentimus misericordiam ac amorem Dei erga nōs, tanquam fontem, ex quo beneficium illud emanauit. Denique, ex sensu amoris Dei erga nos, existit amor noster vicissim erga eum. Quamobrem ad hoc, ut quis seriò diligat dominum, assiduæ debent esse preces. Nam, ex assidujs precibus & supplicationibus, assidua ad nos perueniunt
Dei

Dei beneficia, quæ totidem sunt amoris illius erga nos in Christo Iesu testimonia.

Nam inclinavit. Proximam rationem *Fusior explicatio* dilectionis suæ fusiùs explicat, in eaque *proxima* amplificanda cōmoratur ad versum vsque *rationis,* 7. *de dilectione sua.* In diebus meis. Dies intelligit, afflictionis & angustia, vt sequens versus exponit. Eo sensu accipitur Diei vocabulum, Psal. 137. Recordare contra Idumæos diei Hierusalaimorum, id est afflictionis, qua Idumæi Ecclesiam affecerunt. Sic Lament. Ierem. 121. Nam tempora in quavis lingua *μετονομαζῶν* pro miseriis in temporibus accipi solent. Videmus igitur hoc loco afflictionem impulisse Dauidem ad preces. Nam sensus miseriæ excitat petitionem misericordiæ. Neque seriò precatur Deum quisquam, nisi quem mouet miseria sua. Vide igitur primùm fontem dilectionis illius quam proposuit, nimirum miseriæ suæ sensum, hinc preces, ex precibus rursum beneficiū liberationis, ex beneficio sensus amoris ac misericordiæ diuinæ, ex sensu amoris ac misericordiæ diuinæ amor noster vicissim in Deū. Hic igitur beatitatis nostræ primus gradus est, vt scētiamus ipsi quā miseri sumus: & bonū est affligi. Bonū est, inquit Dauid, mihi, quòd humiliasti me. Vide afflictionū effecta, Rom. 5. *Oppressio.* inquit, *efficit patientiā, patientia verò ex-*

perientiam, experientia autem spem. porro spes non pudefacit. Et si enim radix amara videatur, tamen producet tandem suaues fructus. Vide Heb. 12. 11.

Planior Et *circundantibus.* Rursus quod dixit proximè planius declarat. *Primum* autem ob oculos nobis ponit discriminē illud præsens in quo constitutus fuit. *Deinde*, ex discrimine & periculo, dolorem suum. *Tertiò*, post dolorem liberationem. Hæc autem habemus ad vers. vsque 7. *Primum* itaque depingit nobis periculum his verbis. *Et circumdederunt me.* quibus verbis innuit extremum & præsentissimum periculum, vide 2. Sam. 22. 5. & Psal. 18. 5. David in hoc periculo & angore constitutus, prope in desperationem quandā actus est. Nā, ut postea videbimus vers. 11. erupit in voces infidelitatis, & Samuelem mendacij insinulauit, quasi regnum Israël non ex Dei Spiritu, sed ex sensu humano ipsi promississet. Vnde discimus quanta sit vis afflictionum & doloris etiam in piis. Neque temerè iudicandum esse de dolore ac impatientia hominum, cum affliguntur grauius & exercentur manu Dei. David conquerebatur alibi, *Cum silerem*, inquit, *inuetrascebant ossa mea, in rugitu meo toto die: ubi* profitetur se ad tempus in afflictionibus rugisse potiùs more leonis, quàm hu-
manam

*priorum
distorum
explica-
tio.*

*Vis affli-
ctionum
& dolo-
rum.*

Psal. 32. 3.

manam vocem edidisse. *Angustiam, &c.*
his verbis dolorem suum qui fuit ex præ-
senti periculo exponit.

Nomen Iehouæ. Hic habemus liberatio-
nem ex periculo post dolorem. Primùm au-
tem docet se inuocasse nomen Iehouæ, at-
que prima hæc gratia fuit, & præparatio
quædam ad liberationem sequentem. Nā
profectò si comparemus donum hoc præ-
câdi, cum liberationibus temporariis qui-
buscunque, maius quoddam donum est
Spiritus precum, quàm sunt omnes libe-
rationes istæ temporariæ: & qui Spiritum
precum in afflictionibus & periculis con-
sequutus est vel solum, is plus obtinuit à
Deo, quàm si vitam hanc & omnem libe-
rationem temporariam fuisset conse-
quutus: & certum est eum, cui Deus dede-
rit Spiritum illum quo precetur, non fru-
strâ precaturum, sed consequuturum libe-
rationem, vel temporariam, vel æternam.
Vnde Paulus Rom. 8. certitudinem futuræ
gloriæ ex eo probat, quòd Spiritus inter-
pellet pro nobis suspiriis inenarrabilibus.
Summam petitionis Dauidis comprehen-
sam hic habemus.

Obsecro, inquit, Iehoua, libera animam meam. Ergo petit liberationem. Nota igitur,
cùm Dauidem premeret afflictio ex-
teriùs, interiùs autem dolor, hoc est, non

*Liberan-
tur p̃j tã-
dem ex
oppressio-
nib. suis.*

*Spiritus
precum,
thesaurus
pretiosissi-
mus.*

*Libera-
tionis
petitiõ.*

bono in statu essent res eius, neque bona esset animi ipsius constitutio, tum deus ita constitutum & affectum dauidem non voluit tolli è medio. Nam si mors eum sic affectum oppressisset, profectò non tantùm præsens vita, sed & futura in discrimen adducta fuisset. Verùm, priùs misso Spiritu suo correxit animum interiùs, & flexit ad preces, deinde è periculo eum liberavit. Nota igitur, pios sæpe in extremum discrimen adduci, neque tantùm exterius, sed etiam interiùs malè habere, atque in desperationem aliquam nonnunquam agi, in qua iam constitutis iis, si deus vitam hanc ipsis eriperet, vel opprimi eos sineret, periclitarentur de altera vita. Verùm, ita cum suis solet agere Deus, ut non nisi bene certo quodam modo affectos animo, & suo Spiritu instructos de vita hac auferat: cùm è contrà impios malè affectos, & in desperationem actos, sinat perire non conuersis ad se eorum animis ante extremum spiritum. Secundò obserua: videmus hîc extremum refugium dauidis esse Deum. Boni & Mali pariter obnoxij sunt calamitatibus huius vitæ: priusquam ventum est ad extremum discrimen, superiores videntur esse Mali. Nam quæ huius mundi sunt omnia illis ferè ad manum sunt, plurimas habent e-

uasiones:

*Piorum
tentatio-
nes.*

*Dei erga
suos cha-
ritas.*

uationes: vbi verò ventum est ad extremum, & cùm deficiunt huius mundi adiumenta omnia, tum longè superiores illis sunt boni & quotquot deo confidunt. Nam deus illis effugium est. Impij autem in desperationem aguntur.

Gratiosus Iehoua. Sequitur effectum petitionis dauidis, liberatio è præsentis periculo. Cùm, inquit, attenuatus sum, deus mihi confert salutem. Non effertur hoc ieiunè ac nudè, sed Deum suum describit congruenter instituto, primùm à gratia, iustitia & misericordia sua, deinde à generali effecto harum causarum. *Gratiosus.* *Dei des-*
criptio.

dicitur deus *gratiosus*, quia ex gratia sua mera, sine merito hominum, cōfert in nos beneficia omnia. *Iustus* dicitur, quia verus est ac fidelis in promissionibus suis. Nam *Gratiosus.*
Iustus.

iustitia, si quando iungitur cum liberatione, vt cùm dicitur Deus iustus quia liberat nos, tū fides est in promissionibus: vt Psal.

31. 2. *In iustitia tua libera me.* & Psal. 51. *Libera me à sanguinib. ô Deus, Deus salutis meæ,*

& cantabit lingua mea iustitiã tuam. Postremò *Miseri-*
cors.

misericos est, quia respicit miseriam afflictorum. Misericordia enim ad miseriam refertur.

Seruans simplices. Hoc illud generale effectum est ex superioribus dei proprietatibus.

Simplices hoc loco sunt destituti humana ope & consilio, & qui interim

Seruans simplices.

simplici animo committunt sese Deo.

*Vfus de-
scriptio-
num Dei
quæ in
scripturis
occurrūt.
Ephel.
2.4.*

Descriptio ista Dei accommodata est sequenti effecto liberationis Davidis. Nā pij illi viri, si quādo mentionē fecerant diuini alicuius effecti, Deū efficiētē descripsērūt, prout effecto cōueniebat, & vel iustū, vel potentem, vel sapientem, vel misericordem compellarunt. Paulus dicturus de viuificatione, tam Iudæorum quàm Gentium, Deum ex viuificationis causa, nempe misericordia sua, primū descripsit. *Deus, inquit, qui diues est misericordiā, propter multam suam charitatem, qua dilexit nos, viuificauit nos vnā cum Christo:* nimirum, viuificationis beneficium diligenter considerauit, & penitus animo percepit.

*Ingenium
piorum,
de Dei ef-
fectis cogi-
tantium.*

Hinc, ad causam ipsam, nempe dei misericordiam, ascendit. Nam qui de effectis dei seriō cogitant, illi etiam de causis effectorum quæ in deo sunt, non min⁹ seriō cogitant, deūque in his glorificant.

Omniñōque, pro vt quisque ponderat dei effecta & beneficia, ita dei ipsius apprehensionem habet vel leuiorem vel grauiorem: adeò vt vel ex ipsa dei appellatione deprehendas quantum opere commouean- tur homines dei operibus, si quando de iis loquantur. Nā si interea dum de operibus dei loquuntur, deum non nominant ea eū reuerentia qua debent, profectò id argu-

mento

mento est, Dei operum leuem duntaxat apprehensionem esse.

7 Redi, anima mea, in requiem tuam, cum Iehoua beneficus sit erga te.

8 Quandoquidem eripuisti me ipsum à morte, oculos meos à lachrymis, pedem meum à lapsu.

9 Continenter ambulabo coram Iehoua, in regionibus uiuentium.

Redi, anima mea. Secunda pars Psalmi, *Secunda pars Psalmi, gloria-* gloriatio fidei, tum apud animam suam, tū *mi, gloria-* apud Deum: ac primū gloriatur apud a- *tio pia a-* nimam suam, Redi, inquit, anima mea in *psum,* requiē tuam. Requiem hanc siue pacem op-
ponit angustiae & mœrori, de quo suprā
verf. 3. q. d. Ne ampliuste perturba, ne in
mœrore esto, sed iam tandem requiesce.
Causa addita est, *Nam Deus beneficus est ti-*
bi. Est igitur ratio, à præsenti Dei benefi- *De effica-*
cio. Quæri potest hoc loco, An Dei bene- *cia fidei*
ficiū tranquillet animum hominis per- *et spei,*
turbati? quodd si ita sit, quæ est efficacia fi-
dei siue spei quæ est rei absentis? Respon-
deo, cum duo sint, fides, sub qua spes, &
præsens rei fruitio: fides quidem multum
virium habet ad tranquillandum & pacā-
lum animum perturbatum. Verū, rei i-
osius præsentia plus virium habet, ad eam
efficiendam. Fides quidem, quæ respi-
cit vitam illam futuram, & quodammodo

præsentem exhibet, ministrat, fateor, pacem
omni cognitione superiorem. At verò
quanta erit pax ista, cùm vita illa futura
plenè perfectèque fruemur?

*Libera-
tionis &
omnis be-
neficij au-
thor, Deus.*

Illud non est silentio prætereundū, quod
Iehouam nominet huius beneficij & libe-
rationis authorem. *Iehoua*, inquit, *beneficium
est tibi.* Non dixit, nudè ac ieiunè, anima
suæ, quia liberata es è præsentis periculo
sed Deum authorem liberationis nomina-
uit. Hinc illa requies: plus enim quiddam
est Deus ipse author omniū beneficiorū
& plus viriū habet conscientia Dei autho-
ris, ad pacandum animum, quàm haben-
omnia Dei beneficia. Nā (si propriè loqua-
mur) nō tam donum ipsum quàm animu
dantis beneuolus pacat animum nostrum

*Fallax
& Vera
Pax.*

Fallax est illa pax quæ est ex beneficiis dū
taxat his temporariis ac mundanis, cuius
modi fuit diuitis illius, qui postea quan-
horrea ipsius amplificata ac impleta essent
promisit animæ suæ pacem omnem ac feli-
citatem in posterum. Nam quid tum audi-
uit, *Auferent*, inquit, *ô stulte animam tuam
à te hac ipsa nocte.*

*Luc 12.
20.*

*Tertia
pars Psal-
mi gloria-
tio apud
Deum.*

Quādoquidē. Nūc gloriatur apud Deum
q.d. nō peribo nunc, sed viuam inter viuos
hoc n. est quod ait, *Continenter ambulabo in
terra viventium*, neque id modò dicit, sed
viuam, inquit, *coram Iehoua*, hoc est, rectè
& in-

& integrè viuam, sic vt vita mea glorificetur Deus. Neque abs re hoc adiectum est. Nam nisi coram Deo ambulemus in hac vita, dum viuimus mortui sumus, vt Paulus loquitur de vidua illa quæ in luxu viuit: 1. Tim. 5. *Viuens. inquit, mortua est.* Argumētum autē ^{6.} gloriationis suæ petit ab ipso Dei dono, quod tribus gradibus amplificatur. *Eripuisti, inquit, me ipsum à morte* : neque id modò, sed, *liberasti me ab omni dolore*, neque id tantum, sed *liberasti me ab omni impedimento*, quod quouis modo mihi posset dolor accersere.

Disce hoc loco, *primùm*, non esse materiam gloriationis nisi in Dei sola gratia ac ^{De materia vera gloriationis} in solo Deo. Vbi, inquit Paulus, *est gloriationis tua? exclusa est, per quam legem? Operum, imò nis.* ^{Rom. 3. 27.} *per legem fidei.* Quo significat nullam oportere gloriationem esse in operibus nostris, ne in operibus quidem regenerationis. Nā ipse Abraham reginitus non habuit quod in operibus gloriaretur apud Deum. Opera enim regenerationis nuper facta sunt omnia : quare qui gloriarì cupit, in solo Christo eiusque merito gloriatur. ^{Fides primum sub lege, scopum habuit} *Secundò.* obserua, Dauid hîc loquitur de liberatione sui tanquā plena perfectâque. Atque ^{Christum, & gloriam Dei in vita aterna.} postea expositus est multis magnisque periculis, & in dolore fuit. Quamobrè necessè est hîc aliam liberationē aliâmq; vitâ,

q̄ hāc pręsentę, respexerit. Neq; n. verisimile est tam piū virū tantopere gloriatum de vita hac temporaria, in qua nulli vnquā pij viri conqueuerūt. Verūm vt dicā de patribus illis qui ante Christū vixerūt, ij quidē perpetuò sub figuris, & quasi vmbreis rerum temporalium, respexerunt res æternas, & in liberationibus, ac beneficiis quibuscunque temporariis, introspexerunt quasi æternam illam Redemptionem, spiritualia ac cœlestia omnia. Et ferè temporaria ista omnia & terrena dabantur eis, tanquam vmbraę benedictionum spiritualium in Christo Iesu. Nobis autem temporaria beneficia omnia totidem arrhabones esse debent spiritualis illius ac cœlestis vitę plenęque Redemptionis, quam tunc assequemur, cū Christus secundo venerit.

IO *Credidi cū hac loquerer, ego fatus fueram supra modum.*

II *Ego dixeram accelerando, Omnis homo est mendax.*

Quarta pars, confessio propria infirmitatis & incredulitatis. *Credidi cū hac.* Quarta pars Psalmi in qua profitetur infirmitatem adeo que incredulitatem suam priorem, eamque comparatione pręsentis fidei illustrat. Sensus est, cū sic gloriarer, partim apud animam meam, partim apud Deum, triumphauit in animo meo fides. Paulus ad se applicat hęc Prophe-

Prophetæ verba, & ad hunc modum reci- 2. Cor. 4.
tat. *Credidi*, inquit, *Idéoque loquutus sum*, vo- 13.
bis, ô Corinthij, de vita illa spiritali ac
æterna, fretus hac fide vel fiducia, quòd i-
pse ego aliquando à morte resurrecturus
sum. Nam quæ quis loquitur aliis de Deo,
de Christo, de beneficiis ipsius, primò o-
mnium ipsi credenda sunt, hoc est appli-
canda sunt animo loquentis: sic enim futu-
rum est, quemadmodum loquitur Aposto-
lus, vt maiori in loquendo libertate ac cui-
dentia vtatur. Cùm ait tibi, talem spem ha- 2. Cor. 4.
beamus, hoc est fiducia ex tã glorioso Mini- 13.
sterio, multa in loquendo libertate vtimur.

Ego fatus. Hactenus de fide sua in præ-
sentia, sequitur infidelitas ac infirmitas,
quæ aliquando fuit, quamque illustrat præ-
senti sua fide. primùm his verbis est pro-
positio illorum sermonum, qui ex infirmi-
tate profecti, modum exsuperarant. *Ego*
dixeram. Explicatio propositionis, q. d.
subita perturbatione carnis abreptus dixe-
ram. Sic loquutus est Psal. 31. *Ego dixeram*
in festinatione mea. Omnis homo. Hæc sunt
verba illa ex perturbato animo profecta.
q. d. Nunc video fidem non habendam ho-
minibus, ne ipsis quidem Prophetis. Sa-
nuel enim indicauit me ad regnum Israe-
lis peruenturum esse. Nunc autem re ipsa
superior eum non Dei Spiritu propheti-

cè, sed suo sensu humanitùs ac mendaciter loquutù esse. Sic David, ex infirmitate, nō Deū apertè, sed Samuelē perstringebat mēdacijs, quasi Dei volūtātē nō satis explorasset, sed trāsiliisset limites vocatiōis suę. Sic Psal. 31. 23. ex p̄turbato animo erupit in hāc vocē, *Excisus sum è cōspectu oculorum tuorū.*

*Variis fidelium
status in
vita mor-
tali.*

Vides igitur quo in statu sint res fidelīū dū hīc viuūt. Nūc quidē prę infirmitatē detru-
dūtur vsq; ad inferos, nūc verò rursus fide
euehūtur vsq; ad cōelos: verūm fidei demū
est victoria. David posteaquā ex infirmitate
pene blasphemauit, ex fide deinde triū-
phauit. Fieri quidē potest vt in primo con-
flictu superiores quasi partes habeat caro,
& vt loquitur Apost. Rō. 7. Lex mēbrorū ca-
ptiuū reddat hominem legi peccati quod
est in membris. Attamen id sentiunt in se
fideles perpetuò, postremam victoriā esse
Spiritus Sancti, quod profectò argumento
est carnem tandem aliquando penitus pro-
fligandam esse, & victoriā penes Spiritū
plenam perfectāque futuram. Non est
interim hoc prættereundum hīc, quòd Da-

*Pugna
spiritalis
essentia-
lis.*

uid prodat gloriando insignem fiduciam,
nimium quia magna fuit antea infirmi-
tas. Nam in conflictu carnis & Spiritus,
quò magis deicitur quis sensu infirmitatis
suę, eò magis attollitur per fidem: quo ma-
ior dolor in luctu, eò maior lætitia & gau-
dium

diū per Spiritum Sāctum post luctām. Postremò, id videndum est, quòd dicit accelerando ista à sese dicta, hoc est ex subito quodam carnis motu. Ex quo nota discrimen inter infidelitatem eam, in quam nonnunquam incidūt pij, ac infidelitatē impiorū & cōtumacium. Pij nōnunquā ex subito carnis motu & infirmitate diffidūt. Sic Petrus ex infirmitate abnegauit Dominū. At in ipsa (vt sic loquar) diffidentia aliquē dolorē sentiunt, neque securè adeò diffidunt, quin in has voces nōnunquam erumpant,

Incredulitas duplex, pro ratione incredulorum.

O me miserum, quis me liberabit à corpore mortis huius! Impij cōtrā, non ex subito aliquo carnis motu & infirmitate, verū ex cōfirmata malitia diffidūt Deo, vt ij fecerunt qui Christi opera Diabolo adscripserunt, & Hæretici omnes, qui posteaquam conuicti sunt Scripturæ testimoniis, malitiosè tamen resistunt veritati. Atque hinc est quòd cū impij, qui ex malitia diffidūt, rarò misericordiā cōsequātur: Pij, qui ex infirmitate carnis diffidunt, resipiscāt, & misericordiā inueniāt. Hæretici rarò conuertuntur: Petrus conuersus est, David misericordiā assequitur, vt hoc psal. & psal. 31.

12 Quid rependerem Iehouæ? omnia beneficia eius superant me.

13 Poculum omnis salutis acceptum exhibebo, & nomen Iehouæ predicabo.

14 *Vota mea Iehoua rependens, mox coram toto populo eius dicendo.*

15 *Pretiosa est in oculis Iehoua mors intentata iis quos ipse benignitate prosequitur.*

16 *Obsecro, Iehoua, cum ego sim seruus tuus, sim seruus tuus, filius ancilla tua, solueris vincula mea, pretiosa sit vita mea.*

17 *Tibi sacrificabo sacrificium gratiarum actionis, & nomen Iehoua predicabo.*

18 *Vota mea Iehoua persoluam, mox coram toto populo eius.*

19 *In atriis domus Iehoua, in medio Vestri Ierusalaima. Halelu-lah.*

*Postrema pars con-
sinens cō-
siliū de
gratiis Deo
agendis.*

Quid rependerem. Quinta pars Psalmi, in qua consilium capit de gratiis Deo agendis. In deliberatione significat ac profite-
tur, se imparem esse tot tantisque ei bene-
ficiis compensandis. q. d. non est penes me
rependere Iehouæ, beneficia enim eius ma-
iora sunt quàm quæ à me compensari pos-
sint. Proponit igitur *primū*, non posse se
rependere Iehouæ, hoc est compensare i-
pſius erga se beneficia. *Deinde*, rationem
reddit ex magnitudine beneficiorum Dei.

*Qua ratio-
ne nitatur
istud con-
siliū.*

Considerata enim beneficiorum Dei im-
pari magnitudine, ex parte vna: ex parte
autem altera, considerata impotentia ac
tenuitate sua: victus incomparabili bene-
ficiorum Dei magnitudine, anxius quærit,
& quodam modo exclamat, *Quid repen-
derem*

derem Iehoua? quasi dicat, Non est penes me, tot tantæque Dei beneficia compensare. Ergo argumentum est, non tantum à magnitudine beneficiorum Dei, sed etiam ab impotentia, tenuitate, & (vt sic dicam) paruitate sua. Vno verbo, ex eo est argumentum, quòd nulla sit analogia & proportio inter se suasque vires & Dei beneficia. Nam quæcūque officia hominis erga Deum, tantum absunt ab eo, vt mereantur de Deo aliquid, vt imparia sint beneficiis illis à Deo acceptis, compensandis.

Quæ igitur insania est eorum, qui putant se operibus suis non tantum rependere Deo, hoc est, compensare collata iam beneficia, sed etiam demereri noua, præsertim maxi-

Nouorum pharisaorum insania, refellitur.

ma illa, iustitiam & vitam æternam? Discimus hîc rursus eam esse liberalitatem Dei erga nos, quæ non expectet mutuam & parem compensationem à nobis: imò quæ ne possit quidem. Id enim argueret Deum bono nostro indigere, at Deus in seipso perfectissimus est, ad cuius beatitatem nihil addi potest, & de cuius felicitate nihil demi potest. Constitit enim ipsi gloria sua & felicitas, ante iacta mundi fundamenta.

Glorifica me, Pater, inquit filius Dei, ea gloria quam habui apud te, ante iacta mundi fundamenta. Et idem alibi, *Ego gloriam ab homine non capto.* Creaturæ in eo vel felici-

Ioan. 17.

Ioan. 14.

5.

*Creatura
felicitas.* tas vel miseria posita est, quòd vel glorifi-
cet vel non glorificet Creatorem ac Redē-
ptorem suum. Hæc autem Dei liberalitas

*Dei libe-
ralitas
quid nos
doceat.* nobis proposita est ad imitationem, vt de-
mus mutuò, nihil inde exspectâtes. Inter-
eà illud nobis nō est prætermittendum, eā

*Sacrificij
Christi di-
gnitas.* esse magnitudinem ac dignitatem sacrifi-
cij Christi, quæ nostra causa ac vice non
modò compenset omnia Dei beneficia,
sed etiam de Deo mereatur nō solum vul-
garia ista beneficia, sed etiam quæ longè
maxima sunt, iustitiam ac vitam æternam.

Hic si quæzratur, annon hoc fuit superbi a-
nimi, vel semel conari par pari Deo repen-
dere? Respondeo, Dauidem non tam co-
natū Deo rependere his verbis, quàm sub-
misso animo professum esse, quàm nullis
fuerit viribus, quā impar ad cōpensandū.

*Humili-
tas Vera
fidei.*

Poculum omnis. Hactenus, addūbitatio
fuit, & interrogatio: sequitur responsio &

*Tandem
fides tri-
umphat,
Deo glo-
riam tri-
buens.*

quasi resolutio, qua, post deliberationem
& addubitationē, concludit apud animum
suum Deos gratias repēdere: hoc enim so-
lū est quòd potest facere: imò ne id quidē
potest facere sine Dei gratia. *Primum* itaq;
proponit se gratias acturum Deo: *Deinde*,
formam gratiarū agendarū in mediū affert,
hoc est formulā precū, qua apud Deū vsu-

*Proposi-
tio pia,*

rus est, *Postremò*, gratiarū agendarū propo-
sitionē repetit atq; cōcludit. *Propositio est*

his

his verbis, *Poculum omnis salutis*. Vt hanc propositionē intelligamus, opus est nōnihil repetamus ex historia quæ est 1. Chron. 15. vbi post introductam à Davide arcā in urbē Hierosolymitanā, duo eū fecisse legimus: primū holocausta & *εὐχαριστία* sacr- *Huius par*
 ficia Deo obtulisse: secundū, epulū sacrum *tes.*
 fecisse populo ad recordationē beneficio-
 rū à deo acceptorū. Hoc igitur loco pro-
 ponit se utrūque illud facturū. Nam quod
 ad conuiuiū attinet, *Poculum*, inquit, *omnis Poculum*
salutis acceptum exhibebo, hoc est, epulū sa- *salutis.*
 crū faciā populo, in recordationem omniū
 liberationū mearū, & poculū propinabo
 omnib. bibēdū in ppetuā liberationū mea-
 rū memoriā. Deinde, quod ad holocausta & *Holocausta*
εὐχαριστία se illa oblaturum proponit his *et eucharisti*
 verbis, cū, inquit, *Nomen Iehouæ predi- ca.*
cabo, vota mea Iehouæ rependens, &c.

Quod ad vota: hoc tantū de iis admo- *De votis*
 nemus, infirmitati nostræ subseruire. *locus.*
 Primū in periculis confirmant fidem libera-
 tionis: vbi enim voto nos obstrinximus
 deo nostro, tum spē liberationis certio-
 rem concipimus. Deinde ad gratiarum actionē
 magis nos excitant, postquā iā liberati su-
 mus. Nā voto obligati, necessitatem quan-
 dam nobis impositā esse sentimus, ad gra-
 tias deo agendas. In votis cauēdum est im-
 primis, ne sint de rebus illicitis, & pei ver-

bo non permissis, qualia sunt hodierno die illa Papistarum & Monachorum, quibus Deo non seruiunt, sed Deum tentant: infirmitatem suam non subleuant, sed maius onus illi imponūt: cuiusmodi votum, inter cætera est, illud de cælibatu.

Agnitio impotentia nostre præcedere gratiarum actionem. Quodd observandum occurrit primùm hoc loco, illud est, quodd primū agnoscat, quàm nulla sint ipsius officia in Deum præ magnitudine beneficiorum Dei: deinde ad gratias agendas descendat: quo quidē ordine monemur agnitionem impotentiæ nostræ qua impares sumus Dei in nos beneficiis compensandis, antecedere seriam gratiarum actionem. Neque enim is vnquam serid & ex animo gratias egerit cuiquam pro beneficio accepto, qui opinione quadam virium suarum, quibus beneficiū re ipsi compenset, ductus fuerit. Vir potens aliquis, cum aliquid beneficij acceperit ab impotentiore & paupere, non dignatur hominem gratiarū aliqua actione: existimat enim posse se nō solū par, sed etiam plus rependere, cum lubitum fuerit. Cōtrā, pauper aliquis accepto à potētiori beneficio, conscius sibi inopiæ suæ, quodd nullis sit ad compensandum viribus, id quod solū potest facere, verbo gratias agit. Phariseus ille qui vnā cum Publicano ascendit ad templum, vt Dominū precaretur, precatus quidem

Confirmatio sententia, à simili.

Ab exemplo.

quidem est in hæc verba, *Ago tibi gratias, quòd non feceris me similem aliis iniustis, rapacibus, mæchis, neque huic etiam Publicano,* (hominem enim procul stantem digito demonstravit) tum addidit, *ieiuno bis in hebdomade, decimas persoluo.* Non solum gratias agere voluit ob beneficia à Deo accepta, sed etiam cum Deo rationem inire voluit dati & redditi: quasi verò ipse etiam beneficia illa quæ à Deo data esse commemoravit, officiis suis erga Deum compensauerit. At quid effecit huiusmodi gratiarum actione? quid profecit? re infecta dicit Christus eum domum rediisse: Vt discant omnes, inter agendum gratias Deo, non præfidere interea merito suo: neque iustitiam suam apud Deum venditare, quasi ipsi iustitia sua non modò cõpenserent Dei in se beneficia, sed etiã de Deo mercantur.

Phariseorum merces.

Hic rursus docemur agnitionem impotentiae ac tenuitatis nostrae existere ex beneficiorum Dei diligenti examine & pòderatione: itè ex cõsideratione facultatũ nostrarũ, an eę respòdere possint tot tantisq; Dei beneficiis. Quãobrem ita tandè sentiemus quàm impotētes, imò quã nihil simus si beneficia Dei erga nos simũlq; vires ac facultates nostras pòderauerimus, & quasi lance trutinaremus, ipsis inter se cõparatis. Nam ita demũ futurum est, ut perispecta

*Agnitio
misericordiae
nostrae
deoriatur.*

summa illa inæqualitate beneficiorum dei
& viriū nostrarū, agnoscam⁹ quāti & quot
sint in nobis defectus, & quā non sumus

*Quomodo
affectus
esse oportet
priorū
mentes.*

soluendo. Vis igitur ex animo Deo gratias
agere, & omnem gloriā beneficiorū suorū
ipsi in solidum tribuere? agnosce quā
iple inops sis, & quā nihil habeas, quod
Deo repēdas. Vis autē hoc agnoscere? exa
mina diligenter & inter se compara Dei in
tē beneficia, & facultates ac vires tuas.
Quod si in agendis Deo gratiis, hoc ordine
procederemus, profectō magis ex animo,
magisque seriō, quā solemus, Deo gloriā
omnem beneficiorum suorū tribueremus.

*De gra-
ti ani-
mi signi-
ficatio-
ne, seu
gratia-
rum a-
ctione.*

Hic rursus observa in Dauide grati ani-
mi significationē. Vouet Deo & votū re-
pendit. Gratitude hæc in promittendo, &
promissi præstatio, non est numeranda in
minimis Dei erga nos beneficiis: Ex gratia
enim Dei singulari est, quod Deo pro be-
neficio accepto grati sumus: plerique enim
omnes prouiores sumus, ad implorandā ali
quo modo dei opē, & viuendum ei, cū gra
uiori aliquo periculo vrgemur, quā su-
mus ad agēdum gratias, & persoluēdū deo
vota nostra, postquā iam dei beneficia in
nos sunt collata. hæc tamē duo inseparabi-
li nexu cōiungēda esse admonet Propheta
Psal. 50. 14. *Sacrifica Deo laudē, & redde Ex
celso vota tua, atque inuoca me tēpore angu-*
stia:

stia: eripia te vt honore afficias me. Puto equi
dē eū hominē nō seridō, & eo quo oportuit
animo petuisse aliquid à deo, qui postea
quàm illud iā cōsequutus est, immemor est
beneficij & gratiarum actionis: Nā idē ille
Spiritus qui docet nos precari vt oportet,
& interpellat pro nobis suspiriis inenarra-
bilibus, docet nos pro beneficio accepto
deo gratias agere, idque cū gaudio quo-
dam ac lætitia animi ineffabili.

Postremò, hīc obseruādū est, summū istū *De maxi-
ma gratia
rum actio-
ne.*
fuisse gradum actionis gratiarum, quem
dauid deo suo promisit. Maximum enim
beneficium maximas gratias requirit: ma-
ximæ autem gratiæ sunt quæ deo aguntur
non clām, sed palām, inspectante & audiē-
te tota Ecclesia. Dauid si quando promit-
tit vel offert deo officium maximum, pro-
fitetur se non posse offerre vel promittere
dei officium aliud isto maius, quàm vt
deū laudet in publico cœtu Ecclesiæ suæ.
Maior enim est publica gratiarum actio
quàm priuata. Nam dum publicè agis deo
gratias, totus populus dicit, Amen. Ideo-
que tecum vnà deum glorificat. Inde est
quòd voluerit Deus populum in vnum cō-
uenire, sibi que vnà gratias agere in Eccle-
sia, nempe quò maior sit ipsi laus, honor
& gloria.

Pretiosa est in oculis Iehoua. Hæc est for- *Actiois
gratiarū
formula.*

mula illa actionis gratiarum, quam sequendam sibi proponit. *Primum* commendat Dei erga suos prouidentiam, tam in vita quàm in morte ipsorum. *Deinde*, prouidentiam hanc Dei confirmat ab experientia sua. *Primum* itaque, *pretiosa est*, inquit, *mors*. Putant homines vulgò dum affligi ac variis malis exerceri pios vident, putant, inquam, tum Deo suo eos non esse curæ, siue viuant, siue moriantur. Atque hinc inde est, quòd persecutores ipsi existimantes Deum eorū vitā mortēque iuxta æstimare, magis aduersus eos insolescant, tanquam totidem vilia & abiecta mancipia. Huic igitur perversæ hominum opinioni opponit David, hoc loco, egregiam hanc sententiam, *pretiosa est in oculis Iehoua*, &c.

*Quo sensu hac de morte pio-
rum esse-
ratur.*

Qua significat *primū*, non permittere Deū sæpenumero, ut sui moriantur, sed eos sæpenumero è maximis periculis, & ex ipsis etiam mortis faucibus, eripere. Significat *deinde* hac sententia, quòd si quando permittat Deus ut moriantur sui, id non fiat temerè aut fortuitò, sed certo Dei consilio. Pilatus in hunc modum alloquutus est Christum, quasi verò Deus nullum de eius vita aut morte consilium cepisset. *Non nosti*, inquit, *me potestatem habere crucifigendi te, vel etiam absoluendi?* Respondit ei Christus, *Non haberes in me potestatem ullam,*
nisi

nisi supernè tibi fuisset datum. Hęc ille. Tertiò significatur hac sententia, ipsam crucem ac mortem piorum, vtcunque vilescat in oculis hominum, esse tamen eam in oculis Dei pretiosam.

Postremò, admonet hęc sententia, quòd *Deus suorum post mortem præcipuè meminit,* posteaquam iam mortui sunt pij, & permissione Dei simul & iniuria impiorum è medio sublati sunt, Deus non sinat eorum mortē è memoria sibi excidere vllò vnquā tempore. Nam quum illud verissimum sit, quòd omnes suorū lachrymas in vtre quasi reconditas, atque in numero habear, quantò magis totum piorum sanguinem & singulas etiam apud se guttulas eius referuatas habebit? Imò verò priusquam vel vna gutta sanguinis piorum pereat, iubebit terram ipsam, quæ os suum aperiens ipsū quo tempore effusus est, suscepit atque imbibit, iubebit, inquam, terrā ipsam eam referuare in aluo quasi sua, in diem illum visitationis Domini, quo vleiscetur in eos omnes quotquot in hac vita pios sunt persequuti.

Quatuor igitur modis istis, vt summā dicam, pretiosa est in oculis Dei mors piorū. *Mors piorum pretiosa in oculis Domini.* Primū quòd non sinat suos sæpè perire, sed eos è maximis periculis liberet. Deinde, quòd si permittat vt moriantur, non temerè & sine grauissima causa id fiat. Ter-

tiò, quòd ipsa mors piorum, vtvt vilis sit in oculis mundi, tamen in oculis Dei pretiosa fit. Quartò quod mortis piorum perpetuò recens fit memoria. Ex his quatuor modis maximè intelligendus est primus ille hoc in loco, Nempe quod ideò pretiosa fit in oculis Dei mors suorum, quos suos non patitur sæpenumerò nō mori, sed ipsos è maximis periculis eripiat. Sed quorū *est mors pretiosa in oculis Iehouæ?* Nempe eorum, inquit, quos benignitate prolequitur. Ergo amor ac benignitas Dei causa est, cur in pretio sit mors suorum, & quos ipse diligit eos in vita conseruat, neque temerè vnquam mori eos patitur.

*Patien-
tia diuina
considera-
tio.*

Miretur aliquis statim prima facie, cur Deus non modò permiserit, sed etiam iusserit perdi tot sæpe Gentes, nullo delectu habito virorum, mulierum, infantium, id quod de populo qui fuit in terra Chanaan legimus in libro Iosue. Indaganti mihi paulò altiùs huius tātæ seueritatis causam, hæc occurrit in primis, quòd Deus eas Gētes non sit benignitate prosequutus: verū è contra oderit eas, quo fit vt mors eorum non sit pretiosa in oculis Dei. Quòd si itaque mors pretiosa vel non pretiosa pēdeat ex amore vel odio Dei, quàm sunt beati illi quos diligit Dominus tã in vita, quàm in morte.

Obsecro

Obsecro Iehoua. Cōfirmat experientia sua *Experien-*
 Dei prouidentiam erga suos : q.d. *An non* *tia discer-*
obsecro te, Iehoua, soluisti vincula mea? de *nit bene-*
 se enim loquitur, ac si manibus pedibús- *ficia à*
 que vinctus ad supplicium tractus fuisset. *Deo acce-*
pta.

Ionuit enim adductum se fuisse in extre-
 mū vitæ suæ discrimen, cū à Iehoua libe-
 ratus est. Causam liberationis addit, quòd
 fit seruus Iehouæ, atque ideò seruus, quòd
 filius sit ancillæ : ancillæ enim filij ex lege *Libera-*
 Dei pariter serui sunt. Dum dicit se ancil- *tionis cau-*
 læ filium, significat se non extraneum ali- *sa.*

quem & peregrè venientem seruum, sed
 ex domesticis Dei aliquem. Significat i-
 gitur nunc se non hominem aliquem, no-
 uum & inquilinum seruum in domo Dei,
 verū ius aliquod habere se in domo Dei,
 vel ex parentibus suis, qui ante ipsum com-
 prehensi erant Dei fœdere. Neque enim
 illud vulgare aliquod Dei beneficium est,
 quò nascamur noxæ Dei quasi domesticis
 & confœderatis.

Verū, non obscurè se prodit affectus *Apertus*
 animi Dauidis in hac quasi verborum gra- *animi*
 datione. Indicāt enim verba affectum ani- *Dauidis*
 mi magis magisque ad Deum appropin- *affectum.*
 quasse. Primū enim ait, *sum seruus tuus.*
 Hic primus gradus est verborum, & prima
 animi ad Deum appropinquatio. Deinde
 ad ipsum repetit, dicitque, *sum seruus tuus:*

hic secundus est verborum gradus, & secunda animi ad Deum appropinquatio. Tū tertio loco dicit, *filius sum ancilla tua*. Hic tertius verborum gradus est, & summus index summæ & tertiæ appropinquationis ad Deum. Nam dum hoc postremò dicit, planè se cum Deo coniungit, cum eoque cohæret, ideòque beatus euadit. Nam in illa Dei *νοτιωσις* posita est beatitas nostra.

*Providentia
diuina
sensu
quid ef-
ficiat.*

Vides igitur hoc in loco illud, primùm, vnde sit quòd tanta cū animi fiducia prædicet Dei illam erga suos providentiam, nimirum ex sua ipsius experientia, & speciali erga ipsum Dei providentia: neque enim potest quis providentiam & misericordiam Dei erga Ecclesiam suam commendare in genere, nisi ipse in specie eam sit expertus: profectò frigide fuisset illud dictum à Paulo, nimirum venisse in mundum Christum, *ut peccatores servaret*, nisi hîc ipse prior expertus fuisset & peccati miseriam, & Dei misericordiam: ideòque subiecit hæc verba, *Quorum primus sum ego*, ut cōcluderet, apud conscientiam suā, se à Christo servatum esse. Generalis itaque illa fides Papistarum inepta est, ad prædicandam Dei erga Ecclesiam suam providentiam, & gratiam. Neque enim ego unquam Papistam aliquem concionatorē

*Erroris
puridissi-
mi refuta-
tio.*

aut

aut præconem beneficiorum Dei erga Ecclesiam suam idoneum existimaui, qui nihil potest ex suo ipsius sensu vel experientia depromere, qui non potest illud dicere, de quo suprà hoc psalmo, *Credidi, atque ideo loquutus sum.*

Obserua *secundò*, Sunt quos multum *Mentis nostra Garritas.* torquet & cruciat mortis genus hoc vel illud, vt violentæ, vt foedæ, vt subitæ, vt exquisitæ & crudelis: de quibus quidem mortis generibus, non priùs cogitant, quàm horrent. At præpostera est cura ista ac sollicitudo quæ est de mortis genere: quin illud potiùs primum omnium nobis esse curæ debet, vt sentiamus nos à Deo diligì. Quòd si enim fundati fuerimus ac radicati in illà Dei charitate, pretiosa futura est mors nostra qualiscunque in oculis Dei, & in morte ipsa plus quàm victores erimus: Rom. 88.37.

Obserua *tertiò*, Dauid proculdubio peruenit ad absconditam illam, quæ in corde *Dei dulcissima prorum uiuentium* Dei fuit, dilectionem ipsius, eiùsque sensum aliquem assequutus est ex effecto singularis ac insignis alicuius liberationis, *et modicorum orientium* quòd mors ipsius pretiosa fuerit in oculis *consolatione.* Iehouæ. Vnica est illa consolatio nostra & in vita & in morte, quòd non sumus nostri, sed fidelissimi Domini nostri Iesu

Christi, atque quodd Domini sumus, quod-
que ipsi curę sumus. hinc didicerunt impri-
mis veteres illi pij viri, quodd Deũ præsen-
tẽ sibi in extremis quibusque periculis rei-
psa deprehenderunt. Inter ceteros nume-
randus est Dauid, qui vt obiectus fuit peri-
culis plurimis, ita plurimas sensit liberatio-
nes & ex experientia liberationum per-
suasit sibi se Deo curę fuisse: atque hoc i-
pso in loco quo dixit pretiosam in oculis
Iehouæ esse mortem intentatam piis, in-
nuit haud dubiẽ hoc esse documentum di-
uini erga nos fauoris & curę, quodd pretio-
sa sit mors nostra in oculis ipsius.

*Exem-
plum, Da-
uid.*

*Genera-
tionis &
regenera-
tionis no-
stra consi-
deratio
qualis esse
debeat.*

Obserua postremò, Quo demum tem-
pore gloriatur Dauid in eo quodd sit filius
ancillæ Dei, hoc est natus ex ea matre,
quæ cum Deo confœderata fuerit, nimirũ
tum cum agnoscit simul se seruum Dei es-
se. Prodest quidem nasci ex Sanctis, & iis
qui in Dei fœdere sunt parentibus: dum
ipse in illo cum Deo fœdere persistis, Deĩ-
que seruus es: ita enim ad te pertinet pro-
missio illa tam proluxæ misericordiæ, quæ
facta est in mandato secundo, *Miserebor,*
inquit, *millenorum ex iis qui me diligunt &*
custodiunt mandata mea. At si te, ipse, &
parentibus tuis, & illo Dei fœdere indi-
gnum præstiteris, nihil tibi prodest, quodd
natus sis ex sanctis & confœderatis cum
Deo

Deo parentibus: Nihil prodest tibi, quòd possis genus tuum referre perpetua quadã serie ad ipsum vsque Abrahamum, quorum primum fœdus Dei est iñctum.

Tibi sacrificabo. Repetit promissionem *Grata pñ* illam gratiarum actionis, quæ suprà posita *Voti repe-* est vers. 13. de qua, quia satis multa ibi dicta *titio.* sunt, ideo in ea explicanda erimus breuiiores. Tantùm enim hoc addemus, ad ea quæ diximus, quòd, vbi semel excussus est torpor ille animi nostri, & vbi semel incepimus Deum laudare, illique gratias agere, tum ita abripimur Dei illo Spiritu, vt laudandi Deum finem vix faciamus. Non nisi ægrè admodum excitamur ad Deum laudandum, semel autem excitati, eam ex precibus voluptatem capimus ad tempus, & eã lætitiã feruet nobis cor, vt in laudes Dei nostri totum ipsum quodammodo effundatur. Quamobrem, vt Deum laudemus, exequiendus est perpetuò torpor iste *Conclusio hortatoria.* animi nostri, conandùmque vt nullo vnquam tempore, quoad fieri potest, cor hoc nostrum planè expers sit sensus, vel miseriæ nostræ, vel misericordiæ Dei in Christo Iesu: Ex hoc enim sensu gemino, duplex existit animi affectus, nempe tristitiæ pariter & lætitiæ, ex tristitia præsertim existunt petitiones, ex lætitia verò gratiarum actiones quæ fiunt in Christo Iesu, cui

312 ROB. ROLLOCI COMM.
cum Patre & Spiritu Sancto sit omnis gloria, Amen.



PSALMVS CXXX.

Argumentum.

Canticum est didascalicum, à Propheta aliquo conscriptum. Constat tribus partibus. *Primum*, occurrit commemoratio precum quas conceperat aliquando, cum in maximo periculo esset, ad ver. vsque 5. *Deinde*, transitione facta proficitur, adhuc se expectationem in verbo Iehouæ habere, ab eoque pendere, ad vers. vsque 7. *Tertiò*, eandem expectationem commendat Israeli, hoc est Ecclesiæ toti, ad finem Psalmi.

1 Canticum excellentissimum. Ex profunditatibus inclamaui te, Iehoua, dicens:

2 Domine, ausculta voci meæ: sint aures tuæ intentæ ad vocem deprecationum mearum.

3 Si iniquitates obseruaueris, Iah, Domine, quis possit consistere?

4 Sed apud te est condonatio, ut reueren-

Prima ter colaris.

pars Psalmi commemorat preces in grauissimis periculis con-



X profunditatibus. Prima pars Psalmi. Profunditates hîc sunt profundissima & immania pericula. Sic enim vocantur. Metaphora ab aquis sumpta, in quibus homines pene submerguntur. Vide Psalm. 69. 2. & 3. Illud

3. Illud extra cōtrouersia est, quòd dū quis in profundissimis periculis hæret, tum ex profundissimo & imo corde preces fundat, imò itrenuè inclamet Dominum. Sic enim Propheta hîc de se loquitur, *ex profunditatibus, inclamaui ad te, Iehoua.* Vides igitur quo tēpore pij grauissimè affligūtur ac premuntur manu Dei, eodem tempore solere eos serio cum Deo suo agere, & ad eum maximè se recipere cum precibus ac supplicationibus. Nam, vt constet huius propositionis veritas, afflictiones primùm *Afflictio-* efficiunt in cordibus nostris sensum ali- *nes piis* quem peccati ac miserix nostræ. Nisi enim *stiles.* Deus suos, quibus ipse nouit modis, exerceret, profectò ad sensum cōmunis huius miserix naturæ suę nunquam peruenirent. Deinde, vbi cor semel præparatum est sensu aliquo miserix suæ, tum Spiritus Dei, quem adoptionis vocant, ipsum afficit sensu aliquo misericordiæ Dei, & vt cum Apostolo loquar, *Effunditur charitas Dei in cordibus nostris per Spiritum S. qui datus est nobis,* Rom. 5. idque per Christum Iesum ipsiúsque mortē. Nam profectò nō nisi præparatis primùm cordibus nostris sensu aliquo miserix, afficit ea S. Sanctus sensu aliquo misericordiæ Dei in Christo Iesu. Postquā autem S. Sanctus effudit in cordibus nostris charitatem illam Dei, tum nos cōcipimus animis fidu-

ciam eam, qua ipsum accedimus atq; inuocamus. Nam Spiritus hic est quē appellat Apostolus adoptionis Spiritum, per quem clamamus, Abba, Pater. Clamamus, inquit, quia Spiritus adoptionis ex sēsu amoris eā fiduciā efficit in cordibus, vt dilatato corde primū, deinde ore Deū patrē, libera voce & alta inelamemus. Ergo vbi primū Spiritibus imbuit animas nostras sēsu charitatis Dei, liberē Deū adimus eumque precamur: nisi enim prius sit sensus aliquis amoris Dei, nulla profectō est inuocatio nominis ipsius.

Rom. 8.
15.

*Afflictio-
num Ec-
clesia scri-
bitur.*

Vides igitur id quod ab initio diximus verum esse. Nempe quò grauius affligūtur pij, eò ardentiores esse preces eorū. Nos, quia nōdum demersi sumus in has profunditates, ac proinde nondum affecti sumus eo, quo iam pridem esse debuimus sensu, vel miserię nostrę, vel misericordię diuinę: ideò Deum, vt oportet, non inuocamus, neque inelamamus. Præstaret quidem cum precibus affligi, quàm sine precibus prosperē agere.

*Precum
piarū for-
mula.*

Dicens, Domine. Hactenus proposuit se in periculo Deum inuocasse, nunc subiicit precum illam formulam, qua tum vsus est in Deo inuocando, *Audi, inquit, Domine, Vocem meam*: Tum eandem petitionem ingeminauit, *Sint aures tuae attente, &c.* Inge-
minatio

minatio hæc, & petitionis eiusdem duplicatio, ex vehementi & duplici quasi affectu animi, ac gratia Spiritus Sæcti, profecta est. Nisi enim gratia Spiritus, dilatetur affectus, profectò, os dilatari non potest. Nam Spiritus est per quẽ clamamus, ore quasi dilatato. Quoties enim iteram^s clamorẽ, toties iteratur commotio Spiritus in corde. Primus clamor, ex prima Spiritus commotione existit. Secundus, ex secunda. Tertius ex tertia, & ita deinceps. Nã nemo potest dicere Iesum Dominũ nisi per Spiritũ sanctum, 1. Cor. 12. & quid precemur, vt oportet, non nouimus. Spiritus enim est, qui interpellat pro nobis suspiriis inenarrabilibus, Rõ. 8. Hæc ideò dico, vt sciat animalis homo, non esse penes se vel verbum vnum bonum proferre, nisi prius ex animali fiat spiritualis.

Sed quid est, quòd Deum tam seridò in-
clamet ad hoc, vt aurem suam precibus
ipsius accõmodet? An putauit Deum sur-
dum agere? Qui premuntur Dei manu, pu-
tant Deũ à se adeò alienatum, vt neque vi-
deat, neque audiat ipsos, neque omnino
recordetur ipsorum. Hinc sunt illæ voces
tam flebiles, audi Domine, vide Domine,
recordare Domine: quæ passim in Psalmis
occurrunt. Sed, an qui Deum ex animo
inuocant eiúsque præsentiam requirunt?
An illi interea omnino Dei præsentia de-

*Sensus
piorum in
afflictio-
nib. qua-
lis.*

stituuntur? An, quæso, nisi præsentiam certè aliquam Dei, per Spiritum ipsius Sanctum haberent, possent Dei præsentiam requirere? An sine Deo possemus velle Deum? Quid igitur requirimus, quod iam habemus? Id idè facimus vt Deum magis possideamus, Id. n. efficiūt preces, vt Deus propius ad nos accedat & incrementū sit misericordiæ & gratiæ: fieri enim nō potest vt suspiria illa, non tã nostra quàm Spiritus Sancti in cordibus nostris, & clamores eiusdem Spiritus in ore nostro, in nihilum abeāt. Nouit enim Deus quis sit sēsus Spiritus sui & beati sunt qui esuriunt & sitiūt iustitiā: nā ipsi saturabūtur. & nos ipsi in nobis id experimur, nō citius nos suspirare ad Deū quàm animus gaudio quodā ineffabili perfundatur: vt illud verè sentiamus præsentiam Dei per Spiritum tristitiæ & suspiriorum inenarrabilem, efficere præsentiam Dei per Spiritū letitiæ ac gaudij ineffabilis

*Cur Deū
quē possi-
dent p̄
tam ardē
ter expe-
tunt.*

*Occupatio, & mi-
seria con-
fessio.*

Si iniquitates. Occupatio est: Nam vel à Deo vel ab ipsius conscientia hoc obuci potuit: Peccator es, ergo quomodo te audiā? quī non te potius in ira mea absumā? Respondet primū concessione, *Si iniquitates obseruaueris*, ô Deus, illud concedo equidem, neminem mortalium posse consistere in conspectu tuo, quinimò necesse est eum consumi ab ira tua. Deinde respō-

det

det correctione, *sed condonatio est apud te.* *Misericor-*
 q. d. Tu non obseruas nostras iniquitates *dia in*
 ex iustitia tua, verum ex misericordia infi- *Christo,*
 nita eas omnes condonas in filio tuo Iesu *fiducia.*
 Christo. Nam ne patres quidem & prophe-
 tæ illi veteres senserunt vnquam remissa
 sibi peccata ex Dei misericordia, nisi per
 Christum illum promissum, quem eminus
 quasi intuiti sunt, & in quo solo ab origi-
 ne mundi pacata fuit ira Dei, adhuc vt lo-
 cus aliquis misericordiæ ipsius relinque-
 retur. Nisi enim satisfiat primùm iustitiæ, *Christia-*
 profectò nullus est misericordiæ diuinæ *norum fe-*
 locus. Nostra autem conditio, eò beatior *lix condi-*
 est illa patrum conditione, quòd nobis præ- *rio.*
 sens sit & ante oculos illud Christi sacri-
 ficiū, quod illi eminus intuiti sunt; & nos
 iam disertis verbis Deum per Christum
 misericordem esse & remittere nobis om-
 nia peccata nostra, possumus dicere, quod
 illi nequaquam potuerunt.

Discimus hoc loco & hoc, Prophetæ *Mala con-*
 exemplo, conscientiam peccati, quam *scientia*
 conscientiæ malum vocamus, impedi- *malum.*
 mento esse quò minùs Deum liberè prece-
 mur: imò verò id experimur, conscientiam
 malam nisi ipsa purgetur, planè præclude-
 re nobis omnem ad Deum aditum. Id e-

Hebr. 10. 22. nim est quod dicit Apostolus, Accedamus cum cordibus purgatis à conscientia mala. Quamobrem nullus patet ad Deum accessus, nisi purgentur prius corda à conscientia mala. Quod autem de conscientia peccati loquimur, id de peccato ipso affirmamus, quod nisi totum planè submoueaturspectu Dei, profectò ne aspectu quidem suo nos dignatur Deus: atque id est quod hoc loco dicitur, *Si iniquitates obseruaueris, Iah, quis potest cōsistere?* Vt verbo quæ diximus comprehendamus: Conscientia peccati est, quæ prohibet nos ne Deum nostrum inspiciamus, peccatum verò est, quod prohibet Deum ne nos miseris inspiciat atque intueatur.

*Remediū
aduersus
conscien-
tiam pec-
cati.*

Remedium autē huius mali discimus, ex secundā parte responsionis, in qua dicit, *Sed apud te est condonatio*: Quamobrem remedium hoc est vnicum, vt cōfugiamus ad misericordiam Dei, idque cum simplici & candida confessione peccati nostri. Nullus enim vnquam adhuc cōparuit coram Deo, nisi tanquam reus quidam, cum confessione peccati sui, misericordiam Dei implorans. Verùm in hoc, tota difficultas est, vt ad thronum illum gratiæ perueniamus. Nam cū non nisi per mediam quasi iustitiam, tāquam murum quendam igneū ac flammantem, ad misericordiam Dei & thronum

*Remediū
illius &c.
ra appli-
catio.*

thronum illud gratiæ penetrandū sit, profectò necesse est, qui velit ad thronum illū gratiæ accedere propius, veniat armatus atque instructus, aduersus iram ac iustitiā Dei, quæ non patitur quidquam, quod in se vel tantillum habet immunditiei ad inuiolabilem illam Maiestatem propius accedere. Instrui autem non possumus aduersus feruorem illum ignis, vlla re alia, quàm sola Iustitia & satisfactione Iesu Christi. Quare qui velit ad thronum gratiæ accedere, & per mediam illam Dei iustitiam atque iram perrumpere, necesse est vt is in Christo Iesu inueniatur, & per sanguinem illum, oblatum per æternum Spiritum purgetur, à mortuis suis operibus: Heb. 9. Posteaquam autem per fidem Christi, ventum est ad thronum illum gratiæ, tum auditur vox illa condonationis ac iustificationis, longè suauissima.

Vt reuerenter. Hic finis est misericordiæ & condonationis Dei, ipsius cultus & reuerentia. Nemo enim vnquam reuerenter Deum coluit, nisi cui, ex misericordia Dei peccata sua remissa sunt, hoc est, nisi qui sensit beneficium illud remissionis peccatorum suorum. Nemo enim Deum glorificat, nisi ipse prior à Deo glorificatus sit, nemo autem glorificatur nisi qui iam iustificatus est. Quare, condonationis siue re-

*Finis misericordiæ
& condonationis
Dei.*

missionis peccati, primum effectum est sanctificatio, siue glorificatio nostri. Nos autem cum iam glorificati sumus, Deum nostrum glorificamus, nō quod ipse egeat glorificatione vlla, quæ à nobis sit; cum ipsius gloria in se perfecta sit: sed quod id postulet officiū nostrū idque nostro ipsorū bono. In eo enim posita est felicitas nostra, nō vt ipsi glorificemur, sed vt Deū potius nostrum in æternū glorificemus: ad id enim conditi atque redempti sumus.

5 *Expectaui Iehouā, expectauit anima mea: etiam in verbo eius expectationem habeo.*

6 *Animus meus erga dominum studiosior est, quam excubiarum erga matutinum, excubantium ad matutinum usque.*

al'mi
secunda
pars. spem
serui Dei
exprimes.
Expectaui Iehouam. Secunda pars Psalmi: in qua per cōparationē facti sui, & expectationis suæ præteritæ, proponit atque profitetur sese etiamnum expectationem habere in verbo Dei, quia nimirum ex patienti expectatione habuit experiētiam misericordiæ & liberationis diuinæ. Nam patientia efficit experientiam: experientia spem maioris liberationis atque misericordiæ, quam vnquam hactenus experti sumus. Experientia enim temporariæ liberationis efficit spem liberationis sempiternæ, neq; spes illa vnquā nos pudefaciet. Maiora enim omnia consequemur in altera vita,

ra vita, quàm sperare potuimus in vita præ- *pj deside-*
 senti. vide de his Rom. 5. Sed verba expen- *ri descri-*
 damus diligentius. *Expectavi*, inquit, *Ieho-* *piso.*
nam. Tum addit, *Expectavit anima mea*, q. d.
 non oculo tantum, sed penitus animo ex-
 pectavi Iehouam desiderium enim animi
 est, quòd præsentem nobis efficit Deum. de
 expectatione autem piorum vide Paulum
 Rom. 8. Nos, inquit, *qui primitias Spiritus*
habemus, suspiramus, expectantes adoptionem
nostram. Vides expectationem piorum es-
 se cum suspiriis quæ cordis sunt. postea au-
 tem eodem capite, docet quid proficiamus
 apud Deum suspiriis his inenarrabilibus.
Novit, inquit, *Deus, quis sit sensus Spiritus*
sui, hoc est suspiria illa quæ procedunt ex
 corde nostro, statim afficiunt Dei animum,
 quia Spiritus ipseus Dei est is qui excitat e. *Suspiria*
 in cordibus nostris. Possumus quidè affici *electorum*
 desiderio hominis alicuius absentis, cum *Dei à S.*
 tamen ille interea nihil moveatur nostro *Spiritu.*
 illo desiderio, neq; ad animum eius perue-
 niant nostra suspiria: spiritu enim ipsius nò
 suspiramus, verum nostro ipsorum spiritu.
 At verò nò prius suspiramus ad Deum, quàm
 ille suspiriis nostris moveatur. Sunt enim
 ea ab ipsius Spiritu profecta omnia. Quòd
 autem commoveatur nostris suspiriis illis
 monet nos ineffabile hoc gaudium, quod se-
 mel sentitur cum suspiriis illis inenarrabi-

libus. Non enim aliunde esse potest ineffabile istud gaudium quàm ex Dei præsentia aliqua.

*Spei certa fundamen-
tum.*

Etiam in verbo. Dicit in verbo Dei se expectationem habere, quia quantisper per fidem incedimus, nō autem per aspectum, pendemus ex verbo Dei, & eum tanquam in speculo verbi intuemur, non autem facie ad faciem coram videmus. *Animus*

Demonstratio à simili.

meus. Expectationem suam illustrat minori comparatione eorum qui excubias agunt, & eas quidem perpetuas: quibus nemo succedit, sed quibus per totam noctem ipsis vigilandum est. Hic discite quanto cum studio expectent Dominum, ab eoque pendean, qui semel gustarunt quàm benignus sit Dominus: Non enim tam necessitate aliqua ad id coguntur, quàm suauitate ne-

*Piorum in
terris con-
ditio.*

scio qua alliciuntur. Nota hoc loco, quæ sit in hac vita piorum conditio, in excubiis sunt perpetuò, expectantes aduentum domini. Mundus enim his præsens, iis perpetua nox est, si comparetur cum mundo illo futuro, in secundo Christi aduentu, & cum illo mane quod vocantur Psal. 49. 15. in

*Noctis,
diei, lucis
& caligini
spiritu-
ali con-
sideratio.*

quo nimirum Sol ille iustitiæ Christus oriatur Malach. 3. 20. Est autem, fateor, mundus quidem hic dies lucidus, si comparetur, cum eo, qui Christi primum aduentum antecessit. Vnde Rom. 13. 12. Nox inquit processit

processit, dies autem appropinquat, & 1. Thessal. 5. 5. Dicimur omnes filij lucis esse ac filij Dei: At si mundus hic præsens comparetur cum sæculo futuro, & incomprehensibili illa luce quæ tum conspicietur, certè non immeritò. Noctis potius quàm diei nomen sortietur. Non autem magis incumbit vigili alicui, vt excubet perpetuò ad matutinum vsque tempus, quàm vnicuique nostrum, vt totam hanc noctem in vigiliis traducamus. Vnde illud Christi ad discipulos Math. 24. 42. *Vigilate, nescitis enim qua hora Dominus vester venturus sit.* Vt autem qui noctu vigilant, & excubias agunt, fatigantur & tædio afficiuntur, atque ideò nihil magis expetunt, quàm tempus matutinum, in quo sese somno recreet: Ita vigilantes ad tempus illud matutinum, quo veniet Christus, fatigamur, & opprimimur onere peccati nostri, ac miseriæ, ita vt, vitæ huius sæpenumero nos tædeat, atque hinc est desiderium illud vehemens temporis illius matutini, quo Christus venturus est: Qui vbi venerit, tum quidem fruemur æterna illa requie, & vt loquitur Psal. 23. 6. *Quieti erimus in domo Iehouæ, quamdiu longa erunt tempora.* loquor de iis qui in hac vita vigilarunt. Nam, qui in hac vita non nisi dormierunt, illi in altera illa sempiternis vigiliis & tormentis exer-

cebuntur.

7 *Expectationem habeat Israel in Iehoua: quia apud Iehouam est benignitas, & plurimum apud eum Redemptionis.*

8 *Et ipse redimet, Israelem ab omnibus iniquitatibus eius.*

Expectationem habeat. Tertia pars cantici, qua Israeli, hoc est, Ecclesiæ toti, eandem quam ipse habet expectationem commendat. Nam qui expectando Deum semel ipse expertus est illam Dei misericordiam, non solum ipse expectat Deum in posterum, verum vult omnes pariter expectare.

Iehouam, ut omnes pariter eandem experiantur misericordiam. vult enim omnes, si id possit fieri, gustare illam quam ipse gustauit Domini benignitatem. Maxime autem id conuenit Israeli, hoc est, Ecclesiæ Dei. At illud, quod tanquam postremum finem intuetur Propheta, est Dei ipsius gloria: vult enim fidelis quis multos consequi misericordiam, ad hoc, ut Deum multi glorificent, & studiosus est salutis hominum, ut Deo constet misericordiæ suæ gloria. Nam Deus, quo plures in ipso spem suam collocant, eò magis glorificatur.

Argumentum à natura Dei petitum, & spem illam confirmet.

Quia apud Iehouam. Monet Israelem ad expectandum Iehouam, à benigna ipsius natura. Non demonstrat Israeli vel potentem, vel iustum, vel sapientem Deum, sed

miser-

misericordem ac benignum. Quid ita? An-
 non reliquæ in Deo proprietates, vt omni-
 potentia, vt iustitia, vt sapientia, vt veri-
 tas, &c. Annon inquam hæ conciliant ipsi
 animos & fidem hominum? Concedo om-
 nia hæc, suo quidem loco conciliare fidem
 hominum: verum, cum miseris & peccato-
 ribus imprimis opus sit misericordia, pro-
 fectò misericordia Dei est, quam imprimis
 requirunt homines, primùmque obiectum est
 fidei. Vbi autem fides apprehendit Dei in
 Christo misericordiam, tum alia, quæ in Deo *Miseri-*
 unt, ipsam ad sese alliciunt. At sine mi- *cordia*
 cordiæ Iesu alia omnia in Deo nobis ter- *Dei in*
 rori sunt potius quàm cōsolationi. Ergo fi- *Christo*
 des primùm ac propriè fertur in Deum, qua mi- *fidei no-*
 sericors est, & quātò magis inquirimus in *stra obie-*
 Dei misericordiam illā infinitā, tantò magis *ctum.*
 in eum credimus. Incrementum enim fidei quid
 quæso aliud est quàm incrementum cognitionis
 misericordiæ diuinæ. Quāobrem, vt crescat fi-
 des, opus est perpetuò misericordiam Dei in
 Christo indagemus, quod profectò facie-
 mus sine vllō curiositatis periculo, cū aliæ
 quæ in Deo sunt proprietates, curiosam in-
 dagationem ferre non queant. Paulus inter
 alia hoc optat Ephesis, vt in charitate ra-
 dicati possint assequi, cum omnibus San-
 ctis, quæ sit illa latitudo, longitudo, alti-
 tudo & profunditas, & possint cognoscere

charitatem illam Christi, quæ superat omnem intellectum.

*Miseri-
cordie
Dei cogni-
tio maxi-
mè necessa-
ria ad fi-
dei confir-
mationem.*

At nusquam legimus optasse eum, ut quisquam allequatur cognitione, infinitam illam Dei potentiam, sapientiam, &c. quia nimirum non tam è re nostra est, ista cognoscere, quam illam Dei in Christo charitatem. Neque etiam Spiritus Sanctus, tam in eo laborat ut cognoscamus quæ in Deo sint alia, quam ut cognoscamus, quâto pere nos diligit Deus in Christo filio suo. Ideò dicitur Rom. 5. effundere charitatem in cordibus nostris. Non legimus autem de Spiritu quòd effundat potentiam, sapientiam, &c. quæ in Deo simul in cordibus nostris. hoc est, quòd tam copioso eorum sensu animos nostros afficiat. Quamobrem, ut in Deum credamus, ac in ipso expectationem habeamus, maximè cognoscenda est nobis ipsius in Christo benignitas, atque misericordia, id quod propheta hoc loco non ignoravit, cum, ut moueret Israël ad sperandum in Deo, benignitatis ipsius potissimum mentionem fecit. *Et plurimum apud eum.* Eandem Dei benignitatem verbis amplificat: neque enim quisquam simul ac semel totam Dei misericordiam verbis aliquibus vnquam comprehendere potuit. Superest enim perpetuò aliquid præterea, quod de ea prædicetur, quæ est eius

*Amplificatio pro-
fessionis
illius de
misericor-
dia Dei.*

eius magnitudo incomprehensibilis: & qui eius partem aliquotam animo semel perceperunt, illi quidem ne eam partem, quantulacunque est, verbis vnquam satis exprimere possunt. Sensus enim iste spiritualis in cordibus, siue gaudij sit, siue doloris, ineffabilis est: vnde suspiria inenarrabilia vocantur Rom. 8. & gaudium ineffabile 1. Pet. 1. Quanto igitur magis non poterit vllis verbis exprimi tota simul ac semel Dei illa misericordia? cum nō sufficiāt verba vlla ad exprimēdā vel illā quantulacūq; eius apprehensionē, quę est in cordib. nostris. Nō enim hyperbolica sunt verba illa quib. viri pij conati sunt exprimere Dei illā misericordiā, quasi verò verba sint ipsis reb. grādiora, quod qui putāt, nā illi quidem mihi videntur Dei in Christo misericordiam nunquam animo apprehendisse.

Et ipse redimet Israel. hoc alterū argumentum est, quo certò promittens Ecclesię redemptionem à peccatis suis, propiùs ipsis applicat illā quam prædicauit Dei benignitatem, & Redemptionem multiplicem. Neque enim ad fidem satis est, quòd quis in genere tantum prædicet Dei misericordiam, nisi eam miseris certò promittat, hoc est, applicet. Nam promissiones sunt totidem misericordię diuinę applicationes. Atque hinc est quòd Scripturæ

*Alterum
argumentum à misericordia
Dei ad
Ecclesiam
accommodata.*

plenæ sint promissionibus, sine quibus non est illa *πληροφορία* & fiducia spiritalis. Generalis etenim de misericordia Dei doctrina, hoc præstat nobis, non quidem tam ut re ipsa credamus, quàm ut præparentur

*Vera Ec-
clesia re-
demptio.*

corda nostra ad fidem. Notandum hoc, quòd dicit Deum redempturum Israël, non à persecutionibus, non ab externis aliquibus malis, verùm à peccatis ipsius omnibus: neque enim redemptio Ecclesie tam cernitur in eo, quòd ipsa redimatur à malis huius mundi, quàm in eo ut redimatur à peccatis suis. Nam hostis omnium infensissimus est peccatū, & causa est omnium aliorum Ecclesie hostium. Omnes enim afflictiones, & à peccato sūt, & ad peccati mortificationem tendunt. Certum est enim, quòd si nullum esset in Ecclesia peccatum, nulla esset Ecclesie persecutio. Et pii quique magis suspirant sub onere peccati quàm sub alio quocumque afflictionum pondere. Christus etiam ipse mortuus est pro nobis redimendis, non tam ab afflictionibus omnibus, quàm à peccato & morte illa æterna. Denique cū illo die vindicati erimus in libertatē filiorum Dei, plenèque redempti, gloriabimur, non tam quòd redempti erimus ab omnibus aliis afflictionibus, quàm quod planè liberati erimus à peccato, ut apparet ex illo Pauli,

li, *Vbi tua, ô mors, victoria? Vbi tuus, ô sepulchrum, stimulus?* Stimulus verò mortis est peccatum: Lex autem, virtus peccati. Ecce gloriabimur in illo die, quòd liberati sumus à mortis stimulo, idque per Christum Iesum Dominum nostrum: Cui sit omnis gloria, Amen.

I. Cor. 15.
55.



PSALMVS CXXXVII.

ARGVMENTVM.

Canticum est generis mixti, didascalicum & ὑμνικόν. A quo conscriptum sit non constat: verisimile est autem scriptum esse à Propheta aliquo, idq; totius Iudaicæ Ecclesiæ iam captiue nomine. Scriptum verò videtur quo tempore abduceretur populus in Babyloniam, cumq; esset in ipso itinere, sicuti colligi potest ex primo versu. Constat autem duobus membris. *Primum*, est grauis Ecclesiæ querimonia ad vers. vsq; 7. *Alterum*, est grauis imprecatio, & Prophetica denunciatio aduersus hostes Ecclesiæ, ad finem vsque cantici.

1 *Ad flumina Babylonix, ibi sedentes, etiã atque etiam fleuimus: cum recordaremur Tzionis:*

2 *Ad salices in ea, suspendimus cytharas nostras:*

3 *Quamuis ibidem peterent à nobis cantiones lætas, qui captiuos abducebant nos, & qui contumulauerant nos, dicentes, Canite nobis de canticis Tzionis.*

4 *Quomodo fuissetis cantaturi canti-*

cum Iehoua, in solo alienigenarum?

5 *Si obliuiscar vestri, ô Ieruschalaima, obliuiscatur sui dextera mea.*

6 *Adhareat lingua mea palato meo, si non recorder tui, si non reuocem ad Ieruschalaima caput letitie mee.*

*Prima
pars psal-
mi, que-
rimonia
constans,
& fletus
causa,
nempe
exilium.*



Ad flumina. Prima pars cantici, Querimonia, in qua primum est propositio querimonie, cum dicit, etiam atque etiam fleuimus, hoc est, vehementer indoluimus. Nam Spiritus interpellat pro Ecclesia suspiriis inenarrabilibus, ut loquar cum Apostolo, Rom. 8. & dici non potest quanto mœrore affici soleat Ecclesia cum Dei manu humiliata est. Circumscribitur fletus hic & dolor Ecclesie, subiecto suo loco, quando dicit, *Ad flumina Babylonis*, id est, Monarchie Babylonice. Nam Iudæi non solum in Babyloniam propriè dictam abducti sunt, sed dispersi in ditionem Babylonicam, ut ex Ezechiele, Daniele, & Esdra, constat euidentissimè.

*Locus se-
dentis &
fletus ec-
clesie.*

Ergo locus est Monarchia Babylonica in genere, in specie verò ripæ fluminum: dicit enim, *ad flumina Babylonie*. *Ibi sedentes*, hoc est in ripis fluminum, donec traiecissent omnes. Locus istæ Babylonicæ Monarchie continet in se causam quandam fletus huius, quem proponit. Innuit enim locus exilium & abductionem

à nata-

à natali solo in terram peregrinam. Ergo *Hic locus*
 populus tunc peregrè agens, & exulans, de- *piis omni-*
 fleuit peccata sua, quæ domi deflenda e- *bus est in*
 rant. Verùm qui domi nolunt flere, ij co- *præsenti*
 guntur peregrè id facere. Nam peccata *vita.*
 semel deflenda sunt necessariò, & dolen-
 dum est propter offensum Deum, vel citius
 vel serius. Quòd si non domi doluerimus,
 certè peregrè dolendum nobis erit. Quòd
 si non in hac vita doluerimus, profectò in
 altera illa vita, vel morte potius dolendū
 erit, vbi non audietur nisi fletus & stridor
 dentium. Beati sunt qui etiā serius, qui etiā
 in exilio, qui quouis demum tempore, qui
 in quouis loco dolent de peccatis suis se-
 riò, modò dolorem suum non reiciant in
 alterum sæculum, beati sunt. Nam qui e-
 tiam serius, vel quouis etiā tempore do-
 lent atque resipiscunt in hac vita, in alte- *Impiorū*
 ra vita abstergentur ab oculis eorum om- *locus.*
 nes lachrymæ. Ac qui rident in hac vita,
 fletum autem reiciunt, in altera nullus
 erit finis vel modus fletus eorum.

Cū recordaremur. Hæc altera fletus causa *Alter a fle-*
 est. sed expressior nempe recordatio *re cau-*
tionis, hoc est, Hierosolymorum, vbi erat *sa, Eccle-*
 visibilis ac aspectabilis Dei præsentia. Nā *sia disti-*
 qui exulant à Deo, ij demum sentiunt quā- *passio.*
 tum boni sit vel in hac dei præsentia, quæ
 est in visibili ipsius Ministerio, & quātum

mali sit in ipsius absentia : Nos dum præsentem Deum habemus in ministerio suo, eúmque intuemur quodammodo in speculo illo Euangelij sui , non agnoscimus quàm vel ea ipsa de causa felices sumus. At si iusto Dei iudicio sit futurum vnquã, vt auferatur ex oculis nostris hoc speculũ Euangelij, & Ministerium hoc externum, tum quidem re ipsa sentiemus quanta miseria sit eo destitui. De iis præsertim loquor , qui aliquam aliquando soliti sunt percipere voluptatem ex sincera hac Verbi prædicatione & Sacramentorum administratione. David in exilio constitutus, *Hæc recordans, inquit, effundo in me animam meam, me solitum esse transire in turba, gradi cum illis ad domum Dei, &c.* Ecce David exulans ab Ecclesia Dei visibili, doluit supra modum. At quæ causa? nempe quia vnà cum Ecclesia solitus erat gradi vsequæ ad domum Dei, cum voce cantus & laudationis : hoc est , quia solitus erat voluptatem non mediocrem percipere ex externo illo & visibili Ministerio. Itaque iam exul agens , recordatio illius voluptatis atque lætitiæ spiritualis mouit illi dolorem non mediocrem.

Confirmatio à testimonio & exemplo Davidis.

Dolor pro-rium, qualis sit.

Hic admonendi sumus , quòd iste dolor, ex recordatione cælestis illius lætitiæ, non sit dolor mûdi huius: verum dolor ille qui

qui vocatur secundum Deum, qui profectò plus habet lætitiæ admixtum, quàm est vniversa huius mûdi lætitia, etiam doloris omnis expers. Nam pij quique, dum dolent, sentiunt interea cum inenarrabilibus suspiriis, cõiunctum esse gaudiũ ineffabile.

Ad salices, &c. Amplificatio quædam *Fletus*
propositi fletus ac doloris. Fleuit Ecclesia *piorum*
& omnia instrumenta ac materiem omnẽ *amplifi-*
consolationis abiecit: qui enim seriò & ex *catio.*
animo dolent, iis omnis lætitia & lætitiæ
materia solet esse dolori. Contrà verò omnis
tristitia solet esse voluptati. *Sunt mi-*
hi lachrymæ pro cibo, dicebat David. At cuiusmodi erant Cantica illa, cuiusmodi instrumenta quæ abiecit, erant sancta, erant
Domini Cantica, qui seriò & sanctè etiam *Psa. 42. 43*
dolent ne sanctos quidem cantus admit-
tunt. Nam quo tempore nos deiecit Dominus, atque humiliat, eo tempore magis
nos decet fletus, quàm cantus, dolor, quàm
lætitia. Affligitur aliquis inter vos? oret. æ- *Iacob. 5*
quo animo est? psallat. Omnia enim tem- *13.*
pus habet: tẽpus est flendi, tẽpus est canendi.

Quamvis ibidem. Amplificatio est proximi facti, nempe abiectionis instrumentorum, & materiæ omnis lætitiæ, à contrario imperio & mandato Babyloniorum, qui cùm populum Dei captivum abducebant, abducentes requirebant à populo *Amplifi-*
catio facti
ex lætitiæ
repudiata
ai 1000
γία.

*Deus la-
ritia au-
thor.*

cationes latus : sed ne horum quidem au-
thoritate ac imperio adducta est Ecclesia
ad canendum. Humiliatus enim Dei manu
animus , nulla hominum authoritate erigi
potest , neque prece neque precio adduci,
vt lætetur. Solus deus est qui vt humiliat,
ita potest erigere animum humiliatum.
Indidit Canticum nouum ori meo. Nota
deinde, quòd addit , *qui captiuos nos abdu-
cebant*, quasi dicat: Ij ipsi qui nobis causa e-
rant trinitia, requirebāt vt nos ipsis mini-
straremus lætitiā. Innuit autē hīc aliquid
absordi , neque enim exhilarandi sunt dei
& Ecclesiæ hostes: ita enim placebunt sibi

*Psal. 40.
4.*

*Impij pī
flentibus
& gaude-
tibus in-
sultant.
Hebr.*

13.9.

in sua malitia. Vides hīc rursus Babylonios
ne attingi quidem vllō sensu præsēntis
doloris Ecclesiæ. Nesciunt impij vel quis
sit dolor , vel quæ sit lætitia piorum. Ipsi
euanescent in cogitationibus suis, neque
penitus animo percipiunt vel dolorem, vel
gaudium verum ac genuinum : cor enim
eorum non stabilitur gratia.

*Impioma-
dato pī nō
obtempe-
rant.*

Quomodo fuissetis. Causas affert Eccle-
sia, cur ne authoritate quidē Babyloniorū
adducta sit ipsa ad canendum, vt scias non
satis esse, si ex affectu aliquo obstinato &
animo obfirmato resistamus superiori po-
testati: (potestas n. Babyloniorū tū fuit in
populū ex dei ipsius volūtate atq; ordina-
tione) nisi subsint causæ iustissimæ ac gra-
uissimæ.

uissimæ. Est autem prima ratio à profanatione sanctorum cantuum, quæ intelligitur his verbis, *Cantica Iehoua*, hoc est deo sacra: deinde, *In solo alienigenarum*, hoc est, in terra profana, inter profanos. *Cantica enim Iehoua*, hoc est, deo sacra, canere in terra alienigenarum, ad libidinem profanorum hominum, quid aliud fuit quàm profanare res deo sacras? nam exponere res quascumque sacras, siue Verbum dei, siue Sacramenta, siue aliquid eius generis, libidini impurorum hominū, qui non quærunt in iis vel ædificationem aliquam sui, vel dei gloriam, sed impuram oblectationem, quid quæso aliud est, quàm margaritas porcis obicere?

Si obliuiscar. Altera ratio ab obliuione Hierosolymorum & Ecclesiæ dei, in hanc formam struitur: Si nunc canerem, inquit pius cœtus, hoc esset obliuisci Hierosolymorum & Ecclesiæ dei. At non obliuiscar Hierosolymorum. Ergo non canam. Nota igitur, quid sit canere vel lætari interea dum Ecclesia dei affligitur aliquo modo. Nihil profectò aliud est quàm obliuisci Ecclesiæ. Contrà verò dolere cū Ecclesia dolente, quid aliud est quàm recordari Ecclesiæ? Testamur enim nos rationem habere Ecclesiæ dei eamque nobis curæ esse ex hoc communi affectu, & hac *συμπάθεια* qua

Altera ratio, Ecclesia amor cum quadam reuerentia coniuncta.

Obliuisci & recordari Ecclesiæ, quid.

Rom. 12.
15.

*Quicumque
ridet
Ecclesia
flente, tã-
dem fle-
bit, Eccle-
sia. Verò la-
tebitur.*

fit nimirum vt lætemur cum Ecclesia lætã-
te, doleamus cum ea dolente. Assumptio
huius syllogismi non nudè est proposita,
sed cum execratione qua imprecatur sibi
malum, dextræ nimirum suæ impotenti-
am, si ea cytharam percusserit, linguæ suæ im-
mobilitatem, si cecinerit. Nimirum hoc fa-
cit, quia certò expectabat malum aliquod,
& insigne Dei iudicium, si futurum esset vt
obliuisceretur Dei & Ecclesiæ ipsius. Nam
execrationes istæ & obtestationes piorum
argumento sunt, manere eos, qui obliuif-
cuntur Ecclesiæ Dei, & qui tum ridet, cum
Ecclesia lachrymatur, manere, inquam, eos
graue iudicium Dei. *Si non reuocem.* Hæc
amplificatio est præcedentium verborum:
q.d. Non tantum recordabor, sed præpo-
nam atque anteferam Ecclesiam Dei capi-
ti lætitiæ meæ, hoc est, lætitiæ meæ vel ma-
ximæ. Non enim satis est recordari Eccle-
siæ, sed oportet eam omnibus rebus aliis
anteponere.

7 Recordare, Iehona, contra Edum eos diei
Ieruschalaimarum: qui dicebant, nude, nu-
date, quantisper fundamentum eius erit in ea.

8 Gens Babylonica vastanda, beatus sit, qui
rependet tibi maleficium tuum quo affecisti nos!

9 Beatus, qui prehendet, & dissipabit paru-
los tuos, allidens ad petram!

Recor-


Recordate. Altera pars Psalmi, seu impre- *Alterā*
 catio aduersus Edumæos, & denuntiatio *pars Psal-*
 Prophetica in Babylonios. Primum itaq; *mi, impre-*
 in medio dolore, postquam suam capti- *cationem*
 uitatem deplorauit Ecclesia, conuertit se *& prophe-*
 ad Deum, precatúrque vicinis suis Edumæis *ticam de-*
 exitium. Conuertit se deinde ad Babylo- *nuntiatio*
 nios, & aduersus eos iudicium certò futu- *nem con-*
 rum denuntiat. Discimus Ecclesiæ huius *tinens.*
 exemplo, ex quo affectu debeant proficif-
 ci imprecationes quæcunq; & denuntia-
 tiones in hostes Dei: Nempe ex tristitia
 & dolore cordis, non ex leui aliqua animi
 cōmotione. Cum enim ex dolore & mœ-
 stitia proficiscuntur, tum quidem graues
 sunt, & suo tempore certum iudicium ac-
 cersunt: secus leues sunt & Deum prouo-
 cant ad iram magis aduersus nos ipsos quā
 aduersus inimicos nostros. Nota, quòd ad
 Edumæos attinet, Non legimus eos vnā
 cum Babyloniis euertisse ciuitatem Dei:
 tantum acclamabant Babyloniis, interea
 dum ipsi destruerent Hierosolyma, *Nuda-*
te, Nudate, inqueiebant, *ô Babylony:* ideoque *Hostes Ec-*
 eodem cum Babyloniis iudicio implicati *clesia va-*
 sunt. Qui assentiūtur impiis, & persecu- *riæ quidē*
 toribus Ecclesiæ, vel verbo, vel animo, illi *facies, sed*
 quoque in numero persecutorum cen- *idem cor*
 sentur, & cum ijs pariter iudicabuntur.
 Quòd ad Babylonios attinet, Non modò

*Fauet
Deus ijs
qui in per-
secutores
Ecclesiao
pro Domi-
ni pera-
gunt.*

denuntiatur aduersus eos iudicium, sed & pronuntiatur, atque promittitur instru-
mentis futuri illius iudicij Dario Medo,
& Cyro beatitas: vt sciamus benedictos
esse qui agunt opus Domini diligenter, vt
è contra maledictos esse qui agunt opus
Domini negligenter. Beatitas pronuntia-
tur futura etiam iis, qui tamen in illo o-
pere nō tam Deum ante oculos habituri
essent quàm dilatationem Imperij sui.
Quantò magis igitur beati futuri sunt, qui
dum opus Domini faciunt diligenter,
propter Dominum ipsam id faciunt, vt ei
sit omnis gloria operis sui, in solidum, &
in sempiternum. Amen.

F I N I S.











4
663

I

